

W. Skolimowski


Year 9 LC

7 Grace L

891.99

9-71





ψ υ ν φ λ

ζ τ φ η ψ λ





Տիգրան Զեօկիրեան

« ՆԱՀԱՏԱԿ ԳՐԱԳԵՏՆԵՐՈՒ ԲԱՐԵԿԱՄՆԵՐ »

ՄԱՏԵՆԱՇԱՐ — ԹԻՒ 7

891 99

2-71

ՏԻԳՐԱՆ ԶԵՕԿԻՐԵԱՆ

Վ Ա Ն Ք Ը

Հ Ե Ր Ո Ս Ը

3554



Printed in France

Փ Ա Ր Ի Զ

1 9 3 3

17 JUL 2013

49974

Այս գիրքէն տպագրուած է 50 օրինակ
Լաֆիւմա բդրի վրայ, բուագրուած 1—50 և
450 օրինակ մասնաւոր վելէն բդրի վրայ
բուագրուած 51—500:

ԲՈՎԱՆԴԱԿՈՒԹԻՒՆ

Էջ

Տիգրան Զեղկիւրեան	9
1. — Վանիլ (Վարդապետի մը օրագիւը)	15
2. — Հերոսը (Վիպակ)	157

17992-58

ՏԻԳՐԱՆ ԶԷՕԿԻՒՐԵԱՆ

Տիգրան Զէօկիւրեան ծնած է 1884ին, Տրապիդոնի նահանդին Կիւմիւշիսանէ քաղաքին մէջ։ Մանկութիւնը անցուցած է Տրապիզոն։ Նախ՝ հօրմէ որբացած, աւելի վերջը կորսնցուցած է նաեւ իր մայրը։ Տասներեք տարեկանին կ. Պոլիս էր, ուրկէ, չենք գիտեր ի՞նչ պայմաններու մէջ և որու կողմէ, 1897ին, զրկուած է Գաղատիոյ (Էնկիւրի) Կարմիր Վանքին որբանոցը, ուսանելու համար։ Այս հաստատութեան մէջ մնացած է մէկ տարի, ուր անցուցած կեանքը մասամբ նկարագրած է իր Վանքը վէպին մէջ։ Պոլիս գարձին ապաւէն կը դտնէ նախ Գաղլը Զէշմէի որբանոցը, և յետոյ Պէրպէրեան վարժարանը, ուրկէ շրջանաւարտ կ'ելլէ 1907ին։

Պէրպէրեանի մէջ, իրբեւ աշակերտ, մասնաւոր սէր ունէր աշխարհագրութեան, պատմութեան և գրականութեան դասերուն համար, ինչպէս նաեւ նկարչութեան, ցոյց տալով որոշ ընդունակութիւն, գծելով իւղանկարներ։ Սիրահար էր նաեւ մարդական խաղերուն։

Սորվեցնելու հակամէտ՝ ասպարէզ կ'ընտրէ ուսուցչութիւնը։ Նախ Սկիւտարի նոր Թաղի Ճեմարանին մէջ, իրբեւ օդնական ուսուցիչ՝ աշխարհագրութեան և պատմութեան, և յետոյ Պէրպէրեանի մէջ 1907էն սկսել։

Տիգրան Զէօկիւրեան Պէրպէրեան վարժարանի մէջ իր
անհրաժեշտ տեղն ունէր, և յարգուած էր առհասարակ թէ՛
ուսուցիչներէն և թէ աշակերտներէն, այս վերջիններուն
վրայ ունենալով վր հեղինակութիւնն ու ազդեցութիւնը:

Նախ գիշերօթիկ, յետոյ այցելու ուսուցիչ, Պէրպէր-
եանէն զուրս ալ Պոլսոյ ազգային և անհատական վար-
ժարաններուն մէջ միշտ պաշտօններ ունեցաւ:

1908—1915 տարիներուն, Սահմանադրութեան հոչա-
կումէն մինչեւ Տարադրութեան և Եղեռնի մեծ թուականը,
Տիգրան Զէօկիւրեան ինքոփնքը նուրիբեց նաեւ հանրային,
մշակութային ձեռնարկներու, միշտ գործօն մասնակցու-
թեամբ: 1909ի Մարտ 31ին, Համիակի կողմէ փորձուած
պետական հարուածին ատեն, Զէօկիւրեան Սկիւտար է,
ու կը գործակցի յեղափոխական կուսակցութիւններուն:

Այդ օրերու կեանքէն ու տիպարներէն քաղած է այս
հատորին երկրորդ վիպակը՝ Հերոս անունով, առաջին ան-
դամ լոյս ընծայելով իր և Մ. Շամտանճեանի կողմէ հրա-
տարակուող Ռատան եռամսեայ մեծ պարբերագրին մէջ:

Սկիւտար բնակած ատեն, օժանդակած է Յառաջդի-
մական Միութեան գրական-գեղարուեստական ձեռնարկ-
ներուն, և անդամակցած Պոլսոյ Ուսուցչական Միութեան:

1910ին և 1912ին, օգտուելով գլուխական տարեվեր-
ջի արձակուրդներէն, ըրջեցաւ եւրոպական դրեթէ բոլոր
ոստանները: Իտալիա, Հոլանտա, Ֆրանսա և այլն:

Դպրոցէ դպրոց, թաղէ թաղ, բեմէ բեմ, և երկրէ
երկիր հեւ ի հեւ վաղքին մէջ, Տիգրան Զէօկիւրեան սոր-
վելու և սորվեցնելու տենդէն բոնուած էր. իր նկարադրին
էական գիծը կը կաղմէր այսպէս հանրանուէր գործու-
նէութիւնն ու սէրը:

Գրական առաջին փորձերն ըրած է դպրոցին մէջ.
արձակ քերթուածներ էին անոնք, Յունական երգեր վեր-
նագրով: Ոէթէս Պէրպէրեան գնահատական տողերով
յառաջաբան մը զրած է այս հատորին համար, ձեռագիրը
յետոյ ներկայացուած է Կրթական նախարարութեան,
տպագրուելու արտօնութիւն ստանալու համար: Արտօնու-
թիւնը ստացուած է թէեւ, սակայն քերթուածներուն վրայ
յապաւումներ կատարուած ըլլալուն հետեւանքով, հեղի-
նակը նախընտրած է տպագրութեան չի յանձնել: Իրմէ
զանազան գրական հանդէսներու և տարեցոյցներու մէջ
լոյս ընծայուած Արձակ երգերը, հաւանականաբար Յուն-
տեսի երգերէն փրցուած էջեր էին:

Օսմանիան Սահմանադրութեանէն յետոյ, Զէօկիւրեան
Բիւզանդիոն օրաթերթին մէջ հրատարակեց կարդ մը
պատմուածքներ, որոնք յետոյ կաղմեցին Հայրենի այսներ
դրքոյկը: 1911ի Յունուարին, Միք. Շամտամճեանի հետ
հիմը լրաւ Ռատան հումսեայ պարբերաթերթին, որմէ
լոյս տեսան միայն վեց թիւեր, ուր Զէօկիւրեան հրատա-
րակեց իր վնքնուրոյն և թարգմանածոյ կարդ մը գրուածք-
ները: Մառագրած է նաեւ բազմաթիւ գրախօսականներ,
Մեհեկան ստորագրութեամբ: Թարգմանած է Կի տը Մո-
րասանի Պուլ տը Սիւլիֆը և Լէօնիտ Անտրէէվի կարմիր
ծիծաղը, Քրանսերէնէ: Բացի ասոնցմէ, պոլսահայ զանա-
զան օրաթերթերու, հանդէսներու և տարեցոյցներու մէջ
հրատարակած է արձակ և ոստանաւոր բանաստեղծութիւն-
ներ, գրախօսականներ և այլն: 1914ին լոյս ընծայեց իր
վերջին վէպը, Վանիքը:

1914ին է, որ Տիգրան Զէօկիւրեան դէպի Բարձր Հայք
ճամբորդութիւն մը կ'ընէ: Վան համելուն պէս, կը սկսի
համաշխարհային պատերազմը: Երբ Պոլիս կը դառնայ

Թուրքիա դուրս ելած էր արդէն իր չէզոքութենէն : Տ .
Զէօկիւրեան կէս փախստական կ'ապրի , դասեր տալով
Դպրոցամէր Տիկնանց վարժարանին մէջ : Տիգրան
Բերա , իր եղբօրը Յովհաննէս Զէօկիւրեանին հետ կը
բնակէր . մտաւորականներու ձերբակալութեան յաջորդ
կիրակի օրն է , որ կը ձերբակալեն նաեւ Տիգրան Զէօկիւր-
եանը , ու կ'աքսորեն Այաշի բանալ , իր գրչի և գաղափարի
ընկերներուն հետ , որոնց վիճակուած ճակատագիրը
ամենուն յայտնի է :

ՆԱՀԱՏԱԿ ԳՐԱԴԵՑՆԵՐՈՒ ԲԱՐԵԿԱՄՆԵՐ

Մ Ո Ւ Տ Ք

Ազգային Հիւանդանոցի բժիշկ մտերիմ մը՝ յանձնեց
ինձ քուղքերու այն ծրաբը , որ 99ի տխուր օրերուն՝
Ազգին Տան մէջ մեռնող երիտասարդ Վարդապետի մը
կտակած միակ հարսութիւնն էր եղած :

Դասաւորելով այդ էջերը , զանոնի հրատարակու-
թեան կուտանի՛ «Վանի՛» (Վարդապետի մը Օրագիրը)
անունին տակ :

Տ . ԶԵՕԿԻՒՐԵԱՆ

Ա Ա Ն Ք Ը

(ՎԱՐԴԱՊԵՏԻ ՄԸ ՕՐԱԳԻՐԸ)

Ա .

Նոյեմբեր . . .

Երկու շաբաթ է որ հոս եմ : Առաջին օրերու ծանր
տալաւորութիւններս մեղմիւ սկսան ու վարդապետի,
գրեթէ շա՞տ միօրինակ, մենաւոր կեանքս՝ դտաւ իր
սովորական ընթացքը :

Բայց ինչո՞ւ տեղափոխութիւն մը ասանկ յուզէր
դիս . չեմ կրնար ծածկել օրագրի մը մտերիմ թուղթերէն,
առաջին օրերու ձանձրոյթովն ու անստուգութեամբ բա-
ւական տառապեցայ :

Ապրած էի մենարանի կեանքը իբրեւ Արմաշի աշա-
կերտ . յետոյ զայն լիութեամբ ճաշակած՝ սարկաւագու-
թեանս փորձի օրերուն, ճանչնալով կամաւոր զրկման
ազնիւ այլ տրտում զդայութիւնը, ամայի խուցերու մեր-
կութեան մէջ՝ սառերիս հետ մտերմացած այն ատեն՝
երբ ապաշխարանքի պասուքը իմ սիրտս կը լեցնէր յաղ-
թութեան երազներով, որովհետեւ կը կարծէի թէ նուի-

բազետական բարձրացումը ինծի պիտի հետեւէր, տիրացնելով զիս ծաղկեալ, ոսկեհուռ, հանդերձանքի, մատանիներու և լանջախաչի մը՝ որոնցմով մեր տգէտ ու զառամ եպիսկոպոսները կը ծանրաբեռնուին։ Ինչո՞ւ հիմա ալ չի յուսամ՝ քանի որ քսանըվեց տարեկան եմ, ուներիտասարդ։

Երբ Պոլիս ինկայ, կարծեցի թէ վանականի օրերուս հրաժեշտն էր ալ. կը սկսէր քաղաքին ժխորալի, հեւ ի հեւ կեանքը՝ զոր երազած էի երկար տարիներ և ուրիշ հիմա հաճելի յիշատակներ ունիմ. շատ երիտասարդ, դրեթէ երկչու պատանի, երկրորդական թաղի մը քարողիչ կ'ըլլայի։ Հազիւ ցանցառ յարաբերութիւններ հաստատած, ընտանեկան ջերմին մթնոլորտը վայելած, ահա կը նետւիմ գաւառի մը անկիւն՝ այս վանքը, քաղաքէն հեռու, մենաւոր բնութեան մը դրկին մէջ։

Առաջին օրերը, մանաւանդ գիշերներս լի եղան մթաղին տպաւորութեամբ, ինձ այնպէս կը թուէր թէ չպիտի կրնայի հանդուրժել վանական նոր մթնոլորտին։ Պոլիսը, շքեղ տեսարանը, իր փողոցներն՝ ուր կը պտըտցընէի իմ սեւ ստուերս անայլայլ երեւոյթով, սակայն աշխարհիկ տենչանքներուն յոյզովը լի, խուցս, բարեկամներս կը կանչէին զիս։ Զո՞ւր կոչում ըրի պարտականութեանս զգացման, որովհետեւ նուիրական դործ մը կը ծանրանայ վրաս. հոս զրկուած եմ այս նորաբաց Որբանոցին տեսուչ, իրը հայր բիւրաւոր որբերէն մէկ երկու տասնեակին՝ որոնք անագորոյն ջարդերու զոհ, պիտի գան այս հովանաւոր յարկին տակ պատսպարուիլ։

Գոնէ այդ մտածումը զիս հանդարտեցնելու հանդամանքն ունէր, բայց չեմ գիտեր ինչո՞ւ անզգայ կը մնայի. կարծեմ քանի մը գիշեր ալ լացի։ Արդէն տեղէ տեղ

փոփոխութիւնը միշտ ճնշած է վրաս, տղայութեանս օրերն ալ ունէի այս դիւրազգածութիւնը։

Բայց առաջին շաբաթէն յետոյ, յամբարար գտայ պաղարիւնս և հիմա համոզուած եմ վանքին վարժուելու դաղավարին, ու թերեւս օր մը սիրեմ զինք. կարծածիս նման ամայի չէ, օրէ օր նոր դէմքերու կը հանդիպիմ։

Վանահօր հետ արդէն բարեկամացանք։ Մարդ մը որ վաթուունը մագլցած ըլլալու է, եթէ ցատկած չէ. խաչի սփոռցի մը նման կարմիր դէմքին վրայ, մեղրագոյն և խղոս աչքերը հազիւ կը փայլին, սեւ մօրուքը ալեւորիլ սկսած է. գոմէշի անայլայլ կերպարանք մը՝ մէկ խօսքով։ Անդամները, իրանը, գիրուկ են. ե՞ս ալ արդեօք օր մը իրեն նման պիտի ըլլամ, պարարտ անասուն մը և կեանքս անփառունակ այս վախճա՞նը պիտի գտնէ վանքի մը լերկ որմերուն ետին։ Բնա՛ւ, ծայրագունութիւնը՝ որով կը պարծենայ այս մարդը, չի գոհացներ զիս։

Թերեւս շատ փառասէր եմ, բայց իմ երախտաւոր և բանիմաց ուսուցիչներէս Օրումեանը կը կրկնէր միշտ՝ «փառասիրութիւնը մեղքերուն էն ներելին է»։

Սակայն ատելի մարդ մը չերեւիր վանահայրը. իր ընդունելութենէն գոհ եմ. զուարձախօս է։ Զարմանալի է որ ազգային Աղէտէն չէ աղդուած ու յոյս չունի որբանոցին յաջողութեան. տեսակ մը չկամութիւն ալ կը ցուցնէ։ Հոդ չէ', իրմէ աւելին ուզել անյարմար է, կեանքին մէջ զաստիարակուած կ'երեւայ, քան դպրոցին, և առաջին պարագան անանկ փայլուն վկայական մը չէ։ Շատ ալ տգէտ է, չունի հայերէնագիտութեան մասին մեր նոր լոյսերը, պատմաքննական մէկ երկու կողմնակի հարցերուն՝ Խորենացին իր մեծագոյն աղքիւրը եղաւ. ծիծաղելի՛ գլուխ սա Խորենացին. կարծեմ «Հանդէս



թէ այդ լաւատեսութիւնը ուրկէ^օ կուղար. ապահովուած կը խօսէք. թերեւս մարդարէական յայտնատեսութեամբ:

Զէ՛, ես թէեւ նուադ փորձ, անյոյս եմ հայուն ապագային մասին. մեր աշխատանքը զուր է, քանի որ մեծ շահերու մէջ յածող պղտիկ շահ մըն ենք. ասով միասին չպիտի ջլատուիմ, ատիկա յատուկ է ծեր և հարուստ վարդապետին, եղիսկոպոսներու, որոնք ազգէն վշտացած և անկէ քէն ըրած ըլլալու երեւոյթը կ'առնեն՝ զայն կեղեգէլէ վերջ: Երիտասարդ եմ, ապագայ ունիմ, գոնէ անանկ խորհած եմ յաճախ, ու մանաւանդ մասնակցելով աղդիս տառապանքին՝ անոր ծառայած ըլլալու գոհունակութիւնը կ'ունենամ:

Անդրադարձայ նոր հաստատուելիք որբանոցին վրայ. պարզեցի իրեն ծրագիրներս. շինել վարժարան մը թեմապարզեցի իրեն ծրագիրներս. շինել վարժարան մը թեմապարզեցի իրեն ծրագիրներս. որ կատարուած է կիսովլին, կան դրամահաւաքութեամբ, որ կատարուած է կիսովլին, ուսուցիչներ գործի հրաւիրել՝ ու շրջանին համար սերունդ մը ստեղծել՝ որ լուսամիտ և չարքաշ ըլլայ. քահանաներ կամ կուսակրօններ պատրաստելու միտք չունիմ, որովհետ շատ են:

— Յետոյ՝ մեր շահերը... կը վտանգուին ըսի. ժպտեցաւ:

Իրը այս ամէնուն երաշխիք՝ կարելի էր Վանքին ընդարձակ հողերը մշակել տալ, բազմացնել դուսարը, մեղուաբուծութիւնը զարդացնել ու նաեւ արտասահմանէն բարերարներ ճարել:

— Դժուար է հոս որբանոց մը պահել, վրայ բերաւ խօսակիցս, բայց ժամանակ մը կրնան պատսպարուիլ այդ խեղճերը. վանահայրը ծոյլ է և թշնամի ատանկ ձեռնարկներու. միայն թէ՛ յուսահատելու չէ՛, զաւակս...

Զաւակս բառը՝ իմ վեղարաւորի արժանապատուու-

թիւնս կրնար վերաւորել, բայց այս մարդուն կողմէ ըսուած՝ դիս որդիական սիրով կը լեցնէ. իրա՛ւ մանկան մը սիրտը կը կրեմ, երկչուտ, դպայուն՝ այլ փառասէր տղու մը: Պատիւներ չեն ասոնք ինծի համար, հարկաւ օր մը պիտի փոխուիմ բոլորովին:

Խօսակցութեան թելը խղեցի, հեռացնելու համար ծերունին տրտմալիր յարաբերութիւնը՝ անցեալ մէկ երկու տարիներու արիւնոտ օրերէն. յանկարծ հարցուցի՝

— Վանքին մէջ շատ ձեռագիրներ կա՞ն:

Խօսքս հազիւ կրցայ վերջացնել. տեսայ որ այս հակած ծերունին՝ շտկեց իրանը, ժպտեցաւ, ու շփոթութիւնս տեսնելով, վստահեցուց զիս զուարթօրէն:

— Ձեռագիրները ընկերներս են, ընտանիքս ու զաւակներս: Ընտանիք մը՝ որ մէկ քանի հարիւր անդամներ ունի...

Տանըլից տարի առաջ կորսնցուցի կինս ու զաւակներս. յետոյ արկածի մը հետեւանքով ոտքս կաղացաւ. այս տեղն ինկայ իրը անկար վարժապետ մը՝ օգնելու համար Վանահօր: Ամիսներով տանջուեցայ մենութեան ու կարօտի արցունքներով. վանքը ժիշերի վարժ ուսուցչի մը տեղը չէ վարդապետ:

Օր մը, ատիկա իմ կորած սրտիս յարութեան օրը պիտի ըլլար, ժամուն պահարաններէն մէկուն մէջ քանի մը սնտուկ զտայ: Բացի. իսուն ի խուռն, փոշոտ ու քայլքայուած դիրքեր էին. հետաքրքրուելով մաքրեցի զանոնք, անոնց պարունակութիւնն ալ փորձեց զիս, համակրանքը չուշացաւ և ի վերջոյ անոնց խորին սիրովը լեցուեցայ:

Գեղաղարդուած ձեռագիրներ էին, մազաղաթեայ սաղմոսարաններ, աղուէսագրքեր, բժշկարաններ, աշուղական սիրոյ տաղարաններ: Պրապտումներս առաջ տանելով

գտայ նաեւ նկարներ, հազուագիւտ գեղեցկութեամբ, ու
մինչեւ հիմա ալ վանքը խուզարկութիւններուս ապերախտ
չէ գտնուած։ Ասոնց հանդէպ իմ բուռն զգացումս չեմ
կրնար բացատրել. թուղթի մազաղաթի այդ կտորներուն
համար ունեցած ճշմարիտ սիրահարութիւն մըն է...

Բայց զուր չէ ատիկա. կը յիշեմ՝ որ մանկութեանս
խորին հիացմամբ և ակնածանքով կը նայէի մեր Անդրէաս
պատուելիի գծած ծաղկեայ գիրերուն. ժամերով կը յառէի
անոնց, փորձելով ընդօրինակել. անյաջողութիւնս բար-
կութեան և ամօթի լացով հաղիւ կը գոհանար։

Վանական այս խեղճ կեանքին մէջ, այդ դանձերուն
հաւատարիմ պահապանի ունայն գերը պիտի կատարեմ
մինչեւ մահս՝ գոհունակ սրտով, մշտ կարդալով հինե-
րուն իմաստութիւնն ու սիրոյ գոհարները և աչքերս ան-
յագօրէն յառելով ձեռագրերու նկարազարդ էջին ու նկարի
մը պարզ՝ այլ զգայուն երանդներուն։ Զեմ յուսար որ՝
յադենամ օր մը։

Տատրակներու թոփշին ծափը՝ կասեցուց իր խան-
դալառութիւնը, ելաւ գետեղը երթալու։

— Տակաւին շատ անգամ պիտի տեսնուինք ըսաւ,
լա՛ւ բարեկամներ կրնանք ըլլալ։ Ես ալ աղնիւ հոգիի մը
կարօտը ունէի։

Միկթարուած՝ ձգեցի զինքը. օրագրի այս էջերը
անկեղծութեանս արձագանդն ըլլալու են. կը խորհիմ որ
այս անձը թանկագին է ինձ համար. ընկեր մը, նոյնիսկ
հայր մըն է, ես ալ սիրած եմ արուեստը թէեւ շատ բան
մը չեմ հասկնար անկէ։

— Ա՛հ... անո՞ւնը... այս՛. Եղիազար էր, մինչդեռ
իմինս Արտակ է ըսի իրեն։

Գ.

Նոյեմբեր . . .

Մէկ քանի օրէն որբերը պիտի հասնին, հետեւաբար
զբաղիլ պէտք էր։ Իրա՛ւ ալ մաքրել տուի ամբողջ թաղ
մը. անհրաժեշտ եղածը տեղաւորեցին, նորէն ամէն
վայրկեան լրացնելու պակաս մը կայ։ Աղքատ մնացած
վանք մը և ժողովուրդը կրնա՞ն աւելի տալ։ Քաղաքէն և
շրջակայ թեմերէն օդնութիւն կը հասցնեն յուղիչ անձնուի-
րութեամբ. երիտասարդներ կ'երթեւեկեն քաղաքէն Վանք,
բերելով՝ ինչ որ տնանկ ժողովուրդի մը ազնիւ սիրու
կ'ընծայէ իրբեւ նուէր, վերմակներ, անկողին, սրբիչ,
գուլպաներ, հին զգեստ, երբեմն նպարեղէն և ափ մը
սլուղ, ո՞վ գիտէ որ դառամ այրիէն տրուած՝ անդարձ
յիշատակի մը իրը յարգանք։

Պ. Եղիազարը, բաւական խորհեցայ պատուանուն մը
գտնել բարեկամիս, պարոնը յարմարագոյնն է, հետո է
միշտ։ Աշխատութիւնս իր ներկայութեամբ կը թեթեւնայ. երկու տնտեսուհիներն ալ՝ հրահանգներս կը կատարեն և
կ'աշխատին յուղիչ հլութեամբ մը. մին տժգոյն, հիւանդ-
կախ ու կքած պառաւ մըն է, որ մեղմ ձայնով մը կը
խօսի ու բարի ժամանակ կայ գէմքին վրայ, միւսը նուազ
տարէց, համարձակ ու աշխոյժ. գաւառի մէջ ապրած
կին մը չերեւիր։

Ես ալ ամէն կրօնաւորի նման, քիչ մը հնագանդու-
թիւնը կը սիրեմ։ Իրենց հաճոյակատարութիւնը անձս իմ
աչքերուս վեր կը բռնէ։ «Մայրիկ» կ'ըսեմ մէկուն, միւ-
սին՝ «քոյր»։ ատով իրենց գոհունակութիւնն ալ կը զգամ։

Առջի օր չարաճճի աղջկան մը ամօթիսած և թաքուն
ժպիտը նշմարեցի «քոյր» բառին վրայ. ո՞վ էր այդ

Օրիորդը: Նոր կը տեսնէի զինք. հետաքրքրութիւնս դու-
հացաւ վերջապէս:

— Տնտեսուհիներէն՝ Անուշի միակ զաւակն է որ հոս
Վանքին մէջ կը մնայ, ըստ Պ. Եղիազարը:

Այս կարճ բացատրութիւնը գուարթ տրամադրութիւն
մը արթնցուց մէջս:

Շուշա՞ն, ի՞նչ աղուոր անուն աղջկան մը համար,
վանքը կը մնայ միշտ. ինծի ի՞նչ. չեմ գիտեր, բայց չեմ
ալ կրնար արգիլել որ ատով չզուարթանամ: Հոս տեսակ
մը ընտանիք կազմելու է՝ ուր որբերուն հետ ես ալ գտնէի
խանդադատանքի բաժինս:

Ալ միշտ կը հանդիպիմ Շուշանին, բակը, վանքին
մեծ դրան առջև տարածուող գերեզմանատան շիրմներէն
միուն վրայ նստած, կամ ժամուն դրան ստուերին մէջ:
Ժաղտուն աղջիկ մը կ'երեւի, թէեւ զինք տրտում ալ կը
տեսնեմ երբեմն. ի՞նչ բանի վրայ կը մտածէ. սիրո՞յ մը,
որո՞ւ վրայ կրնայ խորհիլ... Բայց իրաւ որ գեղեցիկ է
այդ խարսիշահեր աղջիկը, առոյդ, ներդաշնակ մարմի-
նով, սպիտակ ձուաձեւ դէմքի մը վրան խաժ աչքերով,
երազի հակամէտ, որոնց ուղղակի չեմ կրնար նայիլ.
Ինչպէս որ անոնք իմ վրաս ալ ինկած չեն տակաւին, սա-
կայն անոնց անմեղ անուշութիւնը կը տեսնեմ երբ մօրը
նայի: Տասնեւութը տարեկան մը պէտք է ըլլայ. արբունքի
տարիք, թէեւ այդ բառին ճշգրիտ իմաստը չեմ գիտեր.
Ի՞նչ կը զգան աղջիկները այդ տարիներուն մէջ. տարտամ՝
այլ բաղաւի է այդ բառին իմաստը ինձ համար:

Իրա՞ւ գեղանի է Շուշանը. ես գիւրահաւան մը չեմ,
զեղեցկութեան մասին իմ վերապահումներս ունիմ ու
թէեւ վարդապետ՝ սակայն Պոլիս քարողչութեանս միջոցին
երբեք անտարբեր եղած չեմ կիներու աղուորութեան:

Կան վարդապետներ որոնք յարաբերութիւն կը մշա-
կեն կիներու հետ. աղտո՞ւ և ցանկալի բան: Բայց իրա՞ւ
կը պատահին ատանկ բաներ, քանի որ անոնց արձագանգը
մեր ուսանողութեան շրջանին իսկ Արմաշի Վանքէն ներս
սպրդած էր:

Երկչու և ամօթխած՝ ես գոհացած եմ աչքերու
յառումով, ու այն սարսուով՝ զոր իդական մօտաւորու-
թիւնը շատ անդամ տուած է ինծի:

Այսպէս՝ երբ կը լրացնեմ կազմակերպելու աշխա-
տանքս, հետաքրքրութիւնը կը մղէ զիս դէպի դուրս:
Վաղը զբաղած սլիտի ըլլամ, հետեւաբար կ'օգտուիմ աշ-
նանային օղերու աղուորութենէն: Պոլսոյ մէջ՝ աշնան,
մայիսի գորովագին մթնոլորտը վայելած եմ յաճախս, հոն
զարմանալի չէ, բայց Վանահօր ըսածին պէս, իմ բաղդէս
է որ հոս տակաւին ձիւնի օրերը սկսած չեն:

Կէս օրերէն վերջ՝ երբեմն կ'իջնեմ գետեզր: Իրական
գետ մը չէ. ջուրի ստուար սահանք մը՝ որ գաշտերուն
մէջ կ'ոլորուի ու կ'անհետի հորիզոնին վրայ: Զուրը
եզերող ուսիները արդէն տերեւաթափ են, հմայքէ զուրկ,
ու հիմա խարազանի մը լարերուն նման հակող ճիւղերնին
կ'օրօրուի մանր հովերէն իսկ. շաւագին է իրենց տեսքը:

Չեմ գիտեր ինչո՞ւ երկարօրէն կը գեղերիմ այս
գետակին ափունքը՝ դիտելով հոսանուտին խալերը,
դալարումներն, փրփուրներու անօրինակ եռումն ու
մարիլը:

Շարժելու, վազելու, երթալու այս անիմաստ յա-
տէրժութիւնը, հողիս իրեն կը կապէ. թերեւս լա՛ւ է
ջուրերու նման աղատ ըլլալ, արկածիլ հեռաւոր ափերու
վրան, կամ անհետիլ կապտագեղ ծովերուն գիրկը:

Ինչո՞ւ վարդապետի մը կեանքը կայուն է, լճացած։
Յաճախ կարելիութեան մը վրայ խորհած եմ ու մեզի
սահմանուած անձուկ կեանքին ի տես տիսրած։

Ի՞նչ է այս սեւ պերճանքին բոնութիւնը բնութեան
անեզը ադասութեան դէմ։ Կը սխալիմ, կամ զո՛ւր է
մտածելը։ Վարդապետներս աւելի ասլահովուած ենք աշ-
խարհին դէմ։ մեր կեանքը չի նմանիր դասատուի մը
դրկուած գոյութեան։ Եկեղեցին մեր հովանին է, և եթէ
անկարելիութիւններ կան, մոռնալու չէ որ առաւելու-
թիւններ են ատոնք։

Հստ բաղդի՛ գետնէն առնուած գաւազանով մը
գետափի շարժուն ջուրերը ծեծելով կը հետեւիմ անոնց
ընթացքին։

Հոսող ջուրը՝ արեւին ճերմակ ցուրերը կ'անդրա-
դարձնէ աչքերուա՝ մինչեւ որ մերկ ծառաստաններէն
հասնիմ ամայի ու լերկ դաշտերն՝ ուր տեղ կալի
դեղնութիւններ կան, և յարդերը՝ ոսկեգոյն, դեղնորակ՝
նախ կէտի մը, ապա լայն շրջանակի վրան մանրիկ, դիւ-
րահաս, ժպտուն պար մը կը դառնան։

Տարածութիւններ՝ որոնց վրայ ծառերու այրած
տերեւններ անօդուու կը դեգերին հովերու քմայքին անձնա-
տուր, մինչ յետամնաց սաղարթներ ճիւղերուն վրայ
կոծելով, թափառելով օդին մէջ՝ կ'իյնան վար ու հրելով
դիրար կը հաւաքուին անկիւններ հոս հոն։

Աշունն է աս՝ որ ձմրան թախիծը կը հազնի ու ար-
դէն ուրուային, վերասլաց բարտիններու կատարին վրայ
կուլայ իր հրաժեշտի երդը։

Դաշտորէն ընդարձակ է. ակնարկդ հազիւ կրնայ
հորիզոնը չափել, ժամերով կրնայիր պտտիլ, առանց այս
հողերու սահմաններն ընդգրկելու։

Լքուած են, կամ անանկ կ'երեւին այս ամէնը, պէտք
է շահագործել հողերը եւրոպական միջոցներով։ Ճիմա
մասամբ կը հաւատամ յախուռն երիտասարդներուն որոնք
կը գատապարտեն մեզ իբր վանքերու հաւն ու հաւկիթը
ուտող, ինքինք պարարտացնելէ զատ բանի չի խորհող։
Կ'ատեմ կղերականութիւնը անպէտ համարողներն, այդ
տիպարները արհամարհանքի արժանի են, բայց իմ երի-
տասարդ, լուսաւորեալ Արմաշականի միտքս չի մերժեր
քննադատութիւնը, աններողութիւնը կաթոլիկ կամ հայ
զառամ վարդապետներուն յատուկ է։

Պատցնելով քայլերս անդերու կորու ու խոպան հո-
ղերուն վրայ, կարծես կը լսեմ գետնին տրասունջը. հողը
ինձ կը խօսի բարիքներու մասին՝ զորս իր արդաւանդ
ծոցը կը պահէ։ Թող չնորհւաս վանքը ծաղկեալ օրեր
տեսնէ, որովհետեւ ափ մը հող անմշակ պիտի չմնայ Ար-
տակի տեսչութեան օրով։

Խորհելով այսպէս՝ գաւազանովս կը խցեմ բաւական
խոչոր սեւ ծակեր, որոնք գետնին մակերեսը, մաղուած
հողերու փոքր կոյտի մը քով՝ սեւ աչքերու կը նմանին։
Խլուրդները բացած ըլլալու են, իրենց մասին խօսուած է
մեզի մեր դպրոցականի օրերուն. տարօրինակ կենդանիներ
են, ինքնատիպ ու կարճատես. մեր մանկութեան ընկեր-
ներէն մէկուն պատուանուն էր իւլուրդը։ Հողին տակ
անհամար փաղուղիներ կը բանան ու ի վերջոյ մշակու-
թեանց արմատներ կը փնացնեն. քիչ մը մեզի կը նմանին
իրենց գոյնովն ու գործունէութեամբ, մենք ալ անոնց
պէս՝ ընկերութեան առաջ բերած արդիւնքով կ'ապրինք
ու կը սիրենք գաղտապողի գործել։

Երբեմն ասանկ յիմար բաներ ըսելու սովոր եմ, ի
վերջոյ մերժելու այդ տարօրինակ յղացումները։

Հոդ չէ, երբ մինակ եմ, կրնամ ասանկ անյարմար ճշմարտութիւններ որոնալ, բայց երբ շրջանակը պաշտօնական դառնայ խնդիրը կը տարբերի և դուն, Արտակ, բնաւ յիմար պիտի չըլլաս աշխարհականներու մէջ, նոյն խակ կատակի համար, ըսելու անպատուող բան մը դասկակարգիւ համար :

Մինչ գաւազանս կը գործէ գետնի այդ բացուածք-ներուն մօտ, խիղճս ալ վրդովիլ կը սկսի. թերեւս կենդանիները կը մեռնին հողին տակ : Գաւազանս հետ՝ վեր կ'առնեմ գլուխս ալ : Տեսարանները նոր են ինձ համար, այս դաշտավայրը յենած է յամբօրէն կորնթարթող բլրակներու. անոնցմէ միուն քղանցքին վրայ կ'երեւի վանքին մեծամարմին մութ զանգուածը՝ որուն շրջապատ պարիսպին մէջն կը կանոնի ժամուն գմբէթը, կանանչ մամուռի բիծերով՝ հնամենի, կարմիր որմերու վրայ՝ որոնց մէջ նեղ սպատուհաններ աղեղնաձեւ յօնքերու տակ կ'ապաստանին, ու մանաւանդ գեղեցիկ է զանգակատունը իր ցած և նուրբ սիւներու կամարներուն վրայ յենած :

Ի՞նչ ոճ է այս. փակեղի նմանող այդ գմբէթները որո՞ւ ձեռքով շինուած են :

Լա՛ւ հիմնուած է այս վանքը. նոյնիսկ գեղեցիկ է պիտի ըսեմ : Կ'ըսեն թէ Հայաստանի միւս վանքերը յաճախ միօրինակ տեսք մ'ունին, իրենց գորշ զանգուածը, անփառունակ երեւոյթ մը կուտայ անոնց :

Վանքին, իր առաջ փոռուող տերեւաթափ ողարտէգ-ներուն ու շիրմաստանին ետեւ բլուրները լերկ են հիմա. վիպաղիր մը զանոնք կրնայ նմանցնել սապատաւոր ու ծունը դրած ուղտերու : Կը նայիմ այդ գեղնամոյն, սեւուրակ բարձրութեանց. հիւծեալ կանաչի մը բիծերը կը կրեն ուսուցիկ ուսերնուն վրայ, խրամատուող բաց-

ւածքներ կ'երեւին մարդոց և կենդանիներու ոտքին ստեղծած արահետներուն կից, որոնք խարդախ դարձուածքներով անհետելէ վերջ փոսերու գիրկը, նորէն գլուխ կուտան, կը դառնան ու կը մարին գառիվերի մը մէկ անկիւնը :

Անհրապոյր, լերկ բլուրներ՝ որոնց վրայ ուբուրի մը ստուերը կը պատուածքի երբեմն, կաս-կապոյտ երկինքին տակ :

Վանքը հաճոյութեան տեղ մը չէ. այսքանէն ալ գոհ եմ, ինչպէս ըսի գեղեցկութիւն խակ կը տեսնեմ այս բուլորին վրայ : Գեղեցկութիւնը վարդապետի մը հոգւոյն մէջ պէտք է ապրի, ինչպէս սուրբ Նախահայրերու սիրաը անով սնաւ : Հոգեւորականը յետին թշուառութեան մէջն խակ մխիթարութիւն պէտք է որոնէ և մխիթարութիւնը գեղեցիկ գործի մը գոհունակութենէն կը ծագի :

Երբ մեծ արահետը կ'իյնամ, ցամքած առուի մը կաւոտ, կծկուած անկողնէն անցնելով, կը հանդիպիմ եզներէ և գոմէչներէ լծուած խոշոր սայլերու՝ որոնք խար կը կրեն. չոր խոտի բրդացած կոյտեր անոնցմէ զուրս կը յորդին և անօսր թէյի բոյը կը յագեցնէ իրիկնամուտի մթնոլորտը. կը շնչեմ ու նիհար կուրծքս կը բարձրանայ հաճոյքով : Սսիկա գեղջկական բան մըն է, որ մանկութիւնս կը յիշեցնէ ինծի :

Սայլերը յամբօրէն կը թաւալին խորտ ու բորտ արահետներէն, մինչ անխւներուն երկարօրէն միօրինակ ձայնը՝ երաժշտութեան մը պէս կը լեցնէ հոգիս. բուրում և երաժշտութիւն ներդաշնակութիւն մը կը կազմեն ու այս ներդաշնակութիւնը համաձայն է սատուածային կամաց՝ որովհետեւ մաքուր է իր տարբերուն մէջ :

Բնկերանալով հեղ ու տրտմական անասուններուն,

մինչ անոնք կը կենան գոմերուն մօտ, ես կը բարձրանամ
վանքին մեծ դրան առաջ փոռող զերեզմանատունը:

Գետակի կամրջակէն անդին, մեծ ուղիին վրայ ոս-
կեզօծ փոշիներու մէջ թաւալող հեծեալներ, հետիներ,
սայլեր կը նշմարեմ, չեմ գլուեր ո՞ւր կ'երթան. սակայն
երանի՛ իրենց...

Իրիկունը եկած կ'ըլլայ արդէն. հեռուն մանիշակի
խիտ երանդի մը վրան հորիդոնը կարմիր է միշտ, կաթ-
կըթող արիւնի կարմրութեամբ, անկէ վեր ոսկեգոյնն ու-
ծիրանին կը թոռուրուան, մինչ գենիթին վրայ լուրթ կա-
պայտը տժգունած է...

Երանց ու ծովերու վրայ պերճ վերջալոյսեր տեսեր
եմ, հիմա դաշտայինը կը վայելեմ. ինքնատիպ չէ, բայց
շատ թարմութիւն կայ ասոր մէջ, զով երանդներ վառ
դոյներու կը յաջորդեն և տափաստանները մշուշին տակ
յամրօրէն անորոշիլ կը սկսին:

Բարոյախօս, մեծահմուտ Տուրինեանը, տարակոյսը
մշուշին կը նմանցնէր, կ'ըմբռնեմ հիմա որ ուսուցիչս
լիօրէն իրաւունք ունի: Ամէն բան այս տարօրինակ վար-
շամակին ներքեւ իր էութենէն բան մը վրայ կուտայ,
տարակուսէի կը դառնայ: Լաւ չէ՞ աշխարհի բաներուն
վրայ նայիլ մշուշի մը ընդմէջէն, ու տարակոյսի երկրա-
յանքին մատնելով ամէն բան՝ ժպտիլ ամէն իրերու խո-
րին, անտարբեր այլ աղնիւ հեղնանքով. այսպէս կ'ընէր
երախտաւոր ուսուցիչս Տուրինեանը...

Կը սկսի մթնել. քանի մը աստղ մայրամուտի հորի-
զոնին վերեւ աչուկ կ'ընեն: Պահապան շուներու խոսքու
և ընդհատ հաշիւններէն կը սթափիմ, դոմի բակին մէջ
մակաղող անասուններու քանի մը զիլերը դեռ կը հնչեն:

Կը մտնեմ կամարակապ մթին դռնէն վահք. դէպի

բակ տանող անցքէն ելած սկահուս՝ նեղ պատուհանէ կը
նշմարեմ ժամուն մէջ հսկող միակ կանթեղը՝ որ խաւարին
մէջ աղօտ ճառագայթներու ոստայն մը կը սարսուացնէ:

Գիշերը՝ կ'երթամ խուցիս մենութեանը ապաւինիւ,
նույիրուելու համար Նարեկի աստուածային էջերուն:

Դ.

Դեկտեմբեր . . .

Որբերը եկան:

Ասիկա ուրախութիւն է ինձ համար՝ բայց նաեւ
մտատանջութեան և տրտմութեան առիթ մը: Ինչո՞ւ այս
կրկնակ զգացումները. կը սպասէի այդ անժառանգնե-
րուն, իրենցմով լեցուած տեսնելու համար վանքին
ամայութիւնը, կը խորհէի թէ անոնց խօսքերն ու քրքիջը
կրնային տաքցնել վանքին մթնոլորտը: Հաւանաբար
այդպէս ալ պիտի ըլլայ:

Զգացումներուս երկրորդը աղէտին անողորմ չարու-
թենէն կը ծնի, իրա՛ւ այդ ափ մը տղոց, տասնեւհինդ
որբերու մերկ կարաւանը՝ աղդային բոլոր թշուառութեան
ամփոփումն է:

Ամէն օր գրեթէ հետերնին եմ, իրենցմով կը զբաղիմ.
բայց շոայլած գուրզուրանքներուս հետ տեսակ մը ցաւ և
ոլժողանք ալ կը զգամ: Այս պիտի ըլլար խոստովանու-
թիւնս. բայց անհնար է զօրաւոր զգացում մը պարտկել:

Ցնցոտիներով եկան, գլուխնին բաց, գրեթէ բոկոտն:
Երկար, դժաւոր, աղտոտ էնթարիներ հազած էին, որոնց

քղանցքները կարմիր դօտիով մը բռնուած էր մէջքերնուն
վրայ, ուրկէ աղտոտ թաշկինակի մը ծայլը կը կախուէր
վար: Հագուածքի այս այլանդակութիւնը կրնայ դար-
մանուիլ, սակայն ի՞նչպէս դարմանել վիրոտած, քոսոտ
այդ գլուխները:

Բացի սիրունիկ տղեկէ մը, ամէնն ալ բորոտներու
կը նմանին, աղոտէն կեղ կապած է մարմիննին: Ուրիշներ
կան ցաւոտ աչքերով, թարախոտած կոպերով: Բայց
դոնէ մարմիննին առոյդ է, դարմանալի է որ անբաւարար
սնունդը այտերնին ներկած չէ տժդունութեամբ:

Աղջիկներու նման ամէկոտ են, օտարոտի և անվարժ
շարժուածքնին ատ ցոյց կուտայ: Իրարու հետ կը
խօսութիւն լեզուով մը որ կոկորդային ու քիչ մըն ալ
երաժշտական է. Տէր Աստուած՝ Հայաստանի մէջ ո՞րչափ
դաւառարբառ կայ:

Կղերականներուս համար կ'ըսեն թէ քարսիրտ ենք.
թերեւս ասիկա տէրտէրներուն և կարդ մը վարդապետնե-
րու համար ճիշդ ըլլայ, ինծի համար երթէք: Ես չեմ
կրնար տոկալ այս բոլորին, խառնուածքս չի ներեր: Կը
յիշեմ որ մանկութեանս՝ կարեկից գտնուած եմ ժամուն
դրան մօտ կայնող խեղանդամներուն. յաճախ հեծկլտալով
լացած եմ Խաւարումի գիշերը գլուխս դրակալի շարպիկն
տակ ծածկած, երեւակայելով Քրիստոսի շարչարանքները:

Բոլորն ալ սեւ պատմութիւններ ունին, զորս քա-
շելով իրենց գիւղերէն հետերնին բերած են: Հետաքըր-
քըրուելու է ամէնուն ալ կեանքով, որովհետեւ ներելի չէ
մէկուն մտադիր ըլլալ ու միւսներուն մերժել պատմելու
նոյն մխիթարութիւնը: Բարեբաղդաբար պարզօքէն կը
պատմեն, առանց յուղումի, իրբեւ շատ բնական և սո-
վորական բան մը: Պատմութիւնները տարբեր սկիզբը՝

նոյն վերջաւորութիւնը ունին, միշտ նոյն ոճրական
վախճանը: Մէկուն հայրը փողոտած են, ուրիշներունը
կացինով սպաննած կամ թոպամահ ըրած:

Մանրամասնութիւններ կան՝ որոնց բանականու-
թիւնը հազիւ կրնայ հանդուրժել, չի կրնար հանդուրժել,
և մեր Եկեղեցւոյն ինձ ներշնչած ներողամտութիւնն իսկ
կ'ընդպղի:

Ինչո՞ւ կողոպտել, այրացաւեր դարձնել երկիր մը,
տարբեր գործիով ու ձեւերով բիւր վէրքեր ստեղծել
մարդկային միսին վրայ, հողին նետել հարիւր հազարա-
ւոր կորիճ կեանքեր: Ինչո՞ւ չընել այս ամէնը պիտի ըսէր
Այլազգը... Աստուածային կամքը այս ոճիրներուն ի՞նչ-
պէս կը հանդուրժէ: Անհաւատները իրաւունք կը ստանան
և թէ մեր ժողովուրդին մէջ օր օրի նուազող հաւատքը
այդ վիճակին կը ծնի:

Յանդուգն մտածումներ են ասոնք, յանդուգն՝ վար-
դապետի մը համար, որ կուրօքէն հաւատլու է շատ
անդամ, որովհետեւ հաւատքը ուրիշ բան չէ այլ անբա-
ցաւրելի բաններու հանդէպ տարերային պաշտամունք մը:
Ի՞նչ ընեմ, չեմ ալ կրնար արդիլել այս մտածումները:

Երբեմն դիտմամբ սարէն ճորէն կը խօսիմ, զուարթ
ակնարկութիւններ, սրախօսութիւններ կ'ընեմ, խօսակ-
ցութեան նիւթերը հեռացնելու համար սպանդի օրերէն:
Անօդուտ կ'ըլլայ. մի՛շտ նոյն ցաւատանջ վերջաւորութիւ-
նը, նոյն արիւնի նաղարաթն է, աղէխարչ անցեալ օրերու
արձադապանդը:

Յետոյ աւելի յուգիչ բան մը կայ: Անցեալ տարուան
նախճիրը՝ վերջակէտը դրած է իրենց մանկական չնորհալի
ու թերեւս երջանիկ յիշատակներուն: Դէպէէն ասդին կը
սկսի կեանքերնին. անցեալին կը նային իրբեւ առասպել-

ներու շփոթ աշխարհի մը, շատ անդամ չեն յիշեր իսկ գայն՝ իբր թէ երէկ ծնած ըլլային:

Առաջին գիշերները խաղաղ անցան, քանի որ ննջարանները այցելելով կը լսէի իրենց խոր և հանդարտ չնչառութիւնը, իսկ հիմա երբ իրենց գիշերային տրտունջներն ու գաղտ հառաջները կը լսեմ, կ'ըմբանեմ թէ երկարատեւ ճամբորդութեան մը յոդնութեան արդիւնքն էր նախկին մէկ երկու օրերու անդորրութիւնը:

Այժմէն փոքրը, Խաչերը, արթուն կը տեսնեմ միշտ. ինչո՞ւ չի կրնար քնանալ այդ փոքրակազմ տղան. միակն է որ լաւ հազուած ու հիւանդութենէ զուրկ էր: Ան ի՞նչ սիրուն տժգոյն դէմք մը, դորշ — կանանչ մեծ աչքերով, որ ազնուական ու մեզմ շարժումներուն հետ յոդնած ու թախծալի արտայայտութիւն մը կուտայ իրեն: Իմ փայտիանքներուս կը պատասխանէ լոին՝ այլ արտասուած լիր ակնարկներովը, անդամ մը միայն պնդումներուս տեղի տալով պատասխանեց թէ մօրը վրայ կը խորհի: Բնկերները ըսին թէ կ... քաղաքի մեծադոյն հարուստն էր հայրը. տանը պարտէզին մէջ՝ իր թուրք ծառաները սպաննեցին, զլուխը հոր մը նետելով, իսկ մարմինը աւագանին մէջ: Խաչեր ինքն ալ կը յիշէ այս մանրամասնութիւնները:

Բարերախտաբար որբերու հասնելէն քիչ վերջ՝ եկաւ մեր ուսուցիչը: Շաբաթ իրիկուն եկեղեցիէն վերադարձիս տեսայ զինք շփոթած, հարցական դէմքով մը: Ներկայացուց իր յանձնարարերը և ծանօթացանք իրաբու:

Քառասունի մօտ անձ մը, միջակ հասակով, խիստ դիմագծերով. դէպի թարթիչներն հակող թուխ յօնքերուն տակէն շեշտակի կը նային իր սեւ ու այրած աչքերը:

Խեղճ ուսուցիչ, շատ տառապած կ'երեւայ և ո՞վ չի տառապեցաւ այս երկրին մէջ: Հակառակ խիստ երեւոյթին՝ ձայնը մեղմ է, վեհերուտ ելեւէջով մը՝ որուն մէջէն թերեւս յանդուղն այլ աղնիւ հողի մը կը խօսի:

Զարմանալի չէ՞, առաջին հանդիպած բոլոր անձերու մէջ՝ տեսնել կը կարծեմ ունեցած երազներուս իրականացումը ու գրեթէ միշտ ալ սխալած եմ: Դիւրախաբ սրտի մը յարածուփի կեանքն է իմինս. համակրանքն ու ատելութիւնը չուտով բոյն կը դնեն հոգւոյս մէջ, չուտ ալ կը մարին:

Կրնայ ըլլալ որ սխալիմ ուսուցչին մէջ տեսնելով աղնիւ բաներ. հոդ չէ, լաւ է խաբուիլ, ապրելու մեծագոյն անհրաժեշտութիւնն է ան թերեւս...

Երեկոյին իսկ Պ. Ալեքսանդրը վանահօր տարի. Վեհարանէն մեր ներս մտած միջոցին, Հայր Վարդանը զրադած էր զոյդ մը ծիրանեղոյն տատրակներուն կեր տալով: Զարմանալի ու զուարձալի է այս մարդը. կամ իր իսկ ձեռքով զտած օղին կը խմէ, կամ կը զբոնու տատրակներովը:

Եկեղեցիով քիչ կը հետաքրքրուի, թէեւ աղօթելու կուգայ շաբաթ երեկոները: Զուարթ տրամաբանութեամբ ընդունեց մէզ: Երբ խօսքը ազգային հարցերուն շուրջ դառնալ կը սկսէր, կրկին իր տգիտութիւնը երեւան բերաւ: Այս մարդը ամէն ըան կ'արհամարհէ, սկեստիկ ծիծաղի մը հետ ուսերը ցնցելով: Խրիմեանին վրայ կը խնդայ:

— Ես անոր հետ տասը տարի ապրած եմ, ինչ ըլլալը գիտեմ... յետոյ բոլոր յեղափոխականները յիմար ու ազգաւեր են, կը կրկնէր:

Գիշերը՝ երկարօրէն խօսեցայ Պ. Ալեքսանդրին հետ.

բնիկ Մշեցի է, ուսուցչական պաշտօնով շատ մը դաւառ-ներ պատաժ: Դէպքին կորսնցնելով ամէն բան, ծնողք, եղբայրն ու քոյրերը, իրը ամուրի և մենաւոր աշխարհի վրայ՝ լաւ սեպած է վանքին մէջ պաշտօն առնել՝ նուիր-ւելու համար որբերուն: Կեանքը խոհեմ դարձուցած է զինք, շատ չի խօսիր, յարդալիր է ինձ հանդէպ, չունի Պոլսոյ շիք երիտասարդներուն անպատկառութիւնը:

Գաւառի ուսուցչին տիպարն է իր հնոտի և կարձը-ցած հաղուստներով, աղտոտ շապիկի մը վրայ առկախ, յատէտ ծուռ, վեր ելած փողկապովը, սակայն ինչ որ կ'ելլէ անոր ներքին էութենէն ջինջ կ'երեւի: Հայերէնը շատ մաքուր է, գաղափարները հասուն են, նոյն իսկ եր-բւմն յանդնութեան կը հասնին քողարկուած բառերուն ետեւէն:

Խօսեցանք նաեւ որբերուն մասին, ճշմարիտ կարեկ-ցութիւն մը ցոյց կուտայ անոնց հանդէպ. ևս թեթեցած կը դդամ ինքնինքս, բաժնուած տեսնելով հոգածութեան բեռը:

Ե .

Դեկտեմբեր . . .

Եղիազարին ալ տարի Պ. Ալեքսանդրը: Քարէ սանդուխներէ վեր բարձրանալով, անցանք աղիւսով սա-լարկուած ու դէպի բակը նայող կամարաւոր նրբանցքէն, որ իր խցիկին կը յանդէր:

Երբ ներս մտանք, կաշեկազմ ձեռադիրներու դէզի մը մէջտեղ նստած, հին աւետարան մը կը թղթատէր:

Սենեակը շատ փոքր է, վանքին հնօրեայ կամարա-կապ խուցերէն մէկը, թանձր որմի մը մէջէն բացուած լուսամուտ մը հազիւ կը փարատէ տիրող ստուերը. պատառ մը կապոյտ կ'երեւայ չոր բլուրներու վրայէն ու քանի մը գերեզմանաքարեր կը նշմարուին:

Անկիւն մը՝ գեանէն քիչ մը բարձր է անկողինը՝ որուն դէմ օճախին խոռոչը կը բացուի սեւ երախով. անոր քովն է սեղանը ձեռագրով, կաշեկազմ գրքերով, բոլոր-ւած մագաղաթներով ու քանի մը փոքր նկարներով ծան-րաբեռն. անոնց առջեւ երկու ողորահիւս ցածուկ աթոռներ :

Որմերուն վրայ կիսալոյսին մէջ հազիւ կը զգացուէին վիշապաքաղ Ա. Գէորգ մը, Աստուածամայր մը նուրբ և յառած ակնարկով, անոր դէմ մոայլ Խաչելութիւն մը:

Ճշմարիտ մենակեացի մը խցիկը, կիսալոյս, պարզ, անկարգ, հնաւուրց իրերու չոր բայց յոզնած բոյրովը լեցուն :

Մեղ տեսնելով ցատկեց. ուսուցիչը ներկայացուցի, վարանումի ակնարկներէ վերջ վաղեմի ծանօթներ ելան: — Զէ՞ որ միասին պաշտօնավարեցինք Մ.ի դպրոցին մէջ երկու տարի:

— Ա՛հ այո, այո! Պ. Ալեքսանդր կը յիշեմ, այն ատեն շատ երիտասարդ էիր...

— Զեղի ալ շատ ծերացած կը դանեմ հիմա Պ. Եղիա-դար...

— Է՛, կեանքը կը ծերացնէ մարդս...

Եղիազարը կաղղուրուեցաւ կարծես, երիտասարդ օրերու յատուկ խանդով մը սկսաւ խօսիւ. հին յիշատակ-ներ քրքրուեցան՝ անէկտոթներով համեմուած, որոնք այնքան զուարթ ալ չէին:

Քիչ վերջ՝ երբ խօսակցութեան թելը ընդհատեցաւ, ձեռագրերու մանրանկարներն ու երփնագրերը ցուցնել ուկաւ մեղի:

Ես նկարչութենէ, զծագրի արուեստէն մեծ բաներ չեմ հասկնար: Արմաշի մէջ գտնուող նմանօրինակ ձեռագրիներն և նկարները մեր ծիծաղին կամ հեղնանքին կ'արժանանային՝ որովհետեւ մեր անցեալը հետաքրքրութեան արժանի շատ քիչ բան տուած է, ամէն բան նորէն շինել պէտք է:

Հակառակ Պ. Եղիազարի հաւաստումներուն ու սքանչացման, մեր հին արուեստի մասին հիմա ալ կարծիք նոյնն է: Պ. Աղեքաննդր. աւելի երջանիկ երեւնալու դէմք չունէր: Բայց լաւ էր ուշով հետեւիլ Եղիազարի ցուցումներուն, շահեկան բաներ ալ կը պատմէր ու կ'երեւայ թէ՝ կը հասկնայ հնութիւններն ու անոնց արուեստը: Ան կը շոյէր բոլոր արտակարգ, միամիտ կամ չարաճի դէմքով Յիսուսներու, Ս. Կոյսերու, սրբոց պատկերները, կը համբուրէր երկիւղած ուրախութեամբ անոնցմէ մէկ քանին, յետոյ կուտար անուններ՝ որոնք հեղինակներունը պիտի ըլլային անշուշտ, արուեստին դատումը կ'ընէր գնահատելով գոյներուն փայլը, տոկունութիւնն ու բաղադրութիւնը:

Ցոյց տուաւ շատ փոքր, կրծուած, քայքայուած ձեռագիր մը՝ որուն վերջին էջին վրայ գոյներու բաղադրութեանն ու խառնուրդին մասին ծանօթութիւններ կային, ու մենք ապշահար սա անծանօթ նորահնչիւն անունները կը լսէինք, զատիկ, դեղնախունկ, կոէզ, զափրան, որդան...

— Մեր նախնիք տասներորդ դարէն առաջ սովորութիւն չունէին ոսկեջուր գործածելու, Բիւզանդիոնէն

առնուած է անոր գործածութիւնը, Կիլիկեան շրջանին. ես ունիմ հազուագիւտ զարդագիր մը՝ որուն մէջ Յիսուսի լուսեղէն պսակը բնական գեղինով մը յօրինուած է, բայց անանկ դեղինով մը որ ոսկեփոշի պատրանքը կուտայ, հոտ էր մեր նախնեաց ճարտարութիւնը, գոյներով մետաղին փայլը կեղծել:

Պահ մը լուելէ և մեզ դիտելէ յետոյ աւելցուց՝ — Ես ալ առաջին օրերուն բան մը չէի հասկնար ասոնցմէ՝ որովհետեւ տղէտ էի, տղէտ մը որ խորունկ սէր ունեցած է զծուած ամէն բանի ու ներկի ճարտարութեան: Զետպհետէ մտերմանալով անոնց, սկսայ համը լեզուի մը հմտանալ, որովհետեւ սիրելու համար հասկնալ, բացատրել պէտք է, անանկ չէ՞ վարդապետս: Տեսէք սա կարմիրն ու կանաչը. ինչպէս դաշնաւորեր է դանոնք Պիծակի ձեռքը. հապա սա արագի՞լը որ կը կտցահարէ գալարուած օձ մը, աւելի բնական կրնա՞յ գծուիլ օձին շարժումն ու յուղումը:

Մեր նախնիք գիտուններ, հանճարեղ արուեստագէտներ, սուրբեր էին:

Իրենց գործերը յաճախ այնքան իրական ու կենդանի են որ ուրախութենէս կը սկսիմ պարել: Ծերունի յիմարի մը քմահաճոյքը համարէք թերեւս գովեստներս ու դնահատումս. այդպէս չէ, մենք փառաւոր անցեալ մը ունեցած ենք, վկայ մեր տաճարներն ու անոնց մէջ նիրհող արուեստը:

Մենք չենք ճանչնար պիտանին, կենսականը, մեծը՝ Հայ Արուեստը, և զայն խաւարին մէջ թաղած ենք, բորբոսող մութին մէջ լոյսի զանձեր ունինք. ո՞վ պիտի հանէր զանոնք մէջտեղ, կղերականութիւնը որ պաշտօնի, հացի, դերքի, ամբարյութեան անելին մէջ զիրար կը

բղկտէ ու կը մատնէ . մտաւորականութիւնը որ բռնութեան տակ կը հիւծի ու վատասերիլ կը սկսի :

Գիտեմ ի՞նչ ոճիրներ կը գործուին վանքերուն մէջ ամէն օր , ինչ գլուխ-գործոցներ կը փճանան : Բայց աւ բաւ է , կարծեմ շատ առաջ գացի ...

Նշանակելի լուսթիւն մը պահեցի , կարծես զգացնելու համար Եղիազարին թէ իր ակնարկութիւններէն առնուածէի . բայց այդպէս չէ , կը սիրեմ անկեղծութեան չափազանցութիւններն իսկ ու ո՞վ գիտէ թէ իրաւացի չեն այս ծերուկին ըսածները ...

Եղիազարը կրկին ձեռք առած էր Սաղմոսարան մը՝ որուն մեղմօրէն ծխուած , առոյդ և ողորկ թերթերուն կարմիր գլխատառերով տողերէն , սեւ երկաթագրերու պարզ , անկեղծ խստութիւնը կը ցայտէր :

Բայց իրօք՝ յիմար մը չէ՞ այս մարդը , խորհեցայ :

Կը չափազանցեմ նորէն : Ամէն մարդ կիրք մը ունի . Եղիազարինը մագպաթի սէրն է , երիտասարդինը աղջկան մը . միշտ այս սէր բառը հառաջ մը կ'արթնցնէ կուրծքիս տակ : Սէրը լայն առում ունի : Իր բիւրաւոր ձեւերէն միուն կարելիութիւնը եթէ կը պակսի ինէ , միւսները հոս են , կապուած այս սեւ վերարկուին և նուիրական պաշտօնիս :

— Այո՛ , այո կրկնեցի մտովի , Եղիազարը աղնիւ մարդ է , իր կիրքը անմեղ , արդար կիրք մը , կիրքերուն էն գեղեցիկը թերեւս , արուեստի սէրը ...

Վերադարձին՝ երբ բակէն կ'անցնէինք տեսայ Շուշանը , իր ժպիտը անմեղ ու արտում երեւցաւ ինձ , մէկ երկու հարցումներ ըրի իրեն , երբ հեռացայ քովէն , տեսայ որ դէպի խոհանոց կը վազէր՝ խուճապ ձգելով տատ-

բակներուն մէջ . ասիկա սովորական պատկեր մը միտքս բերաւ ու կրկնեցի՝

— Ահա՝ տատրակ մը որ խուճապի կը մատնէ տատրակները :

Գոհացայ դիւտովս , որովհետեւ գրականութիւնը կը սիրեմ . շատ անդամ օրաթերթերու մէջ հաճոյքով կարդացուած են կեղծանունով դրած նկարագրականներս ու Հայ Եկեղեցւոյ բարեկարգութեան մասին քննադատական յօդուածներս :

Զ .

Դեկտեմբեր . . .

Շաբաթէ մը ի վեր կը ձիւնէ :

Ցուրտ հովերու կամքին անձնատուր սահմանաւոր դորշ միջոցին վրայ , ճերմակ մասնիկներ յիմարներու պարը կը դառնան :

Երկար կը մնամ պատուհանին առաջ , դիտելու համար մթնոլորտը լեցնող այս եռուզենքը : Թերեւս գէշ է ասանկ հաճոյանալ , դուարթութիւն գտնել բանի մը մէջ՝ որ ուրիշներուն թշուառութիւնն է . ի՞նչ կ'ընեն հիմա բիւրաւոր անտուն և մերկ Հայերը : Այս մտածումը լուրջ բան մըն է՝ բայց ես անդիտակից հրճուանքով մը , կրկն անձնատուր կ'ըլլամ ձիւնամբիկներու վայելքին :

Ձիւնը՝ պահ մը խոշոր հատերով , տատպամսումով , խաղաղօրէն կը թափի , բայց ահա մեծ խուճապ մը կը լեցուի մթնոլորտին մէջ , հովը ապակիններուն կը դարնէ

ապիտակ մը իր սպիտակ ափերով. տեսութիւնս ան ատեն կը կասի, կը մարին տեսարանները, մինչեւ որ ձիւները հալին ու արցունքներու պէս վար սահին, այն ատեն նորէն ծայր կուտան մասնիկներու անակնկալ, չարաճճի թափառումները, վաղքն ու գահավիժումը:

Իրա՛ւ որ շարժումը գերազանց բան մըն է, թէեւ նախասոկրատեան իմաստուններէն ոմանք կուրանային դայն:

Այդ յարաշարժ սպիտակ քօղին մէջէն Մայր-Բնութիւնը կ'երեւի անյոյդ, ստոյիկի մը պէս կրելով մոռացումի և մահուան պատրանքը: Վանքին պարտէզը, գետեղի ուռիները, առուակներու վերեւ ցցուող ուրուամարմին բարտիները, քանի մը որմերու սեւ կողեր չեն կընար դաշտօրէին մերկութիւնը մեղմել:

Մե՛րկ, մե՛րկ կուսակրօնի մը սրտին պէս, իմ սրտիս պէս... փոյթ չէ, այս տեսարանը լաւ տրամադրութեամբ կը լեցնէ զիս և երգելու պէտքը կը զգամ:

Հիմա օրուան գործերս և երկու ամսուան վարժութիւնը Վանքը հաճելի ըլած են ինծի: Որբերուն վիճակը բարելաւուած է՝ առաջին օրերու ցնցոտիներուն տեղ քիչ թէ շատ կանոնաւոր հաղուստ շինուած. մակարոյժներու, աղոտին ու վէրքերու տակ բորբոսող իրենց մարմինները՝ շնորհիւ կանոնաւոր խնամքներու մաքրուած են:

Այս բոլորը իրագործուեցան իմ և պաշտօնեաներուս անձնուէր ջանքովը:

Պ. Ալեքսանդրը տղոց հետ է միշտ: Դասի ժամերէն դուրս օրը քանի մը անզամ ես ալ կ'այցելեմ որբերուն յարկարաժինը: Այն սենեակը՝ ուր իրը դասարան կը նստին փոքր է, վառարանին ու տղոց արտաշնչութիւնը

դէշ կերպով կ'ապականէ օդը, անանկ որ՝ ներս մտնելուդ աչքերդ կը մթագնին: Ասիկա առողջապահիկ չէ անշուշտ, բայց ի՞նչ ընել՝ ուրիշ յարմարագոյն պատսպարան մը չի կայ. յետոյ գրասեղան ալ չունին, կը նստին բազմոցներու վրայ՝ որոնք փոշիկ կայաններ են: Վանահայրը կը մերժէ գրասեղաններ շինել տալ: Ա՛խ պարարտ խոզ, որ նոյն իսկ ծայրագունութեան աստիճան ալ ունի, մինչ ես տակաւին պարզ վարդապետ մըն եմ:

Այս առառու Ալեքսանդրը ինձ կ'ըսէր՝

— Հայր Սուրբ, զարմանալի են այս տղաքը, օրերով տիսուր, լուռ ու մունջ կը նստին, ասիկա իմ յուսահատութիւնս է, իրենց վիճակակից կ'ընեն զիս ալ: Զեմ ըսեր թէ ծոյլ են, ընդհանրապէս գոհ եմ իրենց դասերէն, բայց կայ բան մը որ կը նեղէ զիրենք: Յետոյ կոուարար են, երբեմն հաղիւ թէ իրենց սենեակէն կը հեռանամ՝ ահա նախ ինդալու նոպայէ մը կը բռնուին, յետոյ ձեռք կ'առնեն իրենց բազմոցները, կը սկսի գործառուքը. աղմուկէն ներս կը վաղեմ, փոքրիկ դասարանը փոշիներու մշուշի մէջ կը կորսուի, մինչ մեծ ու փոքր գիրկընդիւառն գետնին վրայ կը քաշկոտուին, ոմանք արտասուալից ճիշերով, ուրիշներ քրքջալիր և շնչառապառ:

Միայն Խաչեն է որ այդ ամէնուն անմասն կը մնայ, լուռ կերպով այդ փոքրը կը հիւծի, եկած օրերս զինք աւելի գէր դտած էի, հիմա գունատեր է ու նիհարցած ալ է. ափ մը մարմին. բայց սիրուն տղայ չէ՞ Հայր Սուրբ, պիտի ուղէի ատանկ մանչ մը ունենալ: Դաս չի պատրաստեր, խաղալու հետամուտ չէ, քիչ կը խօսի ու խիստ նայուածքէ մը աչքերը կը լեցուին: Գիշերները շատ անդամ գլուխը վերմակին տակ քաշած կը հեծկլուայ, պատճառը կը հարցնեմ, չի խօսիր, կը շոյեմ իր այրող

գլուխը երկարօրէն, մինչեւ որ քնանայ. անդամ մը միայն ըստ թէ «կը վախնամ»:

Վախը չէ՛ միայն, մտածելով սա եղբակացութեան հասայ: Այս աղաքը հայր, մայր ունէին, թերեւս ալ բարեկեցիկ էին. երբ հայրելնին մեռաւ գոնէ մայր մը կար որ իրենց կրնար ժալտիլ. հոս բոյնէ զրկուած թռչնիկներու կը նմանին, ընտանեզուրկ, աշխարհի կեանքէն խղուած, նետուած կէտի մը վրայ, ուր վանականն ու մենակեացը անդամ տագնապի, ձանձրոյթի պահեր կ'անցնեն:

Ես վանքի որբանոցներուն մասին լաւ կարծիք չեմ ունեցած:

— Ինչո՞ւ Պ. Ալեքսանդր, հարցուցի հեղնութեամբ:

— Որովհետեւ վնասակար հաստատութիւններ են: Ի՞նչ կ'ուզէ պատրաստել վանքի որբանոց մը, մարդիկ՝ աշխարհի համար, բայց աղաքը ո՞ւր պիտի ճանչնան աշխարհը՝ որուն մէջ պիտի նետուին հաց ճարելու համար: Վանքը քիչ կամ շատ ուսում կուտայ տղուն, անոր մէջէն իւլելով ինչ որ պիտի տային տունը, փողոցը, շուկան, յարաբերական կեանք ըստուածը վերջապէս: Վանքը, տղան հաղորդակցութենէ զրկելով կը վայրենացնէ, կը խեղդէ բարի ժպիտը՝ արթնցնելով խոհանքի և տրտմութեան ընդունակութիւնը, մինչ եսը անհունօրէն կ'ընդլայնի սնունդի նիւթ դտնելով միայն ինքղինքը: Մեր բոլոր դուրսուրանքը, մայրական կամ քրոջ մը ապտակին հաճոյքը չեն կրնար տալ:

— Պ. Ալեքսանդր, ըսի, թերեւս ճշմարիտ են ձեր դիտողութիւնները, բայց առանց այս վանքերուն ի՞նչ վիճակի մէջ պիտի իյնային բիւրաւոր որբերը, բոլոր չայսատան դիմակնարան մըն է, իսկ մեր երկրին ցուրտը դիտես, ի՞նչ պիտի ընէին այս մերկ տղաքը...

— Թերեւս աւելի աղէկ ըլլային... քանի մը տարիէն ամէն բան կ'անհետի... մեր ժողովուրդը չի մեռնիր վարդապետ...:

Առաջին անդամն է որ վարդապետ բառը կը գործածէր. զժգոհութիւն մը զգացի. վարժութեան հետեւանքէ, մտերմացանք Ալեքսանդրին հետ, և մտերմութեան մէջ ներելի են ասանկ ազատութիւններ, պայմանաւ որ հանրութեան մէջ երեւան չի դան:

Ալեքսանդր կ'ըսէ թէ որբերը զոհ պիտի ըլլան վանական ցամաք կեանքին, իրաւացի է. միթէ ես ալ անոր զոհը չէ՞մ:

Կը յիշեմ շփոթութիւնս ու ձախաւերութիւնս երբ առաջին անդամ Պոլիս դացի. մինչեւ այսօր ալ նոյն անվարժութիւնը ունիմ, մարդոց ներկայութիւնը կ'ամցցնէ զիս, և սուրճ առնելու գործը, հոգ մըն է ինծի համար:

Այսպէս խորհելով անցայ ձիւնածածկ բակէն՝ ուր տատրակներու հեւքը կը տիրէր միշտ և որ հեղօրէն ու մեծափաթիլ իյնող ձիւնէն կասած էր:

Գոմը իջայ. առաջին անդամն է որ կ'այցելէի վանքին անասուններուն և հանդիսաւոր բան մը եղաւ ատիկա ինձ համար, կարծես թանգարան կ'երթայի. առոյդ սակայն տղեղ հովիւ մը զիս ներս հրեց ցածուկ դոնէն, երեսս տաքութեամբ ծածկուեցաւ, այդ չերմին մթնոլորտը զգալի, շօշափելի, իրական էր կարծես, զայն դիմակի մը նման կը կրէի դէմքիս վրայ: Կիսախաւարին մէջ կենդանիները հաղիւ նշմարեցի. տապալած և հանդարտօրէն որոճացող քանի մը գոմէշ զուարթացուցին զիս, որովհետեւ յիշեցի վանահօր մասին ըրած դիւտս. եղները կանդնած էին, իրենց լեզուն մարտգի ոսկեգոյն յարդին մէջ կը նետէին անընդհատ ու լայն ոռւնգերնէն ելլող առատ

շունչը խուճապի կը մատնէր դարմանը . անոնց քով էին կաթնտու , նիհար և սեւ կովերը որոնց տամուկ դունչը ձեռներս հոտուեցին : Ոչխարներու փարախը փայտորմով մը զատուած է , հոն անցայ . ձեռքերս միսրմելով անոնց կակուղ բուրդին մէջ շոյեցի գլուխնին , ոչխարները մեւ լամազուա երեւցած են լինծի , մտամոլոր իմաստուններու կը նմանին ու անոնց նման ալ ծիծաղելի են : Ուզեցի այծ մըն ալ չզրկել չոյանքէս , սակայն յանկարծ ոստում մը ըրաւ , ու ահա բոլոր փարախին մէջ խուճապը տարածեցաւ , միւս այծերն իրենց ընկերոջ հետեւեցան ու ոչ խարներն ալ :

Շուարած էի , կիսախաւարին մէջ սեւ ու ճերմակ յորձանք մը կը պատուաքէր , կենդանիները կը հարուածէին զիրար , կ'ընդունէին , կը ցատկէին յամառ լոռութեամբ մը . զայրանա՞լ թէ ծիծաղիւ :

Հովիւը հազիւ հանդարտեցուց այս վրդովուած անասուններուն խիղճը՝ գաւաղանով զայն ի կարդ հրաւիրելով . եթէ գիտնային որ իրենց քով եղողն ալ հովիւ մըն էր որ իր կարդին ոչխարներ կը հովուէ ... թերեւս աւելի յարգալիր ըլլային :

Տարիներէ ի վեր զրկուած եմ այս գեղջկական տպաւորութենէն . օրս շատ լաւ աւարտեցի :

Կը սիրեմ խոտերուն , յարդին , կենդանական աղբին համաձոյլ հոտը՝ որ գոմի մթնոլորտն է : Ատիկա իմ գիւղիս , խե՞ղճ ու լքուած Սպեր , սաքուները կը յիշեցնէ , ուր մեր մանկութեան ձմեռ գիշերներն , օճախին ճարճատուն կրակին դէմ , մամիկներու առասպելին սարսափովը կը լեցուէինք , կամ մխացող անօսր լոյսին սահմանէն անդին աշուղի մը վէպէն վառուած մեր երեւակայութիւնը՝ կը տեսնէր ճերմակ , կարմիր , սեւ նժոյգներն իրենց

ոսկեսար թամբերով , անոնց վրայ աշտանակող չէկ , հրաչուի և կարմրաղղեստ դիւցագուններուն հետ :

Վեհարան ելած միջոցիս Շուշանին հանդիպեցայ ժպտեցաւ լինծի ... :

Ազուո՞ր աղջիկ , որքա՞ն պիտի ուղէի իրեն նման կեն մը ունենալ ... եթէ աշխարհական ըլլայի :

Ե .

Դեկտեմբեր . . .

Գիշերը խուցս քաշուեցայ , Նարեկէն հատուածներ կը կարդամ :

Այլուր՝ երբեք այսքան ըմբոնելի և վսեմ երեւցած չէր ինծի այդ աստուածային գործը : Հիմա կը հասկնամ Նարեկի ճղնարանին արժէքը : Մարդկային ձեռքերէ գիտմամբ գուրս նետուած մենաւոր և կորսուած կէտի մը վրայ է որ հոգին կրնայ գտնել անսաշխարհիկ մտածումը ու երկնային ներշնչման անձնատուր կ'ըլլայ :

Կեանքի ձեւերէն գուրի այս մենարանը՝ գիշերներու անսփոփի խաւարին մէջ , ձիւնի գթութեանն ու հողմերու պահպանութեանը յանձնուած , սրտիս մէջ կ'արթնցնէ երկիւղածութեան կայծը , ու խոռվելէ յետոյ հոգիս՝ անոր վրայ սպեղանիներու նման կը ծաւալէ իրերու իտէական և անշահախնդիր վայելումը :

Իրաւ Նարեկէն առաջին անդամ ըլլալով գերբնականին ճաշակը կ'ընդունիմ , նման մեղապարտի մը , որ

ոսկեայ սկիհէն կը ստանայ, ծիրանի գինիով օծուն հա-
ղորդութեան մասնիկը:

Այս հոգեկան վայելումներս քիչ կը տեւեն սակայն,
կը պատահի որ գիրքը գոցելէս անմիջապէս վերջ՝ օրուան
հոգերով բեռնաւորուիմ կամ թէ սիրոյ մը զօրաւոր հրա-
պոյրն դգամ:

Ի՞նչպէս մեղմել կիրքը երիտասարդի մը, ըլլա՛յ
կղերական, կարմիր արիւնին մէջ, ի՞նչպէս սպանել մտա-
ծումը որ երակներուն ջերմին սարսուոէն կ'արթննայ և
կ'ըղձայ բաներուն էն ամօթալին այլ անո՛ւշը, կինը:

Նարեկացին չտառապեցա՞ւ արդեօք կուսական մար-
մինին կարօտով. Աղթամարի մէջ յայտնուող Աստուածա-
մարը իր երազին կինը չէ՞ր արդեօք: Ապաշաւի այդքան
հզօր աղաղակներ հանելու համար, մեղքերու նոյնքան
ուժգին խածատումը դգալու է մարդ:

Ամօթալի բաներ կ'ըսես Արտակ, ամօթալի՛...

Չեմ կրցած հաշտեցնել մատղաշ տարիքն ու պարտքը՝
զոր եկեղեցին դրած է մեր վիզին անուրի մը նման: Իրա՛ւ
Նարեկն ու զբաղումներս կը մոռցնեն շատ անդամ կիրք,
բայց սպաննել չեն կրնար, անյուսավի ըոպէի մը այնպէս
կ'ելլէ նստելու մէջս՝ որ ես անոր ստացուածքը կ'ըլլամ: :
Պէտքը կը դգամ բաներու, զորոնք վայելած չեմ, բայց
համով ըլլալու են. սիրուիլ, շոյանք ստանալ, էտ մար-
մինի մը հետ առընչակցիլ կ'ուգեմ:

Ես ձախաւեր մը եղած եմ, միշտ ըսեր եմ ասիկա,
ամչկոտ մէկը, չեմ կրցած ընել այն՝ որուն արդէն տէլ
են վարդապետներու մէծ մասը: Պոլսոյ վարդապետներէն
շատեր սիրուհիներ կը պահեն, ու քանի մը եպիսկոպոսի
գաւկըներուն վրայ կը խօսուէր:

Այս գիշեր նոյն չարչարանքը այցելեց ինծի, քունը

չմօտեցաւ աչքերուս: Կիսովին հագուած գացի որբերու
յարկաբաժինը: Բարձրանալով սանդուխներէն ու մութ
նրբանցքէն անցնելով՝ գտայ ինքզինքս ննջասենեակներուն
մօտ: Լոռութեան մէջ չնչառութիւններու ալեակը կը
փուռէր մեղմին այլ յարատեւ կոծումով:

Գետնին վրայ ձգուած երկու շարք անկողիններու
մէջ թեթեւ քայլերով պտտեցայ՝ քանի մը վերմակներ
ուղղելով: Ոմանք իրարու հետ պառկեր էին, երկու վեր-
մակ ունենալու համար: Լա՛ւ չէ այդ բանը, սակայն
ցուրտն ալ անողոք է, այնքան անողոք որ քիւերէն սառի
ոլաքներ կառկախուին ու ամէն առտու քանի մը սափոր
ճաթած կը գտնենք...

Իմ սարսուոս ալ նուազ չէր. ապակինները սառեր
էին՝ ծածկուած եղեամի հաստ խառով մը. հովը կուգար
անընդհատ քերութիւն անոնց վրայ, հեռաւոր աղաղակ-
ներու՝ իր ծեծուող կողերուն դայրոյթը խառնելով:

Լոռութիւնը կը սիրեմ՝ սակայն եթէ շատ երկար տեւէ
վախով կը լցցուիմ: Ան մէջս կ'արթնցնէ միսթիքական
բան մը ու գութով կ'ողողէ էութիւնս:

Բաւական պտտելէ վերջ այդ վախը զգացի. խորհե-
ցայ լուսամուտներուն առջե, ձիւնակոյտերու տակ պառ-
կած պաղ դամբաններուն ու անոնց մէջ քայքայուող մար-
միններու վրայ: Մանկութեան օրերէս ի վեր հաւատացած
եմ չար ողիններու գոյութեան. դեռ տղայ ամէն գիշեր
ուրուականներ կը տեսնէի, որոնք զիս կը գրկէին վեր
բարձրացնելով ու կը ձգէին պարապին մէջ մէծ քրքիջներ
արձակելով, ահարեկ լաց մը կը ձգէի և ծնողքս հաղիւ
կրնային սիոփել զիս:

Երբեմնի այդ նախապաշարումներն իրենց հետքը

ձգած են վրաս, հիմա ալ թափուր վայրերու երկիւղով
կը սնիմ...

Ու իրաւ ի՞նչ է վանք մը գիշեր ատեն, մանաւանդ
ասանկ ձմեռ գիշեր մը. դամբան ափ մը մարդոց: Տեսակ
մը կղզի է ան զոր կ'արդելավակեն բնութեան անողոք
օրէնքներն, ձիւնն ու հովը:

Այցելող չկայ, չկայ ուխտաւոր, ուղեւոր մը անդամ՝
օրուան լոյսով իր մօտէն չանցնիր:

Շաբաթներէ ի վեր ճերմակ մասնիկներ կ'արշաւեն
միահարթ տարածութեան մը վրան, մոայլ երկնքի մը
տակ, իրը թէ ալ արեւուն լոյսը յուսալ երազ մը ըլլար,
ու կեանքին դառնալ պատրանք...: Սակայն գիւղեր,
քաղաքներ կան՝ ուր որչափ ալ դժբախտ ըլլան մարդեկ,
գիշերուան սա պահուն կրնան հանգիստ քնանալ կամ
նստիլ, կրնան խօսիլ բարեկամի մը, զաւակներու, հարսի
մը հետ. և մանաւանդ այս պահուն է որ կինը շրթները
կը բանայ հեշտանքին, ինչպէս ծաղիկ մը իր բաժակը
արեւի շողին:

Պահ մը մէջս մարած վրդովիչ սիրոյ զգացումով՝
նորէն լեցուեցայ:

Պոլիս քարողչութեանս միջոցին ալ կը տառապէի,
բայց կ'երեւի գոհացում գտած էի, գոնէ աչքերս ու ձեռ-
քերս զրկուած չէին. մին կը տեսնէր ու միւսը կը զգար
շրթներու տաքութիւնը:

Հոս զրկուած եմ բոլորովին: Կը մոռնամ, մէկը կայ,
շնորհալի աղջիկ մը, այլ որուն երեսը չեմ կրնար համար-
ձակօրէն նայիլ, հայրենի վանքի մը մթնոլորտը այնքան
աններող է:

Մտածումներու այս կարգին մէջ՝ իրը կը խորհէի
մեկնիլ, ետիս դարձայ վերմակի մը շարժիլը տեսնելով:

— Օ՛... Խաչեր, չե՞ս քնանար, արթո՞ւն ես...
բա՞րձր կը խօսէի արդեօք տղաս... բան մը իմացա՞ր...
ըսէ...

— Ո՛չ... ի՞նչ բան...

Աղահովուած նստայ իր բարձին մօտ, հարցումներ
ընելով:

— Զե՞ս քնանար... ինչո՞ւ եկած միջոցիս ձայն չի
հանեցիր. կը մսի՞ս, ըսէ՛ տղաս, բանի մը կը խորհիս,
ինչո՞ւ ասանկ նիհարցած կը տեսնամ քեզի...

Ու իրաւ գունատ լոյսի մը տակ՝ Խաչերի դէմքը
տժգոյն ու հիւծած կ'երեւար:

— Բան մը չունիմ Հայր Սուրբ...

Անկողնին մէջ պղտիկ տեղ մըն էր գրաւած Խաչերը,
ասիկա ինծի կրկին խորհիլ տուաւ անոր ազաղուն մարմնին
վրայ, ու գթութեամբ լեցուեցայ:

Բոլոր հարցումներս, պնդումս, աղապատանքս անօ-
դուտ անցան. ի վերջոյ սկսաւ արտասուել լիօրէն, ու ես
բեկեալ կը գիտէի արտասուքներուն կոպերէն ծաղիլը,
տարածուիլը սառնենիին և բիբերուն վրայ, յետոյ այտե-
րէն մեղմօրէն հոսելով բարձի ստուերին մէջ անհետիլը:

Զեմ գիտեր ո՞ր վէպին մէջ ասանկ հիւծող փոքրիկի
մը նկարագրութիւնը կարգացած եմ... կարծեմ ի վերջոյ
մեռած ալ է:

— Մայրիկիդ վրա՞յ կը խորհիս Խաչեր... Զեր
տունի՞ն վրայ...

Զի խօսեցաւ: Հակառակ անտանելի ցուրտին՝ եր-
կարօրէն նստայ մանուկին քով, շոյելով անոր քրտնաթոր
ճակատը, մինչեւ որ քնացաւ ու իր թրջուած դէմքը
տացաւ ժողովուն այլ պարտասած խաղաղութիւն մը:

Վէհարանի սանդուխին տակ, գիտելով տնտեսուհի-

Ներու սենեակը, ինձ թուեցաւ թէ՝ կը լսեմ Շուշանի հեղ
ձայնը. կանգ առի՝ յետոյ իր լուսադիծ հասակը տեսայ
դրան սեւութեան մէջ... երա՞դ...

Յանցաւորի սոսկումով վազեցի սենեակս...

Ը.

Յունվար . . .

Երբ լուսաւոր ու տաքուկ Վեհարանէն ներս մտան՝
մէկէն այլափոխուեցաւ իրենց սովորաբար ցուրտ դէմքը:

Տանեւհինքն ալ ընդարձակ սենեակին լուսութեան
մէջ աւելի արագ և աղմկալի կը չնչէին: անձկութեամբ
դիտելով բոլորչի սեղանին վրայ դիգուած գոյնզգոյն
ծրաբները՝ որոնց երանգը ձեղունէն կախուող մեծ լամ-
բարին լրյուվ կը սաստկանար:

Առաջին գոհունակ տապաւորութեան մեղմանալէ
վերջ, կը սկսէր զարմացման և հետաքրքրութեան շրջանը:
Իրաւ որ շատ տարբերութիւն կայ որբերու յարկարաժնին
ու Վեհարանին միջեւ: Ծիծաղելի է սա Վեհարան պատ-
ւանունը, չես դիտեր ո՞ր յիմարը դրեր է. իրը թէ կա-
թողիկոսի մը սրահը եղած ըլլար այս քառակուսի, մեծ
սենեակը:

Տղաք կը դիտէին որմերուն վրայ գտնուող քանի մը
պատկերները, որոնց իւրաքանչիւրը հաւանութեան և
հիացման գուստ աղաղակի մը տեղի կուտար:

Ամէնէն առաջին ակնարկները Հայրիկին վրայ կ'իշ-
նէին, որ գլուխը բաց, լայնաճակատ, մօրուեղ, իր խոր

աչքերով կը տիրէ սենեակին, յետոյ՝ Գէորգ Դ. կաթո-
ղիկոսին վրայ՝ լրջաղէմ ու երկայնամօրուս, որուն գոր-
շութիւնը կ'եղծեն երկու ճերմակ սահանքներ, ի վերջոյ
սեւուելով սեւ վեղարին տակէն ծաղկող գեղանի ու շինող
դէմքի մը՝ Եսայի Պատրիարքին: Երկարօրէն զննեցին
Մայր Հայաստանին, առանց շրջանակի նկար մը, դրան
հանդիպակաց պատին վրայ գամուած: Վարսերը թափած,
աւերակներու մէջտեղ նստած աղջիկ մըն էր ան, որ բան
մը չէր արտայայտեր, բայց իր անունէն կարելի էր ամ-
բողջ ողբերդութիւն մը հանել և զգալ: Տղաք ալ այդպէս
կ'ընէին երեւել. երկարօրէն վիճեցան ու բացատրութիւն-
ներ տուին, ի վերջոյ աչքերնին իջեցնելու համար կարմիր
կերպասէ վարագոյրներուն ու թաւիչէ բազմոցներուն:

Այս ամէնը նոր էին իրենց համար. մանաւանդ յախ-
ճապակիէ ջերմոցը ուր գեղին բոցը կը ճարճատէր:

Հիմա տեղաւորութիւն կը սկսէին. այդ պահուն իրենց
անհանդստութիւնը ակներեւ էր, միջավայրին նորութենէն
աղղուած՝ ինքոյինքնին անոր օտար կը զգային, քանի որ
կը ջանային ձեռքերովնին ծածկել իրենց զգեստներուն
պատուածքները:

Այս առաջին անդամն էր որ մեր թաղին մէջ տղոց
այցելութիւնը կ'ընդունէինք, և չեմ գիտեր ինչո՞ւ շատ
յարդելի հիւրերու տպաւորութիւնը կ'ընէին վրաս: Բայց
ո՞վ պիտի խղէր տիրող այդ անախորժ լուսութիւնը:

— Ե՛ տղաք, բարի հրամեցիք, բարով, հազար բա-
րով, դուք ալ այս կողմերը կուգայի՞ք...

Վանահօր կատակին վրայ ծիծաղն ընդհանուր եղաւ:

Տաքուկ էր սրահը՝ ու մանաւանդ Վարդան հայր
սուրբը տաքցուցած էր ստամոքսն ալ. ի՞նչ պահեմ մեղքս՝
երբեմն ես ալ մասնակից կ'ըլլամ իր գինարբուքին:

Սկսանք հարցումներու, ծիծաղելի խօսքերու, ու
արդէն քիչ վերջ Վեհարանին մթնոլորտը հրճուալից աղ-
մուկով լեցուած էր: Տղաք ընտանի և համարձակ դար-
ձան, կ'երգէին հայրենական պարերգներ, որոնց չափով
մէկ քանիները պարեցին, հաճոյքով կը հետեւէի իրենց
ոտքի խոհեմ շարժումներուն, յետոյ անոնց երազութեանն
ու խանդին:

Պարերէն վերջ՝ Հայաստանի, հերոսական երգերու
շարքը սկսաւ տարտամ ու երկարաձիգ շեշտերով: Շատ
լսած եմ այդ երգերը, բայց անոնք չեմ գիտեր ինչո՞ւ
լեցուցին դիս խոր յուզումով, նոյն յուզումը կը գգայի
ամէնուն քով ալ:

— Ամէն յոյս մարեցա՞ւ ուրեմն, կրկնեցի Եղիա-
զարին դառնալով:

— Ո՞չ Հայր Սուրբ, օր մը մեր Ցեղը հսկայի մը
նման պիտի վերականգնի անիրաւ աշխարհին առաջ:

Երգերուն տպաւորութիւնը Պ. Ալեքսանդրի սարքած
խաղերով անհետացաւ. այդ միջոցին Վանահայրը վաղեմի
ճարտարութիւններ կը կենդանացնէր անասունի ձայներ
կեղծելով.

— Միա՞ւ, միա՞ւ... հա՛վ, հա՛վ... Փը՞... Փը՞...
ը՞Փ...

Տղաք տեղերնուն կը ցատկէին, իրարու վրայ իյնա-
լու աստիճան խնդալէն կը ջարդուէին, յոդնարեկ մէջ-
քերնին կը բռնէին, մինչ իրենց աչքերէն արցունք կը
վարէր:

Ի վերջոյ վանահօր տաղանդը սովորական դարձաւ:
Կարգը զուարձալի անէկտոթներունն էր: Բոլորն ալ մէկ
մէկ բան պատմեցին, բայց Եղիազարին մնաց յաղթանա-
կը, իր պատմութեան ամէն մէկ բառը քրքիջ կը խէր:

Վանքին բնակչութիւնը հոն էր՝ Վեհարանին մէջ.
իմ հաճոյքս կը կրկնապատկուէր տեսնելով Շուշանը
Խաչերին քով նստած, այտերը վարդագոյն ու աչքերը
կապոյտ կայծերով լեցուն: Քով քովի էին Շուշանին
մայրն ու ծերուկ տնտեւուհին, որբերուն զուարթութեան
իրենք ալ մասնակից, դրան առջեւ կայնած էին հօտաղ-
ներն ու ծառաները: Տարին անգամ մը կ'արժէ ասանկ
քրիստոնէական հաւասարութիւնը իրագործել զանազան
դասակարգերուն մէջ, խորհեցայ:

Դուրսը ձիւնամբրիկ կար, անոր շունչը կուգար
շոգեծածկ աղակիներուն չիմացուած եղանակներ ըսել.
բաւական մը ունկնդեցի ձմեռ գիշերներու վրդովուած
սրտին շփոթ տրոպիկիւններուն. ինչ զատ մէկը ուշադիր
չէր անոնց և չեմ գիտեր ինչո՞ւ հպարտութեամբ լեց-
եցայ:

Դուրսի աղաղակները փոխեցին տրամադրութիւնս ու
նոյն իսկ բաժնուած նուէրներուն բերած ծիծաղը չկըցաւ
հանել յուսահատութիւնը որ հոն էր՝ սրտիս մէջ: Ինչո՞ւ
ասանկ շուտ կը փոխուին տրամադրութիւններս. կ'երեւի
բանաստեղծ մը կ'ապրի մէջս, զգայուն այլ յաւէտ ան-
ձանօթ ապրելու սահմանուած բանաստեղծ մը:

Քաղաքէն քանի մը երիտասարդներ կաղանդի առ-
թիւ, գուրդուրանքի փափուկ զգացումով մը, հակառակ
ձիւնին-բոււքին՝ իբր համեստ նուէր, բերած էին գունաւոր
թղթածրարներ, լի գոյնզգոյն շաքարով:

Ծրաբները բացուելով անակնկալներ իրարու յաջոր-
դեցին, մէկուն փոքր ջրաներկի տուի մը կ'ելլէր, սա-
տափէ գրիչ մը ափին մէջ կը խաղցնէր ուրիշ մը, մէկ
քանի հոգի կը զմայլէին գրաչատուփի մը կաղմածին
վրայ, մինչ փոքրերը թմբիկներ կը դափէին, կանչ,

կարմիր, լուրթ կապոյտ սրնդավողերու վրայ փչելով
իւրայատուկ հրճուանքի մը թելադրած եղանակները:
Վեհարանը անտանելի քրքիջներով, աղաղակով կը
լեցուէր, մինչ կէս գիշեր էր արդէն:

Թերեւս որմերուն վրայ հանդչող այդ անտարբեր
հայրապետները՝ երբեք ասանկ եռուզեռի մը ականատես
եղած չէին. բայց ընդհանուր յոգնութիւն մը դգալի կը
դառնար:

Վանահայրը կը սկսէր մրափել, Եղիաղարը քիչ վերջ
մեկնեցաւ. մնացինք ես և Պ. Ալեքսանդրը: Իւրաքան-
չեւրը՝ իր նուէրին վրայ հիանալէ յետոյ կուզար մեղի
ցուցնել. կասկածուաները կը քաջալերէինք ու դժուհները
դոհացնել կուզէինք: Յետոյ ամէն մէկը խնդրական ժպի-
տով մը կը բերէր մեղի ընծայելու իր շաքարէն մաս մը.
ատիկա փաղաքչիչ էր, մանաւանդ որ Շուշանն ալ ընծա-
ներու տարափին տակ կը ծածկէին, ու ես կը տեսնէի
անոր երջանիկ ժպիտը գեղեցիկ դէմքին վրայ:

Հրապուրի՞չ և հրեշտակայի՞ն էակ, հիմա կը հաս-
կնամ թէ ուրկէ կուզայ իր չնորհներուն մէկ մասը. բա-
ւական ատեն Պոլիս ապրած են. անցեալ օր մայրը պատմեց
ինձ իրենց արկածալից ու աստանդական կեանքին
դրուագները:

Խաչերը այլափոխուեր էր, սովորական տղան չէր,
կը վազէր, կ'ոստոստէր ու գիրկէ գիրկ կ'իյնար. այտերը
կը վառէին ու բոլորս ալ՝ Շուշանէն սկսեալ, համբոյր-
ներով կ'ողողէինք իր դէմքը. ուշադիր կ'ըլլայի Շուշանի
չրթներուն, հոն ուր իր համբոյրները կը հպէին՝ իմիններս
ալ եղբայր կուտայի անոնց և կարծես կը դգայի ջերմու-
թիւնն ու բուրումը կենսառոյդ աղջկան: Կաղանդ գիշե-

ըով ասիկա պիղծ բան մըն էր. բայց հրայրքս չի կրցայ
զսպէլ:

Ժամը ութը կ'անցնէր, երբ մեկնեցան որբերն ու
Շուշանը՝ իրեններուն հետ:

Ես երկար մնացի վեհարանին մէջ. ընկղմած բագ-
մոցի մը անկիւնը՝ կը ծծէի սենեակին տաք այլ ապակա-
նած մթնոլորտը: Որբերը տակաւին ատեն մը շարունա-
կեցին աղմկել ու երգել իրենց ննջարաններուն մէջ, ու
երբ լոււթիւնը իջաւ Վանքին վրայ, այն ատեն դուրսի
գիշերին արհաւիրքով լեցուեցաւ ամէն բան:

Ինչո՞ւ հանդիսութիւններէ վերջ կը տիրիմ, չեմ
կրցած բացատրել, միայն թէ մենութիւնն ալ զիս կ'ընկճէ. վառքը,
երջանկութիւնը, յոյսերը անարժէք են՝ երբ
մարդ չի կրնար անոնց հաղորդակից ընել սիրելի մը...
հապա ինչպէ՞ս կրել այս բոլոր բեռը վանականի իմ խեղճ
ու նկուն մարմնովս:

Հովը աւելի ուժգնութեամբ կը զարնուէր ապակե-
ներուն, կը ցնցէր պատերն ու Վանքին բոլոր անկիւննե-
րուն մէջ ասլաստան վինառելէ յուսահատ՝ դուրսի բակին
մէջ կը պտուաքէր, սահանք կ'ըլլար ու ծովու մը կոհակ-
ներուն պէս կուզար որմերու վրան փոռւիլ, կատաղի
շառաչով: Երկար ունկն դրի այդ շառաչին, կարելի՞ է
բացատրել տարրերուն խօսքը:

Լա՛ւ էր այդպէս, միշտ ուզած եմ Կաղանդը ձիւնա-
մրբիկով տօնել: Զիւնը իմ հայրենի հողիս մեծագոյն
հարստութիւնն է:

Ցիշելով, և ո՞ր մոռացկոտ, ասկերախտ պանդուխտն
իսկ չպիտի յիշէր այդ գիշեր, Սպերը՝ դացի հոն. ի՞նչ
կ'ընէին գիւղացիք, աղգականներս. հայր, մայր չունիմ,
որբ մնացած եմ կանուխէն: Հիմա կը հսկե՞ն մինչեւ

հաւախօս՝ օճախին առաջ, արշալոյսին աղբիւր վազելով՝
ջուրերուն մէջ գարի թափելու համար:

Դարերէ ի վեր ո՞վ արդեօք ոսկեծոր աղբիւր մը
գտաւ. թերեւս այդ ոսկին Հայ ժողովուրդին հաւատքն է
ինքնարուխ ու տեւական:

Մնացի՞ն մեր օրերու նահապետական սովորութիւն-
ները: Զարդն ու աւերումը մեր վրայ ինկան ու ինձ չար
բնազդում մը կ'ըսէ թէ՝ երբեմնի կենդանութիւնը շիրիմի
վերածուած է ծածկուելով ձիւնին սառնութեամբ:

Տաքուկ անկիւն մը փոռուած, յազեցած ստամոքսով՝
կ'եղբայրանայի կաղանդի բարիքին զո՞ւր սովասող հայրե-
նի գիւղիս ու մեր արիւնոտ երկրին մերկութեանն ու
ցաւերուն: Թող չըսեն թէ՝ վարդապետ մը վրան առնելով
սեւ վերարկուն՝ կը մերկանայ մարդկային էն ազնիւ
յոյզերը, անշուշտ սկեպտիկներ ալ կան, բայց ես ակ-
նարկէ մը կ'առնուիմ, և այդ կաղանդի գիշերով Վանքին
շրջակայ ձիւնադաշտերուն մէջ, մթին պարիսպներուն
շուրջը՝ կը հաւաքէի իմ ժողովուրդիս լալահառաչ մեր-
կութիւնը:

Կը մերժեմ վարդապետի երկար խորհրդածութիւն-
ները՝ զորս կը ծամծմէ մեր պաշտօնակիցներուն ուղեղը
տարեմուտին՝ քարողի մը նիւթ հայթայթելու համար.
չի խորհեցայ ծնող տարիին վրայ և ո՛չ ալ անցնողին՝ որ
այնքան սեւ հոգիով կ'երթար...

Երկարօրէն մնացի ուրիշներու ցաւին մէջ և քանի
մը անդամներ, գաղափարներու ի՞նչ շարայարութեամբ
չեմ գիտեր, Շուշանին գեղանի հասակը եկաւ կանգնիւ
աչքերուս դէմ, ստեղծագործ ժպիտով մը...

Թ .

Ցունվար . . .

Անփառունակ Ծնունդ մը:

Այսօր երբ եկեղեցիները լոյսով, խունկով կ'ողողուխն
ու կը լեցուին հաւատացեալներու հոծութեամբ հոս թա-
փուր է ամէն բան:

Ինձի համար սակայն խորհրդաւոր է այս առտուն,
հարիւրաւոր տարիներ առաջ կատարուած մարդեղութեան
դրուաղները կարծես անդամ մըն ալ պիտի կրկնուին,
իրենց հնամենի խուռութեամբ. կը կարծեմ լսել քերորէ-
ներու թեւին մեղմ թափահարումը, դաշն ալէլուներու
հետ:

Մնակութեանս օրերէն ի վեր սպասած եմ ծիրանա-
զգեստ ու թանկ քարերու տակ պսպղուն ալեւոր մողերուն,
բայց կայ լուսաւոր մը՝ որ զիրենք հոս առաջնորդէ.
մեր երկինքը մութ է միշտ...

Ծնունդը կեանքի կայծ մը կը հրահրէ մէջս, և երբ
ներս մտայ եկեղեցիէն՝ հակառակ ցրտասառոյց մթնոլոր-
տին ու ամայութեան, հրապոյր մը, վերածնած բան մը
դտայ հոն:

Սեղանի նկարը՝ որ Յիսուսի ծնունդը կը ներկայա-
ցնէ, խանդապատանք տուաւ ինձ. կարծեցի թէ իր խան-
ձարուրքին մէջ Աստուածորդույն մերկ այլ գրգալի
մարմինը ջերմութիւն կը չնչէր ու մայրը մեղմօրէն
վայրահակ, նրբօրէն կը ժպտէր իր կապոյտ սաւանին
տակէն: Անոնց ետեւ էր Յովսէփը՝ ճաղատ, տառապագին
ու խոր դիմագիծերով: Հոն դառնուկ մը դունչը կ'եր-
կարէր մանկան ոտքերուն ու եղի մը լայն ոռոնդերը
խանձարուրը կը հոտոտէին: Հեռուն անհրապոյր արա-

Հետի մը մէջէն, լեղակագոյն երկնքի մը դեղնալոյս ասաղը
կ'առաջնորդէր մոգերը:

Երկարօրէն դիտեցի անծանօթ վարպետին այդ նախ-
նական գործը: Թերեւս յաջող նկար մը չէ, գոյնի նուա-
զութիւն կայ կարծեմ, գծագրութիւնն ալ դէշ, բայց
զգացումը կատարեալ է: Յետոյ արուեստագէտին գործը
կ'ամբողջանար իմ իսկ զգացումներուս թելադրութեամբ,
որովհետեւ օրուան ներշնչումները սաստիկ էին:

Բաւական ատեն յառած մնացի: Մէկէն ծաւալող
բոյրի մը ազգեցութեան տակ դարձայ գէպի ուրիշ նկար-
ներու, ծխացող բուրվառ չի կար տաճարին մէջ, զգա-
յութեան պատրանք մըն էր ունեցածս: Նստայ՝ քիչ յետոյ
լուսութեան մէջ միտքս կ'արծարծէր սա բառերը.

— Ծնա՛ւ նոր Արքայ...

Ու ևս անկամ սուզուեցայ սա մտածման մէջ, ե՞րբ
ոլիսի գայ Ծնունդը մարդկային բարօրանքին ու մանա-
ւանդ ո՞ւր էր Ծնունդը:

Դարեր առաջ՝ երկրի վրայ խաղաղութիւնը կ'իջնէր,
մարդոց մէջ հաճութիւն. այլ չի դադրեցան պատերազմ-
ներուն աւերը, ոխութեանց անսանձ թափը. երակներու
մէջ արիւն չի մնար ու գերիվար ազգերուն առջեւ կը
ցցուի միշտ սուսերամերկ բռնութիւնը, վայրագ հրո-
սակներու թուքը տակաւին կ'աղարտէ վաստակաւորին
ձակատը ու ինչո՞ւ Հայուն տառապանքը ասանկ յաւէր-
ժացաւ:

Բմբոստ էին այս մտածումները դիտեմ ու անյար-
մար դիրքիս, ինչպէս միջավայրին, բայց արդիւել չի
կըցայ:

Երբ համառօտ արարողութիւնը լրացուց եկեղեցին,
վանքին ցանցառ բնակչութիւնը մեկնեցաւ: Ամէնէն վերջ

Շուշանն ու իր մայրը դուրս ելան. դիտեցի անոնց
հեռանալը ու յունետես խորհրդածութիւններուս մէջ՝ այդ
աղջկան տեսիլը սփոփեց զիս...

Եկեղեցոյն դրան առջեւ կանգ առի դիտելու համար
տատրակներուն կերակրուիլը. ծառաներէն մին վշրանք
կը նետէր ձիւնին վրայ ու մինչ անասնիկներուն տոտիկը
աստղաձեւ ծաղկներ կը յօրինէր սպիտակութեան մէջ,
ես ձեռքիս զաւազանով՝ անդգալաբար շարժեր եմ կակուղ
ձիւնը:

Երբ անդրադարձայ շարժումիս՝ ապշահար տեսայ
թէ Շուշան գըեր էի:

Անսպասելին էր ատիկա, խառնեցի ձիւնը, աճապա-
րանքով սենեակ ելայ. տրտմութիւնս սովորականէն ծանր
թուեցաւ ինձ. վիճելու, կուռելու, ձեռքս անցածները
գետին դարնելու անսովոր փափագի մը անձնատուր
եղայ...

Քիչ յետոյ որբերը կ'երգէին.

Գարուն կուգայ, վարդեր բացուին
Գաշտերու մէջ՝ ի ծոց հովտին:

Այսօր Ծնունդ է:

Այս տողերը զբած պահուս նորէն որբերը կ'երգեն.
կարծեմ միշտ նոյն երգն է...

Դուրսը մրրիկ կայ. ամէն կողմ սառնամանիքը
կ'իշիէ, անշուշտ գարունը պիտի գայ. այլ ե՞րբ պիտի
գայ գարունը քեզի իր վարդերովն Արտակ...

Երէկ իրիկուան դէմ Պ. Եղիազարին գացի :

Զուարթ ինչ զբաղում զտնել այս մենաստանին մէջ . ի՞նչպէս վանել ձանձրոյթն ու տրտմութիւնը . մին տեւական կեանքն է Վանքին , զայն չեն կրնար վանել զբաղում-ներն ու ընթերցումը , իսկ տրտմութիւնը խառնուածքիս յարակից՝ կը սաստկանայ ձանձրոյթին յաճախումով :

Քած եմ որ նկարչութենէն շատ բան չեմ հասկնար , ինչպէս ձեռագիրներու արուեստն ալ այնքան չի խանդավառեր զիս , սակայն հաճոյքով կ'երթամ Եղիազարին սենեակը :

Ամէն մասնագէտներու նման ձանձրալի է , բայց այնքան եռանդ , հիացում կայ իր մէջ՝ որ անդգալաբար կը տարուիմ ես ալ : Յետոյ՝ որքան ալ հնօրեայ մագաղաթներու , նկարներու արուեստին անձնատուր եղած ըլլայ՝ Եղիազարը անդէտ չէ կեանքի մէջ յուղուող խնդիրներուն ու կը պատահի որ՝ մտերմական ջերմին խօսակցութեան մը անձնատուր կ'ըլլանք :

Երբ խուցը մտայ , օճախին ճարճատող բոցերուն դէմ ծալլապատիկ նստած՝ ձեռագիր մը կը զննէր . նարնջադոյնով ողողուած կիսագէմքը ստուերի մէջ կ'իյնար յանկարծ՝ լուսաւոր խորքի մը վրայ ցայտեցնելով քիթին մեղմիկ կորնթարթը , այտերուն ողորկ ցցուածքներն ու սպիտակ , սարսուռն մօրուքը :

Իր ետին՝ որմերէն առկայն քանի մը փոքր նկարները , լոյսի և ստուերի նոյն բացխիկի վարանքին մատնուած էին :

Զեմ գիտեր ի՞նչո՞ւ լաւ տպաւորուեցայ : Եղիազարը չնշմարեց մուտքս . խորասուզուած էր սկզբնագարդի մը

գիծերու անելին մէջ , ինքնագոհ ու բերկրալից : Սթա-վիելով զարմանքի աղաղակ մը հանեց :

— Օ՛ , Վարդապետ , հո՛ս ես , Է՞րբ մտար որ չի նշմարեցի :

— Հըճուանքդ կը վայելէի , անպատճառ նոր բան մը դտած ես :

Զիս իր մօտ քաշեց՝ աթոռակ մը երկարելով :

— Իրաւ , ծիրանեղոյն մագաղաթ մը դտայ , աննման սկզբնաղարդով մը . քանի մը տեսակ են մագաղաթները բայց լաւագոյնը՝ ծիրանեղոյնն է , տե՛ս ողորկ է փղոսկրի մը նման :

Կ'ըսեն թէ մեր երանելի նախնիք իրենց երփնագրութիւնները երբեմն յղկուած , շատ նուրբ փղոսկրի էջերու վրայ կը յօրինէին : Կ'երեւայ որ ես արժանի պիտի չըլլամ հատ մը ունենալու : Զեմ յիշեր ո՞ր պատմագրին մէջ կարդացած եմ որ կիլիկիոյ մեծագործ կեւոն Բ.ը չորս Աւետարանները նուէր ընդունած էր փղոսկրէ էջերու վրայ : Մէկը գտա՞ծ է այդ գանձը , թէ խուժերու ապերախտ ձեռքովը փնացած է , ո՞վ գիտէ . . . Երկու նոր թոչնագիր գտայ , քիչ վարպետ ասանկ յղացում մը կրցած է ունենալ : Տես ի՞նչպէս արագիլը չնորհալիօրէն վիզը կորացնելով դէպի իր ճանկերը , կուգէ կտցահարել անոնց մէջ սեղմուած ցորենի շիւղ մը : Ատիկա Զ գիրն է : Նուն աւելի ծիծաղելի է . զայն կազմող թոչունը ծաղկի բաժակէ մը ելլելով դլուխը յետ ձգած կը կտցահարէ իր նախորդ Ի գիրը որ գլխահակ թոչուն մըն է ուրուրի մը մաղիներուն մէջ :

Օճախին մէջ քանի մը ճիւղեր նետելով շարունակեց .

— Մեր նախնիք ժիր և տաղանդաւոր մարդիկ էին , դիտելով ձեռակերտերը , կը հիանամ իրենց հմտութեանն

ու ճաշակին վրայ: Բնութենէն առած են ամէն մէկ օրինակ, արդէն չե՞ն ըսած թէ բնութիւնը մայրն է ամէն գեղեցկութեան:

Տեսած եմ քանի մը վարպետներ ուսուցչութեանս միջոցին. հատ մը Ս. Կարապետի մէջ հանդիպած եմ, հրաշագործի համբաւով նկարիչ մը, որ աղօթքով կը պատրաստէր իր ներկերու խառնուրդն՝ որուն գաղանիքին ինք տեղեակ էր միայն: Այն ատեն իր աշխատութիւնները ինծի գերիվեր բաներ մը կ'երեւային, բայց հաւատա՛ որ ասոնց քով տղու գործ անգամ չեն, ոչնչութիւննե՞ր, որովհետեւ հասկցայ որ դիտել չէր գիտեր, չէր տեսներ իրերուն ու կենդանեաց շարժումն ու շարժման գեղեցկագոյն վայրկեանը՝ զոր անմահացուցած են մեր վարպետներէն աննման Պիծակը, Գրիգոր դպիրը, Նաղաշ Մկրտիչն և ուրիշներ:

Հին վարպետները խոր կերպով սերտած են թուզուններու, ծաղկանց, ձուկերու և պտուղներու կազմուածքը, անանկ որ կրնաս իրարմէ զանազանել անոնց աղգերն ու տեսակները. հապա անոնց գոյներուն տոկունութիւնն ու իրականութիւնը: Այս բոլորին հետ հոգի մըն ալ իրենցմէ դրած են, ստեղծելով առնչութիւններ իրար յաջորդող դրերուն մէջ, անանկ որ երբ կը կարդաս բառն ու նախադասութիւնը, զարմանքդ մեծ կ'ըլլայ նշմարելով դիրերու նկարչութենէն ելլող ընդհանրապէս զուարձալի պատմուածքի մը, առակի մը, աւանդութեան մը մասին ակնարկութիւններ:

Կ'երեւայ որ Հայուն մէջ աշխարհիկ ողին միշտ մէծ տեղ գրաւած է ու վանական խստամբեր կեանքն անգամ չէ բաւեր մեռցնելու անոր բնական զուարթախոհութիւնը: Դիտեմ Ս դիր մը որ կազմուած է երկու ձեռք ձեռքի

տուած և խնդալով գլուխնին իրարու դարնող հտպիտներէ. իսկ Ե մը ունիմ որ դինովէ մը ու ձեռքը բանած սագէն կազմուած է:

Մինչեւ հիմտ Վարդապետս, հարիւր տեսակ զարդարեր գտած եմ. թոշնագիր, պտղագիր, ձկնագիր, ծաղկագիր ամէնն ալ. հարկաւ ուրիշ վանքերու և եկեղեցիներու մէջ ալ հարիւրաւորներ կան, անծանօթ ձեռդարերու մէջ:

Արդեօք ի՞նչպէս նետուած են կողմ մը, անազնիւ սրբապղծութիւն. դիտեմ, անոնք կ'ոտնահարուին կոպիտ լուսարարէ մը, կամ տմարդի ու տղէտ քահանաներու և վարդապետներու կողմէ անսպատկառ թղթատումէ մը վերջ՝ կրակ կը նետուին:

Զառնուի՛ս, այս տեսակիտով դատապարտելի են մեր վարդապետները, որ չէ թէ միայն չեն գնահատեր ու խնամեր՝ այլ թանկարժէք կտորներ օտարներուն կը նուրիւն կամ կը ծախսն չնչին դինով: Միայն երկու Վանք կայ որ կը յարցեն այս գործերը ու զանոնք կը փնտուն, Վենետիկցի ու Վիեննացի վարդապետները իրենց գործըրած են զանոնք հաւաքելը:

— Եջմիածնի մէջ ալ լաւ գրադարան մը ու գրչագրեր կան կ'ըսէր Տուրինեան Սրբազնը, Արմաշի մէջ ալ անխնամ չեն, վրայ բերի:

— Կրնայ ըլլալ, ամէն պարագայի մէջ Վենետիկի միաբաններէն հայր Կ. երբ չորս տարի առաջ ասկէ անցաւ, ինձ հաւաստեց թէ մեծ խնամք կը տանին հնութեան աւանդներուն. նոյն միաբանը՝ որ ամբողջ Հայաստանը պատած էր, եկեղեցիի հրաշալի աւերակներու վրայ կը խօսէր ու կ'ըսէր թէ օր մը գեղեցիկ արուեստի

պատմութեան մէջ մեծ տեղ բռնելու սահմանուած է
այդ ճարտարապետութիւնը որ՝ Հայուն յատուկ է:

Անիկա անհաւատալի բաներ ըստ ձեռագիրներու ու
նկարի ճակատազրերուն մասին: Գիւղացի տղաք տեսեր
է՝ որոնք մագաղաթեայ երփնագրուած աւետարանի մը
էջերովն փողեր շինած ժամուն բակը իշխանգերի կը
խաղային: Անդամ մըն ալ Քաղցրահայեաց վանքի մա-
րապաներէն տասը թանկաղին ձեռագիր ու երկու փոքր
նկար գներ է տասը զլուշով, ասոնք գնուելի՞ք բաներ
են, դրամը գին ունի՞ մագաղաթին քով...

Հասաներուն ճշմարտութիւնը կասկածելի չէր, բայց
մէկէն դառնութիւն մը արթնցաւ մէջս Մխիթարեան
վարդապետին գէմ. խորհեցայ թէ կաթողիկ վարդապետ-
ները անպատճառ բան մը կը զտնեն մեղ պախարակելու
համար և թէ բնաւ առիթ չեն վրիպեցներ մեր տղիտու-
թիւնը ճաղկելու:

— Պ. Եղիազար, ըսի, ատ վարդապետները միշտ
սուտեր կը զլորէն, ատով մենէ տեսակ մը վրէժ լուծելու
համար... յանուն հաւատքի:

— Այս խնդիրին մէջ գոնէ տանկ բան չի կայ:

Ճիշտ կը խօսէր. իմ ընդդիմախօսութիւնս աւելի
ներքին հակառակութենէ մը կը բղխէր որ իրեն հիմ
ունէր կաթողիկ ու Լուսաւորչական եկեղեցիներու դա-
րաւոր սոսիխութիւնը:

Լա՛ւ է որ ասանկ լայնախոհ եմ, կրօնական անձ-
կամտութիւնը անտանելի է. անիկա երկար ատեն աղէտ
ու արիւն ցրուեց բոլոր քրիստոնեաներուն վրայ:

Վերջացնելու համար ըսի.

— Զե՞ս կարծեր, Պ. Եղիազար, որ Մխիթարեան
վարդապետները քիչ մը կեղծաւոր են...

— Կեանքիս մէջ քանի մը հատ տեսած եմ, բայց՝
տպաւորութիւնս ան եղած է որ գոնէ ազգասէր-կեղծա-
ւորներ են, կաթողիկ եկեղեցական դրութիւնը ատանկ
ըլլալու ստիպած է զիրենք...

Այսպէս խօսելով՝ հասանք կաթողիկ միաբանու-
թիւններու կազմութեանն ու գործունէութեանը. իրեն ըսի
այն ամէնը՝ զորս Օրուանէան սրբազնի հմտալից ակ-
նարկներէն ուսած էի. հպատակող, անձնուրաց և հուժ-
կու կաղմակերպութիւններ են, զլիսաւորաբար ձիգուիթ-
ներու ճիգովն էր որ Լուտերի և ընկերներուն Վերանո-
րոգութեան գործը, ամբողջ Եւրոպայի վրայ չտարածուե-
ցաւ ու այդ միաբանութեանց Ափրիկէի, Ասիոյ մէջ
ներկայութիւնը ճշմարիտ բարիք մըն էր տեղացիներուն
համար՝ որոնց հաւատքի հետ ուսում, դարման ու
երբեմն սնունդ կուտան:

Պ. Եղիազարն ալ Թրափիստներու ըոկոտն կարգին
վրայ հետաքրքրական բաներ պատմեց: Երուսաղէմի
ճամբուն վրայ այցելեր է անոնց վանքերէն մին:

Մութը իջեր էր. ստուար որմին մէջ փորուած
լուսամուտաը գրեթէ կը կուբանար. լուցինք ու մինչ
Եղիազարը նորէն կը զննէր մանրանկար մը, ակնոցը
քթին զետեղած, ես շատ կը զուարձանայի օճախին մէջ
կեանք առնող բոցերուն հազար խաղերով. անոնք սեւ
քարերը կը լիզէին՝ առաձգօրէն երերալով, կ'ոլորուէին
ու մէկէն դուրս կը խիզախէին, կարծես սենեակին մէջ
պատոյտ ընելու գիտումով. երբեմն հրաշէկ կոճղ մը
փլչելով, իր կրակները կը տարածէր, կոռուփով կոտ-
րուած նուան մը հատիկներուն նման: Օճախին շառագոյն
լոյսն ալ յարատեւ բռնուուք մը կը խաղար սենեակի

ստուերին հետ, որմերուն վրայ. դիտելով լոյսի այս
քմահաճ պարերը կը յիշէի մանկական խաղերս:

Դեռ փոքր՝ հալածելու կ'ելլէի փախատական
ստուերներն՝ ու մայրս ի՞նչպէս կը ժպտէր հետեւելով
քայլերուս. ա՛հ ազնուական ու տառապագին մայր, կը
յիշեմ գուրդուրալի դէմքդ՝ երբ կը յականէիր չարա-
ճճիութիւններս, քու երեմնի պարմանուհիի երազուն
օրերդ յիշելով:

Հայրս ամուսնացած էր՝ մօրս նման սիրուն աղջիկ
մը ընտրելով, ինչո՞ւ զաւակը յանձն առաւ ամուրիու-
թեան տաժանքը: Շուշանը յիշեցի...

Եղիազարը դառնալով, յանկարծ ինծի ըսաւ՝

— Վարդապետ, չե՞ս կարծեր որ կղերականութիւնը
վնասակար բան է. հաւատքը միջնորդի չի կարօտիր.
դալով կուսակրօնութեան, անիրաւութիւն մըն է ան.
ինչո՞ւ փճացնել, կամ անրարոյութեան դադս ոճիրնե-
րուն մատնել առոյդ, կենսալից երիտասարդներ...

Հաճելի յայտնութիւն մըն էր ասիկա. կեղծ լրջու-
թեամբ ըսի՝

— Կուսակրօնութիւն ընտրողները աղատ կամքով
ըրած են այդ բանը. իսկ զարմանալի է որ եկեղեցակա-
նութիւնը վնասակար կը համարիք...

— Զգենք հիմա այս խնդիրները, վրայ բերաւ.
ուրիշ օր մը կը տեսնուինք:

Երբ գուրս ելայ, խաւարը վանքին վրայ նստած էր
ու իր շունչը մահուան քամիէն սաստիկ թուեցաւ ինծի.
Եկեղեցւոյն ճակատը անորոշ խոհանքի մը տակ կը
մոայլէր, մինչ անոր առջեւ տարածուող բակը ձիւներու
ցոլացումէն կը հագուէր աղօտ կիսալոյս մը:

Կը ձիւնէր անընդհատ. հովը երեմն կը ծեծէր

դանդակատան կողերն ու ծածկոյթի թիթեղները, մէկ
երկու աղաւնիներ յագեցած մնջիւն մը կ'արձակէին այս
ցրտին ու հողմակոծ միջոցին մէջ:

Սրտովին գոհ էի. հիմա ալ անտարբեր չեմ Եղիա-
զարի գովարանած արուեստին, իր տեսութիւնները յար-
դելի ու ճիշտ կ'երեւին ինծի:

Այսպէս՝ անպատճառ մէկը պիտի բանայ մեր աչքերը
ուրացուած գեղեցկութիւններու վրայ, որպէս զի համինք
հետաքրքրուիլ՝ ու գնահատել զանոնք:

Յետոյ իր վերջին խօսքերն ալ իմաստալից էին,
կուսակրօնութիւնը անիմաստ է թերեւս... բայց ի՞նչ
օգուտ կրնայ բերել ինծի անոր անիմաստութեամբն ու
վնասով զրադիլս, ատանկ խորհրդածութիւններ կորսո-
ւեան պիտի տանին զիս, նուիրական համարուած կոչումի
մը անսաստելով:

Ես կուսակրօն եմ. կը նմանիմ մարդուն, տիուր
հանդիտութիւնն, որ տղմուտի մը մէջ խորասուզուած է,
պէտք է հոն մնամ, սպասելով վախճանիս...

Ժ Ա .

Յունվար . . .

Օրերը դանդաղօրէն կ'անցնին. աշխատութիւնն է որ
գոհունակութեան մը հետ՝ երեմն անդպալի կը դարձնէ
մենութեան յարուցած ձանձրոյթը:

Ժամերով կը զբաղիմ որբերուն հետ: Ազգային
պատմութենէն զատ ստանձնած եմ բարոյախօսութեան և

Երաժշտութեան դասերը. անօդուոտ չեն անցնիր ժամերս, յաճախ դասախոսութեան ատեն խանդավառութիւն մը կը դունաւորէ սովորաբար տմոյն և անկարեկիր դէմքս:

Իրաւ չի խարեմ ինքղինքս, առանց սեւ, թնձուկ մօրուքիս, դէմքս՝ ափ մը անզամ չէ և մոխրականաչ մորթս դիս չի ճանչցողներուն վրայ լաւ տպաւորութիւն չըներ:

Կ'երեւի բացառութիւն մըն եմ վարդապետներուն մէջ՝ որոնք ընդհանրապէս գեղահասակ ու գեղադէմ են. մո՞յթս, հողիս իր գեղեցկութիւններն ունի և միտքս չնորհները:

Խանդէ վայրկեաններուս կը մոռնամ աշակերտներու քով գտնուիլու ու երկարօրէն կը խօսիմ. իմ վտիտ կուրծքիս համար վատնում մըն է ըրածս, բայց երկար ատենէ ի վեր հոծ հաւատացեալներու ներկայութեան քարոզելու հաճոյքէն զրկուած եմ: Պոլիս ամէն քարոզիս՝ դովեստի տարափներով կը շրջապատուէի ու կիրակիններս կ'անցնէի այն տեսակ մը գինովութեան մէջ՝ որ աշխարհը կը գեղեցկացնէր աչքերուս, տենդալի սիրտս բարի կ'ընէր, լեցնելով զայն նոյն իսկ չնչին բաններու սիրով:

Կը հասկնա՞ն դիս հոս. կ'ըմբռնե՞ն տեսութիւնները որոնցմով մեզ մարդեց Տուրինեան սրբազնը:

Ինչ որ ալ ըլայ, եթէ բոլորովին ալ չի հասկնան զիս, իմ եռանդս իրենց կրնայ հաղորդել իմաստներուս մէկ մասը. կը տեսնեմ խելահասներուն համակրտկան և ուշիմ նայուածքը, յափշտակութիւնը փոքրերուն:

Այսպէս կ'իյնան մարդիկ. լաւագոյն միջավայրի մը մէջ իրենց կարողութեան մշակումն ու քննադատութիւնը դիրենք պիտի բարձրացնէր, մինչ գոհացող, մտաւորապէս աղքատ շրջանակի մը հիացումը զանոնք կը կասեցնէ,

Ճգելով ինքնագոհ անկութութեան մէջ՝ որ անհատին մահն է:

Խեղակ, թերեւս քեզի ալ վերապահուած է նմանօրինակ ապադայ մը. Վանքի մը անկիւն որբերու, գեղջուկներու և քաղքենի ուխտաւոր տափակութեանց մէջ պիտի քաւս մեղքը զոր գործեցիր ընդունելով այս ապերախտս պաշտօնը. ու օր մը երբ ազագուն անդամներդ պարարտանալով վերջ կթուին, երբ ծերութիւնը ձիւնէ մազերուդ և մօրուսիդ ալ վրայ՝ այն ատեն պիտի խորհիս՝ թէ ընկերներէդ նուաղ օժտուածներն իսկ քենէ ընտրեալ եղան, բարձրանալով դիրքի ու աստիճաններու:

Ճեղնո՞ղ է բազդը, կրնայ համնիլ օրը երբ թափօրի մը մէջ դողահար հետեւիս անոնց փառաջուք հանդերձանքին ու քայլերուն, նուաստութեան և ամօթի խարանը ճակտիդ: Այն ատեն պիտի հասկնաս թէ ի՞նչ ըրաւ Վանքը քեզի. ահա հոս է վանահօր օրինակը:

Զափազանցութիւն այս բոլորը. հոս երկար չեմ կրնար մնալ, պիտի հետեւիմ ճգտումներուս, կարողութեանս թելաղընքին, սրտիս՝ որ փառասէր է ու կ'ըսէ «Նուիրապետութեան աստիճանները կրնան բացուիլ առջեւդ»:

Արդեօք ի՞նչպէս պիտի տայի անդրանիկ քարոզ մը պատրիարքութեանս առաջին կիրակին: Սիրտս կը տրոփէ: Ծովածաւալ բազմութիւն մը ժամուն մէջ՝ ուր ձայնս կամարներուն տակ թեւ առնէր և պայթէր ալեծածան զանդուածներուն վրայ:

Կը սիրեմ Տուրինեանի խօսքին խորութիւնը, բայց կը նախընտրեմ Օրումեանի պարթեւ ձայնն ու հոետորի շարժուձեւերը: Զայնը, շարժումը ու մտածումի արգաւանդ հոսումը պէտք է զիրար լրացնեն:

Այս ո՞րքան ծիծաղելի եմ ես ինքս իր մէջ. թերեւս
ամէն վարդապետ ալ այնպէս է, կամ նոյն խոկ ամէն
մարդ:

Ափիոնամոլներու կը նմանիմ՝ որ ցնցոտիներու վրայ
երկարած ծիրանի կը հազնին, ու սովահար ստամոքսով
կը կարծեն բազմիլ համադամներու առջեւ:

Երաժշտութեան դասերս ալ նուազ սիրելի չեն ինձի
համար. միջակ ձայն մը ունիմ, բայց ձայնագրութիւնը
յղկած է դայն: Կը սիրեմ երգել. անընդհատ շարականի
մը, երգի մը նազարաթը կամ սկիզբը կը ծամեմ: Երգը
ուրախութիւն չի տար ինձ, նոյն իսկ տիրութեան պատ-
ճառ մըն է, կամ թէ աւելի լաւ պիտի ըլլար ըսել՝ թէ
որքան ալ անիմաստ, յիմար ըլլայ անոր դարձուածքը,
ինձ բնական եղող տիսուր հոգիէ մը կ'արձագանդուի:

Իմ երգս կը նմանի քիչ մը փապարներէ ծորող
ջուրին, որ թերեւս յստակ է՝ սակայն զինք շրջապատող
տարրերու թիսութիւնը հաղած:

Որբերը կը սիրեն երգերս լսել. անցեալ օր սանդու-
իին գլուխը կարծեմ տեսայ Շուշանը, իր մայրը Անուշն
ու միւս տնտեսուցին, երեւի հաճոյք կը զգան: Պ. Ալեք-
սանդրն ալ յայտնեց թէ լաւ կ'երգեմ:

Երգելը գոհացում է ինձ համար, տրամադրու-
թեանս համեմատ կը փոխուին երգերս. կը սիրեմ մելա-
մաղձոտ եղանակները մանաւանդ՝ երբ սիրոյ կարօտը իր
դիրդ ափերով կը խտղտացնէ սիրոս:

Դասերն աւարտելէ վերջ՝ կ'երթամ վանքին մէջ
հոս հոն դեգերիլ. կը մտնեմ փոատուն՝ վայելելով
ծխաշունչ հացերու թթուաշ այլ մեղրալի բուրումը.
յետոյ խոհանոցը կ'անցնիմ, բաւական մը խօսակցելու
համար Շուշանին, Անուշին ու հօտաղներու հետ. հողա-

գործները մեկնած են իրենց գիւղերն՝ գարնան վերա-
դառնալու համար, ազնիւ ու տիսուր մարդիկ էին:

Արդեօք կը նշմարե՞ն թէ Շուշանի հոն չի գտնուած
ժամանակ՝ աճապարանքով կը մեկնիմ: Ի վերջոյ, բակէն
անցնելով կ'երթամ վանքին մեծ դրան առջեւ՝ ուրիէ
ձիւնին անբծութիւնը կ'երկարի մինչեւ հեռաւոր գորչ ու
ցածուկ հորիզոնը: Քիւերէն սայրասուր սառի նիզակներ
գետնին կը սպառնան: Անանկ՝ ամէն շարժում, ձեւ, գոյն
դաղրած, կորած, մարած է որ՝ մարմինս պրկող սար-
սուռներուն ազդեցութեան տակ վեր կ'աճապարեմ, խոր-
հելով թէ կեանքը ի կորուսո դիմած է անվերադարձ
կերպով:

ԺԲ.

Յունվար . . .

Կէս օրերէն յետոյ, որբերը տնական աշխատու-
թիւններ կ'ընեն:

Կը դիտեմ որ այս զբաղումները կը նախընտրեն.
իրաւունք ալ ունին, անտանելի է իրենց դասարանին
տպականած ու փոշելից մթնոլորտը: Մենք կը սպաննենք
զիրենք:

Տեսնելու բան է ի՞նչ ժրութեամբ կ'աւեն նրբանցք-
ներուն հողէ դետինը, փոշելի ամպի մը ետեւ կը ծած-
կուին, ու կը խնդան փոխանակ տրտնջալու. ուրիշներ
խոնաւ լաթերով ստուծ ապակիները կը մաքրեն, մինչ
ննջարաններու սառ մթնոլորտին մէջ՝ սաւաններ կը թոթ-

ւեն, կը փոխեն բարձի երեսները, վերմակները կարգի բերելու կ'աշխատին: Տեսակ մը տաժանակիր աշխատանք է աքսորանքի այս բերդին մէջ՝ որբերուն կատարածը. ու իրաւ չա՛տ կը նմանին ցմահ դատպալարտուած աքսորականներուն իրենց կնտուած, լերկ գլուխներով, մաշած, գունատ զգեստներով:

Միայն Խաչերը գործի չի մասնակցիր, մէկ երկու աշխատանքէ փախ տուած ծոյլերու հետ: Կը կենան պատուհանի մը առջեւ կծկտած, սարսուահար, կաս կապուտ դէմքով մը դիտելով միջոցը՝ ուրկէ կապոյտը վտարուած է ամիսներէ ի վեր: Թերեւս պարզ երկինքի մը վրայէն սահող ոսկեգեղմ ամողի մը երազին անձնատուր կ'ըլլան:

Ի՞նչ դիտնամ. Հապա ինչո՞ւ դիտել այս միօրինակ, ձանձրալիօրէն սպիտակ ու սառ միջոցը. կարելի՞ է նաեւ Վանքէն մեկնող ու հեռաւոր տեղեր տանող ազատ ճամբաները որոնել ձիւնին տակ...

Կան որ կը նախանձին Խաչերին անդործութեանը. չեմ յուսար որ գործին ծանրութիւնն ըլլայ ատոր պատճառը: Մանասէն կը պուտար այսօր.

— Դուն ինչո՞ւ չես աշխատիր...

— Քեզի ի՞նչ...

— Ի՞նչ ըսել է, վերի արտին ցորե՞նն ես... մեղի ալէս մէկը...

Յակոր, այն որ շատակեր է արտակարդօրէն ու կը նիւարնայ, կ'ախելցնէր.

— Հարուստի տղայ է... քիպիր...

— Հիմա ամեննիս ալ հաւասար եղանք... ան հարըստութիւնը հորին մէջ ինկաւ... ա՛ռ սա աւելը, հա՛սանկ... ասոր քիչ մը երես կուտան, վրայ կը բերէր վիոշիներու ետեւէն հասնող ձայն մը:

Զիս տեսնելով լոեցին. այդ միջոցին Պ. Ալեքսանդրն ալ եկաւ:

— Պ. Ալեքսանդր կ'երեւի որբանոցի կեանքը չար կը դարձնէ տղաքը:

— Եթէ կարենայի քակել կուտայի ասանկ հաստատութիւնները. լա՛ւ է բոպիկ, քաղցած իրենց ծնողքին քով մնային, քան վանքերուն, կամ որբանոցին մէջ քայլայուէին:

Ցետոյ պատմեց այն ամէնը՝ որոնց ականատես կ'ըլլար. տղաքը վատուժ էին, բարոյապէս անմիխթար. հայկոյանքը բերնի ծամոց ըրած, կոպտութեան հակած, վիճասիրութիւնն ու քինախնդրութիւնը օրէ օր աճելու վրայ:

Իրենց մէջ կը մեծնար այն որդը՝ որ մարդը ձեռքն ինկածը խածնելու, ծոելու, քանդելու հաճոյքին կը մղէ: Տղոց մէջ կը տարածուէին նաեւ դաղտնի մոլութիւնները, զորս ձանձրոյթն ու միօրինակութիւնը կրնան ստեղծել:

— Աշխարհքէն վրէժ պիտի լուծեն այս որբերը օր մը անոր մէջ ինալով:

Խաչերին վրայ ալ անդրագարձանք:

Առաջին օրերու հեզ տղան չէ ալ, ստել սկսած է. դասերը չի պատրաստեր, գիրքերը, քանի՞ հատ ունի որ, կորսնցուցած պատրուակելով: Շարաթ մը առաջ պատռած էր տետրակները ու դացեր էր Ալեքսանդրին բողոքելու. իսկ զիրքը տախտակամածին կոտրուածքէն ներս սահեցուցեր էր տակաւին երէկ:

— Մինչեւ վերջ պնդեց թէ Արամը, իր խաղընկերն էր նետած, աւելցուց ուսուցիչն:

— Ամէնէն սիրական գբաղումնին, յարեց Պ. Ալեքսանդրը, հայրենիքի վրայ խօսիլն է: Պարապուրդի տաեն,

գիշերները քնանալէ առաջ անպատճառ հայրենի յիշատակ մը կը քրքրեն:

Այն ատեն է որ կը հանդչին, քաղցր ու մարդկային կ'ըլլան. գուրգուրալի բառերով կ'որակեն զիրար:

— Զէ՞ աղբարսիկ. խաղողը հավանք եղած քուրսուին վրայ կը կախէին, բերնիս ջուրերը կը վագէր...

— Մեր պարտէ՞ղը Երուանդս. թութիւ ծառե՞րը հապա. վարէն գետին ձայնը կուգար...

— Մեր տան ճամբուն վրայ փշատները գարնան անուշ կը հոտէին. ճերմակ ուլ մը ունէինք կը յիշե՞ս... կ'աւելցնէ ուրիշը:

— Ծնունդի գիշերուան սլույտնի՞ս՝ թաղէ թաղ...

— Խենդ Ակո՞բը տղաք:

— Ի՞նչպէս ետեւնուս քար կը հասցնէր, խօսք չէ...

— Քիւրտերը լերան ճամբով եկան...

— Եկեղեցին այրեցին... հայրս ան ատեն ձեռքը ծունկերուն դարկաւ...

Բոլոր անշունչ իրերուն վրայ կը խօսին, բայց չեն խօսիր մօր, քրոջ, եղբայրներու վրայ՝ դանոնք երազելով կը գոհանան:

Վանքի մը առանձնութեան մէջ ամօթալի պիտի ըլլար անոնց անունը տալ:

Այսպէս ժամերով անկողինէ անկողին կը ձդուի յուշերու տրտում հիւսքը, մինչեւ որ յուզուին ու քնանան: Առտուն երազնին կը պատմեն, տան կապուած երազներ ընդհանրապէս:

Ասոնք աղէկ նշաններ չէին. մեկնեցայ յուսաբեկ տրամադրութենէ մը տարուած. այս կեանքը յոռետես ու վայրի կ'ընէ հողին, ես ալ թերեւս քիչ ատենէն պիտի դդամ իր ծածուկ աւերները իմ վրաս...

Վեհարան տանող սանդուխին վրայ գտայ Վանահայրը, որ ծառային հետ կատակելով կը խնդար, երանելի՛ ապուշ: Միասին սենեակ մտանք. դաղջ մթնոլորտը մեղմեց սարսուս, տալով գոհունակութիւնը մարդու մը՝ որ ծանր տաղտուկներէ կ'ազատի:

Վանահայրը զբաղելով զոյդ տատրակներուն հետ, զուարձալի խօսակցութեան մը ձեռնարկեց:

Խորունկ մը կը չնչէր, կը Փշար, կը հազար փոխն ի փոխ ու կը թքնէր մեծածաւալ կապոյտ թաշկինակին մէջ:

Մինչ ան կը խօսէր, նիւթն անդամ չեմ յիշեր այնքան չէի զբաղեր իր խօսքերով, ես կը դիտէի հրաշալի անասնիկները. անոնց մութ կարմիր թաւշեայ աղուափետուրէն յարատեւ ծփանք մը կ'անցնէր, և խոր այլ կարծես հեռաւոր լիրենց մնչիւնին կ'ընկերանար չնորհալի գլուխներու ճօճումը, այդ շարժումով տատրակներուն ցայտուն կուրծքը կը հազնէր զմրիւթի, ամեթովսի երանգները:

Անոնց տեսքը ինծի յիշեցուց տաճիկ այն հոյակասլ հանըմները, որոնք Պոլսոյ կամուրջէն կը քալեն աստուածուհիի վայելչութեամբ:

Տէ՛ր Աստուած սնոտի խօսքերու ի՞նչ առատութիւն այս մարդուն քով, ու միշտ նոյն լեցուած կուրծքի խժուքը, նոյն սուլող հեւքը, նոյն շառաչուն հազն ու թուքը բառերուն ընդմէջ:

Չեմ դիտեր ուրիէ ուր, մէկէն Խրիմեանի վրայ խօսք բացաւ:

— Սա մարդը անիծեց ազգին խերը, ու հաստ ցուցամատը երկարեց Հայրիկի պատկերին:

— Ի՞նչո՞ւ, հարցուցի զարմացմամբ:

— Ան էր որ հերիսան երկաթէ շերեփով խառնել
սորվեցուց Հայ աղդին... հետեւա՞նքը...

— Յեղափոխութեա՞ն կ'ակնարկէք Հայր Վարդան:
— Հըամեր ես...

— Յեղափոխութիւնը անհրաժեշտ էր եղաւ:
— Ատոնք նորահասներու բերնին ծամոց խօսքեր են:
— Հիներն ալ հին միտքով կը դատեն:

— Մեր ազգը Թուրքին հողին վրայ կ'ասպի. անոր
հալատակ, ծառայ է: Առած մը կայ Վարդապետ, հիները
ըսած են «Այն ձեռքը որ կտրել չես կրնար, պա՛տ ու
ձակատիլ տար»:

— Ազգերն առանց յեղափոխութեան չեն կրնար
ազատիլ. ազատութիւնը նուէր չի տրուիր, կ'առնուի.
ըմբոստութիւնը նուէրական բան է:

— Հայը անկարող ազգ է, տկար է, Քեռիին աղ-
դական չէ, ուժ չունեցողը տեղը կը նստի...

— Ազգը ստիպուած էր ընելու ինչ որ ըրաւ...

— Հիմա ալ միջոց թող գտնէ որբերը պահելու,
անոնց տէրտը մենք կը քաշենք: Ինչ որ է՝ թող ողորմիս
տան մեռելներուդ Վարդան. Ես փրկեցի աս Վանքն ու
քաղաքը թալանէ: «Զի կտրուելիք ձեռքը համբուրելու
է» ես ատանկ կ'ընեմ, այսչափ. հերիսային շերեփով մեր
դլուխը կոտրեցին... Դուն ալ հիմա ձեռքդ դլուխդ կը
դարնես Մկրտիչ, բայց անօգուտ...

Համեցայ թէ ինչ եսական տեսակէտէ մը կը դատէր
այս բոլորը: Քաշուեցայ խուցս:

Գիշերը մութին մէջ, մենութեան հետ դէմ առ դէմ,
վերմակին տակ թաղուած, երկարօքէն անդրադարձայ
վանահօր խօսքերուն վրայ:

Վանահայրը իրաւո՞ւնք ունի արդեօք, յեղափոխու-

թիւնը պէտք չէ՞ր փորձեր Հայերու հոգին: Բայց բոնու-
թիւնը գիտակից մարդուն մէջ ըմբոստութիւն միայն
կրնայ հանել: Յետոյ ակնարկութիւն ըրաւ Պ. Ալեք-
սանդրի մասին ալ, կ'երեւայ անոր դասախոսութիւնները
կը լրտեսէ. զգայնեմ իրեն որ խոհեմ ըլլայ: Պոլիսէն լաւ
լուրեր չեն գար. նամակէ մը կ'իմանամ թէ լրտեսութիւ-
նը, հետապնդումները, կապանքն ու գաղտնի մահացում-
ները չափ չունին: Այս դժոխային երկիր, ուր սիրու
երբեք պիտի չտեսնէ արդար զգացումներու ծլիլն ու
միտքը՝ ինք իր մէջ անդամ, ազնիւ ու ազատ բաներու
հակելու երկիւղը պիտի ունենայ:

Ես կը սոսկամ Տաճիկէն ու մանաւանդ իր արդա-
րութիւնէն...

Վանքի գիշերներու դադաղին մէջ՝ ուր մենութիւնն
ու լուրթիւնը դիակի մը նման կ'իշխէն, ցուրտին հետ
ես կը զողամ այս մտածումներով: Երբեք քաջ չեմ եղած
արդէն:

Լքելով այս վրդովիչ զաղափարները, դոցեցի լայն
քացած աչքերս և ընդհուպ կարմրագոյն տատրակները
տեսայ. յետոյ կամուրջէն թրքուհիներ կ'անցնէին. խոր-
հեցայ Շուշանին վրայ... ջերմութիւն մը ազդեցուս
երկայնքին խաղաց ու հեշտութեան բուռն զգայութիւնովը
ցնցուեցայ:

Միշտ աւելի և աւելի մինակ կը դգամ ինքինքս...

Հաղիւ չորս օրէ ի վեր ելած եմ անկողնէս, ուր կողատապը դգետնած էր զիս ամիսէ մը ի վեր: Բարե- բաղդարար կարելի եղաւ թիշկը կանչել քաղաքէն: Իր յայտարարութեանը համեմատ հիւանդութիւնս թեթեւ էր, բայց ճղճիմ կաղմուածքս ուժգնօրէն ցնցուեցաւ ան- կէ: Հիմա պէտք է դգուշանամ ցուրտէն, խոնաւութենէ և յուղումներէ: Ի՞նչպէս պիտի կրնամ...

Հանդիսաւ անհրաժեշտ է ինձ՝ ապա թէ ոչ կրնան տակաւին անանկ հետեւութիւններ գալ՝ որոնց վրայ խոր- հելու իսկ կը վախնամ: Հիւանդի մը համար յոռետեսու- թիւնը լաւ չէ. արդէն ստոյդ մահէ մը պրծիլս, համեմա- տական առողջութիւնս կ'երջանկացնեն զիս. յոդնած եմ, ճիգի ու մեծ շարժումներու անկարող, բայց երանական, աղնիւ անդորրութեան մը մէջ կ'ապրիմ:

Հիւանդութեանս սկզբի օրերուն յուղումը, տենդն ու դառանցանքը իր սաստիկ շրջանին, զեղերու դառն համը, հոտը գարշելի, մօտս շարժող դէմքերն ու խուցիս անսովոր երեւյթը յիշելէ աւելի կ'երեւակայեմ. աննիւթ, աղօտ կ'երեւան իրը երկար երազի մը շփոթ հանդրուան- ները:

Բանէ մը չեմ խոռվիր. զարմանալի՛ վիճակ. իմ դիւրայոյդ հոդիս անտարբեր հանդիսատեսը կը մնայ իրերուն, մարդոց ու անոնց խօսքերուն, իրը թէ երբեք լսած չըլլայի դիւրենք, կամ անոնք ինծի խօսած չըլլային:

Կուգան բաներ կ'ըսեն, նոյն իսկ գուրգուրալից բա- ռեր կը բերեն, աղնի՛ւ մարդիկ, յանձնարարութիւններ կ'ընեն առողջութեանս ի նպաստ, ես կը նայիմ իրենց,

այսչափ. չեմ դիտեր հիւծած ակնարկս բան մը կը խօսի՛ անոնց: Յաճախ բառերը կ'անցնին ինչ ներս, բայց ար- ձագանդ չեն գտներ. բան մը չ'արթննար մէջս, հետեւա- րար ոչինչ կը մարի:

Իրերուն ու առարկաներուն կը նայիմ անոնց եր- բեմնի իմաստը առանց ըմբռնելու. թերեւս վիճակներու յետին կարելիութիւնն է աս. մարդուն երանութիւնը:

Այս' յառիլ, տեսնել, վայելել անշահախնդրօրէն, անասնօրէն, առանց իր անձէն բան մը հազցնելու աշ- խարհին: Զարմանալի է որ դատողութիւնս կը գործէ ու կը գդամ վիճակիս անսովորութիւնը . . . :

Երէկ առաջին արեւն էր որ տեսայ, գարնան նո- րընծայ ժպիտները գգացի:

Քանի մը անդամ գացի պատուհանիս մօտ նստիլ, ուսերուս ցիսի մը և ծունդերուս վրայ վերարկուս ճղած, վայելելու համար սարսափելի և երկարատեւ ձմբան մը ու հիւանդութեանս ոգեվարին հաճոյքը:

Բարեկենդանը անցեր է արդէն. երէկ Ալեքսանդրը կ'ըսէր թէ անհամոյ տօներ էին զայն, գրեթէ տխուր. պատճառը հիւանդութիւնս էր անշուշտ: Խեղճ մարդիկ ու մանաւանդ ապերախտ վայր՝ ուր մէկու մը տկարութիւնը միւսները կը զրկէ օրինական ու անմեղ հաճոյքներէ:

Այս յարակից կամ անկապ մտածումներն ու պատ- կերները անանկ անձիդ ինքնեկութեամբ մը կ'անցնին մտքէս, որ կարծես թէ այդ բոլորը մտածումէս ու իմ զգացումներէս օտար տեղէ մը գային, իրը հանգրուան դտնելու ուղեղս՝ և նոյնհետայն իսկ շարունակէին իրենց ճամբան:

Արեւը բաւական է սակայն. արե՛ւը: Ան ձիւմի լայնածիր տարածութեանց վրայ աղամանդի բիւրառը

գիւրարծարծ ու յանկարծաշէջ կայծեր կը վառէ, մինչ
երկինքը տակաւին կը պահէ վախի պէս մութ բան մը իր
կապոյտին մէջ, մերժելով ճառագայթներուն ջերմու-
թիւնը:

Հնաւուրց՝ այլ կորսուած սիրելի, արե՛ւ, գթու-
թեան պէս արդար ու մայրական, հիմա գիշերն ալ քեզ
կ'երագեմ . . .

Երբ ձիւնի շողուն անբծութենէն պարտասին աչքերս,
կը դոցեմ զանոնք ձեռներս ծունդերուս վրայ լքելով: Ան
ատեն պատիկ ու հեշտին սարսուոի մը հետ գաղջութիւն
մը ճակատէս կը սահի այտերուս, յամրօրէն կաթելով
մօրուքիս մէջ. յետոյ կը ծաւալի դէպի ուսերս ու իրանիս
վրայ, մինչեւ ընդարմացած ծունդերս: Այդ անդորրի
բոպէներուն է որ Շուշանը կը տեսնեմ հրաշէկ կոպերուս
առջեւ, հպարտ ու գեղեցկօրէն վայրի: Զեմ յուզուիր,
ինչպէս երբեմն. գեղեցկութեան գերագոյն վայելումն է
իմինս, գեղեցկութիւնը գեղեցկութեան համար . . . այսօր
միայն, անդամ մը գողացի կարծեմ:

Հիւանդութեանս երբ մայրը բացակայ էր քովէս,
զինք կը տեսնէի սնարիս մօտ, աչքերուս ջերմին մառա-
խուղին ընդմէջն: Քանի մը անփամ դեղերը կարծեմ իր
մատներով երկարեց բերնիս: Անխօս, հաճոյակատար ու
հրեշտակային սպասարկու մը եղաւ Շուշանը հիւանդ
Արտակին:

Այս բոլորը ի՞նչպէս կընամ խորհիլ առանց բարա-
խումին, որ սովորական ատեն մը սիրտս կընար խորտա-
կել, երբ անոր փոքր մէկ հպումը՝ բոց մը կը բարձրա-
ցնէր հոգեւոյս մէջ: Ես կը նմանիմ դիտունին որ իր
անդամներէն մին փորձարկումի կ'ենթարկէ՝ սառն ու
անփոյթ . . .

Յիմա՛ր ևս Արտակ, այս հիւանդութիւնը քու փըլ-
կութիւնդ եղաւ: Իրաւ՝ Շուշանին հանդէպ զգացածս
սովորական բան մը չէր, սիրոյ սկզբ մը կը ստեղծուէր:
իսկ հիմա՝ լաւ է եղածը. լաւագոյն է միշտ անտարբեր
մնալ . . . նոյն իսկ անկարեկիր:

ԺԴ.

Մարտ . . .

Կազդոյրի շրջանին մէջ եմ:

Տակաւին անհետացած չեն թոքային վարակումի մը
մասին ունեցած կասկածներս, մանաւանդ ձախ թոքս կը
վախցնէ զիս. երբեմն սուր ցաւեր կը զգամ հոն: Բայց՝
վերահաս գարունը, մանաւանդ ամրան օրերը վստահու-
թիւն կուտան ինձի:

Առաջին օրերու յոդնարեկ վիճակը չունիմ. զարմա-
նալի և հեշտին վլճակ՝ որ մարելով Փիզիքական բոլոր
ուժերու կենսունակութիւնը, կեանքէն կը զատէր զիս,
միտքս անբացարելիօրէն ջերմ մշուշի մը տակ ծածկե-
լով, որուն մէջէն ինձ ամէն բան յամրօրէն կը ժպտէր
կամ ևս կը ժպտէի անոնց՝ ու իմ ժպիտս ոչինչ կընար
բացատրել:

Հիմա ուժերս կը վերանորոգուին. արդէն կընամ քիչ
մը պատիկ հոս հոն, յամրօրէն ու դինովի մը տատա-
նումով: Շաբաթէ մը ի վեր բանտուած սենեակիս մէջ,
լուսամուտէն կ'ընդունէի հետզհետէ ճշդուող և կենսալի
զգացումները՝ որոնցմէ զրկուեր էի:

Հակառակ երբեմնի ձանձրոյթիս, հիմա հաճոյքով
կը դիտեմ Վանքին բոլոր անխօս և տրտմալի խուցերը,
եկեղեցւոյն զով ու խոնաւ գաւիթը: Խոհանոցն ու գոմե-
րը, նոյն իսկ գերեզմանատունը, որուն ձիւները գրեթէ
հալեր են, զուարթութիւն կուտան ինծի: Երբեմնի այս
մեռելութիւնը որուն Վանք կ'ըսեն, հիմա կեանքի մասին
կը խօսի հետո... Ամէն ճշմարտութիւն յարաբերական
է կ'ըսէր Տուրինեանը...

Այս առառու առաջին անգամ ըլլալով դացի որբե-
րուն. խանդաղատանքով ընդունեցին զիս. մանաւանդ
Խաչերը երկար խայեցաւ դէմքիս իր դորշ և տրտում աչ-
քերով: Այդ տղան ինծի թուեցաւ արծաթ կանդեղի մը
ոսկի բոցը, որ կը հիւծի խորանին սեւ մէկ անկիւնը և
որ ընդհուպ խաւարին մէջ պիտի լուծուի:

Զեմ դիտեր ի՞նքը կարելցութեան արժանի է թէ
ես. ես նուազ հիւծուած չեմ: Թերեւս երկուքս ալ գութի
արժանի ենք, բայց մարդ միշտ տրամադիր է իր անհա-
տական թշուառութիւնը ուրիշներէն թեթեւ տեսնելու:

Միւսներն ալ նուազ սրտաշարժ չեն. երբեմն նուազ
դունատ էին. իսկ զգեստնին, ա՞ն մի հարցնէք, ալ կար-
կըտան չի վերցներ, հագածնին ալ կօշիկ չէ: Ի՞նչպէս կը
համակերպին այս բոլորին, չէ սակայն, շրթունքնին ծալք
մը առած է, այդ ծալքը միայն խուլ դժգոհութիւնն ու
ձանձրոյթը կրնան շինել:

Դրկուած նուէրները սպառեցան, գաւառը օդնու-
թեան չի կրնար հասնի, իր միջոցները հատան. պատ-
րիաքարան դրուած թուղթերը ապարդիւն կ'անցնին:
Ո՞ր մէկուն հասնի խեղճ պատրիարքարանը: Միւս կողմէ
կը լսեմ թէ պատրիարքը խնջոյքէ խնջոյք կը վազէ:

Ինչո՞ւ Պոլիս չըլլայի, գրչի երկու զօրեղ հարուածով
քանդելու համար այդ ունայն փառասիրութիւնը:

Որբերուն քովէն վրդովուած սրտով վերադարձայ:
Գործը պիտի քայքայուի, երկար չի կրնար տոկալ: Եթէ
այդքանո՞վ վերջանայ... թէեւ ողբալի վախճան մըն է:

Մահուան մը նախազգացումն ալ կ'ունենամ յա-
ճախ: Միշտ ասանկ եղած եմ, չուտով յուսահատութիւնը
կը գտնէ զիս և առաջին օրերէն իսկ վարժուած եմ սեւ
կէտ մը տեսնելու:

Բայց պարապ բան մըն ալ չէ նախազգացումը, ան
ճակատագրին դրօշակիրն է, ապդարարը, ես չեմ հաւտար
ճակատագրին, բայց... Պէտք չէ ասանկ յուղումներու
տամ ինքինքս, արդիւնքը բարերար չըլլար, մանաւանդ
արդէն իսկ քանի մը օրէ ի վեր տրտմութիւն ու ձանձրոյթ
կը զգամ ու անոնց հետ՝ Շուշանը տեսնելու փափագ մը:

Այս առառու զարթօնքիս, աւելի բուռն կերպով
լեցուցեայ այդ զգացումներով:

ԺԵ.

Մարտ . . .

Ա՛հ միամիտ եմ, անմի՛տ մը որ կորուստի կ'եր-
թայ...

Հիւանդութեանս հետեւող քանի մը օրերու անդգա-
յութիւնը՝ ինծի կարծել տուաւ թէ ամէն բան վերջացած
էր և թէ պիտի դադրէին առաջին իսկ օրերէն մէջս ծլող
կասկածելի համակրութիւնները, որոնք սիրոյ կրնային

յանգիլ։ Սիրոյ մը նախազգացումն ունէի, բայց կը մեր-
ժէի ճշմարտութիւնը ըսել ինքզինքիս։

Հիմա Շուշանը կը սիրեմ ես...

Բայց իրօ՞ք սիրոյ մը իրականութիւնը փլած է վրաս,
թէ չքեղ՝ այլ վաղանցիկ ուրուանկարն է անոր։

Պոլիս՝ քանի մը աղջիկներու համակրած եմ, սակայն
այդքան առաջ չեմ կրցած երթալ. սիրոյ պտուղը, որ
շատ քաղցր ու դառն է կ'ըսեն բանաստեղծները, չեմ
ճաշակած ես։

Բայց ահա կը զգաս անոր առաջին քայլերը սրտիդ-
տրոփիւնին մէջ Ա՛րտակ...

Շուշանը հիւանդութեանս ծառայեց ինձի, հրեշտա-
կի դեր կատարեց. իրեն ի՞նչ կրնայ նուիրել վարդապետ
մը՝ երախտագիտութենէն զատ։

— Ա՛րտակ... կ'ըսէ սիրսու։

Անիծուած է կուսակրօնին սիրտը. չոր պիտի մնայ
ան կեանքի աւելչէն զրկուած ոստի մը պէս։ Ոստը կրնա՞յ
ծաղկիլ. պէտք չէ ծաղկի... Բայց՝ այրելու յարմար է։

Սրտիս մէջ կայծ մը ինկած է, ոստոստուն, ման-
րիկ, մրկող կայծ մը. բա՞ւ է. անիկա կրնայ հրահրիլ,
մեծնալ, մոխիրի վերածելու համար դիս։

Պիտի գոտեալնդուիմ սակայն. կիրքը սկզբնական
սաղմին մէջ խեղդել առաքինութիւն է, ու ես առաքինի
ըլլալ պարտական եմ ամէն բանէ առաջ։

Լա՞ւ է Շուշանին երախտագէտ ըլլալ. գաղտնօրէն
կամ հաղիւ մատնող ժպիտներով հասկցնել իրեն մաքուր
սրտի մը մաքրագոյն շնորհապարտութիւնը, բայց՝ ան-
յայտ ու ծածուկ ապրող զգացումը ցեխի չափ անարժէք
է կ'ըսեն, ու մանաւանդ՝ տխուր չչ երախտագէտ ըլլալ

երբ սէրը կ'արհամարէ զինք, ու ոստիւնով մը կրնայ
խեղդամահել, սրտին մէկ դժխեմ անկիւնը։

Հիմա սա վայրկեանին, նորէն յամբօրէն բան մը կը
բարձրանայ մէջս. ան կը բարձրանայ ու ես կ'ընկղմիմ.
իր դառնահամ ու յորդող կոհակէն կը վախնամ ես. իր
ժպիտը սիրոյ ժպիտին կը նմանի, անոր նման անծանօթ
է ինձ, ահարկու այլ մտերիմ...

Կը դառնամ ետիս, տեսնելու համար մէկը. ոչ ոք
կայ թափուր ու լոին սենեակիս մէջ. սրտիս բարախումը
եթէ զայն չի լեցներ, սակայն ուժգին կը թափահարէ
ականջներուս առջեւ։ Ու մինչ կը հարցնեմ՝

— Ո՞վ կը փնտուս մենաւոր ու տառապեալ հոգիս։
Կ'ըսէ էութիւնս՝

— Շուշա՞նը... Շուշա՞նը...

Այո՝ Շուշանը, յիմար Վարդապետ...։

Կողս միսրճուող ցաւի մը հետ, երկար ատենէ ի վեր
առաջին անգամ ըլլալով արտասուելու պէտքը կը
դդամ...։

Զգե՞մ գլիչն ու իյնամ մահիծիս վրան...։

ԺԶ.

Մարտ . . .

Անցեալ օրուան յուզումս սուղի նստաւ ինձի.
առողջութիւնս դէպի ետ շարժում մը ունեցաւ։ Զախ
թոքս աւելցուց իր պարբերական ցաւերը. երբեմն դի-
շերները քրտինքի բարակ, գաղջ և մածուցիկ իսաւ մը

մարմինէս կ'առկախուի, մինչդեռ անողոք հաղ մը կողերս
կը ցնցէ:

Թոքախտի սկզբնաւորութի՞ւն մըն է արդեօք: Միշտ
այսպէս կը խորհիմ, ու ամէն անդամ ալ վրաս կը խնդամ.
կասկածի բոյն մըն ես Արտակ:

Բայց ի՞նչ կրնան ըլլալ այս տանջող հազն ու քըր-
տինքը, յաճախակի կողի ցաւերը: Բժշկարանի մը մէջ
կարդացեր եմ որ ատոնք թաքախտի նշաններ են. բայց
կան ջղային հաղը, ջղային կողացաւերն ու քրտինքը:

Բան մը ճշդել չեմ կրնար. թող ժամանակը տայ իր
որոշումը...

Օդերուն գեղեցկութիւնը կրնայ փութայնել կաղ-
դոյրս: Արդէն Մեծ Պահոց վերջին օրերը կը համրենք,
գարունը սկսած է ժպտիլ թաց և երկնող հողին, երկնից
կապոյտներուն ու արեւին:

Սալորենիի ու ծիրանին մորճերը կը պտկին:

Պ. Եղիազարը ըսաւ թէ կուռնկները անցեր են,
արագիլներն ալ քանի մը օրէն կը հասնին:

Այս ամէնը ես չեմ ընդունիր մահուան ճանկերէն
աղատած հիւանդներու նման իբրեւ գերազանց պարգեւ-
ներ, որովհետեւ՝ տխուր եմ...

Կարծեցի թէ հիւանդութիւնս տարած էր Շուշանի
հանդէպ իմ տածած զգացումներս, յետոյ կադրոյրի օրե-
րուս մոռնալ կարծեցի դանոնք: Սխալած եմ, չարաչա՞ր
սիսալած, որովհետեւ անցեալ օրուան արցունքներս ալ
բարւոքում չի բերին ինծի:

Մէջս հիմա աւելի ամուր է այն բանը՝ ուրկէ կը
դախնամ: Տէր Աստուած, Սուրբեր, ես կը սիրեմ Շու-
շանը...

Երբ դառնօրէն սիրոյ կը նայիմ, կ'ուզեմ զինք

վտարել, խեղդել արհամարհանքիս տակ, ան կը ժպտի
Շուշանի բարկօրէն ծաւի աչքերով:

Աէ՛ր, աղէտ կը թուիս ինծի. ես քեզ սահմանել չեմ
կրնար, պիտի չի կրնայի նկարդ յօրինել այլ կը զգամ
քեզ, կը հոտոտեմ ու սիրտդ ուժգնօրէն կը տրոփէ որով-
հետեւ դժիսմ մատնութեան օր մը հոն մտար:

Ահա կը հեւամ ես. ի՞նչպէս մարել տենդը ազագուն
էութեան մը ծոցը:

Կ'ուզեմ մոռնալ ամէն բան. փորձեր կ'ընեմ ուրա-
նալու Վանքը, Շուշանը, իր սէրը:

Իրաւ երբեմն սուզուելով մտածման մը մէջ, ան-
դորրութեան կը յանձնեմ հողիս, բայց խենթի պէս
կ'ոստնում տեղէս յանկարծ: Բան մը կուզայ արթնցնել
զիս. անիկա Շուշանի խոռվիչ պատկերը չէ միշտ, հապա-
անբացատրելի էութիւն մը որ մէջս է, ընկեր քայքայուան
կազմուածքիս, պահակ մը՝ որ կը յականէ զիս անմոռնչ,
թոյլ կուտայ մոռացումի խարէութեան վայելքն ունենալ
ու մէկէն պոնդի հարուածով մը կը հրաւիրէ զիս սիրոյ
տառապանքին:

Ամէն ջանք ապարդիւն է ալ ինծի համար: Ես ձգեր
եմ զբաղում, դորձ՝ ու իր ստուերին նման Շուշանին կը
հետեւիմ...

Բայց իրօ՞ք սէր մըն է ունեցածս. տարակոյս մը
կ'առնէ զիս երբեմն: Առաջին անգամն է որ ասանկ բուռն
զգացումի մը կը հանդիպիմ, հիւանդութեանս ախտաժէտ
արդիւնքներէն մէկն ըլլայ գուցէ, դիւրանցիկ բան մը:

Կը յիշեմ որ Վէրթէրը կարդացած եմ աշակերտու-
թեանս շրջանին. Վէրթէրի զգացումներուն յար և նման
են իմիններս. Վէրթէր կը սիրէր նշանուած աղջիկը...

Ի՞նչ պիտի ըլլաս գուն Արտակ. կորստեան հովերուն գլխիկոր ստրուկ մը... դիւրախար հոգի:

Յետոյ՝ կը սեւեռիմ ժամերով: Անսովոր, ծիծաղելի այլ սարսափելի է ժամերով առարկայի մը սեւեռիլ և չի տեսնել զայն, ժամացոյցը հարցուփորձել, անոր յառիլ երկար ու չի կարենալ կարդալ ժամանակը, ուրիշներու պատահած է նմանօրինակ բան մը: Սակայն կայ բան մը, դոր կը տեսնեմ յար ու անով կը զբաղիմ... Շուշանը:

Զայրոյթն ալ հետս է:

— Վարդա՛պետ, հիւանդութենէդ վերջ բարկասիրտ դարձար, կ'ըսէր անցեալ օր Վանահայրը ինծի: Իրաւունք ունէր:

Խորունի է իմ տրտմութիւնս ու բարկութիւնս սաստիկ:

Ես անձնասպանութեան դիմող Վէրթէրին կը նմանիմ ու անոր պէս կ'աճի մէջս մելամաղձոտութեան ունայն բաղեղը:

Վէրթէր սպաննեց ինքինք վատ օր մը. իսկ ես չունիմ քաջութիւնը մահուան նետելու ինքինքս ինչպէս որս մը՝ դազանին առաջ...

Չէ՛, անձնասպան ըլլալ իմ գործս չէ. անէանա՛լ, զրկուիլ արեւէն, կեանքէն ու այրող սէրէ մը: Յետոյ կրօնականի մը անձնասպանութիւնը մեծադոյն մեղանչումն է Աստուածային օրինաց դէմ, եկեղեցին ալ նդովուած:

Եթէ այդպէս է ինչո՞ւ աղջիկ մը սիրել, եկեղեցին կ'արգիլէ ամուրի եկեղեցականին սէրը: Կը սխալիմ, եկեղեցին չէ. առաջին դարերուն ամուրի կրօնաւոր չի կար. յետնադոյն ժամանակի չարագործ հայրապետներն էին որ ամուրի եկեղեցականութիւնը հաստատեցին:

Մարդկային կազմուածքին դէմ տրուած այս վճիռը կը մերժեմ ես. հիմա ատելով կ'ատեմ ամուրի եկեղեցականը: Բայց ես կամքովս ընդունեցի այս սեւերուն տակ ծածկել ամէն զգացում:

Ճիշտ չէմ խորհիր: Պարտաւոր եմ արդար ըլլալ տառապանքիս խորութեանը մէջն իսկ:

Երբ մարդ՝ տղայ է դեռ, եկեղեցւոյն պերճանքէն կուրացած՝ անոր չքեղանքին մաս կադմել երադէ, յանշաւո՞ր է:

Յետոյ հազար երազներէ, փառքէ ու քիչ մըն ալ միսթիքական հոգիէ տարուած եթէ մտնէ վանական կեանքին մէջ, ինքը չէ ոճրագործը:

Պատիժը գիտակցօրէն գործուած ոճիրին փոխարինութիւնն է. քիչեր գիտակցօրէն վանք գացած են կուսակրօն ձեռնագրուելու համար:

Կուգայ վանական մենիկ կեանքը: Սուրբերու չոր հոգիներովը սնող տղան կտրուած է աշխարհի հաղորդակցութենէն: Ամէն բան կրօնի, հոգւոյ, հանդերձեալ կենաց շուրջ կը դառնայ ու անոնց սովորութեամբ՝ ուսանողը կը սկսի ակամայ ատել աշխարհը: Ահա արդէն իսկ հոգին կապտուած:

Ալ անկարելի է քայքայել տարիներէ ի վեր ստեղծուած ու սնած աղեցութիւններն այն պահուն՝ երբ սպատանին ազատ կը համարին ընդունիլ կամ ոչ՝ կուսակրօնութիւնը:

Վանքը թող չի տար քակել այն կապերը՝ որոնք մեր հոգւոյն սանձերն եղան երկար ատեն:

Իսկ երբ հագնինք վերարկուն, ահա աշխարհի հետ դէմ առ դէմ: Իմ թշուառութիւնս այդ օրէն սկսաւ, յամրաքայլ ու ծանր թշուառութիւն մը, հիմա կը զգամ:

Երեք ճամբայ կայ մեղի, կամ չնալ այլոց կիներուն
հետ, ինչ որ կ'ընեն կուսակրօնները ընդհանրապէս,
այսպէս գիտեմ, կամ լքել վերարկուն, իրաւ անկարելի
այլ երջանիկ յիմարութիւն կը փորձե՛ս զիս, կամ տա-
ռապիլ անօդուու, անհետեւանք սիրոյ մը մէջ ու խորխի
մը նման այրիլ...

Ասոնք կը խորհիմ երբ սիրոս կը պրկէ:

Ան երեմն ալ կը շոյէ զիս, որովհետեւ սիրոյ այս
տառապանքին մէջ կը զգամ խիստ կարճատեւ այլ բուռն
հաճոյքներ ալ երբ Շուշան ժալտելով ինծի նայի, կամ
խօսի հետո. յետոյ սիրոյ երազները այլազան են, խոռ-
վիչ...

Ահա ցնորանքներէս մէկն ալ. Շուշանը գուշակա՞ծ
է բան մը զգացումներէս, երբ արշալոյսին՝ ժամուն
դրան կամարին տակ տատրակներուն կեր տալու պա-
տըրուակով իրեն կը սպասեմ կամ օրուան մէջ քանի մը
անդամ կ'երթամ խոհանոց, փուատուն և այն տեղերն ուր
կը յուսամ գտնել զինք:

Չեմ կարծեր, որովհետեւ անբիժ հոգի մը ունի.
աւելի անբիժ քան անձրեւնիրէ սրբուած և արեգակին
քաղցր լոյսէն համբուրուած երկինքի այս լիճը որ լու-
սամուտով կը շրջանակուի:

Բայց ինչո՞ւ Շուշանը Վանքին մեծ դրան առջեւ
երբեմն ձեռքը դունչին, հեռուները կը խորասուզի ու
կ'երազէ:

Բա՛ւ է: Այս յուզումները պիտի կործանեն զիս, ուժ
պէտք է փորձութեան իժին դէմ: Զիմա աղօթքս, ա՛լ
դօրավիդ չըլլար ինծի. ընթերցումներու տուած եմ ինք-
զինքս, կը կարդամ Ս. Բարսեղի և Փիլոնի վարուց մասին
Փրանսերէն ուսումնասիրութնիւն մը: Երբեմն դասերու

կ'երթամ. կը պատահի որ դասարանին պատուհանէն
Շուշանը տեսնել կարծեմ, այն ատեն ձեւով դասս վար
կ'իջնեմ, դեղերելու անօդուու կերպով ամէն կողմ,
պտտելու իր ետեւէն. ապա տժոյն, յոզնաբեկ ու դողա-
հար կ'ելլեմ սենեակս...

Դարման չունիմ. ամէն բան առժամեայ է, ես չեմ
կրնար, չեմ կրնար Վանքի մը ստուերին և խոհանքին
մէջ ուռնացող գեղանի աղջկան մը պատկերը աւրել
աչքերէս:

Որբերուն երդը ինծի կը հասնի ահա. իմ հոգւոյս
մէկ արձագանքն է ան, տրտում և յուսահատ...

Կը հազամ... երթամ ոլքուկալ բակին մէջ:

Ժէ.

Ապրիլ . . .

Եղիազարին քով միայն միկթարութիւն կրնամ
գտնել պահ մը: Բանի մը խօսքով փարատեց թոքախտի
մասին սնուցած կասկածներս:

Թերեւս ծածկեց բուն իսկ իր մտածումը, հետեւա-
բար ճշմարտութիւնը, բայց իր խօսքերը այնքան հայրա-
կան են, աղնիւ որ չեմ կրնար ախորժ չզդալ: Անդրադար-
ձաւ նաեւ չփոթ և մտազբաղ վիճակիս, ատիկա հիւան-
դութեանս հետեւութիւնը համարեց, բայց ժաղիտ մըն ալ
տեսայ դէմքին վրայ, իրեն համար անսովոր էր այդ
ժպիտը:

Արդեօք գուշակա՞ծ է հոգւոյս մէջ աճող հզօր զգաց-

ման էութիւնը : Թափանցող է Եղիազարը , բայց կանուխ
է իմանալու համար իմ մէջ սնող՝ փափուկ ու թաղծաղէմ
մանուկը , ան չի կրնար տակաւին տեսած ըլլալ բոցը որ
կ'այրէ զիս :

Ուրկէ՞ գուշակէր . տրտմահար և տմոյն դէմքէ՞ս ,
որ մտածումներս արտայայտելու աղէկ գործիք մը չէ .
խօսքերէս , ապաքինողի մը մեղմ և անոյժ բառերէնոչինչ
կրնայ հետեւցուիլ . թերեւս՝ սեւեռումներէ ու մտախոհ
վիճակէս , հիւանդութիւնս և անոր թեթեւ շարունակու-
թիւնը՝ հաղը , կողի ցաւերս կրնան պարտկել զանոնք :

Կ'երեւայ սիրահարները կասկածոտ կ'ըլլան և սովո-
րական վիճակէ մը իսկ պատրաստ՝ զարտուղի հետեւու-
թիւններ հանելու և տանջուելու :

Երբեմն Շուշանի պարզ մէկ նայուածքը յուսալ
կուտայ ինձ ... ի՞նչ բան յուսալ՝ անոր անկարելի
համակրանքը , նոյն իսկ սիրտն ունենալու յիմարական
երազը :

Երանի՛ Եղիազարին . գրչաղրի մը կամ փոքր
նկարներու առջեւ կը մոռնայ աշխարհը , անոր յարուցած
բոլոր կիրքերէն կը մերկանայ կամ թէ այդ աշխարհը կը
դիտէ իմաստահէրի անշահախնդրութեամք , ինչպէս ես
կ'ընէի ապաքինութեանս առաջին օրերուն :

Աշխարհէն ոչինչ սպասելով , անոր իրերուն մասին
իր դատումները ճիշդ են , թէեւ յաճախ զուրկ չեն հին
դառնութեան մը տուած խորշոմներէն :

Իր ներքին կեանքը՝ երփնազրութիւնները , գեղա-
դրուած մաղաղաթն ու մանրանկար պատկերները կը
լեցնեն :

Շիկագոյն մագաղաթի վրայ շինուած Աստուածածնի
նկար մը գտեր է խորանին տակ գտնուող գետնափորէն .

օրերէ ի վեր այս նկարով կը զբաղի ու Մասունքի մը
նման կը գուրգուրայ վրան : Պատուելու համար զիս ,
ցոյց տուալ ինձ զայն՝ մերկացնելով մետաքսեայ մանի-
շակագոյն թաշլինակէն :

Սիրուն բան մը կ'երեւայ . կապոյտ խորքի մը վրայ
Ս . կոյսը Մանուկը դրկած՝ նստած է զահի մը վրան :
Որդին ժալտելով , աչուկները մօրն է ուղղած , մինչ կի-
սաբաց շրթները բան մը կ'ըղձան : Կարմիր ցփսի մը
գլխուն , չարաձնի ժպիտով մը կը նայի մայրը տղուն :
Երկու կերպարանքներն ալ աղնուական են . անձանօթ
արուեստագէտը ներշնչուած մէկը ըլլալու էր :

Պղտիկ Խաչելութիւն մըն ալ գտեր է . ամպամած ,
մթին միջոցի մը մէջ ժայռի մը վրան կանգնած է Խաչը՝
իր զոհին մոխրագոյն մարմինով . ցաւագին է ոգեվարող
Յիսուսին դէմքը , Խաչին ստորոտը կայ գանկ մը երկու
բազկոսկրի մէջտեղ . միշտ նոյն անողոք , անպատկառ
քրքիջը կ'ելլէ գանկին խաւար աչքերէն ու փշրուած
քանի մը ակուաներու պարապէն : Ասկիա պատկերին չա-
րաշուք եղերականութիւն մը կուտայ :

— Բանի մը զարմացած եմ , վրայ բերաւ Եղիազարը ,
այս նկարներուն մէջ՝ գոյնը երկրորդական տեղ մը կը
բռնէ , դէմքի և անդամներու զիծերը անկատար են , ճիշդ
չեն , բայց արտայայտութիւննին կատարեալ է :

Վարի Եկեղեցին նկարներ կամ՝ որ լաւ գծուած են ,
բայց բնաւ տպաւորութիւն չեն ձգեր . ուրեմն զոյնը և
զծի ճշութիւնը չեն որ գործին արթէք կուտան յաճախ-
հապա զգացումը յատկանչող , ցայտեցնող քանի մը էական
զծեր , զորս աչքը տեսնելու և ըմբռնելու վարժ ըլլալու է :

Երբ իր ախորժալուր խօսքերը վերջացուց , անդամ
մըն ալ նայելով շիկագոյն մաղաղաթին վրայ՝ Աստուած-

ծածնի ժպիտին մէջ կարծեցի նշմարել Շուշանին ժպիտը
բայց՝ Մանուկ-Յիսուսը տրտմեցուց զիս: Իմ սիրոյ ուժ-
գին այլ անդօր զգացում էր որ կը վիրաւորուէր, որով-
հետեւ ես չէր կրնար օր մը հրճուանքն ունենալ իմս եղող
կնոջ գրկին մէջ տեսնելու քաղցր մանկիկ մը:

Յանդուղն մտածում...

Անձկութեամբ նայեցայ Եղիազարին. իր թափանցող
և ուլունքի պէս կապոյտ աչքերը նորէն կը ժպտէին
հայրական ներողամտութեամբ թաւ յօնքերուն տակէն:

Ելայ գուրս սպրդելու, որովհետեւ երջանիկ ծերու-
նին նորէն մխրճուեցաւ գաւազանագրքի մը յաւելուածին
մէջ՝ ուր անծանօթ աշուղի մը սիրոյ տաղերը կային:

Բակէն անցնելու տեսն՝ ժամուն դրանը առջեւ Շու-
շանը տեսայ. քանի մը գառնուկներ զսպել կը ջանար,
անասուններէն մին անոր նուրբ մատները կը հոտոտէր:
Կանդ առի, կրելով զգացում մը որ կ'արգիլէ մարդուն իր
սիրոյ առարկան վայելել: Այդ քնքուշ, ոստոստուն,
պիսակաւոր գառներուն հանդէպ լիցուեցայ ոխով, իբր
թէ անոնք ըլլային իմ ապերջանկութեանս պատճառ:

Ես կ'ատէի գրեթէ անիծելով այդ հէդ անբանները
ու մանաւանդ այն մէկը՝ որ Շուշանին մատները կը հո-
տոտէր. և նախանձը կը կրծէր զիս...

Նոյն միջոցին որբերը Վանքին մեծ դռնէն ներս թա-
փեցան. մթնշաղն ու դուարթութիւնը կը ծածկէին իրենց
անսփոփ, պատառատուն երեւոյթը: Խաչեր կ'աքացէր
Մանասէն:

— Վարդապետ, պարտասած կ'երեւիս, կը հեւա՞ս
... ինձ մօտենալով վրայ բերաւ Ալէքսանդրը:

— Այո՛, հիւանդութենէս վերջ... այսպէս եմ ալ:

Վեր վաղեցի: Հազի բուռն, երկարատեւ նոպայ մը
կողերս ցնցեց:

Վեհարանին մէջ՝ Վանահայրը իր տատրակներուն
ոտքին մանր ուլունքներ կը կախէր, պարբերաբար համ-
բոյրներ տալով անոնցմէ էղին...

Տխուր չէ՞ այս բոլորը:

ԺԼ.

Ապրիլ . . .

Զատկի արձակուրդը անցնելու համար, "ըրբերը քա-
ղաք մեկնեցան:

Քանի մը անձնուէր ընտանիք եկան մեղ առաջարկել
հիւրընկալութեան այդ ձեւը: Տղոց համար սփոփանք մը
պիտի ըլլայ ընտանեկան խնամքը ու թերեւս իրենց
ցնցուիներէն նորողուած վերադառնան: Ալէքսանդրն ալ
դնաց:

Վանքին մէջ քանի մը հոգի կը մնանք. Վանահայրը,
Շուշանը, Եղիազարն ու միւսները:

Այս կրկնակ մենութիւնը հաճոյքով կ'ընդունիմ.
ինքինքս քիչ մը աւելի ազատ պիտի զգամ հետապնդող
ակնարկներէ. չեմ ուղեր որ զգան կամ գուշակեն ինչ որ
վանքի մը որմերուն մէջ կը թաւալի լոին եղերեղութենէ
մը աւելի հզօր թափով. լա՞ւ է որ մարդ միայնակ տա-
ռապի...

Կրած փոփռնութիւնս զարմանալի է, ես որ երբեմն
կ'երազէի քաղաքն ու անոր չարժումը, հիմա առանձնու-

թիւնը կ'ուղեմ, կը սիրեմ. սիրոյս հետ մինակ ըլլալ իմ
միակ իղձս է:

Ուր է երջանկութիւնը՝ երբ մարդ այնքան յարա-
փոփոխ է իր բարեբաստութեան ըմբռնման մէջ...

Առաջ յարատեւ շշուկ մը կար. փեթակի մը բզզոցն՝
ու նոյն իսկ ձայներ կը լեցնէին մենաստանը. թող դադրին
անոնք, ես կ'ուղեմ լսել ու անձնատուր ըլլալ սիրոյս
երազին ու ձայներուն, անոնք կը բաւեն լեցնելու ամէն
ամայութիւն:

Յետոյ աղատօրէն, համարձակ պիտի կրնամ վայելել
Շուշանը:

Առաջին մէկ երկու օրերս արդէն մանկունակ
զուարթութեան մը մէջ անցուցի. դացի Շուշանին ու
մօրը քով, խօսեցայ հետերնին ու խնդացի ալ:

Սակայն՝ կայ բան մը ուրկէ կը նեղուիմ. առաջ
շեշտակի կրնայի նայիլ ուրիշներու աչքին, հիմա հետզ-
հետէ անկարելի կը դառնայ ատիկա: Շուշանին չեմ յա-
ռիր, թէեւ աչքերս միայն զինք կը խնդրեն, թերեւս
մատնուելէ կը վախնամ, որովհետեւ ակնարկներս անոր
կրնան խօսիլ ինչ որ լեզուս կը լոէ:

Ի՞նչ կրնար ըլլալ սակայն՝ երբ յայտնուէր սէրս...
պիտի պատահէր այն՝ որուն սոսկմամբ կ'ըղձամ. իյնալ
ոտքերուն առջեւ, բոնել իր պատրիկեան մատները համ-
բուրել, համբուրել և ներողութիւն խնդրել:

Վարդապետ մը հասարակ աղջկան մը առջեւ ծնրա-
դիր... նորօրինակ է ասիկա ինձ համար, պատահա՞ծ է
այդ տեսակ բան մը երբեք:

Յետոյ՝ քանի մը օր առաջ կը սեւեռէի ժամերով,
հիմա անհանգիստ, կասկածոտ, յարաշարժ եմ. վրդո-
վուն վիճակ մը՝ որ տեղէ տեղ կը տանի զիս: Ո՛չ, տեղէ

տեղ չէ. ես Շուշանը կը հետապնդեմ, կը փնտռեմ ան-
դիտակցաբար, բնագդօրէն:

Ասոնք ի վերջոյ ուշադրութիւն պիտի արթնցնեն,
նկատի առնուին, քննուին, ճշդուին խոհանոցին կամ
գոմի մը անկիւնը, Վանքէն քաղաք տարուին և մինչեւ
Պոլիս գտնեն իրենց արձագանգը:

Ի՞նչ բաներով պիտի լեցուին մեր օրաթերթերը, բոնու-
թեան թաթին տակ ապասերող թուղթի այդ լայն էջերը:

Վարդապետը տնտեսուիի մը դեռատի սպզկան կը
սիրահարի... վանքին մէջ:

Այս պիտի ըլլար զգայացունց վերնագիրը աչքի գար-
նող մէծ տառերով գրուած ու զգուելի կախման կէտերով
վերջաւորուած: Օրաթերթի մը թարմութիւնն ու հրա-
պոյրը աւելցնող բան մըն է կարծեմ յայտնութիւնը, չէ՞
Արտակ:

Ու ո՞վ գիտէ ինչպէս հաղարաւոր մարդիկ, բուռն
ու կործանող տառապանքի մը այդ արձագանգին առջեւ
պիտի ծիծաղեն կրկնելով՝

— Վարդապետ, սիրահարութիւն, ահա թէ ուր
ինկած է կուսակրօնութեան բարոյականը...

Կրկին ու կրկին պիտի կարդան ու նորէն խնդան,
սրամիտ գռեհկութիւններ կուտակելով յետագայ ման-
րամասնութեանց վրայ՝ դորս խեղկատակ ու կատաղի
թղթակից մը կրնայ երեւակայել:

Այսպէս անսպառ նիւթ մը պիտի ելլէ իմ սեփական
թշուառութենէս, ուրիշներուն իբրեւ ժամանցի նիւթ:

Չէ՞ եղած որ ես ալ ծիծաղած ըլլամ նմանօրինակ
պարագայի մը առթիւ:

Եսական է մարդը, ու մեր անձնական տառապանքէն
դուռը ամէն բան կրնայ հեգնուիլ...

Զուարթ տրամադրութեամբ մը ելայ այս առողու: Բացի սկասուհանս ճիշդ այն պահուն երբ նախիքը դաշտ կը քչէին: Զլապինդ այծերն և ուլիկները զիրար կը հալածէին՝ երբեմն կանդ առնելով սկսելու համար եղջերոներու կարճ այլ հերոսական մենամարտ մը: Կը սիրեմ այծերը, ինքնատիպ են և աղատութեան սիրահար: Յետոյ ոչխարներու սպիտակ ու միազանգուած հօտը դլիխիկոր ու դանդաղ կը հոսէր շրջապատուած լուսագէս ու մայոդ գառնուկներէն, ապա երազուն կովերը կը հետեւէին անոնց, երկարասրուն ու դեղեւող հորթերով: Պոմէշները վերջապահներն էին սեւ, զազրելի ու դանդաղ:

Հաճելի էր տեսնել այս անասնական զանգուածը ու մանաւանդ լսել մայիւններու, պոռոչի ու թինդող բոփոժներու յարաճուն ընդիսառնումը՝ որ խոնաւ, տակաւին միգամած գարնան առաւօտին մէջ՝ աւետուող հեռաւոր արեւն ու աւիշներու զարթնումը կ'ողջունէր:

Այսպէս՝ մինչ դաշտերու արահետներուն վրայ դանդաղող կենդանեաց զնացքին կը հետեւէի աչքերով, ահա դոմի վարի դուռնէն դուրս թռաւ ահարկու ու անսանձ ցուլ մը, որ միջոցին մէջ մոլեզին պոռոչ մը նետելով՝ սուրաց դէպի հօտը:

Աղաղակով ու շարժումներով լի այս նկարը յոյզով լեցուց զիս, իմ հրճուանքս գրեթէ մանկական էր, կը խնդայի, ծեծելով պատուհանին փայտերը:

Բլուրներու ետեւէն քիչ յետոյ կը ծաթէր հրաշէկ և հզօր սկասառակը արեւին, տակաւ կը տժունէր երկինքի կապոյտը՝ մինչ անդերու հողին վրայ ծփուն մէդը

կ'անօսրանար և ես նշմարեցի յամբավար գութանը, լծկան եզներու ճիգը, սրճագոյն փեռեկումները հողին:

Գարուն է ալ. կը հաւատամ որ եկաւ, եկա՞ւ որովհետեւ ծառերուն վրայ արդէն իսկ կը զգացուի շունչ մը որ արմատներէն կը բարձրանայ մինչեւ ծայրը կատարներուն. կենդանացնող աւիշն է ան:

Կը շիկնին բարտիներու սլացիկ ճիւղերն, ու գետեզրի ուռիներուն վարսքը՝ կլապտաններու հետ կը շփոթեմ: Թերեւս պարտէզի որմերուն ետեւ դալարիքի կանաչ այտերուն տակ, դեղին և սպիտակ ծաղիկներ աչք բացած են:

Ասիկա Պոլսոյ ձմերավերջը չէ՝ երբ փետրվարի յետին օրերուն յանկարծ գարունը հազար կողմէ ձայն կուտայ ու բիւրաւոր ծաղիկներու մէջէն կը նայի:

Հայաստանի համար ամէն բան ուշ կուգայ... բայց աւելի հաճոյալի է սրտիս ասիկա ու ես հիմա կը սկսիմ աւելի սիրել դժնդակ ձմեռուան մը յաջորդող արեւու, կապոյտի և կանաչի այս օրերը:

Խոնաւ էր օդը և ես ծանրօրէն կը չնչէի. այդպէսով կը վտանգուէր առողջութիւնս սակայն ինչ հոգ, երջանկութիւնս բաւ էր ինծի:

Երջանիկ և զուարթ ինչո՞ւ... թերեւս անոր համար որ ինչ Շուշանը կը նայէր այդ դարնան առաւօտին:

Բնութեան երկունքին մէջ՝ կը զգամ իմինս ալ որովհետեւ երիտասարդ եմ, թէեւ պարտասած ու տկար: Զունենա՞մ այս վերածնող բոլոր բաներուն մէջ՝ իմ ալ յարութեանս յոյսը...

Առաջին անգամ ըլլալով բանաստեղծութիւն մը գրելու փափազն զգացի առտուն...

Կէս օրէն յետոյ երբ խոնաւութիւնը նուազեցաւ,

գացի շիրմաքարերէն մէկուն վրայ նստիլ վերարկուս
բազմոց ընելով:

Լա՛ւ է ասանկ հանդչիլ բաց օդին մէջ՝ երբ արեւին
թափանցող ջերմութիւնը քանի մը սարսուռներ տալէ
վերջ՝ ոսկորներուդ մէջ կը թափի:

Յամբօրէն երազանքի մը անձնատուր եղայ՝ դոցելով
աչքերս:

Արեւուն դեղին լոյսը արիւնադոյն կը ներկէր կո-
սկերս ու ես պահ մը անոնց կարմիրին վրայ ալազաստրէ
քանուակի մը նման Շուշանի դէմքը տեսայ:

Փակ պահեցի աչքերս վայելու համար սիրոյ յաւէր-
ժական այդ նկարը: Քրքիջ մը սթափեցուց զիս: Փոքրիկ
սափոր մը ձեռքը տնտես կարօին հետ կատակելով, դե-
տեզը կ'իջնէր:

Նայեցայ իր հասակին, խարտեաշ մազերու հիւսքին,
հպարտ քայլերուն: Երբ անհետացաւ վազեցի իր անցած
ճամբուն վրայ, վերադառնալու համար նորէն իմ տեղս:

Ետիս դարձայ, աւագ խորանին արտաքին սապատն
էր քովս ի վեր կանդնած իր նեղ, երկար լուսամուտերովը՝
աղեղնաձեւ ժանեկաւոր յօնքերու տակ. աչքս ինկաւ նաեւ
հնօրեայ գերեզմանի մը մութ խաչքարին վրայ:

Երկուքն ալ խոժոռ ու սպառնալից թուեցան ինծի.
միոյն սառւերին ու միւսին ծանրութեան տակ պիտի
հանդչի ամէն բան օր մը...

Արեւը կ'անհետէր շոգելից հորիզոնին վրայ, հեռա-
ւոր լեռներու ստուերին ետին. ու արդէն իրիկուան հետ
կը տրտմէի նորէն, որովհետեւ գիշերուան մենութենէն
կը սկսիմ վախնալ ես:

Աւելի ճիշդ՝ ուզածս չեմ գիտեր. յերեկները գիշեր-
ուան կը սպասեմ, իսկ մութին՝ երբ խորտակուած ու

հրէշային, խուցս դառնամ Շուշանի լուսամուտին տակ
երկար դեղերումներէ յետոյ՝ աղօթարանի կասլոյտ շո-
ղերն կ'երազեմ ու կուլամ...

Ի.

Ապրիլ . . .

Եկեղեցիէն կը դառնամ:

Խթումի արարողութիւնները կարճ սաղմոսերգու-
թեամբ մը լրացուցի, մինչ հիմա հարիւրաւոր տաճարնե-
րու մէջ բիւրաւորներու բազկատարած ներկայութեան՝
Յարութեան խորհուրդը կ'երգուի:

Որքա՞ն լաւ էր ինծի համար անոնցմէ միուն մէջ
ըլլալ, ծեռլու խունկը ու վայելելու համար ջահերու ոս-
կին տակ ծաղկող դէմքերու ժպիտը:

Բայց այս իրիկուն ի՞նչպէս աղօթեցի ես, տէր Աստ-
ուած:

Հիւանդութենէս ի վեր երրորդ անդամն էր որ եկե-
ղեցի կ'երթայի. կարծեցի գոնէ այս անդամ հոն միսիթա-
րութիւն գտնել, բայց աղօթքի բառերն բան մը չեն
բերեր, յետոյ այդ մենութիւնը, անբացատրելի մթնոլոր-
տը, թափուր խորաններն ու անոնց առաջ քթթող հսկումի
կանթեղները կ'ընկճեն զիս:

Զիլերու, ծնծղայի ձայներուն, բազմախուռոն ամ-
բոխի մը ժխորին, աղաղակներուն պէտք կը դդամ ահա:

Սէրը երբեմն նեկտար մըն է որ ցնորանքիս մէջ
ինքնարաւ կը դարձնէ զիս, կը կարծեմ երջանկութիւնը

լիօրէն վայելել մինչեւ մահուան օր մը, բայց յանկարծ՝
թոյնի պէս ան կ'ապականէ արիւնս սարսափներով համա-
թելով զիս. գծողքի մը դաղափարէն կը դողամ ես: Զեմ
հաւտար դժողքին՝ այլ անոր դողն ունիմ երբ եկեղեցին
եմ, խորանին դէմ, Աւետարանին առջեւ:

Այս երբորդ անգամն է որ սէրս գալարուն, պաղ
սողուն մը կ'ըլլայ զիս զգեստնելու համար: Այս' պաղ ու
դաշտուն օձ մը...

Ժամուն մէջ սիրոյ վրայ խորհիլ տուող շատ բաներ
կան: Ինչո՞ւ աշխարհը եկեղեցիէն ներս մտած է կամ
եկեղեցին աշխարհի մէջ ինկած:

Աստուածածնի պատկերը Շուշանը յիշեցնել կուտայ
ինձ միշտ, միշտ: Սիրոս կը խոցուի, այլ Ան՝ կարծես
նոյն պահուն մաղերը երկու հիւսքի, դշուոյի մը իրու-
տանքով յամբաքայլ քովէս կ'անցնի՝ մանկաժպիտ ու
թաղաղէմ:

Կը նայիմ իր ետեւէն, ժպտելու ատեն չեմ ունենար
որովհետեւ ահա կըօնականի իմ հոգւոյս դէմ եկեղեցին
կը հանէ իր բոլոր սաստերը: Դասին մէջ իսկ շանթահար
ըլլալու երկիւղը կ'ունենամ:

Արդար պատուհասում. թող Սրբոց, Երանելիներու,
եկեղեցական սուրբ Հարց զայրոյթը շղթայակերծի
գլխուս, ինչպէս մըրիկը ովկէանի մը մենաւոր և անօդուտ
խութին վրայ...

Ես կը նախընտրեմ այդ վախճանը. անիկա նուազա-
գոյնն է չարիքներուն՝ զորս կեանքը դարանած է ինձ դէմ
երիտասարդութեան և սիրոյ սնդոյրին տակ:

Սակայն խթում է. Զատիկը պիտի ծագի վաղն իսկ
Հայաստան աշխարհին վրայ:
ի՞նչ կայ ինձ համար: Կը յիշեմ, Ծնունդին խորհե-

ցայ ցաւերուն վրայ ազգիս. այն ատեն ըմբռստութիւնս
կ'եռար մեր թշուառութեան և աւետուած փրկութեան
եզրերուն անհաշտութենէն. իսկ հիմա՝, երբ մերկ խու-
ցիս մէջ՝ անմիտ օրադրի մը այս էջերը կը մըոտեմ,
ինչո՞ւ նոյն վեհանձն թոփչքով չեմ խանդավառիր:

Բան մը եսական ըրաւ զիս. սէրը: Բայց լսեր եմ և
փորձովս գիտեմ որ սէրը գթած ու ազնուական կը դարձնէ
հոգին:

Ես բան մը չեմ ուզեր կեանքէն երկար ատենէ ի
վեր, նախասիրութիւններս հրաժեշտ առին ինչ, փառքի
տենչանքն ալ մարեցի և ուրիշներու յաջողութիւնը ան-
տարբեր կը ձգէ զիս:

Աւելի կը սիրեմ մարդիկը. իրաւ աւելի կը սիրեմ...
Որովհետեւ քանի մը անդամ ինձ այնպէս թուեցաւ թէ
կ'ուզէի երթալ, գրկել ու մաքուր համբոյրով մը համ-
բուրել որբերը, Վանքին մարդիկը, նոյն իսկ աղբահոտ
հօտաղներն ու իրենց անասունները...

Սէրը մաքրալոյս արեւ մըն է որ մոայլ ովկէանի մը,
կեանքին վիհերը կը լուսաւորէ, զանոնք շքեղացնելով:

Ուրեմն ինչո՞ւ այս սուրբ երեկոյին, տակաւին
իսաւարը չիծած, անձրեւակոծ օրուան մը մեկնող մրմունջ-
ներուն հետ իմ սիրոս ալ չի յուսայ...

Նորէն կը հազամ ու միշտ ձախ կողս կը կոտտայ:
կը հասկնամ. Փիղիքական այս տառապանքը կը
դառնացնէ զիս: Կ'ըսեն թէ երկարատեւ հիւանդութիւն
մը՝ ենթական եսամոլ, անհանդուրժելի, կրքոտ կը
դարձնէ:

Իմ պարագաս ալ ա'տ է թերեւս. յետոյ մենաւոր եմ
սիրովս միասին, որովհետեւ ան՝ զոր կը սիրեմ տարա-
սիցիս նչոյլն իսկ ունեցած չէ հատնումիս մասին, ու մինչ
կոյսի նչոյլն իսկ ունեցած չէ հատնումիս մասին,

ամէն մարդ այս երեկոյ կրնայ իր երջանկութիւնը ճանչ-
նալ ակնարկի մը կամ համբոյրին մէջ՝ ես դանոնք դուր
կ'ողեկոչեմ ու կը տառապիմ...

Բայց՝ ահա Վանահայրը կը պոռայ: Անկուշտ անա-
սունի մը ճայնն ունի այս մարդը, ես կը սարսուամ իր
ճայնին սաստկութենէն... այնքա՞ն քայլայուած եմ:

Պէտք է երթամ իրեն հետ Խթումի ճաշն ուտելու:

Ուտե՛լ... ի՞նչպէս երբ մէջդ կայ բան մը որ կ'աճի
ու սնունդդ կ'ըլլայ, քեզ ուտելով...

ԻԱ.

Ապրիլ . . .

Զատիկի արձակուրդը արդէն կը վերջանայ և ես
դոհացում գտած չեմ. ի՞նչ բանով կրնայի դոհ ըլլալ:

Առաջին օրերը քաջալերական թուեցան ինծի. կը
յուսայի Շուշանը աւելի մօտէն վայելել, ժամերով խօսիլ
իր հետ և ո՛վ գիտէ թերեւս բաներ մը ըսել... չըսել բայց
հասկցնել:

Այսօր իմ սնանկութիւնս կայ միայն: Զի կրցայ եր-
կարօքէն խօսիլ հետը. քանի մը բառ ու ահա միշտ վեր-
ջացան ըսելիքներս, իբրեւ թէ զրկուած ըլլայի բաղմա-
կողմանի ծանօթութիւններէ ու իմ խօսելու փափագս
մարած ըլլար առյաւէտ: Կը կենամ իր մօտ յաճախ,
սարսուալի ու տրսփուն սրտով, յիմարութիւններ կ'ըսեմ
մէջ ընդ մէջ, անանկ խօսքեր գորս կ'ատեմ, իմ թշնամի-

ներս կը նկատեմ որովհետեւ, սէրս միայն իրմով զբաղել
կը սիրէ... բայց ինչո՞ւ կը լոէ իր առարկային առաջ:

Շուշան մանկունակ անմեղութեամբ մը պատասխան
կուտայ, կարծես գութով լեցուած կը նայի դէմքիս, ու
քիչ վերջ տիրող լուութենէն նեղուած կ'երթայ: Ես կը
մնամ քարացած, մտածման բարիքէն զրկուած մարդուն
դատարկ ուղեղով:

Բան մը զիտեցի սակայն Շուշանին վրայ, հիմա
աւելի մելամաղձոտ է, թէեւ միշտ լուրջ ու երազուն
եղած է ան: Անշուշտ Վանքին ազդեցութիւնն է, այս
մենարանին որ բնութեան չքեղ ծոցին մէջ տխուր է,
մահանոտ, անցաւորին խոհանքով յագեցած:

Բնութիւնը իր չքեղանքին մէջ իսկ տրտում է երբ
կեանքին երգը չի բարձրանար անոր վրայ: Եկեղեցին
աղբիւրը կ'ըլլայ հաւատքին և բարւոյն այն ատեն, երբ
մարդկային կեանքը՝ կեանքով կը նուիրագործուի:

Հոս՝ այս գմբէթներն ու շինութիւնները, բակը,
չիրմաստանն ու կանաչ դաշտօրէն, դանոնք գրկող կա-
պոյտը, միսթիկ խորհուրդներու նկանակը միայն կուտան
ինծի ծամելու: Ես, ատոր սահմանուած կրօնական երբ
կ'ուզիմ հետեւ կոխոտել զայն՝ հապա ի՞նքը արբունքի
հասած աղջիկ, գեղանի, առոյդ, ի՞նչո՞ւ չի խորհեր կեն-
սալի քաղաքին ու կրակոտ տղոց վրայ...

Առտուները ժամուն սիւնակալ դրան խորշին մէջն
է, տատորակներով զբաղած, իրիկուան դէմ շիրմաքարի
մը վրան կը գտնեմ զինք ձեռներէն մին քունքին, միըր-
ճուած երազանքի մը մէջ որ դաշտերուն վրայ կը կորսուի:
Յրթում հարցնելու անոր նիւթը հողին, քարերուն և ծա-
ռին, ծաղկանց կամ եթերին... ի՞նչ կը խորհի, որո՞ւ
վրայ... ի՞ւ վրայ թերեւս... չի՞ կրնար ըլլալ:

Երէկ Եղիազարի սենեակէն մեկնելէս վերջ նորէն
շիրմաքարի մը վրան նստած գտայ զինքը:

— Բարե՛ւ օրիորդ Շուշան...

— Բարեւ Հայր Սուրբ:

Ոտքի ելլել փորձեց, չի ձգեցի:

— Օրիորդ վերջալո՞յսը կը դիմէք...

— Այո'...

— Գեղեցիկ է տեսարանը... աղուոր են դաշտերը,
լա՛ւ է պտոյտներ ընել ասանկ օդով...

— Այո'...

Այսչափ: Հակառակ խօսելու կամքիս պապանձումը
կապեց զիս:

Այդ պահուն ամէն բան կը մերժուէր մտքիս, լեզուս
կը շարժէի բերնիս մէջ՝ այլ իր շարժումը յօդաւոր ոչինչ
կը ծնէր:

Լոռութեան վտանգը զգացի. պիտի ձգէի՞՞որ թուչունը
հեռանար... ինծի համար պատեհութիւններուն վերջինն
էր ատ, որովհետեւ արձակուրդի յետին երեկոն էր, որ-
բերը պիտի դային մէկ երկու օրէն:

Սակայն ի՞նչ ըսել. չէի կրնար խօսիլ: Անկարելի,
անկարելի էր սիրոյ օտար եղող մարզերուն վրայ յածիլ:
իսկ սէրս հապա ինք ինչո՞ւ չի խօսիր վերջալոյսին դէմ
երազող այս ծաւի աչքերուն, ինչո՞ւ հովիկի մը փայ-
փայանքովն ու ողոքող մրմունջով չի ըսեր իրեն՝

— Կը սիրե՛մ քեզ...

Անշուշտ պիտի ապշէր, շառագունէր ու դահավէժ
խուսափէր ճիչով մը որ մատնէր ամէն բան:

Բայց կասեցնել զինք՝ իմ ձեռքս է. այո՛ կասեցնել
նայիլ իր աչքերուն մէջ անանկ մը որ սէրս դաշոյնի մը

պէս իր սիրտն ալ խրի, և խոր ու մռայլ ձայնով մը
նորէն կրկնել

— Քեզ կը սիրե՛մ Շուշան...

Յետո՞յ...

Սիրոյ յիմարութիւնը անվախճան չի կրնար ըլլալ,
ալէտք չէ պարտկել անկարելին, անհունը՝ գծորոշ մարմ-
նոյ մը ու մանր ուղեղի մը խուցին մէջ:

Իմ կիսափուլ շինուածքիս մէջ չեմ կրնար ծածկել
սիրոյ հզօր շունչը:

Սակայն բան մը չի կրցայ ըսել ու չպիտի կրնամ
երբեք...

Զեմ գիտեր որքան մը մնացինք լուռ, ես կանգնած,
դետնամած աչքերով, ձեռնափայտով մը խաղալով գետնի
հողերուն հետ, ինք նստած, նայուածքը դէպի գետակը
ձգած: Մէկէն ոտքի ելաւ, սարսացի, ու ապշահար ան-
դամ մը երեսս նայելէ վերջ դնաց մինչեւ Վանքին երկա-
թապատ դուռը ծանրաքայլ, անկէ ներս ուժգին փախուս-
տով մը անհետացաւ:

Երկարօրէն ետեւէն նայեցայ. ինձ այնպէս կը թուէր
թէ ան միշտ նոյն դահավէժ վաղքով կ'երթար այլ չէր
հասներ, ու ես իր վախովը լեցուեցայ:

Երբ բիւրեղային թափանցկութեամբ և թեթեւօրէն
շիկնող եթերին դարձայ քիչ վերջ, բուլոր իրերը անսովոր
զեղեցկութեամբ երեւցան ինծի...

Զիլերու գաշն թինդերը կը լեցնէին միջոցը, անդերու
հեռաւոր մէկ կէտէն գամբո մը խոպոտ հաչիւն մը կը
նետէր մերթ ընդ մերթ:

Ապրիլ . . .

Այս արձակուրդը կը սկսի ճնշել վրաս. թող գան որբերը ժամ առաջ, հիմա միակ փափազս այդ է: Եւ արդէն չեմ գիտեր ինչո՞ւ ուշացան, արձակուրդը լրացած է, կ'երեւայ Պ. Ալեքսանդրը ծուլութիւն կ'ընէ:

Երկու շաբաթ առաջ մենութիւնը կը փնտոէի իր դովքը հիւսելով, անոր քաղցրութիւնը զգալ կը կարծէի, ինչո՞ւ անոր բերած սիրոյ յաւէրժական ժամերուն անձուկովն ալ լեցուած էի: Իսկ հիմա նորէն ժխորին կը դառնամ, որովհետեւ այն՝ որուն վրայ կեդրոնացուցած եմ կեանքս ու զգացումներս ոչինչ տուաւ ինծի:

Խե՛ղճ աղջիկ. ի՞նչ կրնայ տալ. ես չուզեցի բան մը իրմէն, մանր յայտնութիւն մը իսկ չի կրցայ ընել՝ զգացնելու համար սիրոյ աղիտաւոր օրէնքին աւերը մէջս: Այո՛ ինչո՞ւ սպասել... երբ ոչինչ տրուած է:

Մէրը քիչ մարդ այսքան կոյր և ապերախտ է ըրած. իմ մէջս են կորստեան դառն սերմերը, ես իսկ ծնայ դանոնք, այլ իմ ցնորանքիս մէջ՝ կ'որոնեմ յանցապարտութիւնը իրերուն ու մարզոց: Այս ամէնը ոչինչ կը փոխեն իրականութենէն. թող բանականութիւնս, եթէ մնաց, ծամէ անօգուտ՝ իմ դատակնիքս կամ անմեղութեանս ջատագով կանդնի. բան մը չի կրնար փոխուի եղածէն:

Ես կը սիրեմ Շուշանը. սիրտս չքմեղանք չունի... կը սիրեմ զինքը անանկ մը որ խելագարութեան խարագանին տակ ոռնացող դատապարտեալն իսկ՝ պիտի դթար վրաս տեսնելով զիս:

Թերեւս սիրոյ պարդ էութենէն տարբեր բան մըն է

իմինս. բարդ և մինչեւ հիմա ակամայ սանձուած զդացումներու յորդում մը որ մէկէն փշելով կուսակրօնի կեղծաւոր կեանքիս անուրները, կ'իյնայ մաքուր և ասուուածային էակի մը վրայ՝ որուն արժանի չեմ:

Շուշան անդիտակ է սիրոյս. այնքան անդիտակ որքան դէմքը շրջանակող ասլրշում մաղի թելերէն մին՝ իր այտերուն փափկութեան: Եւ ես աւելի վատ ու ոճապարտ եմ, որովհետեւ կ'ուզեմ բաներ՝ որոնց գոյութեան կասկածն իսկ չի կրնար երեւակայել ան ու թերեւս սրբակեացի մը տուած ողատկառանքով կը մօտենայ ինծի...

Բայց ես ինչո՞ւ դաշտերուն մէջ, գետեզը կամ նոյն իսկ տաճարին ստուերոտ ու զանիուլ մէկ անկիւնը չեմ կրնար խօսիլ իր հետ սիրոյս մասին. խօսիլ, համոզել զինք ու վճռելէ յետոյ, մթին դիշեր մը Վանքէն հեռանալ, անոր զրան առջեւ լքելով այս սեւ վերարկուն. յետոյ ամուսնանալ...

Եղած են յանդուդն ու սրտի տէր աղջիկներ որ մահւան տեղ կեանք բերեն. թերեւս Շուշանն ալ անոնցմէ է: Քաղցը ու վեհերոտ արտաքիններու տակ, կ'ըսէր Տուրինեան, պահուած են յաճախ ամէնէն վճռական ու անվեհեր հոգինները...

Այն ատե՞ն: Քանի մը ամիս գայթակղութիւնը շրջան պիտի ընէր գուհէիկ մարզոց ու թերթերու շատխօսիկ, ծուռ բերաններուն մէջ: Կ'ատեմ օրաթերթերը, գարշահոտ շտեմարաններու կը նմանին, ուր առանց ընտրանքի ամէն բան կը դիպեն:

— Կը բաւէ համբերող և անփոյթ ըլլալ... կ'ըսէր Օրումեանը իր ժողովրդավարութեան դասերուն մէջ, ի վերջոյ ամէն բան կը մոռցուի:

Բայց ես վախկոտ եմ: Ամէնուն տրուած չէ յանդուդն

հարուածներու ճաշակը . չէ թէ գործը , հապա մտածումն իսկ զիս գողի կը մատնէ : Ծիծաղելի է այս վիճակը կը դամ , որովհետեւ կուսակրօնութիւնը ձգած և կամ անոր մէջ իսկ աշխարհիկ վայելքներուն անձնատուր եղած դասակիցներ կը հեղնեն այս բոլորը . ե՛ս միայն պիտի չի կրնամ խզել այն կապերը , որոնք վարդապետը կը զրկեն կեանքէն , կեանքին իսկ դիմաց :

Զո՞ւր ալ չէ որ մարդ անցեալ մը կ'ունենայ . պարապ չէ որ ինքոինքին պատմութիւն մը կը շինէ , ի՞նչպէս ուրանալ այդ պատմութիւնը , փշրելով կուսակրօնութեան հանդիսաւոր յանձնառութիւններն ու ժողովրդանուէր յանկութեան ուխտը :

Ինչո՞ւ կը տառապիմ ուրեմն : Սիրոյ բոլոր լուսաւոր ուղիները խոր , անյոյս անելներ են ինծի համար . լս'ւ է որ կորսուիմ անոնց մէջ , սանձելով տենչանքիս բոցերն , վերարկուիս մթին ծալքերուն մէջ ամփոփելով անձս ու սեւ գիշեր մը տառապեալ հոդիս թողլով Ամենակալի ահեղ դատաստանին . . .

Շատ կը հազամ նորէն : Քանի մը օրէ ի վեր կողերս անդադրում կը ցաւին և տոատօրէն կը թքնեմ . միշտ ալ լորձունքս կը քննեմ . . .

Զգեմ գրիչս , թէեւ գրելը սփոփանք է , որ երթամ վանքին մէծ դրան առջեւ , ճամբուն վրայ Շուշանին սպասելու :

ԻԳ .

Ապրիլ . . .

Որբերը եկան : Լըռին մենարանը ահա կ'արթնայ մանուկներու զուարթ ձայնով : Ինչքա՞ն գորովանքով կը նայիմ այդ աղմկարար տղոց . առաջ որբերու ձայնը չէր բաւեր լեցնելու նոյն իսկ բակը , իրենց ներկայութեան ունեցած էի միշտ թափծութեան տպաւորութիւնները , որոնք յատուկ են վանական խուցերու : Այսօր ամէն բան նոյնն է , նոյնն է Վանքը , որբերն ալ նոյն , բայց բզզիւն մը , տեւական շշուկ մը կայ շուրջս ու գոհ եմ :

Այս տպաւորութիւնը արդիւնք է իմ սպասող անձկութեանս՝ որ իր սիրոյ մէջ նաւարեկ , դարձեալ կը դառնայ դէպի իր հին կեանքին : Բայց կարծեմ որբերը աւելի ուրախ են , զիրենք փոխուած դտայ . կազդուրուած կ'երեւան :

Արդեօք դժգոհանքով չի մտա՞ն Վանքին մեծ դուռնէն ներս , ատիկա կը զգամ ես , որովհետեւ միշտ իրենց քաղքի յիշատակներուն վրայ կը խօսին , կը յայտնեն ամօթիսած շշտով մը այն գգուանքները՝ որոնց առարկայ եղաւ իրենց զրկուած որբութիւնը :

Քանի մը օրէ ի վեր տղոց կը խառնուիմ զքօսանքի պահերուն , հետեւելով իրենց կարծիքներուն , շարժումին և սպատմութեան :

Նուէրներ առած են . զգոյշ հպարտութեամբ կը նային իրենց զգեստին , կօշիկներուն , ազնիւ քաղաքացիք որ իրենց չունեցածէն իսկ բաժին հաներ են ասոնց :

Խաչերն ալ չի կենար , անանկ մանրամասնութիւններ կ'ըսէ , որոնք զիս չեն հետաքրքրեր . անմեղօրէն աղջնակի մը վրայ կը խօսի որուն ընկեր եղեր է , և որ իրեն տուեր

է ինչ որ չքնաղ և խանդակաթ փոքրիկ մը կրնայ շուայլել
ասանկ սիրուն մանչուկի մը, անմեղունակ սիրոյ մը մի-
ջոցաւ...

Այդ գեղումի պահերէն դուրս, ան միւսներուն նման
անտարբեր չերեւար. անկիւն մը կը կծկուի, սուրուելով
երազանքի մը մէջ՝ որուն առարկան չեմ գիտեր, կամ թէ
հոն է, քաղաքը, զինք հիւրընկալող տանը մէջ...

Զի՞ կրնար ըլլալ որ պղտիկ մը սիրահարի փոքր
աղջկան մը:

Պատահած է նմանօրինակ դէպք մը. ըներներէս մին,
Կարինի առաջնորդական տեղապահ Սուրէն վարդապետը
պատմած է ինձի անմեղունակ սիրոյ յուղիչ դրուագ մը:
Որքա՞ն կ'ուղէի որ այդպէս եղած ըլլար, քանի որ ալ ես
հակառակ կոչումիս ձայնին կը սիրեմ: Երկու անբնական,
չէ՛, աններելի սէրեր: Ուրեմն ես ալ այնքան անմիտ եմ
որքան թերեւս Խաչերը իր սիրոյն մէջ. կամ թէ ան ալ
ինձի չափ իրաւոնք ունի սիրոյ մը...

Կրկին անմտութիւններ կը թափեմ. իմ սէրս յիմա-
րութիւն կը իմցնէ ինձի. ես չե՞մ այն տարաբախտ մար-
դերէն որ իրենց թշուառութեան ու կորուստի անելին
վրայ՝ բաղդակից մը կը փնտուն, հոգ չէ թէ մանուկ մը
ըլլայ ան...

Վանքին մէջ ինչ զատ ամէն մարդ երջանիկ է:
Պ. Ալեքսանդրը կ'ըսէր երէկ՝

— Քաղաքը լաւ օրեր անցուցինք... բայց Վարդա-
պետս, քեզ աւելի նիհար և աժդոյն կը տեսնեմ. տկար
կ'երեւաս, չի ինամե՞ս ինքինքդ... Պոլիս դառնալու
միտք չե՞ս ըներ:

Նայեցայ իր տառապած մարդու աշքերուն, յուղու-

մէս կը դողայի, մինչ ան շարունակեց անակնկալ կերպով
նիւթէն չեղելով՝

— Ե՞րբ արդեօք աշխարհիկ կեանքը վանքերէն ներս
սկսուի մտնէ. պիտի գա՞յ ազատութեան այն օրը, երբ
վանքերը տիտար աղարակներու վերածէինք շրջակայ
գիւղացիներուն համար: Պիտի գա՞յ այդ օրը...

— Զեմ գիտեր Պ. Ալեքսանդր, բայց աղէկ գիտե՞ս
որ աշխարհիկ կեանքը վանքերէն ներս չէ մտած...

— Ինչպէ՞ս... հարցուց՝ զարմացմամբ երեսս նա-
յելով:

— Բան չի կայ...

Զի գիտեր, իսկ'զն մարդիկ չէք գիտեր որ աղջկան
մը սիրով կ'այլիմ: Բայց վե՞րջը այս զրկումներուն:
Զգալ, ըզձալ անլուր ուժգնութեամբ, ա՞հ սիրոս կը
զարնէ որովհետեւ զինքը յիշեցի ահա, հիւծիլ ու շուրջու-
ամէնքը միջավայրին պատիր թելաղբութեամբ զգաստա-
ցած, չիմանան այդ բոլորը, չդուշակեն:

Կարելի՞ է տանիլ զաղտնիք մը մինչեւ ծայրը, ո՞րը
դաշած է... «Զի կայ զաղտնիք որ չի յայտնուի», կ'ըսէ
Ս. Գիրքը, բայց ահա հոս ամէնուն մէջ եմ, կը սիրեմ
Շուշանը, կ'անձկամ անոր կուրճքին, գէմքին, շոնչին,
ոտքերու դպրտիւնին, մարմինս կը մաշի, ու մէկը չի
դար այս մենութեանց խոռվալի մէկ վայրկեանին թեւիս
հպիլ, մրմնջելու ականջէս վար՝

— Վարդապե՞տ... Արտակ, գիտեմ որ Շուշանը կը
սիրես...

Աս բաւ է որ ես անոր գիրկը նետուիմ լալահառաչ,
աղէխարչ ձայնով, բրածեծ տղու հեծեծանքներով...
Այդ բոլորը բաւ են ինձի համար իբրեւ խոստովանանք ու
քաւութիւն:

Վանահայրը բժացած է, Ալեքսանդրը թերեւս անփորձ մը, բայց կայ մէկը, Եղիազարը, որ կրնայ նայիլ հոգւոյս խորը, որովհետեւ թափանցող է ան, դիտէ լուծել զրի, կենդանիներու և պատկերի մանրսոմասն դադանիքներն. իմ դաշտնիքս պարզ է, չա՛տ պարզ... պա՛րդ է արդեօք... ուրեմն ի՞նչպէս չի կրնար կարդալ:

Առելի է մասնաղիտութիւնը, ան խորաթափականց հոգին անանկ անօգուտ նիւթերու մէջ կը միրճ՝ որ այլեւս անկարելի կ'ըլլայ անկէ տարբեր տեղ նայիլ:

Եթէ ե՛ս երթամ Եղիազարին յայտնել. միակ ելքն է ատիկա և ան միակ մարդը: Բայց ի՞նչ կրնայ տալ ինձ. խրատներ, դասական իմաստութեան խօսքեր, նկարասէրի ու երինազբողի իր կեանքէն սիրոյ դժբաղդ դրուագներ, կամ աշխարհ սկեսպտիկի մը հայեկով դիտողի յորդորներ ... Բան մը չեն կրնար բերել այդ բոլորը, ես այդ ամէնուն վրայ կը թքնեմ:

Սիրահարին սիրտը չի կրնար ամոքուիլ. իմաստութեան յորդորը էն մեծ ոճիրն է իմինիս պէս սիրոյ մը դէմ, որովհետեւ իմաստութիւնը դարերու առապարներէն եկած ծերունի մըն է, դառամ ջառուկ մը, անզօր՝ երիտասարդի մը սիրոյն առջեւ...

Բայց ո՞ւր է իմ ուժս: Ահա որ կը դառնանամ նորէն, կատաղութիւնը ակոաներս կը խտղտացնէ, խածնել կ'ուղեմ. կրնայ ըլլալ որ անոնց տակ թոյն մը սպասէ...

Դարձեալ կ'երգեն որբերը, որբերը բակին մէջ երդ մը կ'երգեն. ծանօթ է ան ինծի, բայց յիշողութիւնս չի կրնար ըսել թէ ո՞րն է: Երթամ տղոց շարժումին խառնուելու:

Դուրսը գարուն է, ծիծեռնակները ժամուն դրան կամարակապին անկիւնը բոյն կը շինեն ու գետինը շոյելով

կապոյտին մէջ կը սլանան: Ամէն կողմ կանաչութիւն է ու ծաղիկ:

Որբերու հոգին լեցուած ըլլալու է աղուոր բաներու յոյսով, անոր համար անոնք այդքան աշխուժով կ'երգեն:

Երթամ: Ասիկա այն պահն է, երբ Շուշանը սիրական գառնուկի մը՝ իր ափով դալարիք ու ծաղկեալ ճիւղեր կուտայ...

Ի՞.

Մայիս . . .

Ս. Բարսեղի և Փիլոնի մասին գրուած ուսումնասիրութիւնը կարդացի:

Հոգեւոր կեանքին իրենց նուիրումը գմայլելի է. մեծահոգի մարդիկ, որ աշխարհէն հրաժարեցան նուիրուելու համար մենաւորի խոկման ու զրկումներուն: Սակայն երկու զարմանալի խոստովանութիւններ ուշադրութիւնս գրաւեցին սուրբերու անձնակենսագրութեան բաժնին մէջ:

Ս. Բարսեղ կ'ըսէ «հեռացայ քաղաքի բնակութենէ իբրեւ չարեաց վառարան, բայց ինքինիս ծգել չի կրցայ»: Փիլոն սուրբը աւելի որոշ է՝ «Զգեցի ծնողին, բարեկամ և հայրենիք, նուիրուելու համար Աստուծայ ծառայութեան և յաւիտենական նշմարտութեանց վայելման. զա՛ր նիգ, կիրքէն մոլորեալ և խածուած միտքը, կամքին ի հիմուկս, կը հակէր աշխարհային քշուառութեանց և ընդհակառակն շատ անգամներ մտածումս մենութեան մէջ ոգեւորեալ ամբոխ մը տեսաւ:»

ինծի համար ի՞նչ աղուոր չքմեղանք այս քանի մը
տողերը...

Երկար ատենէ ի վեր ասանկ սփոփանք մը չէն
ունեցած. այդ թանկագին առղերուն մէջ վերջապէս կը
գտնէի անդիտօրէն՝ այլ յարատեւ հետամտուած մխիթա-
րութիւն մը:

Ուրեմն՝ որքան ալ կամքը զրահուած ըլլայ ու մար-
մինը անապատականի քուրձերով տրտմի, մարդը աշխար-
հին ու կիրքերուն նայելէ չպիտի դադրէ: Կրօնքի պատ-
գամներն ու եկեղեցւոյն բանադրանքը անդօր են, երբ
երիտասարդին աւիմնը կը խօսի:

Չեմ գիտեր ի՞նչպէս այդ տողերուն աղդեցութեամբ
վախկոտ ուղեղս լուսաւոր ու ջերմին դարձաւ: Սկսայ կա-
ցութեանս, զիս չրջապատող իրերուն ու մարդոց յատակ
իմացումը ունենալ, մանաւանդ մտածումներ ստեղծեցի,
չքեղ ու անպարտելի ասպարներու նման մտածումներ,
անվեհեր մտածումներ: Ու անոնց դէմ խոնարհեցան հո-
գեւորականի իմ ուխտերս նկուն ու պարտասած:

Տաղանդաւոր բաներ ըսի վեհերոտ Արտակին, իսկ
հեղնութիւնը՝ վերարկուիս սեւ երեսին իր թոյնը հոսե-
ցուց:

— Ալ բա՛ւ է պոռացի...

Աչքերս արցունքով լցան, գոհունակութիւնս այն-
քան մեծ էր. ինծի թուեցաւ թէ կրնայի մեծ գործերու,
գոնէ մեծաղոյնին ձեռնարկել. զիշերի մը յաջորդող
արշալոյսէն առաջ, մթնշաղին, փո՞յթս որ մռայլ կամ
ծիրանադեսա ըլլար, հպարտ ու ազատ պիտի մեկնէի
վանքէն...

Անշուշտ փրկութեանս վաղորդայնին իրիկունը ամէն

բան Եղիազարին, Ալեքսանդրին և Վանահօր պիտի յայտնէի
ըսելով,

— Բարեկամներ, վաղը կը մեկնիմ... հրաժեշտ
կուտամ Վանքին ու ձեղի... ներեցէք իմ թերութիւննե-
րուս ու մարդկօրէն նայեցէք Արտակին վրայ... անունս
Արտակ չէր... ես Արամ կը կոչուիմ, իմ երբեմնի
անունս, իմ երբեմնի առնական ու չքեղ անունս Արամ
էր...

— Ի՞նչ... յիմա՞ր ես Վարդապէտ... ո՞ւր կ'եր-
թաս...

— Կ'երթա՛մ...

Նախ կատակ պիտի կարծուէր վճիռս, զուարթու-
թեամբ ընդունուելով. անկեղծ ու յամառ պնդումներուս
վրայ կասկածանքով երեսիս պիտի նայէին: Լոռութեան
պարտկածը իրենց դէմքին վրայ պիտի կարգայի, որով-
հետեւ անոնց նախապէս ապշած դիմագիծը, յիմարի մը
առթած արդահատանքն ու տարակոյալ պիտի հագնէր
պպա:

Կեանքիս մէջ ե՞րբ պիտի կրնայի նմանօրինակ եր-
ջանկութիւն մը ունենալ:

Ուրիշներու յիմարութեան երկիւլը ներշնչել՝ այլ
ինքն իր մէջ նայիլ բիւրեղի մը անապակ իստակութենէն,
բանականութեան մը վրէպը կասկածեցնել՝ հզօր դդալով
հոգին քան երբեք, և միտքը անվկանդ՝ ճշտարշաւ արեւի
մը չափի...

Քաղաքէն պիտի գրէի քանի մը պարզ բառերով հրա-
ժարադիրս. հրաժարագիր մը առանց բացատրութեան,
առանց կեղծաւոր յերիւրանքներու... Յետոյ պիտի դայի
Անուշէն՝ Շուշանին ձեռքը խնդրելու:

Ատեն մը ինքըինքս նորպսակ երեւակայեցի, հարսա-

նեկան փափուկ անկողնին մէջ, Շուշանին հետ դրկափարուած... գաւակներու հայր...

Հիմա որ այս տողերը կը գրեմ՝ տակաւ կ'արթննամ երաղէ մը. երա՞զէ մը թէ հնօրեայ ջատուկի մը թալիս-մաններուն կախարդող զօրութիւններէն:

Ահա կը հազամ, նորէն կը հազամ ու տիրելով կը տիրիմ, որովհետեւ անզօր եմ ճակատագրին դէմ...

Երթամ իմ սեւ տրտմութիւնս պտտցունել դալար դաշտերուն վրայ. զուրսը դարունը վայրկեան առ վայրկեան կ'ածի. կ'ուզեմ աւելի հզօր զգալ մահս, կեանքի խօլական ու ամենարուեստ փթթումին դիմաց...

ԻԵ.

Մայիս . . .

Հիւանդութենէս ի վեր առաջին անգամ ըլլալով՝ պտոյտ մը ըրի գետեղը և դաշտերուն մէջ:

Մայիսի հրաշալի օր մը. արեւը վերէն մետաքսեայ շղարչի մը պէս կը սփուռէր կանաչ դաշտերուն վրայ: Վարդագոյն ծաղկած են ծիրանիները, սալորին ձիւնա-սպիտակ է, ու ինչ որ կ'արբեցունէ մթնոլորտը, փշտի մանրիկ ու գորշ տերեւներու մէջէն խնդացող ոսկի ծաղիկն է:

Սնցայ ցանկորմերու քովէն, գետեղի փափկատերեւ ուոխներուն տակ դեղերեցայ ընդերկար, յետոյ ելելու համար բաց դաշտերուն մէջ: Կուրծքս այս մթնոլորտին անվարժ կ'երեւար, գժուարաւ կը շնչէի, դողահար էր

մարմինս ու գլուխս դինովութեան նմանող բանի մը անձնատուր:

Երկար դիտեցի Վանքը արմկող բլուրներու կանաչ կողերը, ու անոնց մէջտեղ ցցուող կարմրորակ գմբէթը: Ամէն բան փոխուած, փոխուած՝ բնութիւնը՝ նոյնպէս ես որ լուսաւոր ու բարի օրուան մէջէն կակուղ խոտերուն և դեղին ծաղիկներու վրայէն կ'անցնէի ամօթահար:

Եղաւ երբ՝ աշխատաւոր մշակներուն կը մօտենայի, երէկ բան չի մղեց զիս անոնց քով. չանդրագարձայ նաեւ այն ծրագիրներուն վրայ, զորս օր մը՝ նմանօրինակ պտոյտի մը միջոցին, Վանքին հարստութեան համար յօրինած էի:

Նստայ վարսագիտակ ուռիի մը տակ՝ առուին եղրը, անորոշ, դրեթէ աննիւթ երազանքի մը անձնատուր, մինչ հօտաղը չեմ դիտեր բլուրներու որ դարուվարէն ինձ կը զրկէր սրինդի երդ մը, ճարակող հօտէն ելող մետաղա-կան հնչիւններու հետ: Ունկնդրեցի եղանակին. դէմքս ծոթրինաբոյր հովիկի մը տուած միտ դրի երդին, մար-դարտածաղիկի թեւեր հովին յանձնելով:

— Կը սիրէ՞ զիս, այս'... ո'չ... բայց գրեթէ միշտ այս'...

Երկարօրէն նուագեց հօտաղը՝ ու ես երկարօրէն անձնատուր եղայ իմ տարփանքի առարկայիս: Մտածու-միս աղջկան շա՞տ յարմար էր այդ սրինդին երգը. սիրոյ տաղ մըն էր անիկա, շինական սիրահարի մը աննենդ ու տաղ մըն էր անիկա, շինական սիրահարի մը աննենդ ու ծաւալուն ելեւէ-խովալի սրտին մէկ էջը. անոր մեղմ ու ծաւալուն ելեւէ-ջը, յաւնող աւիշներու, բոյրերու, կանաչութեան, արեւին դաղ կաթէն թորող լազվարդին հետ՝ հոգւոյս մէջ կը թափէր:

Կը հեւայի, արբեցողի նման արբշիո էի: Երգը դա-

դար առաւ, ու ես կը շարունակէի զայն լսել դեռ երկար:

Մէկն գրովանքի անանկ ինքնացայտ կոհակ մը
ելաւ մէջո, այնպիսի յոյզ մը լեցուց սիրտս որ փոռուցայ
դետնին վրայ՝ և դէմքս թաղելով մարմանդներուն մէջ,
ձեռքերովս մկան թափահարել կանաչութիւնը: Հողին,
բնութեան հետ նոյնանալու, անոր մէջ անէանալու պա-
պակ մը եկաւ վրաս, սեւ հեծեծանք մը կուրծքս լեցուց
ու արցունքներս հոսեցան...

Զեմ գիտեր որքան լացի, երբ մատի մը հպումը
զգացի ուսերուս վրան. Շուշանին վրայ խորհեցայ. ա՞խ
անտարակոյս Ան էր փափկածդոս ուռիին տակ, գլխուս
վերեւ, որ շիկնած ու քնքօրէն դողահար՝ զիս կ'արթն-
ցնէր:

Ամօթն ու վախը զիս հողին գամեցին. շարունակեցի
մնալ հին դիրքիս մէջ, իսեղդելով լացս: Յետոյ յամրօրէն
վեր առի դլուխս, ցատկեցի, չորս կողմ նայեցայ. վազե-
լով ծառերուն քով՝ թուփերու ետին անցայ փնտոելու
համար անիկա՝ որ եկած էր կենալու գլխուս վերեւ ու
տեսած էր դեղին կոճակները մարդարիտներուն ինչպէս
անոնց ճերմակ թերթերը...

Յուսաբեկ՝ իջայ գետեղը զովացնելու համար ճա-
կատս: Վարդագոյն շոգիներով լեցուած օդը ջուրերու
խաղացքին մէջ կը թափէր իր ոսկիի, ծիրանիի ու վարդի
դոյները, մինչ դէմի դաշտերուն կանաչը յարաշարժօրէն
մթաղնելով, երբեմն լուսաւոր ծփանքով մը կ'ողողուէր:
Այս ամէնը իրականութիւն էին, կամ իրականութեան
երազը, ես կը տեսնէի զայն՝ այդ երազը, ու յանկարծա-
կան վախով մը կը լեցուէի թէ մի դուցէ մէկէն վերջ
դունէր ան:

Հեռուէն, մրգաստանի որմերուն ետեւէն կուգար

ծանրաշարժ հօտերուն վերադարձի աղմուկը և աւելի
բարկ, աւելի կծու կ'ըլլար հոտեւան վշատներու հոգին:

Վերադարձայ: Վանքին մեծ դրան տակ տեսայ
զինքը. Յիսուս-Փրկիչ՝ դուն գիտեւ թէ երբեք սիրտս
այդքան հօր բարախսած չէր: Կը սեղմէի վերարկուիս
ծալքերը կուրծքիս վրայ զուր տեղը: Ինծի այնպէս կու-
դար թէ, սիրտս ծեծող անձնիւր հարուած՝ անկէ դուրս
կը ցատկէր երթալ զգեստնելու համար Շուշանը, յետոյ
անոր առջեւ քրքիջով մը կայնելու, կամ աղերսալից
պատմելու համար բոլոր վէպս անոր...

Կքեցի գլուխս, հազիւ բարեւելով անցայ քովէն, իր
զարմանահար ակնարկներուն տակ:

Անկողնիս վրայ փոռուած՝ շատ լացի այս երեկոյ:
Այնպէս կուզայ ինծի որ լորձունքիս հետ այսօր կարմիր
բան մըն ալ թուքի... արդեօք թոքախտաւո՞ր եմ:

իջ.

Մայիս . . .

Այս երկրորդ անդամն է որ Շուշանն ու իր մայրը
քաղաք կ'երթան: Հիմա թերեւս աւելի քիչ կը խօսիմ
հետը, բայց իր հեռաւորութիւնը չեմ կրնար տանիլ, ար-
դէն Վանքին մէջ իսկ զրկուած եմ իրմէ:

Միշտ աչքս ճամբուն վրայ է. գետեղրէն անդին
ուղիներու երկարութեանը վրայ կը մաշին իմ ակնարկ-
ներս, երբ կ'երթամ ժամերով արեւին տակ, շիրմաքարի
մը վրան նստիլ:

— Ե՞րբ պիտի գայ...

Վանահօր հարցուցի այս բացակայութեան պատճառը, մայրը հրաման առնելու ատեն ըսեր է որ Պոլսէն եկած բարեկամ մը տեսնելու կ'երթայ: Վանահայրը ասիկա ըսելու ատեն, ինչո՞ւ նշանակալի ժպիտ մը բերաւ կարմիր ու ատելի դէմքին վրայ: Գուշակա՞ծ է...

— Ցա՛ծ կնիկ, թերեւս Շուշանը նշանելու կը տանիս, այս կասկածն ունիմ: Բայց որո՞ւ կընայ նշանել, ով կրնայ տիրանալ այդ չքնաղ ու աղքատ աղջկան. անմիտ հարցում. ամէն մարդ, կօշկակար մը ահարկու ձեռքերով՝ կարճ խելքով, առառուընէ մինչեւ իրիկուն պատանքու կտաւներ ծախող՝ խանութիւ աշկերտ մը, գրիչի մը կտորով հաղար անմտութիւն շարող գրագիրին մէկը:

Ով որ ալ ըլլայ, նոյն իսկ մտքով ու գրամով հարուստ մը, ես իր թշնամին եմ, մահացու սսովիլ. ահա արդէն իսկ կը զգամ լեզի բանի մը իսկութիւնը՝ որ ատելութիւնն է բոլոր մարդոց հանդէպ. ալ գէշ կը տեսնամ աշխարհը, դաժան, չարասիրտ, իմ բոլոր աղէտներս իրմէ կուպան:

Առաջին անգամ երբ Շուշան մեկնեցաւ Վանքէն, ուրիշ մտածում չի կրցայ ունենալ, պիտի նշանուի ըսի, մանաւանդ որ վերադարձին՝ Անուշ դաղտուկ մը կը խօսութիք միւս տնտեսուհին հետ, ի՞նչ բանի վրայ կրնար խօսիլ. թերեւս ալ շատ անգամ ան այդպէս խօսած էր ու ես չէի նշմարած, բայց հիմա սէրը զիս կասկածու և իրատես կ'ընէ, ես բնագդորէն կը հաւատամ նշանտուքի մը կարելիութեան, եթէ արդէն իսկ իրագործուած չէ: Խեղճ կինը ատկէ զատ ուրիշ բան չէր կընար ընել սակայն, ո՞ր մայրը սեւազգեստի մը վրան պիտի խորհէր...

Այդպէս է. բայց ահա կը տառապիմ ես, կը տառապիմ...

Այնպէս կը տառապիմ և նախանձով կը լենամ որ, ամէն անգամ երբ Շուշանի լուսաւոր գիծերն անցնին խմինիս մաշած թիութեանը առջեւէն, յիմարութիւն կը խմեմ, լուսնոտի մը սարսուռներով կը կատղիմ, ինքզինքս ոմիր գործելու կարող կը զգամ:

Դաշոյն մը կը բաւէ. նուրբ, սուր, ափիս մեծութեամբ գաշոյն մը, թող ըլլայ ճաճանչաւոր խաչ մը, օրհնեալ ջուրի մէջ ընկդմող մանր խաչերուն փոքրագոյնը, անծանօթ սոսիներուս ճականին բանալու համար կարմիր ճեղք մը, ինչպէս աղէկ ձմերուկի մը վրան. լաւ է դիւտդ չէ՞ Արտակ. ձմերուկին վրայ սայրասուր գործիով խիստ վէրք մը ստեղծել: Զե՞ս վախնար հէգ սիրտս և աղազուն անգամներս չէ՞ք դողար, ո՞չ կ'ըսեն, երբեք...

Զգել որ նման ստեղծագործութիւն մը կոպիտ թեւերու մէջ խամրի, տմոյն զաւակներ ծնի: Իրա՛ւ այս պահուն բան մը կ'ըլլամ, գլուխս կ'երերայ ինքն իրեն ու կը զգամ որ գէմքս խածնող մը կայ... յիմարութիւնն է:

Այս բոլորը ենթագրութիւններ են, սնոտի երազներ

թերեւս: Նոյն բանն է, երբ ամիսներ վերջ իրագործուին. այն ատե՞ն, չեմ գիտեր՝ թերեւս մոռնամ կամ մեկնած ըլլամ:

Երթալու, հեռանալու եմ ասկէ քանի որ ամէնուն

բերնի ծամոց եղած չէ գաղտնիքս. արդէն եղիազարը դիտէ ամէն բան, երէկի իրեն տուած այցելութիւնս ապշեցուցիչ յայտնութիւն մը եղաւ ինծի համար:

— Մեկնելու ես ասկէ Արտակ, ըսաւ ինծի, որով-

հետեւ կլիման չի յարմարիր քեզի...

— Քաղաքի բժիշկն ալ նոյնը կ'ըսէ, պատասխանեցի:

— Քու հիւանդութիւնդ կրկնակ է, չարունակեց:

— Կրկնակ, պոռացի երեսին, ոտքի ցցուելով, մատնուելու մեծ վախով մը համակուած:

— Այս դիս իբր մեծ եղբայր մը ընդունէ. ինչո՞ւ ծածկեմ, երկար ժամանակէ ի վեր դիտած եմ կեանքդ և կ'ըսեմ թէ գէշ զառիվարի մը վրայէն կ'երթաս...

— Ինչո՞ւ...

— Հիւանդ ես ու կը սիրես...

— Ամ՞հ...

Այս եղաւ միակ բացադանչութիւն. նետուեցայ իր ծունդերուն առջեւ, ու դլուխս թաղելով գիրկին մէջ՝ սկսայ հեկեկալ:

Յետոյ ոտքի ելելով գոչեցի՝

— Հիմնովին կը սխալիք, չեմ սիրած երբեք՝ բայց հիւանդ եմ, կարծեմ թոքերէս արիւն կուգայ... բայց կ'աղաչեմ այդպէս լուրեր մի տարածայնէք... մի, մի՛, կ'աղաչեմ, ես ի՞նչ ընեմ այն ատեն, անդարձ պիտի կորսուիմ...

Ու նորէն լալ սկսայ անյուսօրէն սեւ, սրտակեղէք հեծեծանքով մը, ձեռքերովս ճակատս ու դէմքս գոցած:

— Ծածկելու պէտք չկայ, կարծուածին չափ անտեղեակ չեմ յուզումներուդ. ամիսներէ ի վեր հալիլը կը տեսնեմ, այսօր առիթն է որ քեզի ըսեմ բոլորը. Վանահայրն իսկ դարմանալի կը դանէ վիճակդ և չարութեամբ կ'ըսէր անցեալ օր ժամէն վերջ՝

— Արտակը սիրահարուած մարդու մը կը նմանի...

— Աղահովցուցի զինքը թէ՝ հիւանդութեան արդիւնքն է մտամոլոր վիճակդ. Վարդապետ, Պոլիս մեկնե-

լու ես, Որբանոցը հողեվարք է, վանքն ու ըթակայ չայութիւնը չեն կրնար դայն ապրեցնել, կեղբոնէն ալ նպաստ չի դար, ամէն բան քիչ օրէն պիտի քայքայուի: Քեզի կը մնայ կարելի եղածին չափ չուտ մեկնել: Լուրջ գարմանի կը կարօտիս, շատ լուրջ, ուրիշ բանի վրայ մտածելու ատեն չէ. յետոյ դղալը դուր է...

Այս խօսքերը խաղաղեցնող գեղի մը նման ազնիւ էին: Անկարելի էր ստել, անձնատուր եղայ Եղիազարին, ուատմեցի բոլորը, մինչ ան փոքր մագաղաթի մը աղտերը կը մաքրէր խոնաւ լաթի մը կտորով: Խօսածներս հիմա չեմ յիշեր, անկապ էին, կցկտուր. ատեններէ ի վեր մէջս կուտակուած զգացումներու ու մտածման թերատ ուատ-կերները զծեցի իրեն չատ արագ, հեւ ի հեւ, երեմն կիսաւարտ ձգելով նախաղասութիւն մը՝ հաղալու համար երկարօրէն, մերթ չնչասպառ կանդ առնելով բառի մը վրան: Իր ալեւոր և հայրական դէմքէն կը հետեւցնէի թէ, Եղիազարը իմ կցկտուր խօսքերէս ամբողջ սիրոյս վէպը կը կազմէր չատ յատակորոշ, նման՝ նոյն պահուն իր ձեռքին մէջ՝ կեղտերէ մերկացած «քարկոծ Ս. Ստեփաննոս»ի նկարին: Շատ խօսեցայ, նոյն իսկ աւելորդ, անխոստովանելի բաներ ըսի. սիրոս անդամ մը բացած էի, պիտի պարպէի զայն, թերեւս թեթեւութիւն դար վրաս:

— Տե՛ս սա գարդադիրը, ԺՓ. դարու Աւետարանէ մը մնացած միակ էջն է. աղուոր չէ՞...

— Այս՝, մըմնջեցի...

Ատելութեամբ լեցուցեցայ մէկէն. այս մարդը սէրս ու վիշտերս կը հեղնէր ու այն զիրար կտցահարող, գու-նազեղ ծաղկներով ընդելուզուած թուուններու խումբը հրէշներու նման նընւցան աչքիս... Կ'ուզէի խլել այդ

մաղաղաթի անշնորհք էջը, խածատել, ոտքով ճզմել...
— Երթա՛մ, Պ. Եղիազար, ըսի, բայց խնդրեմ, շատ
կ'աղաչեմ, հօր մը պէս ներողամիտ եղէք ըսածներուս
համար, ու մանաւանդ մոռցէք զանոնք, որովհետեւ շատ
մը չափազանցութիւններ ալ կան մէջը...

— Զէ՛, Վարդապէտս, բոլոր ըսածներդ շիտակ են,
մի՛ սրտնեղիր երբ զարդագրին հանդէպ հիացումիս քեզ
ալ մասնակից ընել ուղեցի. գիտե՞ս ծերութիւնը... Բայց
կը կրկնեմ՝ նախ առողջութիւնդ... վերջը անօդուտ
կ'ըլլայ...

Բակին վրայ նայող նըրանցքին մինչեւ ծայրը ընկե-
րացաւ ինծի, մէկ երկու բարեկամական հարուած տալով
ուսիս: Լաւ մը սրբեցի աչքերս սանդուիներէն իջած
պահուս. բակին մէջ՝ ուր տղաք աղմկալի խաղ մը կը
խաղային, քանի մը բառ փոխանակեցի Պ. Ալեքսանդրին
հետ:

— Հայր Սուրբ, այսօր աղէկ կը տեսնեմ քեզ:
— Աղէ՛կ...
— Այո՛ շատ աղէկ, դէմքդ գունաւորուած է:
— Թերեւս Պ. Ալեքսանդր...

Այդ պահուն Վանքին մեծ դռնէն կուգային այծերը,
դառներն ու ոչխարները. մթնոլորտը քանի մը վայրկեան
անտանելի աղմուկով ու մայիւներով լեցուեցաւ, մինչ
տամուկ բուրդերէն ելլող հաճոյալի բուրում մը ողողեց
բակը. քիչ մը վերջ լւեց ամէն բան. տղաք ալ չէին խա-
ղար: Յետամնաց գոմչուկ մը, չեմ դիտեր ինչո՞ւ առանց
որոշ գոհունակութեան, երբեմնի զուարձալի բառախաղ
մը յիշեցուց ինծի:

Յամեցնող գառնուկ մը՝ ժամուն դռնէն դէպի խո-
հանոց կը վաղէր մայելով. ատիկա այն անասունն էր որ

տերեւ ու ծաղիկ կուտէր Շուշանի ափէն. հովիւը գաւա-
զանը արձակեց անոր ոտներուն, գառնուկը ցաւագին
մայիւնով մը փախաւ ներս...

— Է, Է՛, մի՛ զարներ վայրենի, պռոացի, ու ձայնս
խեղղուեցաւ յուզումիս մէջ:

Ցետոյ վաղնցի գուրս, դո՛ւրս, նստելու շիրմաքարի
մը վրան, երկարօրէն յառելով մթարին մէջ հաղիւ գծա-
գրուող ուղիին, ուրկէ պիտի ծաղէր Շուշանս...

Իէ.

Մայիս . . .

Եղիազարին հետ ունեցած յուզումնալի խօսակցու-
թենէս վերջ՝ վիճակս չէ բարւոքած:

Մխիթարուիլ կարծեցի սիրտս մէկուն ափը պարպե-
լով, սակայն քանի մը ժամուան սփոփանքէ վերջ՝ գտայ-
սովորական վիճակս, հիմա՝ երբեմն ալ կասկած կ'ունե-
նամ թէ մի գուցէ ծերունին յայտնէ ամէնուն՝ ամէն
բան...

Կը ճանչնամ Եղիազարի հոգին՝ ինչպէս ոսկեայ
սկիհի մը պարունակութիւնը, բայց իմ մտածմանս ու
զգացումներուս տէրը չեմ ես. ժամանակէ մը ի վեր սանձս
ինչ դուրս ճակատագիր մը կը վարէ. մեռա՞ւ երբեմնի
փառաւոր կամքդ Արտակ...

Եղիազարը կարծես դիտնալով անձկութիւնս՝ միշտ
կ'այցելէ ինծի, աշխատելով զուարթութիւն ճարել. կը
զգամ իր ազնիւ ճիգը՝ ու երբեմն դիտումնաւոր ժպիտ մը
կը ստեղծեմ շրթունքիս ծայրը:

Երբ հասնին իր սրամիտ խօսքերը, այն ատեն՝ ձեռագլերուն վրայ կ'անդրադառնայ, նկարներու ու անոնց զծաղրիչներուն անունը կուտայ աղապատանքով:

Մեկնելէ առաջ՝ առողջութեանս համար յուսադրիչ մէկ երկու բառէ վերջ՝ կը կրկնէ միշտ՝
— Արտա՛կ, մեկնելու ես, լաւ ես բայց խնամքի կը կարօտիս...

Կը կարօտիմ շա՛տ խնամքներու ու թերեւս ալ և ոչ մէկ խնամքի... Արդեօք Եղիազարը չի՞ խորհիր իր հոգ- տյն ճշմարտութեան մէջ՝ իմ մօտաւոր մահուանս վրայ: Հետանդներու հետ խօսելու կերպ մը կայ. գերեզմանի մօտ գտնուաղին իսկ՝ գարնան պտոյտներու ու փրցուելիք վարդերու վրայ կը խօսին... դիտեմ այդ ամէնը:

Մեկնելու եմ ասկէ, խոստացայ Եղիազարին հեռանաւ Վանքէն, կեդրոնական վարչութեան դրկուելու հրաժա- րագիրս ալ պատրաստած եմ: Ի՞նչ նպատակներով եկայ հոս ու ո՞րքան անփառուակալ է այս վերջաւորութիւնը...

Բայց այս ամէնը, Եղիազարին պատկառելի ու բա- րեկամ խօսքերը, մեկնումի յոյսերս, հետանդութիւնս որ յամբօրէն կը դրաւէ թոքերս, որովհետեւ արիւն կը թքնեմ ու գիշերները հաղի նոպաներ կ'անցունեմ ոչինչ են՝ սէրս կը շահապետէ ասոնց վրայ ու իր առարկան դէն իսկ զարաթ մը կ'ըլլայ՝ և հոս չէ...

Մինչեւ ե՞րբ նստիմ շիրմաքարին վրայ, որուն մօտ ուղեցի մայրամուտի մը՝ իրեն մերկացնել հոգիս. մինչեւ ե՞րբ յետամնաց թռչուններուն հետ դառնամ յուսաբեկ՝ խուցիս մենութեանն ու մութին մէջ թաղել սարսուն էութիւնս...

Յոյս չի կայ դիտեմ... բայց պիտի նստիմ խաւարին

մէջ գիշերն ալ եթէ չի վախնամ վանահայրէն, որբերէն. պիտի դուրսը նստիմ՝ որովհետեւ դոդոչներու երաժշտու- թիւնը յիշատակներս կ'օրօրէ ու քաղաքին կողմը վառող լուսածոր աստղ մը՝ հոգւոյս սեւ բոցին կը ժպտի, անոր ակնարկներուն նման...

Կը սպասեմ Շուշանին, որ քաղաքն է. հո՞ն է, կրնայ մեկնած ըլլալ. անկարելի է ատիկա՝ որովհետեւ հոս են իրենց գոյքերը:

Ծերուկ տնտեսուհին ալ այս յաղաղումին պատճառը չի դիտեր, բայց վստահեցուց դիս որ մէկ երկու օրէն մէջտեղ կ'ելլեն:

Մանկութեանս օրերուն՝ եղած է որ սպասուած բանի մը հրապոյրը ժամերս երկար ու տաղտկալի ընէր. հիմա սպասումին անձուկը կ'ուտէ դիս, կը կրծուիմ ես ինչպէս ժամուն թանկ կտաները որդերէն, կամ կարմիր սղինձը կանանչ ժանդէն:

Ինծի ծանօթ չէ անոնց երեւնալու պահը, բայց կը կարծեմ որ ամէն յամեցող վայրկեանի հետ՝ հեռաւոր արահետին վրայ պիտի ծագի Շուշանի լուսաստուերը՝ ինք գեղանի և արագաքայլ, ետեւէն մայրը յոգնաբեկ ու դժգոհ...

Ի՞նչպէս ըլլար որ մէկէն անցնէին բոլոր ժամերը ու ան երեւար...

Անկարելի յիմարութիւն մըն է այս, բայց ես յիմարութիւնը կը նախընտրեմ ու կը ճաշակեմ սիրոյս առաջին օրերէն ի վեր...

Շուշանի պատկերն ալ յամբօրէն կը կորսնցնեմ: Նստած մեծ դրան մօտ, սպասումէն յուսաբեկ, պարտա- սած յառումներէ՝ կը գոցեմ աչուլներս, իր պատկերին նուիրուիլ կ'ուզնմ. երեւակայութիւնս կը մերժէ ինձի

տալ այդ պատկերը։ Այն ատեն հնարքներու դիմելով,
հիւանդութեանս օրերը միտքս կը բերեմ։ Եկեղեցին, բակն
ու խոհանոցը, գետեղի դալար անդերուն մէջ կը փո-
խաղըռուիմ, ծանօթ շրջանակներու մէջ անոր պատկերը
վերստեղծելու համար։ չար ու անիծուած միտքս չի դոր-
ժեր, թերեւս ալ կը քայքայուի մասնիկ առ մասնիկ...

Երբ ամէն հնարք անդօր ըլլայ, այն ատեն յուսա-
հատութիւնս ալ կը բեկի լարուած դերձանի մը պէս ու
ալ սիրոյ գինովութեանը կ'ապաւինիմ։

Այդ լոռումի վայրկեաններուն է որ յանկարծ մէջս
կ'իյնայ ան կը տեսնեմ զինքը շքեղ ու բաղձալի։ հաղիւ
վայելքին հպած՝ ահա նկարը կը սուզի մէզին մէջ...

Այդ րոպէին՝ մէկէն ատելութեան եղիճը կը վերաճի
մէջս, ինչպէս այս տապանաքարերուն անկիւնը դաժան
փուշը։ Շուշանի նշանածը կը տեսնեմ զազրադէմ, գար-
շելի, իր մեծ քիթով, մսոտ շրթունքներով, գիշատիչի
աչքերուն վրայ՝ նսեմ ճակատ մը։

— Ա՛խ, ի՞նչպէս մեծ, լորձնոտ բերնովդ պիտի
համբուրես իր աղուոր դէմքը, դուն անսառններուն էն
դժուձը, ինչպէ՞ս իր ճկուն մարմինը այդ փայտահարի
թեւերուդ մէջ պիտի տրորես... լու՞ս սիրսս, ըսածս
պիտեմ։

Ես ալ գեղեցիկ չեմ, բայց բոլոր մարդիկ ինչ տղեղ
են...

Ալ չեմ կրնար գրել. բա՛ւ է ու շատ իսկ այս օրադրի
անշահ կտորը, յետոյ ի՞նչ բանի կրնայ ծառայել...

Գիտեմ՝ երբ հիւանդանոցի մը անկիւնը տաժանելի
հողեղարքէ մը վերջ մեռնիմ՝ աշխարհքէն մոռցուած,
օրաթերթի մը շահագործման նիւթ պիտի կազմէ...
Վարդապետի մը օրագիրը հետաքրքրական է չէ՞.

մանաւանդ վարդապետի մը սիրոյ օրագիրը, հազուագիւտ
է ատանկ բան մը, յետոյ նոր գտայնութիւն ու կերքի ի
լոյս չի հանուած տպաւորութիւններ կրնան քաղուփի
անկէ... Այս էջերէն տող մը իսկ պիտի չունենան...

Երթամ Խաչերին քոյլ՝ երէկուընէ ի վեր տկար է,
զօրաւոր գլխու ցաւով մը՝ խեղճ փոքրիկը անկողին է
ինկած...

Ի՞ն.

Յունիս . . .

Խաչերին հիւանդութիւնը կը ծանրանայ. տենդը
կ'աւելնայ երբեմն ու յանկարծ կը դադրի։ Ասոնք լաւ
նշաններ չեն։

Մեղմօրէն կը հեծէ երկարատեւ ու միօրինակ ձայնով
մը՝ որ աւելի ցուրտին ու անօթութեան մատնուած անա-
սուններու մղկտոցին կը նմանի։

Չուզեր խօսիլ, իմ բոլոր կարեկից հարցումներուս
հաղիւ կը պատասխանէ։ Իր ազագուն մատուընները ճա-
կատին վրայ են միշտ, հոնկէ դուրս հանելու համար ցաւը՝
որ զինք անկողին է նետած։

Ի՞նչ կրնայ ըլլալ այս հիւանդութիւնը. անողոք բան
մը կ'երեւայ, իր տապնապները կը տեսնեմ ես Խաչերի
արդէն իսկ քամուած դէմքին վրայ։

— Բժիշկը անհրաժեշտ է, կ'ըսէր Պ. Ալեքսանդրը.
իմ կարծիքս ալ նոյն է՝ սակայն վանահայրը կը կրկնէ
միշտ։

— Տէ՛ որբ ըսածդ դիմացկուն է, անհոգ եղիր Արտակ, վաղը ոտքի կ'ելլէ...

Հակառակ վարդանի այդ դժկամութեան՝ արդէն քաղաք զրկեցինք ծառաներէն մին, հիմա բժիշկին կը սոլասեմ վայրկեանէ վայրկեան:

Զարագոյժ նախաղդացումը ինծի մահ մը կը հաւաստէ. Խաչերի մահը, թերեւս իմինս ալ:

Ե՛ս, ալ ուրիշ բանի վրայ չեմ կրնար խորհիլ. դեղեւուն՝ այլ կենսալի բանականութիւնս գէսլի սեւ դիծ մը կը վագէ. մահուան ճամբաներ կը տեսնեմ միայն, թէեւ ամօթալի է վարդապետին համար՝ կեանքի արշաւոյսին հակող անմեղ հոգիի մը վերջալոյսին նայիլ:

Պիտի խնամեմ Խաչերը, իմ պարտքս է կարելին ընել. բայց ի՞նչ կ'ընեմ ես ինքինքիս համար, կամ ուրիշները կը խորհին իմ վրաս. բոլոր նոր առած դեղերս անօդուա կ'անցնին:

Երէկ իրիկուան դէմ, որբերու ննջարանին մէջ՝ երբ Խաչերի մնարին քով նստած էի, մէկէն սենեակին դուռը բացուելով՝ Շուշանը հեւասպառ, քրտնած ներս մտաւ. տեղէս վեր ցատկեցի, չեմ գիտեր սիրտս ի՞նչպէս կ'աղաղակէր այդ պահուն: Աղջիկը զարմանահար յետ յետ դնաց, անմեղունակ ժպիտով մը:

— Դո՞ւն ես Շուշան... ո՞ւր էիր... այս ո՞րքան բացայութիւն, օրիորդ:

Յետոյ կատակելով աւելցուցի՝

— Է՛, քաղաքը ի՞նչ ըրիք տեսնեմ... ինչո՞ւ զացիք... բարեկամնե՞ր եկած էին Պոլսէն...

Յառեցայ իրեն. նախ չիկնեցաւ, ապա տժոյն տեսայ զինք:

— Այո՛, հայր սուլը, աղդական մը ունէինք...

— Լա՛ւ, լա՛ւ...

Երջանկութիւնս պատմել դժուար է. կարծես դարու մը կարօտ կ'առնէի իրմէն:

Շոյելով Խաչերի չոր և այրող ճակատը, սովածի անկատութեամբ կը նայէի Շուշանի խարտեալ մազերուն, սպիտակ դէմքին, աչքերուն՝ որոնց թուլս թարթիչներէն բիւրկեայ կապոյտ լոյս մը կը սահէր, կ'ինար վրաս երբեմն. ու ես դողահար կ'ըմպէի այդ լոյսը, վայելելով ծաղկենկար տպածոյէ շրջագգեստէն ցայտող իր դաշն զիծերը: Անոր մարմինէն ելլու այդ չնորհին հետ՝ ինծի կը հասնէր նաեւ լեվանտի բոյր մը, որ կը սարսուացնէր բոլոր անդամներս, ջիղերս խտղտացնելով: Մեղմ՝ այլ աւելի արագ կը գառնար սրտիս զարկը... կը զգայի ատիկա:

Հրաշալի՛ էակ, աւելի զեղեցիկ կ'երեւիս, աւելի չնորհալի քան Աստուածայիրը՝ զոր Եղիազարը անգամ մը միայն ցոյց տուաւ ինծի...

— Ուրեմն բարեկամներ տեսնելու դացեր են կ'ըսէի իւրովիկ: Շուշանը չի կրնար ստել, ես կը հաւատամ իրեն եթէ ստէ իսկ: Բայց ե՞րբ հայ աղջիկ մը կրցած է իր կեանքի էն մեծ դէպքերէն մին յայտնել համարձակ: Փոյթս՝ ան քովս է հիմա, կը տեսնեմ զինք, բաւ է ինծի այդքանը:

Տեսնելով այս աղջիկը, աւելի լաւատես դարձայ Խաչերի հիւանդութեան մասին. Խաչեր նուազ նիհար Երեւաց ու իր հեծեծանքը յուսահատութիւնս չէր պրկեր չյլեւս:

Շուշան բաւական մը նայեցաւ Խաչերին, ճակատը չոյեց, խանդակթ բառեր աւելցուց՝

— Զէ՛, Խաչեր, աղուռ'րս, վաղը պիտի աղէկնաս,
բան մը չէ, նայէ՞ տաքութիւն ալ չունիս . . .

Խաչեր շեշտակի կը նայէր Շուշանին. իր գորշ
աչքերը արտայատութիւն չունէին, կամ թէ անոնց
յառումը ներքին աւերող ցաւի մը միօրինակ, կատաղի
աշխատանքը կը պատմէր :

Յանկարծ՝ Շուշան հակեց գլուխը, թոթուեց կուրծ-
քին վրայ, ձեռները աչքերուն տարաւ, շրթներուն ան-
կիւնները բեկում մը ունեցան. խուսափուկ հեծկլտուք մը
լսեցի ու տեսայ թէ կը փախէր . . .

— Շուշա՞ն, Շուշա՞ն, կանչեցի ու իր ետեւէն դուրս
նետուեցայ մինչեւ որբերուն դասարանին առջեւ, սահ-
դուխին գլուխը. հոն բնազդաբար կանդ առի: Պ. Ալեք-
սանդրը և որբերը դասարանէն դուրս եկան ապշահար.
կարծես աղէտ մը պատահած էր:

— Ոչի՞նչ, պատասխանեցի ամօթով, Շուշանին ետե-
էն վաղեցի որ թժէկը գալուն՝ անմիջապէս հոս դրկէ . . .

Վարժապետը ժպտելով՝ ներս հրեց տղաքը:

Լքուա՞ծ ու հէտ որբեր, այսպէս ձգած եմ զիրենք,
մինչդեռ իրենց տառապանքը հոս բերաւ դիս:

Ի՞՞.

Յունիս . . .

— Դժբաղդ պղտիկս, հէտ Խաչեր . . .

Բժիշկը եկաւ, քննեց ու եղրակացուց՝

— Մանր մէնէնժիթ մըն է Վարդապետ . . .

— Բժիշկները հիւանդութենէն աւելի մահը կը
ճանչնան՝ ըսի յուսաբեկ, յետոյ կրկնեցի, մէնէնժիթ՝
չէ՞ տոքթոր, ու բաւական մը յառեցայ բժիշկի իր սուր
դէմքին՝ որուն վրայ սեւ ակնոցներ՝ կ'արդիւէին անոր
ակնարկը որոշել:

— Այո՞, մէնէնժիթ, դեղ չեմ կրնար տալ, միշտ պաղ
ջուրով թրջեցէք գլուխը. իսկ դո՞ւք Վարդապետ . . .

— Վիճակս գիտէք . . .

Նորէն քննեց դիս. զարկաւ յուցամատովը կուրծքիս
տախտակիներուն, քունքը երկարօրէն փակցուց սրտիս՝ ու
միշտ նոյն հեղ ու անտարբեր ձայնով յարեց՝

— Գացէ՞ք ասկէ, կարելի եղածին չափ շուտ հեռա-
ցէք Վանքէն . . .

Ճերմակ թուղթի մը վրայ դեղերու անուններ շա-
րելով երկարեց ինծի, մինչ ես կ'ըսէի՝

— Բժիշկ, ես իմ հիւանդութիւնս շատ չեմ զգար,
որովհետեւ աւելի ծանրն ու յոռեգոյնը կայ:

— Չի խօսեցաւ: Իրեն մինչեւ վանքի մեծ դուռը ու-
ղեցցելէ վերջ՝ վաղեցի ելայ Խաչերին քով:

Փոխն ի փոխ հիւանդին քով կը հսկեն Անուշն ու
պառաւը: Երբեմն Շուշանն ալ կուգայ. Եղիազարը քիչ
անգամ այս կողմ կ'անցի իր սենեակին՝ սակայն երկա-
անք կը նստի հիւանդին քով. միայն Վանահայրն է որ
անտարբեր կը մնայ այս ամէնուն:

Վանքին կեանքը լոին է, սակայն լի տխուր գործու-
նէութեամբ. ամայի բակէն որբերէն մին կը վաղէ եր-
բեմն ձեռքը շիշ մը, կամ անձեռոց մը բռնած. յաճախ
կիներն են որ երազաքայլ կ'երթան հոս ու հոն:

Անշուռկ կ'անցնին ժամերը. չեն անցնիր՝ մենք
կ'անցնինք: Որբերը յանցաւորներու երեւոյթով կը պտը-

տին. ալ չեն երգեր, թէեւ երգերու ու համոյքի եղանակն է աս. կուզան դրան անկիւնէն կը դիտեն նաշերը ու կը փախին:

Հիւանդութեան տասներորդ օրն է աս. տղուն վիճակը աւելի ծանրացած կը տեսնեմ: Արդէն նիհար, հիմա ափ մը դարձաւ, գիշեր թէ ցերեկ կը հեւայ կամ բարձրաձայն կ'աղաղակէ: Աչքերը ցիլ կը նային, յաճախ սարսափով մը դանոնք կը գոցէ միւսին դէմ. կը կծկուի վերմակին տակ ու երկար կը մնայ տաժանելի սարսուռով մը՝ խօսելով անհասկնալի, հատկառն բաներ:

Գիշերները կը դառնացէ. ինձի համար դժնդակ է լսել իր զառանցանքը: Երբեմն անանկ կը թուի թէ՝ ես եմ զառանցողը, որովհետեւ զօրաւոր ջերմով մը ես ալ իր հետ կը տառապիմ:

Երէկ գիշեր երկար ու աղեխարշ նըուիւններէ վերջ, քանի մը կտրատուած ձայն հանեց. յետոյ գլուխը ուժովէն վեր բարձրացնելով՝ սրկեց ցրթները, ճակատէն մինչեւ վիզը ջղային սարսուռ մը ինկաւ. այն տաեն կրկին թաւալեցաւ բարձին վրայ:

Այդ սենեակը պառկող տղաքը չեն քնանար, գիտեմ ես ատիկա. երբեմն իրենց թոյլ հառաջանքը կը լսեմ, կամ վախին աղդեցութեան տակ ամփոփուող անդամներու խոհեմ շարժումները կը տեսնեմ:

Խաչեր սկսած էր մենախօսել...

— Կուզան մայր... կուզան... հայրս սոլաննեցին ... ինչո՞ւ դարկին. ահա մարմինը մեր պարտէզի աւազանին քով. չի շարժիր... մեռած է մայր, ինչո՞ւ մարդիկ կը մեռնին... կուլա՛ս մայր...

— Մայր, մա՛յր... ահա ծուկս կ'ելլէ պարտէզներու մէջէն... կարմիր բոցերը կալերուն վրայ...

— Ամբողջ հայ ազգը որբ է կ'ըսէիր... ճի՞շտ է: ինչո՞ւ որբ կը մնան փոքրերը...: Երբ հայրս ողջ էր, դուն լալով կը սիրէիր ժամուն դուռը կայնող որբերը... Հիմա վանքն եմ... Ե՞րբ պիտի զաս համբուրել զիս... այս որբանոցը... հոս չեմ կրնար ապրիլ ես... մայր: Քեզի դալ կ'ուզեմ... աղուոր է դէմքը մայրիկ... քիչ մը նիհար կ'երեւիս... կը մտածես իմ վրաս ու կուլաս... ես ալ քեզ կ'երաղեմ ու կ'ուզեմ... Վանքը տիսուր է... կը վախնամ ես իր ժամէն, հոն ճերմակ մօրուքով խոժոռ սուրբեր ամէն գիշեր ժողով կ'ընեն, թափօր կազմելով կ'երգեն... ես վանքին սենեակներէն կը սոսկամ... սատանաները կը բնակին...

— Տեսայ ես... սատանա՛յ մը տեսայ սեւ դէմքով, կրակէ աչուրներով... Ա՛յ, սուր ակրաները կը ցուցնէ... ճերմակ ակրաները:

— Մայրիկ, վանքը լուռ է... մեր փողոցը շատ պղտիկ տղաք կը խաղային դարնան իրիկունները... գետես, մա՛յր, երբ ծիծեռնակ մը՝ մեր գլուխներուն քսուելով կը սուրար՝ մենք կը սոսայինք ետեւէն իյնալով... Վանքին մարդիկը քիչ կը խօսին... չեն խնդար... Վանքին մէջ լալու շատ բան կայ... նուարդ...

Լոեց:

Խորհեցայ թէ ո՞վ կրնար ըլլալ այդ նուարդը. քաղաքի աղջիկն էր հարկաւ...

Թող շարունակիր զառանցել. ես որ կը հսկէի իր մօտ Ալեքսանդրին հետ, կ'ուզէի որ չի լոեր... Ցայդուն՝ մահամերձի մը մահճին վրայ խուժող

լուութիւնը չի կրնար տարուիլ... վանքերու մենութեան
մէջ արտասուելու շատ բան կայ՝ հրեշտակային տղայ:

Լուռ էր. չեմ գիտեր ի՞նչ ծանր, չնականօրէն լիրը,
կոկծալի բան կար այդ անձայնութեան մէջ. կարծես
կանքին ամայի ու համը անկիւնները պիտի խօսէին
միաբերան ու քրքջային, սատանաներ չի^o կան արդեօք
ուխտաւորի խուցերուն մէջ, կամ սուրբերը ժամուն մէջ
ժողով չին ըներ նոյն պահուն: Ես ալ անոնց զոյութեան
կը հաւատամ:

Վարժապետին արեւակէղ, կնճռոտ ճակատը անընդ-
հատ կը կծկուէր, աչքերը տամկութեամբ լցուեր էին:

Մեր անկարողութեանը մէջ՝ կը բաւականանայինք
վերմակն ուղղելով ու Խաչերի ճակտին թաց լաթեր
դնելով:

Անոր ակնարկը այդ պահուն չիլ, զօրաւոր ու ցայ-
տուն էր, բիրերը ընդլայնուած. ազազուն կոկորդէն հեւքը
դէպի բերան կը խուժէր, հոն անորոշ ու խուլ կոծի մը
փոխուելով...

— Որքերը արթուն են, մըմնջեց Ալեքսանդրը ական-
ջիս:

— Գիտե՛մ, ըսի մեքենաբար:

Երկարօրէն յառեցայ լամբարին. անոր բոցը զգայ-
նիկ թաղանթի մը նման կը սարսուար հակելով հոս հոն,
ուղղուելով, քթթելով շարունակ: Ի՞նչ հանդիտութիւն
այդ առկայծ բոցին, հիւանդ տղուն ու իմ միջեւ. երեքս
ալ պիտի մարինք...

Եսո՞ մէկէն ուժգին զարթնում մը ունեցաւ... ինչո՞ւ
հսկել մահամերձ այս տղուն սնարին քով, երբ մարմինդ
ու հոգիդ կը դալարուին վիրաւոր սողունի մը նման:
Ու ահա իմ սեփական մահուանս տեսիլը խօսեցաւ

ինծի: Տեսայ ինքզինքս ժամուն մէջ, սեւ մահաբեմի մը
վրան՝ երկու սպիտակի մոմերու մէջտեղ՝ դէմքս մահա-
տիպ, մեղրամոմէ տղեղ դիմակի մը պէս:

Վարդապետական ծանր ու ոսկեղուուագ զգեստներ
էի հագած, որոնցմէ գուրս ինկած տժոյն ձեռներս խա-
չածեւ, ոսկեպատ կարմիր աւետարանին վրայ կը հանդ-
չէին. արիւնի սեւ բիծերով աղարտած շրթունքիս վրան՝
շատ տմոյն նշխարք մը կը դողար:

Կիներ ու աղջկանց խումբեր կուգային համբուրելու
ձեռքս. լալագին մէկ երկու փոքրեր կը փախին քովէս,
ու ի վերջոյ Շուշանը կ'անցնէր մարտիրոսուհիի լուսա-
ւոր, վէս ու տրտում զնացքով, համակ սպիտակագետստ,
ձեռքը դեղին առէջներով շուշան մը...

Լեղապատառ ոտքի ցցուեցայ... Սոսկալի է մահուան
վրայ խորհիլը, բայց աւելի սոսկալի ու դժնդակ է երբ
ապրող էակը իր մահը կը տեսնէ:

Զգացի որ ճակատս կ'այրէր, յետոյ յամբօրէն՝ անկէ
սկսան թափիլ պա՛ղ, սառի չափ ցուլու քրտինքի շիթեր...

— Ի՞նչ ունիք Հայր Սուրբ... կը դողաք... ի՞նչ
եղաւ որ կը դողաք այդպէս...

— Բան չի կայ... յոգնած եմ... հանգչիլ կ'ուզեմ
Պ. Ալեքսանդր... Խաչերը հանդստացաւ քիչ մը, անանկ
չէ^o...

— Գացէ՛ք, ես կը հսկեմ. դուք հանգիստի պէտք
ունիք...

Անցայ կամարաւոր, մոայլ ու լոին նրբանցքներէն:
Սանդուխին գլուխը թուղթ մը երկարեցաւ ինծի. անսահ-
ման մթին միջոցով շրջանակուած սպիտակ էջի մը վրայ,
սեւ խաչի մը տակ, որոշապէս կարդացի՝

Հանգիստ՝ Արտակ Վարդապետի

Երէկ իրիկուան մօռ՝ խաղաղութիւն եկաւ Խաչերին
վրայ. կարծեցի թէ բարելաւութեան կը դիմէր:

Մահը ասանկ սեւ խաղեր ունի կ'ըսեն, երկար կը
մաքասի մեր կազմուածքին հետ և զայն քայլ առ քայլ
աւերելէ վերջ, երբ գիտակցի իր տիրապետութեանը, կը
քաշէ ճանկերը հոգւոյն վրայէն, կեանքին ներելու հա-
մար՝ որ անդամ մըն ալ գիտակցօրէն ժամի իրերուն և
ժոերիմներու...

Վերջալոյսին՝ երբ գուրսը բլրակի թփուտներուն ու
անոնց առջեւ փոռուղ դամբաններուն վրայ դեղին մշուշ
մը կ'իյնար, Խաչեր որ երկու ժամէ ի վեր կը մրափէր՝
բացաւ աչքերը, ժամանեցաւ հիւանդի վատուժ, անչահա-
խնդիր ժալիառվ, գիտեց լուսամուտները՝ որոնց հտին
պղնձի թոյրեր կը սարսաւյին, ու մեղմօրէն ըսաւ՝

— Առտո՞ւ է... ի՞նչ աղուոր առաւօտ...

Կրկին աչքերը փակեց, դարձաւ մէկ կողմ, սուզուե-
լով երազի նմանող բանի մը խորը. քաղցր էր այդ երա-
զանքը, քանի որ անընդհատ շրթները կը դողային՝ ու
բերնին մէկ անկիւնը մանր ժալիտ մը կ'առկայծէր:

Տակաւ հիւծած դէմքը երանութեան մը հետ հալած
մեղրամուի երանդը կ'առնէր, ու թարթիչները շատ եր-
կար կը թուէին խորը ինկած աչքերուն վրայ:

— Խաչեր, աղուո՞րս, ըսի, չե՞ս ուզեր քիչ մը բան
դնել բերանդ, կաթիլ մը կաթ, մածուն քիչ մը. եկուր
դլուխիդ թաց լաթը փոխեմ:

Անուշն ու ծերուկ տնտեսուհին խոհուն կը նայէին
այս վայրկեան առ վայրկեան հալող դէմքին վրայ և իրենց

նայուածքը ցաւագին էր, զիս զարմացնելու աստիճան:
ի՞նչ կար ատանկ դէնէ դէմք մը առնելու, կը խորհէի.
երբեմն սա կիները ի՞նչ աստիճան անշահ են:

— Խաչեր, քչիկ մը կաթ, կրկնեցի:

— Զգեցէք զիս... ինչո՞ւ երազս կը խանդարէք...
արթնաւ չեմ ուզեր... այնքան լա՞ւ է հոս... ախ ձեռք
մի դնէք վրաս, երկաթի պէս ծանր ու պաղ է մատերնիդ
... ձգեցէք պիտի թուիմ...

Մթնշաղ էր սենեակին մէջ. լոյս դուարթի խնկահոտ
շարաթ գիշերը յուշիկ եկեր էր:

Նստանք անկողնին չորս կողմը. ես բոլորովին վըս-
տահ էի թէ բարելաւում մը կար հիւանդին վրայ. կը
լոէինք. ականջ կուտայի կուրծքին բուռն ու անհաւասար
հեռէքերուն, մեղմ ու երաժշտական չնշառութեան մը մէ-
ջէն, որ շատ մօտէն կը հասնէր ինծի, թերեւս Շուշանէն:

Այն ատեն խորհեցայ գուրսի ամրան խաղաղ, օճա-
նուտ գիշերին վրայ, երբ մոայլ ու գողահար սազարթ-
ներուն տակ, առուն կարօտի անվերջ երգեր կը հիւսէր...

Որքա՞ն լաւ էր առուներուն եզրը ըլլաւ, գեգերիլ
ստուերներուն մէջ անօգուտ և ըստ բազգի. չի կայի՞ն
արդեօք վարդենիներու տակ համբուրուող սիրելիներ
հեռաւոր տեղեր, երջանիկ երկինքներու տակ...

Փոքր լամբարը վառեցին: Կիներէն ծերունին միայն
մնաց. Շուշանն ու մայրը մեկնեցան, որբերը հանդար-
տորէն, գողունի եկան սպրդիլ իրենց վերմակներուն տակ:

Պառաւը՝ ձեռները գողնոցին մէջ, մրափող գլուխը
կը հակէր, կ'ուղղուէր երբեմն ընդուստ բանալով աչքերը.
անոր դէմքը ինծի աւելի տառապագին թուեցաւ այդ
պահուն, տժգոյն թիսութեամբ դէմք մը՝ որուն վրայ տա-
կաւին աղնուական բան մը մնացեր էր:

Պ. Արքսանդրը գիրք մը կը թղթատէր, կարծեմ
բաֆֆիկ «Խենթը»:

Ալ խաւար էր գուրսը, ու գիշերուան խաղաղութեան
մէջ՝ աստղերու լուսեղ նայուածքին տակ կ'արթնային
դօլոչներու մեծակառոյց համերդները. անդորր ու նիրհող
սենեակին մէջ անհունէն երկարող սուր այլ անոյշ երդ
մը կ'իխար՝ յարատեւ ու միօրինակ թրթուացումով, քիչ
քիչ կը կասէր. այն ատեն եռանդուն խմբերդ մը, լեցնելով
միջոցը, կուգար հոսիլ մէր ականջներուն մօտ:

— Զո՞ւր...

Ծերուկ կինը ցնցուեցաւ՝ ու գաւաթով ջուրը մօ-
տեցուց հիւանդ տղուն բերանին:

— Պա՞ղ էր, Խաչեր, զաւակս...

Պատասխան չի կար. ծծեց տենդէն չորցած շրթները
ու խորասուզուեցաւ...

Քիչ վերջ աչքերը բացաւ. անոնք չեմ գիտեք բիւ-
րելային ի՞նչ փայլով մեր վրայ ինկան. պարզապէս սար-
սափելի էին, բիբերը ընդլայնուեցան դրեթէ տիրելով
ծիածանին ու սառնենիին. դուխը վեր ցատկեց գորտի մը
պէս, մարմինը ցնցուեցաւ անկողինին մէջ ու կոկորդէն՝
ջրամոյն մարդու մը նման, խեղդուկ հոնդիւններ դուրս
ինկան:

— Եկան... եկա՞ն, մայրիկ...

— Ո՞վ, Խաչեր, մարդ չի կայ. Տէ՛ր Աստուած,
մարդ չի կայ, դոչեցինք միաբերան:

Ծերունին վրան հակեցաւ զինք հանգստացնելու հա-
մար. այն ատեն Խաչեր բացաւ շրթները, ազազուն թեւերը
վերմակէն դուրս հանեց, մեղրամոմէ մատները պրկեց՝
ու բռնելով կնոջ թուշերէն, ուժգնօրէն դանոնք քաշել
սկսաւ:

— Մի՛ ըներ, անուշս, հոգիս՝ մի՛ ըներ, մեղմօրէն
պաղատեցաւ տնտեսուհին:

Ան չի լսեց աղաչանքը, ոչինչ կը լսէր՝ ու նոյն
անասունի, ցուցափեղի մէջ դրուած խամաճիկի մը աչ-
քերուն անայլայլութեամբ նայելով կնոջ դէմքին, կը
պրկէր անոր միսերը:

Յանկարծ՝ խուսափուկ աղաղակ մը թռաւ սկսեակին
մէջ:

— Եկա՞ն... աղատեցէք զիս... կ'երթամ մա՞յր...
Ինկաւ բարձին վրայ: Այն ատեն՝ սեւ մաղերու մէ-
ջէն քրտինքի խոշոր կայլակներ իջան դէպի ճակատը,
քունքերուն վրայ, անոնցմէ սաշէլով դէպի կորացած
շրթներն՝ ու ծնոտին անկիւններէն անյայտացան վիզին
ստուերին մէջ. ակունքերը միացուց, բացաւ քանի մը
անդամ, թեւերը մեղմօրէն թափահարեց վերմակին վրայ,
ձգտեց, լքեց...

— Վախ եալրո՞ւմ... ու պառաւը հեկեկալիր կոր-
ծանեցաւ Խաչերին վրայ:

Ան ատեն պատահեցաւ բան մը՝ զոր գուշակել ան-
կարելի էր: Որբերը բոլորն ալ իրենց վերմակներէն դուրս
խոյացան հեծկլտալով...

Ես չի կրցայ լալ: Դողահար՝ աղօթք մը կարդացի
ու հեռացայ...

Ա.

Յունիս . . .

Թաղեցինք Խաչերը:

Վանքը մէկը սպաննեց : Փոքրաթիւ ու մահաշչուկ
թափորով մը հետեւեցանք դագաղին՝ մինչեւ խոնաւ ու
սեւ փոսին եզերքը :

Բոլորը կուլային, երբեմն կիներուն ծանր ու եր-
կարատեւ հեծեծանքը կը զարնէր լոռութեան թեւերուն .
այդ բովէին՝ ես յիմար վախը կ'ունենայի թէ մի դուցէ
այդ ձույներէն յանկարծ Խաչերը կանգնէր իր զաղփաղ-
փուն դաղաղին մէջ, որովհետեւ իր բաց դէմքը մահուան
դժնէութիւնը չունէր, հապա արշաւներէ դարձող յոդնա-
բեկ տղու մը երազային քնանդորրը :

Ինչո՞ւ կը վախնայի որ անիկա մահուան սպիտակ
վերարկուն թօթափէր, չեմ դիտեր, հակառակ հաւատոցիս,
մեռելներու յարութեան պատկերը միշտ դողացուցած է
զիս, այդ պահը աւելի դառն է ինծի համար քան մահուան
օր մը...

Փոսին մօտ ՚պահ մը ակնարկս Շուշանին վրայ ին-
կաւ, ու ինծի անանկ թուեցաւ որ զինքը առաջին անդամ
ըլլալով կը տեսնէի :

Մոռցայ ըսելու թէ ՚քանի մը խոչոր գառնուկներ աւ
հետեւեցան դաղաղին՝ ուր բրդոտ երկու շուներ, թա-
ւաստեւ պոչերնին կախ, զունչերնին հողին առընթեր և
անանրաքայլ : Տրտմալի մտերմութիւնը մարդուն և անա-
սունին ՚այս մենաւոր միջավայրին մէջ :

Վանահայրը հաղիւ մինչեւ Եկեղեցի իջնելու սիրտ
ըրած էր : Երբ վերադասնք՝ մէկը ուժգնորէն կը պո-
ռար, կը հայհոյէր :

Ինքն էր, Վարդանը. վեհաբան ելանք, աննկարա-
դրելի վիճակ. դէմքը ներկուած էր տաք և կարմիր դոյ-
դով. աչքերը կը դառնային իրենց ճարսուտ շրջանակին

մէջ, փողոցի մը նման կը հեւար, կը պոռար ու կ'ողբար
անդադար :

Իր քով, թաւշեայ բազմոցին վրայ ՚գրեթէ անշունչ
ինկած էր ծիրանեգոյն տատրակներէն մին՝ մինչ միւսը,
գլուխն իր մսեղ կուրծքին մէջ թաղած կը հսկէր ընկե-
րովը վրան, թոյլ ու հիւանդագին մնջիւն մը արձակելով :
Վանահայրը կ'ոռնար միշտ .

— Ամէ՛ն բան առին ձեռքէս, ամէն բա՛ն, կ'իմանա՞ք
դուք որ հոս եկեր էք. գացէ՛ք՝ չեմ ուզեր մարդ տեսնել,
նայեցէ՛ք, ա՛ս ալ սպաննեցին. ի՞նչ ունէի, կին, տուն
տեղ չունիմ, ասիկա կար միայն, ա՛խ տատրակս, հոգիս
ի՞նչ եղար, ո՞ր վայրագ որսորդը դարկաւ քեզի...

Վանահօր բարկութիւնը հետզհետէ սպաննական կ'ըլ-
լար, ու իր մօրուքը հովերուն խաղալիք քուրջի մը պէս
կը շարժէր :

Յանկարծ փլաւ. դէմքին լայն միսերը դէպի վար
կախուեցան, աչքերը այլանդակ երեւոյթ մը ստացան
բացուելով . սկսաւ տղու մը պէս հեծկլտալ՝ տարածուե-
լով բազմոցին վրայ :

Զափահաս մարդու մը, մանաւանդ տարէց վարդա-
պետի մը լացը տեսած չէի: Ծիծաղելի ու զզուելի էր այս
մարդը . հրեշտակի պէս մանուկ մը որդերուն յանձնած
էինք ու ինք տատրակը կուլար :

Այդ միջոցին ակնարկս վիրաւոր թռչունին վրայ
ինկաւ նորէն . կոկորդին աղուափետուրէն արիւնի կա-
թիներ կը մզուէին ու դէպի կտուցը կը քալէին . պղտիկ
քանի մը սարսուռներ ալ ունեցաւ, ձգտեց տոտիկներն ու
մնաց :

Իրա՞ւ որ Վանահայրը երկար ատենէ ի վեր կը
ինամէր այս կենդանիները, իր ամբողջ հարստութիւնն

ու երջանկութիւնը կը կազմէին այդ զոյտ թուշուները,
թերեւս իրաւունք ունի լալու, խորհեցայ:

Հեռացայ վեհարանէն, սանդուլսին ստորոտը տեսայ
Շուշանը կարմրած աչքերով ու դողահար. աղէկ մը նա-
յեցայ վշտահար իր դէմքին ու անձայն հեռացայ:

Այս ամէնը ինծի երադ կը թուին:

Բայց իրականութիւն մը՝ աշխարհի վրայ աւելի
իրական չէ եղած երբէք: Ես հիւանդ սիրահար մըն եմ,
Խաչերը մեռաւ, տատրակն ալ, ու որբերը թշուառ են՝
ինչպէս Եղիազարն ալ տէրը նկարի գաղանիքներուն. այս
ամէնուն մէջ երազային ոչինչ կայ:

Ոտքս հողին վրայ է և մարմինս տակաւին չի
յանձնեցի դադաղի մը թեւերուն: Զեմ գիտեր, թերեւս
այս բոլորը իրականութեան երադն է. իրերը նոյնը չեն
ինծի համար, իմ մէջս ամէն բան կ'անդրադառնայ անանկ
մթնոլորտով մը՝ որ երազին յատուկ է, իմ հողիս իսկ
յատուկ՝ որովհետեւ տկարանալով, հետդետէ կը կանդ-
նիմ կեանքի ու անդենի սահմանին վրայ. երազը կեանքին
ու մահուան սեմին վրայ հանգըրուան մըն է, միուն իրա-
կանութեամբ և միւսին անստուգութեամբը լի:

Պոլիսէն նամակիս սղատասխանը չի գար տակաւին:
Մեկնի՛ կ'ուղեմ...

ԼԲ.

Յուլիս . . .

Խաչերի թաղումէն ի վեր՝ դիս ալ կը հալածէ մահ-
ուան մը դադափարը:

Զեմ կընար այդ սեւեռուն ստուերէն զատուիլ. կար-
ծես մէջս է ան, կամ վերարկուիս էութեան հետ նոյնա-
ցած: Մահը քովէս կը քալէ, կը նստի դէմս հանդիսուի
կարճ բոպէներուն, մասնակից կ'ըլլայ ճաշերուս. բառե-
րուս մէջ կը զգամ ես իր պաղ շունչը:

Հիմա երկու հոգի եմ ես. անոր համար բնաւ չեմ
աճիր:

Սէրս ալ լքեցի. Շուշանի համար ունեցած հատ-
նումս թեթեցած կը զգամ. իր տեսքը հազիւ մանր սար-
սուռ մը կուտայ ինծի. իմ և անոր միջեւ մէկը կայ՝
մահը:

Ամէն բոպէ, յետին վայրիեաններու սարսափին ու
կեանքի գեղեցկութեան երազին մէջ կը տատանիմ:

Ես կ'ատեմ մահը. կ'ատեմ՝ ինչպէս երբեմն ատեցի
Շուշանի նշանածները. անոնք հիմա ինծի համար սիրելի
և աղնիւ մարդիկ են՝ իմ անձանօթ սիրելիներս՝ որոնց
խաղաղութեանն ու բարութեանը կը ցանկամ միայն:

Մէջս հետզհետէ կը գօրանայ ասլրելու տենչը. ամէն
իր աւելի կարօտալի և գեղեցիկ է ինծի համար. պապակն
ունիմ կեանքին, ու որքան անդամներս դողահար դառ-
նան, թոքերս դատարկ ջրամբարներու պէս խօսին՝
այնքա՞ն կարօտով արեւին կը նայիմ:

Պիտի մարի՞ս օր մը յաւէտ, տրտում աչքերէս
արե՛ւ, կամ պիտի տեսնե՞ս մէջս դեղերող քանի մը կայ-
ծերուդ մոխրանալը՝ մահուան քամիէն:

Ես չեմ ուզեր սիրել. կամ հիմա գիւրին է ինծի
ուրանալ սէբս. բաւ է որ ապրիմ... Լա՛ւ է մենաւոր ու
բոկոտն՝ արեւին տակ գեղերիլ հեռաւոր ճամբաներու
եղբը, անցորդներէն, հողէն կամ վայրի մացառներէն
մուրալով պատառ մը սնունդ...

Կեա՞նքը, կեա՞նքը... Արտակ հիմա կը զգաս անոր գինը:

Եկեղեցի կ'երթամ ստէպ՝ զիս հետապնդողը աղօթքի մը կամ սաղմուներու ձայնով վանելու: Թեթեւութիւն կը զգամ. կեանքի տաճարին մէջ՝ մահուան ստուերին վրայ մոռացոնքը կ'իյնայ, բայց ահա՝ այդ անմարդածայն, զովաստուեր կամարներուն տակ հեծեծանք և քրքիջներ կը շատնան, ու ամէն բան դատակնիքս կը վճռէ. բոլոր բարի կամ չար դէմքով առաքեալներն ու սուրբերը դատաստանի ատեանը կը կազմեն՝ դուրս դալով իրենց որմանկիւններէն ու խցիկներէն:

Աստուածային արդարութեան ձայներն ու դատաւորներն են, որոնք նզովք կը կարդան, անէծքներուն էն դառնահամը կը թափեն իմ վրաս. ի վերջոյ ամրակաչն, վայելուչ, խորապէս խորհրդաւոր սաղմուներ կ'երգեն, զորս չեմ լսած, սակայն ինծի անծանօթ պիտի չըլլան...

— Ալ չեմ սիրեր, մեղա՛յ ամենասուրբ արարիչդ, մեղա՛յ...

Այսպէս կ'աղերսեմ լալահառաչ:

Կը նայիմ շուրջս. անսովոր բան չի կայ ժամուն մէջ՝ ամէն բան իր տեղն է, նոյն իսկ կը նշմարեմ թէ եպիսկոպոսական աթոռին ընդելոյզ սատափներէն մէկ քանին ինկեր են:

Այլ իրերը յամրաբար կը սկսին մթագնիւ. բոլոր որմերէն, անոնց անկիւններէն մռայլ ու կապոյտ ժպիտ մը կ'ելլէ խունկերու ծուխին պէս. այդ ժպիտը կը լեցնէ խորանն ու կամարները, յարաբորբոք քրքիջի մը նման կը պատուաքի ամէն կողմ ու իրեւ էութիւն մը կը սկսի բարբառիւ ինծի:

Կը հասկնամ իր լեզուն, Անեղին ժպիտն է ան. բայց ինչո՞ւ այդքան տխուր է նախախնամողին ժպիտը:

Այդպէ՛ս պիտի խնդայ Ան Գերագոյն դատաստանին օրը՝ բոլոր անոնց որ աղջկան սիրոյ մը անձնատուր եղան: Երբ դուրս կ'ելլեմ գաւիթէն՝ ալ չեմ կրնար քալել, չեմ ալ կրնար պատասխանել Եղիազարին՝ որ անութիւն տակ քանի մը մագաղաթ կը հեռանայ. այդ միջոցին, ամէն իր կ'ընթանայ կամ կը դառնայ իմ քայլերուս հակառակ ուղղութեամբ:

Կ'երթամ անկողինիս վրայ իյնալ, հազարով անզօր՝ այլ խորունկ հազով մը, ու աւելի յաճախ արիւն կը թքնեմ...

Կիրակի Վանքին ուխտի օրն է. արդէն շրջականերէն ուխտաւորները խումբ խումբ կը հասնին. լեցուած են թաղերը, գետեղը վրաններ կը բարձրացնեն, կամ բացողեայ կ'ապրին շատեր:

Բոլոր այս շարժումը, ժպոող դէմքերը, երգի ծածանող շեշտերը ինծի համար չեն... ևս կ'երազեմ՝ կամ քնաշըջիկներու անփութութեամբը կը դեգերիմ:

Ալ ձգեմ գրիչս, հազը կը խեղդէ զիս: Բայց ահա եկաւ. ա՛խ, մա՛հ, մահուան չար էութիւն, ի՞նչ կ'ուզես ինչ երբ այդպէս ցցուելով դէմս կը շարժես չարաժպիտ դէմքդ:

— Սահմանումներուդ ճակատադրին տէրն եմ, կ'ըսէ ինծի:

Լա՛ւ, այդպէս թող ըլլայ. բայց մեր մէջ կոխը անագորոյն ուժով պիտի մղուի մա՛հ. սիրոյ մէջ պարտուած՝ յաղթական պիտի ելլեմ քու դէմդ: Պատրաստ ես ոգորումի չէ՞ , Արտակ...

Այո՛... բայց լաւ չէ՞ մահով յաղթել մահուան...

— Հա՛յր Սուրբ, Շուշանս նշանեցի . . .
 — Հա՛ . . . լա՛ւ . . . որո՞ւ . . .
 — Քաղաքէն գրադիր մը, վարդի պէս տղայ, տննի-
 վեր, շահն ալ տեղը . . .
 — Կը շնորհաւորէմ . . . դոհ ես անանկ չէ՞ . . . եր-
 շանի՛կ . . .
 — Է՛հ, պարտքս էր կատարեցի. հա՛րկաւ . . .
 Առառն կանուխ՝ այս խօսակցութիւնը կը դառնար
 իմ և Շուշանի մօր միջեւ բակին մէջտեղ, երբ հազիւ մէկ
 քանի ուխտաւոր կիներ սափորներուկ կ'երթային դետեղր:
 Անուշի քովէն հեռացայ անբանի մը պէս կրկնելով՝
 — Շուշանը նշանուած . . . վարդի՛ պէս տղայ . . .
 Կը սպասէի այդ լուրին, անհամբեր իսկ էի զայն
 լսելու. անիկա պաշտօնապէս վերջ մը պիտի դնէր իմ
 յոյսերուս, և յետոյ կրնար քաջալերել նաեւ սիրոյ թու-
 լացումը որ մէջս աւելցաւ Խաչերի մահէն ի վեր. գոհու-
 նակութեան պէս բան մը ունեցայ ու աղատօրէն շնչեցի
 քանի մը անգամ. յետոյ սառնօրէն քննել սկսայ թէ լուրը
 ինչո՞ւ յուղում չի պատճառեց ինձի և թէ ի՞նչ կար որ
 ես այդ լուրին վրայ կը նայէի իրը ինչ հեռաւոր անձի
 մը կեանքին կապուած եղելութիւն:

Այս բոլորին իբրեւ չքմեղանք կ'ըսէի՝
 — Յուղուելու կարողութիւն չի մնաց վրաս, քայ-
 քայուած, լմնցած եմ, կը շրջիմ իբրեւ բանական ստուեր
 մը հողին վրայ. հայելիին մէջ սոսկումով միայն կրնամ
 նայիլ ինքինքիս:

Երբ որբերուն յարկարաժինը ելայ՝ Պ. Ալեքսանդրը
 հարցուց՝
 — Վարդապետ, Պոլսէն պատասխան եկա՞ւ . . .
 — Ո՛չ . . . թերեւս մէկ երկու օրէն առնեմ:
 — Ազգային գործ . . . ինձի այնպէս կուգայ որ քու-
 մեկնելէդ վերջ՝ մենք ալ պիտի ցրուինք, ատոր կը սպա-
 սեմ . . . ես ալ կը տառապիմ հոս՝ վարդապետ . . .
 Զեմ գիտեր ինչո՞ւ խնդալս եկաւ այդ վերջին խօս-
 քերուն վրայ, հազիւ ինքինքս կրցայ զսպել, մինչ Վար-
 ժապետը խստօրէն երեսս կը նայէր:
 Յետոյ անխօս, առանց բառ մը արտասանելու իշայ
 վար, զուրս ելայ Վանքի մեծ դուռնէն ու սկսայ դեղերիւ
 դաշտերուն մէջ:
 Պուրակներու սայուելները խեղդած են ամէն բան.
 կապոյտ ու կանաչ չորս կողմը և անոնց մէջ դեղերող
 կարմիր դգեստներով հարսեր: Յորեններն ու խոտերը
 բարձրացած են, տեղ տեղ արդէն իսկ դալուկ մը հազած
 կ'երեւին:
 Արօտավայրերն ու ցորենի դաշտերը եղերող բարտի-
 ներու սլացիկ կատարները մեղմ հովէ մը կը շարժէին՝
 ու ես գիտելով անոնց տերեւները՝ ժամուն քշոցները յի-
 շեցի. աղէկ էր նմանութիւնը, ուրեմն արեւին տակ
 պսպղուն քշոցներու յարեւնման կը շարժէին այդ դորչ
 տերեւները:
 Առուները չորցեր են ու գետը խելօք մը կը վարէր
 իր ընթացքը:
 Ամէն ծաղկաղ բան հոս իր պտուղն ունեցաւ, ես
 ամուլ մնացի միայն:
 Երկար դեղերեցայ. ամէն կողմ անփութօրէն երկա-
 րած մարդիկ, կիներ ժրաշան, ժպտուն, փոշեթաւալ ու

պոռչտող մանուկներ գորշ վրաններու շուրջ. կրակներու վրայ ճենձերող միսերու՝ ճարպային բուռն հոտ մը մթնոլորտին մէջ:

Կ'անցնէի այս ամէնուն քովէն անտարբեր, վատանուն ու երկարօրեայ երազներէ ելլողի մը անմիտ դէմքով վը, անկանոն քայլերովն ու շարժումներով. երիտասարդ աղջիկները ուշադրութեամբ կը նայէին ինծի, մանաւանդ արցունքն ալտու դէմքերնին տակաւին թաց, ցնցոտիներով ու բոկոտն փոքր տղաք՝ կուգային շուրջս, առջեւս կը կենային՝ իրարու ձեռք բռնած, ծռելով դլուխնին, ձեռքերնին երկարելով ինծի, ի վերջոյ աղջահար՝ երեսիս ակնարկ մը նետելէ յետոյ փախելու համար: Բան չէի ըսեր, չէի ժպտիր, կ'անցնէի մինակ, տեսնելով, գնահատելով այս ամէնը՝ այլ ոչինչ դդալով:

— Թերեւս կը ինդան իմ վրաս, կը խորհէի անփութօքն:

Գետեզրէն վեր ելելով, երբ կրկին ցորեանի արտերուն քով հասայ, հովը ծփանք մը կը քսէր հասկերու կանաչ այտերուն՝ ու ես պահ մը յառելէ վերջ, հոսանքներով խոռվուած լիներու ափունքը գտնուողի մը պատրանքն ունեցայ: Իմ առջեւս ջուրերը կոհակներու յարաշարժ պարը կը դառնային, և կը դդայի անոնց գովութիւնը:

Մէկէն վանքին դարձայ, տեսակ մը կարօտով յառեցայ անոր կարմրորակ դմբէթին ու զանդակատան. այդ պահուն վախ մը առաւ զիս՝ կարծեցի թէ մէկը դետնին երեսէն քղանցքներէս կը քաշէր. մահ, մահը ինքն էր որ քայլերուս կը հետեւէր...

Արագօրէն վերադարձայ: Վանքին դրան մօտ տեսայ

պարանցիկ խումբ մը աղջիկներ, անոնց մէջտեղն էր Շուշանը. երգելով թռան քովէս:

Կանդ առի. շեշտօրէն նայեցայ նշանուած աղջկան ետեւէն. իր հասակը ամէնուն վրայ կ'իշխէրու դէմքը կը ճառագայթէր առտուան արեւի նման...

Զդացի որ ուղեղս կը դողար ու աչքերուս շատ մօտիկ քանի մը ստուեր կը դառնային:

Վագեցի վեր, անկողնիս վրայ նետեցի ինքդինքս անլուր հեկեկանքով մը՝ և իմ լացս մոլեկան, սեւ, ահուելի էր՝ որովհետեւ գլխուս վերեւ յանկարծ բարձրացաւ նախանձին շաչող խարազանը:

— Ա՛խ, քեզ առին ձեռքէս, կ'ըսէի, անիծուած ըլլան, անիծուած... ես կը սիրեմ քեզ, կը սիրեմ... իմ սէրս չի կրնար մեռնիլ... Պատրանք մըն է ամէն բան... լիման ալ չի կրնար մարել իմ սէրս, ահա ես իր դէմզինուած եմ՝ եղունգներուս մինչեւ յետին ծայրը... Եկուր եթէ կրնաս, եկուր մահ... Այս սեւազդեստ կմախը կը սիրեմ՝ նշանուած աղջիկը...

Ու վերմակս կը խածատէի, անզօր մատներս քանդելու, պատուելու դէմք մը կը փնտոէին զո՞ւր...

— Ա՛հ սեւերես, աղտոտ մարդ, տէր կ'ըլլաս աղջրկան մը որուն ուրիշ մը՝ իր կեանքը զոհեց... կը կրկնէի ու միշտ կ'անիծէի Շուշանին մայրը, միջնորդն ու նշանածը...

— Զին թամբել տալ կ'ուզեմ, կը մոնչէի, քաղաք նետուելու համար. պիտի երթամ փողոցներուն մէջ դեղերելով շուկան մտնել՝ գտնելու համար մարդը, զոր չեմ ճանչնար. բայց պիտի ճանչնամ զայն՝ եթէ ծպտուած իսկ ըլլար՝ կամ պահուած հարիւրաւոր իրեն նմաններուն մէջ. իմ նախանձս, իմ վրէժս մանաւանդ՝ յայտնատես

կ'ընեն զիս . ահա արդէն իսկ՝ ևս կը տեսնեմ իր պատկերն
ու ժպիտը , թեւերուն թոյլ շարժումը . ինքն է , ինկեր
վրան , յօշոտէ . ո'չ Արտակ , յամբօրէն՝ անուշ ու գիտակից
վայելքով մը արիւնին յետին կաթիւները ըմպէ . . . իմէ՛
Արտակ մինչեւ որ յագենաս . . .

Հազի նոպայ մը խեղպեց զայրոյթս :

Առատօրէն արիւն թքի այս երեկոյ , ու ևս անոր
կարմիրին մէջ վայրկեան մը տեսայ Շուշանի գէմքը իբրեւ
փղոսկրէ քանուակ՝ բուստի մը էջին վրայ . անոր քով
անշնորհք ճիւաղ մը . . . մահը :

Մա՛հը , գերազոյն ազատարարս ու գերագոյն թշնա-
միս , որովհետեւ դողդոջ և արատաւոր հոգիս պիտի
առաջնորդէ Վերին դատաստանին . . .

Գերագոյն և Ահեղ կը ժպտիս ինծի , ու մահուան
դիմակով կը սպառնաս . . .

ԼՓ .

Յուլիս . . .

Քանի մը օրէ ի վեր՝ գրեթէ ուշակորոյս անկողին
էի ինկած : Վերջին յուզումը քայլայեց զիս . . .
Վաղը կը մեկնիմ ևս վանքէն . . .

ՀԵՐՈՍԸ

(Վ. Ի. Պ. Ա. Կ.)

Ա .

— Նա՛ , կ'անցնի կոր , նայեցէք Տղաք , Հերոսը ,
Հերոո՞սը :

Ասանկ կը պօռային երբ կ'անցնէր Ան իր յաղթ իրանը
ցցած , ու յանկարծ զուսպ կամ անզգամ ինդուքներ ,
փաղաքոտ կամ չէնչող ձայներ կ'ելլէին ու իճատիէի լոկն
փողոցներու թախծութիւնը պահ մը կ'ոգեւորուէր :

Նորութիւն մըն էր Հերոսը , ազատութեան առաջին
խանդավառ օրերու բերած նորութիւններէն մէկը :

Բան մը չէր պակսեր իրեն ատանկ պատուաւոր
անունով մը չապրելու . ճարպոտ , ներողամիս , ծիծուն
նայուածք մը ունէին ձիթագոյն իր մէծակ մէծութեամբ
ճարպոտ աչքերը , խանձուած թարթիչներով : Անոնց ար-
տայայտութիւնը դէմքը կ'ամբողջէր սակայն : Ճակատը
ցած էր , ինչուէս կը վայլէր Հերոսի մը : Քիթը հայկական
չէր այլ տեսակ մը հաստամեստ որ ուղիղ գիծով բաւա-
կան մը սահելէ վերջ կը լայնար , կը լայնար ու կոր ,

ուռուցիկ, կարմբափայլ վերջ կը գտնէր, թաւ ու ոլորուած դեղնագոյն պեխերուն վրայ: Այսոսկըները ցցուած էին, որոնց մէջտեղէն երկու հզօր ծալքեր խորունկ պեղուած-քով կ'իջնէին մինչեւ թուշը՝ ուր ոռւնգերուն երկու քովէն վազող խորշուներու հետ կ'եղբայրակցէին: Մարդուն ստորին կզակը վախնալիք բան մը ունէր միշտ, անասնա-կան բան մը, կիսովին սափրուած: Ականջները փոքր չէին: Մութ կապոյտ չուխայի գտակ մը կը ծածկէր գրեթէ սեւ մաղերը որոնց մէջ սպիտակներ սկսած էին սպրդիլ: Այդ դէմքը ողբերգութիւն մը և կատակերգութիւն մըն էր. դիւցազնակատակ քերթուած մը: Կազոյտ չուխայէ գու-նատած բաճկոն մը կը կրէր կարձկեկ թեւերով, նոյն գոյնով էր բաճկոնակը՝ որուն վրայ երկաթէ բարակ շղթայ մը կը ձգուէր մինչեւ հեռաւոր գրալան մը ժամա-ցոյց մը կեղծելու համար: Ու սրճագոյն թաղիքէ բաւա-կան նոր տափատ մը կը ծածկէր իր հսկայի կարչնեղ աղդ-րերը, մինչ միշտ ինամքով ներկուած զոյդ մը կիսանոր մոյկերը մինչեւ ծունկերը կը բարձրանային: Արքենի հսահկով, կօշկակարի մը ահարկու ձեռքերով այս Հե-րոսը քառասունի մօտ կը սեպուէր:

Իր մկրտութեան իսկական անունը յայտնի չէր. ո՞վ տուած էր իրեն այդ պատուանունը. թերեւս ստահակ մը, կամ անոր տեսքէն ահարեկ երիտասարդներ. դեռատի կիներ, ո՞վ գիտէ: Դիւրահաղորդ էր, մարդամօտ ըսուելու չափ: Քանի մը շաբաթէն թաղին մարդիկը բարեկամ եղան իրեն: Ու ա'լ ձեռքէ ձեռք կ'անցնէր Հերոսը՝ թանկագին առարկայի մը պէս: Իր դէմքին արտայայտութենէն նա-խալէս վախցողներն իսկ առաջին տեսութենէ մը վերջ կը սրտակցէին:

Այդ օրերուն, հերոսները կը փնտուէին, կը սիր-

ուէին, կը պաշտուէին: Մեծ փութով, հայկական անկա-խութեան պաշտպաններ, ազատութեան զոհուողներ, Փէ-տայիներ կ'որոնէին ամէն տեղ. վաշխով փարթամցած պարկեշտ հայեր, մատնիչներ, պատուանչաններով կուրծ-քերնին ծածկած պաշտօնատարներ, նոյն իսկ հէս մը ազնիւ մարդիկ՝ ծերունիներ, կիներ, տղաք, հերոսի մը թեզա-նիքին անգամ մը քսուիլը մասունքի մը հպումէն արժէ-քաւոր կը համարէին: Հերոսն ալ դժողոհ չէր ձգեր իրեն մօտեցողները, ամէնուն ալ անյագ հետաքրքրութեանը գոհացում կուտար, կը պատմէր տաղանդով յարդարուած հերոսական վէպեր, ուրիշ գործ չունէր, այդ երկար օրերը մինչեւ գիշեր ու գիշերն ալ առանց մարդու չէր մնար: Տարիներով ահաբեկ ու սոսկումէն ջլագարուած հոգիները միսիթարուելու կարօտ էին: Թաղին մարդիկը իրարու կը մրմնջէին հպարտութիւնով:

— Թորո՛ս, իմացա՞ր հերոսին պատմածները, եղ-բայր սա յեղափոխականները... ա՛ս չափ կ'ըլլայ... ա՛ս չափ... ի՞նչ մարդիկ են, ի՞նչ մարդիկ...:

— Հա՞րկաւ անոնք մեղի պէս չեն, կրակ տեսեր են խօսք չէ՛... Արլանինեանը... Անդրանիկը... Աղբիւր Սե-րոբը, ազգը փրկեցին, ա՛զգը:

Աղջիկներն ալ անմասն չէին մնար հիացական այդ հսուանքն, իրարու մէջ կը խօսէին դուռներուն առջեւ, քիչ մը Հերոսը մտիկ ընելէ վերջ:

— Նուարդ, հերոս ամուսին մը չե՞ս ուզեր ունենալ:

— Հարկա՞ւ, ուխտած եմ միայն հերոսի մը հետ կարգուիլ:

Պատիկ լաճերու երեւակայութիւնը Հերկուլէսներ կը ստեղծէր իրենց տիսնղծ անկազմ դադաթներուն տակ: Դալրոցի ճամբուն վրայ մէկը կ'ըսէր միւսին.

— Ակոր, մեր Հերոսը քանի՞ Քիւրտ կրնայ սպաննել:
— Յիսունը մէկէն...

— Եա, յիսո՞ւն, հարիւր յիսուն ըսէ ա'պուշ, հարիւր
յիսուն:

Ու նոյն իսկ պայուսակնին նետած կը գդուըտէին
վոչեթաւալ:

Հերոսը, կ'ըսէր թէ ծառայած էր Արխանեանի խում-
բին մէջ, կրակի և սուրի մարդ էր եղած. աստանդական՝
Հայաստանի ձիւնապատ լեռներուն, անդնդախոր ճորե-
րուն, մթին անտառներուն մէջ դեգերած էր, ու բիւրաւոր
վտանգներ անցուցած:

Արխանեանի բանտարկուելէն վերջ փախած էր նախ
կոլկաս ու անկէ Արտասահման, ճշմարիտ հերոսներու
ապաստանաբանը:

Խօսուածքը կովկասահայերէն կը բուրէր, հագուած-
քին կոկիկութիւնը Եւրոպայէն բերած էր, ու ատկէ զատ
ունէր նաեւ խորհրդածութիւններ, մտածումներ, կար-
ծիքներ և սկզբունքներ:

Հերոսը ընկերվարական էր, Սօցիալ Տէմոքրադ մը:
Կը խօսէր ժողովրդային իրաւունքներու, ուղղակի և հա-
ւասար քուէարկութեան, շահագործողներու և շահագոր-
ծուողներու վրայ: Իր խօսքերը իրբեւ պատգամ կ'ըն-
դունուէին, ու նոյնիսկ թաղին հարուստ վաճառականները
ամառ գիշերներ այդ ամէնը սրտի զեղումով կրնային
մտիկ ընել: Հերոս անոնց կ'ըսէր.

— Աշխարհը հիմնուել է անիրաւութիւնների վրայ.
Պօրաւորը կեղեքում է անդադար տկարը, ա'խ ատ յիմար
պուռագիան, նրա դոյութիւնը պէտք է չքացնել:

Նախադասութեան սկիզբը վաճառականները կը

ժպտէին սիրալիր, ոռւսահայ լեզուն իր հնչականութիւնո-
վը ու նորութեամբը համակրելի կ'երեւէր իրենց, թէեւ
պուռագիան նշանակութիւնը չէին հասկնար տակաւին,
բայց վերջին խօսքերուն կը զգային տէսակ մը գաղտագողի
սպառնալիք, կակիծ մը իրենց սրտերուն կը տիրէր ու
ձեռքերնին բնազգօրէն գրալանին կը միրճուէին:

Հերոսի մեկնելէն վերջ ամէնէն յանդուղնը կ'ըսէր
մեղմօրէն ակռաներուն մէջէն.

— Զավալլը... հէօտիւկ...:

Ուրիշ մը վրայ կը հասնէր, անտարակոյս աւելի
ազգասէր.

— Ամօ՛թ է եղբայր, ամօ՛թ, ազատութեան համար
կոռուած են:

Ու ամէնն ալ կ'ամօթէին յանդուղնը՝ հակառակ անոր
որ համակարծիք էին անոր, որովհետեւ դրամ ունէին:

Հերոսին համբաւը ալիքի մը նման կը մէծնար կը
տարածուէր թաղին մէջ, ու թաղին ալ գուրս բոլոր Սկիւ-
տարի մէջ: Աներեւակայելի բաներ կը պատմուէր իր մա-
սին, շուտով իր առասպելները ունեցաւ Հերոսը: Ու ինք
ատկէ դժողոհ չէր երեւար: Հերոսի մը համար աշխատիւը
նախատինք համարեցին թաղեցիք ու փոքրիկ ծառայու-
թիւններու փոխարէն առատօրէն կը վճարէին: Աղջկան
մէկը աման մը աւելցած ձուկ կուտար, ծերուկ կին մը
քիչ մը միս ու թթուած լուրիա, տղաքը իրենց տկուած
գրալանին անոր ամենազօր ձեռքերուն մէջ կը պարպէին
ամէն օր, փոխան անէքտոթի մը զոր Հերոսը երկու խօսքի
ընդմէջ կը պատմէր:

Թաղին փառքն էր այդ մարդը: Կրնար մեծ պատե-
րազմ ծագիլ եթէ ուրիշ տեղէ մը հրաւիրէին այդ օրերուն

Հերոսը։ Այդ մեծ զոհաբերութեանց վորխարէն թաղեցիք խիղճերնին հանդարտ կը քնանային, կը կարծէին ապահով ըլլալ, Հերոսը թաղին մէջ ներկայ էր, նոյն իսկ ոմանք դուռը միայն մէկ կողապանքով կրնային ձգել։

Բ .

Սիրական էֆէնտի Կայծիկեանը այս արտայայտութիւններուն առաջքը անտարբեր չէր կրնար մնալ։ Ինք ալ սիրտ մը կը կրէր որ կը բարախէր ազդին նուիրական շահերուն համար։

Սկիւտար, Իճատիէ թաղը հաստատուած էր քսան տարիներէ ի վեր գաւառական աննշան գիւղէ մը գալով։ Հիմա ոչ միայն դիրք մը ունէր առեւտրական հրապարակին վրայ, ուր թիփթիկի առեւտուրով կը դրալէր, այլ դէմք մըն էր ազգային գործերուն մէջ։ Քիչ անձի գործ հին բոնական օրերուն այսքան առաջցած էր, իր հարստութիւնը հետզհետէ հասած էր մեծ համեմատութիւններու ու այդ աստիճանով ազգային գործերու մէջ ալ դիրք էր ստացած։

Նախ հոգաբարձու, թաղական, աւելի վերջ ատենապետ միեւնոյն Խորհուրդներուն, Կալուածոց Հոգաբարձութեան անդամ, անդամ Տնտեսական Խորհրդոյ, ու երբ Քաղաքական ժողովին ալ անդամ պիտի ըլլար, Սահմանադրութիւնը վրայ հասաւ, շարք մը մեծ երազներու այլ դահիճը։

Ոմանք աղէկ մարդ է կ'ըսէին Սիրական էֆէնտիին համար, ատոնցմէ էին տէրտէրները, տիրացուները, ժամանք աղքատները, մէկ երկու վարժապետ։ Իր վաճառա-

կան ընկերները կը սոսկային անոր մասին կարծիք յայտնելու գաղափարէն, քանի մը անկախներ միայն կը խօսէին կզակնին ամրօրէն իրարու կպցուցած։

— Կայծիկեանին համար ամէն ճամբայ ուղիղ է, վաշաներու մարդն է։

Ուրիշ մըն ալ կը կրկնէր։

— Քանի մը ժամ թալլած, շատերու աքսորին պատճառ եղած է, ու հազար այրի մոխիրի վրայ նստեցուցած։ Տոկոսի խնդիր։

Անուս, Սաղմոս կարդացած էր միայն, բայց զօրաւոր խելքով մարդ մըն էր Սիրական էֆէնտին։ Իր իմաստութիւնը գերագոյն կը համարուէր մանաւանդ աղգային գործերուն մէջ։ Անհանդարտ, հետախուզող աչքեր ունէր, վորքը, մոխրականաչ գէմքի թոշ ու թոյլ միսերու կայան մըն էր, որոնց վրայ քանի մը գիծեր զիրար կը խաչաձեւէին, ականջները տափակցած ու լայն, քիթը հայկական ըսուելու չափ խոշոր, ու պեխերը յորդ ինկած մինչեւ դունչը։ Հասակը կարճ, իրանը, անդամները պարարտ՝ պատկառելիօրէն։ Իր մարմինն ալ հարստութիւն մը։ Իր դանդաղ, հպարտ, ու զգոյշ աղուէսի քալուածքը մեծ աղդեցութիւն կը գործէր զինքը շրջապատողներուն վրայ։ Կայծիկեան սակաւախօս ալ էր, տիրապետելու մեծագոյն միջոց մը, ու ոսկեծիր ակնոց մըն ալ կը գործածէր թաղ։ Խորհրդարանը ստորագրութիւնը դրած ատեն, ստորագրութիւն մը որ Վանայ արձանագրութիւնները կը յիշեցնէր։ Բայց հպարտ բան մը ունէր ու ակնածանք առթող, իր գիծերու դարձդարձիկ ագուցումով։ Դրամատէրի յարգելի ստորագրութիւն մը երկու բառով։ Յետոյ նաւուն մէջ երբ ձերիտէ կը կարդար, նորէն ոսկեծիր ակնոցը քիթին

ծայրը կը տեղաւորէր, իսկ գիշերները իր հաշիւը ճրադին
լոյսին տակ առանց ակնոցի կը նայէր, ու կ'ըսէր իր
կնկանը.

— Նեմզուր, տարիքնիս կ'առնենք, բայց աչքերնիս
չի տկարանուր:

Կինը կը վրդովուէր ատոր վրայ՝

— Ի՞նչ, բնա՛ւ. տակաւին շատ օրեր ունինք տես-
նելիք: Ո՞վ կ'ըսէ որ ծեր կ'ըսուինք, կեցիր նայինք,
էֆէնտիս:

Այս խօսքին վրայ իր աղջիկն ու մանչը կը ծիծաղէին,
մինչ Սիրական էֆէնտին կը վախնար մտածելով որ կինը
կրնայ տակաւին նոր ծախքեր բանալ իր գլխուն, քանի մը
լակոտ ալ ծնելով:

Նեմզուր վատահուելու համար կը հարցնէր:

— Անանկ չէ՞ Աստղիկ, չէ՞ Հրանդ, երիտասարդ
չե՞նք սեպուիր տակաւին:

Աստղիկ տասնեւութը տարին կը լրացնէր, իսկ Հրանդ
քսանըհինդին մէջն էր:

Սահմանադրութենէն անմիջապէս վերջ Սիրական
էֆէնտին, վարպետ մարդ, փոխեց իր քաղաքականութիւ-
նը: Հին օրերուն աղջասէր էր՝ հիմա ջերմ յեղափոխական
մը դարձաւ, քանի մը նուիրատուութիւններ ըրաւ ընկե-
րակցութիւններու, իթթիհասի անդամ դրուեցաւ, ու կը
մտածէր յեղափոխական կուսակցութեան մը մէջ մտնել:
կը մտածէր ու կ'ըսէր.

— Ես որ բոնութեան ատեն իսկ կրցայ բարձրանալ
ու հարստանալ, աս ազատութեան օրերուն քի՞չ շահ կընամ
ձեռք բերել:

Ուրեմն ինքը անոնցմէ չէր որ ատանկ հարուածէ մը

փհացան իրենց կաղապարը չի կարենալով յարմարցնել
նոր կեանքին, ու իրենց ընդդիմութեան մէջ փհացան: Կը
ինդար բոլոր սրտովը ատանկներուն վրայ, կրկնելով.

— Մարդ ամէն բանի յարմարելու է, մարդը ան է
որ թէ տաքին և թէ պաղին կը դիմանայ:

Տեսակ մը ցեղական հապատութիւնէ առաջ կուգար
այդ մտածումը իրեն մէջ:

Ու իրաւ Կայծիկեան էֆէնտին, իր մասին ծայր
առուղ յամառ ամբաստանանքները ու յամր մերկացում-
ները խանդավառութեան, պղտիկ նուէրներու մէջ խեղ-
դեց, նոյն իսկ վարձուած քանի մը անձեր սա խօսքերը
կը ցրուէին.

— Կայծիկեանը հին ոէժիմին ալ յեղափոխականնե-
րու հետ յարաբերութիւն ունէր, մինչեւ հիմա իր տունը
այդ նամակները կը մնան:

Բոլոր ունկնդիրները հիացումով իրարու կը նայէին:

Սկիւտարի հայերը աւելի և աւելի կը սկսէին սիրել
այդ պատուաւոր մարդը որ Հերոսին մեծագոյն պաշտպա-
նը կը թուէր: Հերոսը երեմն Սիրական էֆէնտիի տունը
կը ճաշէր, թաղեցիները կը տեսնէին Հերոսին պարթեւ
հասակին՝ անոր տունէն շատ անդամ ներս մտնելը ու
դուրս ելլելը: Սիրական էֆէնտին ըսած էր.

— Հերոս, աս քու տունդ է, ինծի՞ն նայէ, մտի՛ր,
ե՛լ, երբ որ կ'ուղես, նեմզուր, ես ցերեկները հոս չեմ,
հոդ տար Հերոսին:

— Շնորհակալ կը մնամ, կ'ըսէր Հերոս դոհունա-
կութեամբ:

Ու ձեռքէն եկածին չափ կ'ուտէր, որովհետեւ յեղա-
փոխական իր դործունէութեան օրերուն, յետոյ մանաւանու-

Արտասահմանի մէջ քիչ չէին այն օրերը ուր ոչ-կամաւոր ծովապահութիւններ ունեցած էր :

Առաջին օրերուն՝ տիկին նեմզուր կը լեցնէր անոր առջեւ ինչ որ ունէր, հետզհետէ տրուածներուն քանակը քիչցուց, ու օր մըն ալ սկսաւ որակը գէշացնել, թէեւ չերոսը որակի նայող չէր, վերջապէս աղատութենէն քանի մը ամիսներ վերջ, իբրեւ իր տեսակին ժառանգութիւննեներուն հաւատարիմ, մրմռալ սկսաւ :

— Ամա՞ն Սիրական էֆէնտի, աս չերոսը մեղի մուիրի վրայ պիտի նստեցնէ, ա'լ բաւ չէ՞ :

Ինչ որ մարդը կը խորհէր, կինը կը զգար :

Գ .

Ասանկ ամիսներ անցան . . . :

Յուլօրէն՝ սակայն կը մարէր առաջին խանդավառութիւնը : Անոնք որ կարծած էին հարստանալ աղատութենէն վերջ՝ աղքատ մնացին : Հարուստները դժգոհ էին, որովհետեւ սովորական ստամբակներ, վարժապետներ, դրագիրներ, խմբագիրներ երես կ'ելլէին ու կ'անարգէին զիրենք : Ասոնք՝ անձնական ցաւեր : Կային ընդհանուր աղդին վերաբերող դատեր որոնք չէին լուծուած : Բոլոր աղդասէրները կծու ու լալագին դէմքով յուի ու մոայլամած ամպեր կը տեսնէին հորիզոնին վրայ :

— Ազգը ի՞նչ շահեցաւ, կ'ըսէր մին :

— Ի՞նչ հասկցանք ասկէ, կ'երկրորդէր ուրիշ մը :

— Հողային խնդիրը չի կարդագրուեցաւ տակաւին, եթէ հաւասարութիւն կայ՝ հայոց հողերը տրուելու են, վայ աղատութիւն վայ, ի՞նչը փոխուեցաւ, կը կրկնէր

խմբագիր մը որ ամէն օր աներեւակայելի հայհոյութիւններ ու զրպարտութիւններ կ'ընէր իր թերթը չդնողին, ու կը գրէր սանձարձակութեան այն չափով, որ սարկութենէ ազատած մաղերու յատուկ է :

— Եղբայր, Թուրքիան մարդ չըլլար, իմացա՞ր, չըլլա՞ր, այսչափ տասնըհինդ տարուան տունի տուրք եկեր կ'ուղեն ինէ, կ'աղաղակէր միջակորեար աղա մը :

Յետոյ դանդաղօրէն, անշուկ, բայց ապահով քայլերով յեղափոխական դաղափարէն կ'ուծանային, նման երիտասարդներուն որոնք վայելքէն վերջ կնոջ երես չեն ուղեր տեսնել :

— Յեղափոխութիւնը լաւ բան է անշուշտ, բայց յեղափոխականները լաւ մարդիկ չեն, կ'ըսէր էֆէնտի մը համարձակ :

Առաջին քայլերը կ'առնուէին, ատելութիւններ կը ծնէին, որոնք մեծնալու համար՝ միայն ժամանակի, այդ բարերար անիմաստութեան կը կարօտէին :

— Այո՛, էֆէնտիմ, ա'լ մերինները եւս չափը անցուցին, ազգը պիտի կործանեն կը կրկնէր թաղին յարգելի աղաներէն մէկը :

— Այո՛, այո՛, ալ չափը անցաւ, կ'ըսէր ուրիշ մը, ժամերը թէաղքօ դարձուցին, յետոյ այդ ընկերվարութիւնը ըսուածը ի՞նչ է, ազգերնիս պիտի վլի եթէ ասանկ երթայ :

— Գետինը անցնին ընկերվարութիւնն ալ իրենք ալ, հին ոէժիմին քի՞չ պատուհաս բերին մեր գլխուն, ըրի՞ն, ըրի՞ն, մինչեւ որ ջարդուեցանք : Երբորդի մը խօսքն էր աս :

Ուրեմն դժգոհ էին բոլորն ալ, ամէնուն ալ դժգո-

Հութիւնը անձնական էր, թէեւ նուազ հայրենասիրական
ալ չէր ատով:

Ա՛լ, առաջին շաբաթներուն պէս, Հերոսին չէին մօ-
տենար: Հարուստները կասկածանքով կը նայէին անոր՝
գովէն անցած ատեննին, միջակ կարողութեան տէր մար-
դիկ յիմարաբար ջոջերը կ'օրինակէին, առանց պատճառը
դիտնալու: Կիները իրենց ամուսիններէն ազդարարուած,
երես չէին տար Հերոսին, թէեւ մտովի անոր ակնապարար
մերկութիւնը կ'երեւակայէին ու զայն կ'ըլքային: Աղքատ-
ներ կը մնային քարեկամ, ու գպրոցական տղաքը որոնք
ա՛լ անսովոր բան մը չէին տեսներ այդ հսկային մէջ: Կը
մօտենային անոր երբեմն ծաղրելու երբեմն ալ փայտէ
աղեղներ շինել սորվելու համար: Հերոսը անտարբեր էր
այս ամէնուն, կամ անանկ ցոյց կուտար: Իր սիրական
գաղափարները հազարերորդ անդամ ըլլալով կը կրկնէր
հանդիպողին, և եթէ մարդ չպտնէր, կ'երթար մօտակայ
դպրոցի տեսուչին, իբր թէ տղու մը համար դիտողութիւն
ընկելու՝ ու ժամերով կը խօսէր իր սիրական դբաղումնե-
րուն՝ դինավարժութեան, անցեալ կեանքին և ընկերվա-
րութեան վրայ:

Մեկնելու ատեն միշտ չէր մոռնար յիշեցնելու,

— Եթէ կը կամենաք, Պ. Տեսուչ, ես կուգամ նշան-
առութեան դասեր տալ ձեր երեխաներին:

Տեսուչը ահարեկած չնորհակալ կ'ըլլար:

Ոմանք զինք չտեսնելու կը դարնէին, ուրիշներ ան-
կիւնէ մը կը դառնային, կամ իրենց ճամբան կ'երկարէին
իրեն չհանդիպելու համար: Կարծես աս մարդը տարափո-
խիկ, վտանգաւոր համաճարակ մը ըլլար:

Առառու մը նախաճաշէն վերջ Սիրական էֆէնտին
ըստ:

— Նեմդու'ւր, սա Հերոսին երես մի' տար, ատոնց ալ
տառան առինք, կը բաւէ որչափ որ կերաւ, սանկ երես
դարձնելով մը ճամբայ տալուն միջոցները գտիր:

— Եփէնտի', քեզի շատոնցուընէ ի վեր ըսած եմ
ընելիքու, ատ Հերոս ըսուած մարդիկը մէյմէկ համալ են,
անհոգ եղիր, քու մէկ խօսքիդ կը նայէի ես, վաղն իսկ
կը ճամբեմ:

— Վաղը չէ', խոհեմ մարդ էր, սանկ նախ հետը
քիթիդ տակէն խօսէ, երեսդ քիչ մը թթուեցուր, յոնքերդ
վեր քաշէ, քանի մը օրէն խիստ խօսէ, պղտիկ բանի մը
համար ջախէն ու մէկ երկու շաբաթէն վերջ ըսէ' իրեն որ
ալ բա՛ւ է որչափ հոս կերար:

Հակայեղափոխական ատելութիւնը կը թանձրանար,
ոխի կը վերածուէր, ու Սիրական էֆէնտին երկու շաբաթ
երկարելով Հերոսի վտարումը իր տունէն, աւելի ապահով
ճամբու մը կը հետեւէր:

Տիկին նեմդուր աւելի'ն ալ ըրաւ: Երկու շաբաթ ետք
Հերոսին հասակը ա՛լ չերեւցաւ Սիրական էֆէնտիին դրան
մէջ: Ուրիշ տուներ ալ թաղին մէջ բնագլաբար այդ օրի-
նակին հետեւեցան: Այս կացութիւնը Հերոսին համար
լուրջ սպառնալիք մըն էր: Ան իր գաղափարները տարա-
ծելու համար հացի պէտք ունէր, ու ատիկա իրեն կը
պակսէր, աղքատ կամ միջակորեար քանի մը տուներէ
երբեմն գաղտնօրէն տրուած սնունդը իրեն չէր բաւեր:
Սկսաւ ծառայութիւններ ընել, բաղնիք կը տանէր ծրար-
ներ, սնառուկներ կը փոխադրէր, կամ փոխադրութեանց կը
հսկէր, ասոնք թէեւ իրեն համար սովորական բաներ, ու
ոչ մէկ կերպով իր ծնունդը ու գաղափարները կ'անպատ-
ուէին, բայց թաղեցիներուն աչքին առջեւ արդէն իսկ իր
չքացած Հերոսի անունը ա՛լ աւելի կը վարկաբեկէին: Հե-

լոսը երբեմն այդ նիւթին վրայ եղած ծաղրական խօսքերու
անհոգ կը պատասխանէր, ու կ'ըսէր համոզուած մարդու
կորովով ուսերը շարժելով:

— Դէ՛ս, յիմարներ, աշխատութիւնով է բարձրանում
մարդը, հոգ չէ թէ այդ աշխատութիւնը շատ համեստ
իսկ լինի, դաղափարը միշտ բարձր է կանդնած իմ մէջ,
յեղափոխական գաղափարը, ընկերային անիրաւութեանց
գաղափարը և մարդը գաղափարով է սնում:

Մէկը կ'ըսէր.

— Ծօ՛ Հերոս, ալ ձեր օրերն ալ կը համբուին կոր,
հերոսները տասը կուտ չեն ըներ հիմա, Է՛, անցան ան
օրերը, ամէն մարդու աչքը բացուեցաւ:

Շատեր կը խնդային անոր վրայ:

Հերոս կը պատասխանէր խստութիւնով.

— Պարոն, գուշ անպատճում էք յեղափոխական
գաղափարը և նրա դործիչը, բայց կուգայ մի օր, երբ
զուշ նրանց փէշերուն տակ նորից մտնելու կը ստիպուէք:

Բոլորն ալ ծաղրանքով կը հեռանային արհամարհուտ:

Ալ Հերոսը ծիծաղելի կ'ըլլար, աղտեղի, ողորմելի
քուրչ մը: Անոր բոլոր Փիզիքականը, նախապէս այնքան
դնահատուած հերոսին փառքը, հիմա գարշանքի միջոց
մըն էր: Քիթը, որ առաջ անոր հերոսի սարսափեցնող
հանդամանքներէն մին կը համարուէր, առ առաւելն
ստեղին մըն էր, աչքերը բորոտած շունի աչքեր, իր
շարժումները ռամիկ, սովորական ջրկիրի մը ձեւերը,
թեւերը օրանկութան մը կը միշեցնէին, ու զօրեղ իրանը
ու անդամները կը մնային միայն թաղին կիներուն ու
աղջիկներուն համար հրապուրող:

Յետոյ Հերոսը կը կերպարանափոխուէր. նիհարու-
թիւնը քիչ տեղ չէր բոներ այդ փոփոխութեան մէջ,

զգեստները կը հիննային, բաճկոնը կը կարձնար, կը
գունատէր ու մութ կազոյտը հասուննալով աղտոտ դե-
ղինի ու կանանչի խառնուրդ մը կը դառնար, պատուածք-
ներ կ'ունենար թեւերուն վրայ, ու անոր օձիքը առատօրէն
կը ջնարակուէր նոր իւղով:

Տափատին ծունկերը կլոր վէրքեր կային, ու անոր
յատակը լայն շրջանակով կտոր մը կը հանդէցը:

Օրէ օր Հերոսի լաւ օրերուն խինդը կազմող պիրկ
մոյկերը կը հիննային, կը գունատէին, պատուածքներ
կը յայտնուէին, անդործածելի դառնալ սպառնալով, թէեւ
Հերոսը երեկոները իր ճարտար ու մեծ ձեռքերով կարգի
բերել ջնար գանոնք:

Ու օր մը, Հերոսի համար եղերական, թաղեցիներու
գարմանքը ու ծիծաղը մեծ եղաւ, երբ տեսան որ Հերոսը
առանց մոյկի, պարզ կօշիկներով կը պտտէր: Ալ ատոր
վրայ, վէրջին յամող քանի մը հիացումներուն վարատիլը,
ցնդիլը: Բոլոր թաղը խնդաց այդ օրը կուշտ կուշտ, ու
Հերոսը առաջին անգամ ըլլալով իր յեղափոխականի
կեանքին մէջ ունեցաւ իրեն անծանօթ տեսակ մը զդացում
որ վախ կ'ըսուի:

Մարդը երջանիկ յդացումը ունեցաւ հին սեւ տարա-
տէ մը զոյգ մը գանկապաններ կերտելու: Ասիկա գոնէ
մխիթարութիւն մըն էր, իր հերոսի պինդ աղդերը ա՛լ
պիտի չերեւային, բայց ինդուքը աւելի ընդհանուր, աւելի
տեւական եղաւ, ու աւելի երկար օրեր տեւեց այդ դիւա-
յին, ծաղրական ծիծաղը:

Աղքատութեան, անկումի երջանիկ յդացումներն իսկ
կը խնդացնեն:

Սիրական էֆէնտին ա՛լ Հերոսը քիչ կը բարեւէր, ան

ալ մենութեան մէջ միայն . իր պղտիկ, գիշատիչ աչքերը
կը խոնարհէին, երբ զերոսին անցնիլը կը տեսնէր, գե-
տինը, հետաքրքրաշարժ բան մը տեսնելու երեսոյթով:
Ու մտքէն կ'ըսէր էֆէնտին.

— ինծի կայծիկեան կ'ըսեն, ես մարդու քիթին
ասանկ կը խնդամ: ինծի համար բոնութիւն ազատութիւն
մէկ են. ես բոլոր առիթներէն դիտեմ շահ հանել:

Ու կը հպարտանար քննելով իր ներքին աշխարհը,
մաքուր՝ աղբանոցի մը չափ:

կը խնդար կարդացողներուն վրայ, գիտուններուն և
գաղափարական ըսուած մարդերուն վրայ, ու խնդալէն,
ատելէն, քֆրելէն վերջ կ'արդահատէր ալ անոնց վիճակին:
— իւղա փարասըներ, կը կրկնէր միշտ:

— Զգօն էֆէնտի, կ'ըսէր իրեն դրացի Ակնցի լու-
մայափոխ բարեկամի մը, որուն դէմքը աղտոտ ու կնձոռա
հաշիւներ կը յիշեցնէր, աշխարհի վրայ ամէն բան ներելի
է, խնդիրը դրամ շահելուն վրայ է:

Աս դրամին անունը հրճուալից ժպիտ մը կը ստեղծէր
Զգօնի դէմքին վրան, ինչպէս մայրապետի մը այտերուն
վրան անարատ յղութեան կոյսին անունը, ու վրայ կու-
տար.

— Հարկաւ, էֆէնտիմ, հարկաւ, անանկ է:

— Դրամ, դրամ, դրամ, ասանկ ըսած է նարուէնն
անուն մարդը:

— Իրաւունք ունիք, հարկաւ էֆէնտիմ, անանկ է:

— Ասոր հետ մէկտեղ դրամ շահելէն վերջ, խելքն ալ
պէտք է, աղդին գործերը վարելու համար: Տե՛ս սա ժա-
մէրը իմ թաղականութենէս առաջ ի՞նչ վիճակի մէջ էին:
Դպրոցները կարգի դրի ու կարգ մը սէրսէմ մարդերու,

վարժապետներուն ամսականները երկու երեք ամիսը ան-
դամ մը կ'ելլէ, մհծ բան չէ՝ ասիկա, համմէ՝ էֆէնտիմ:

— Մե՛ծ բան է, Սիրական էֆէնտիմ, ի՞նչ ըսել է:

Ու կայծիկեան էֆէնտիմ կինը հպարտութիւնով
ձեռքերը դարաւոր կնձնի մը բունին չափ հաստ մէջքին,
մեղքնալու ձեւով կը կրկնէր.

— Ե՛ էֆէնտի, գոնէ ըրածնե՛րդ ալ գիտնային, աս
աղդը ո՞ր աղէկութիւնդ գիտցեր է, ատ երկու փարանոց
մարդիկը ազատութենէն ի վեր մէյ մը տունդ եկա՞ն որ-
պիսութիւնդ հարցնելու:

— Անոնց ալ կարգը կայ, ժպիտով կը հաւաստէր
կայծիկեան էֆէնտին:

— Հարկաւ, վրայ կը բերէր Զգօն էֆէնտին:

Յեղափոխականներու պայծառ, չոնդալից մեծարան-
քի օրերը մթազնած էին, կ'առաջանար յետաշրջումի ար-
շալոյսը՝ լուսութեամբ:

Քաղաքական հիւանդութեան մը բոլոր ախտանիշերը
ամրաքայլ երեւան կ'ելլէին: Մամուլի սանձարձակութիւնը
սահման չունէր, և ոչ ալ անհատին լեզուն կապ: Սօֆթա-
ները յանուն ազատութեան ցոյց կը կաղմակերպէին:
Զօրանոցներու մէջ դեղին, կանաչ, ճերմակ փաթթոցով
մարդեր բաներ մը կը մոլասային զօրքերու ականջին: Բո-
լոր տարբեր դժողովութիւն կը յայտնէին միարեւան, ու
կառավարութիւնը անձրկած էր, որովհետեւ անզօր էր:

Կուզար Զատիկը, ու եկաւ:

Ազատութենէն անմիջապէս վերջ ամէն մարդ հոդ
տարած էր զէնք մը զնելու, ու ի՞նչ աւելի յարմար ատեն
զանոնք փորձելու: Քրիստոսի 1909 տարուան ազատ Յա-
րութիւնը պէտք էր զօրաւոր ցոյցերով տօնել: Երեք օր

անընդհատ պատերազմ տեղի կունենար օդին մէջ, կա-
նոնաւոր ճակատամարտ մը, մէծ մարտնչում մը:

Բոլոր քրիստոնեայ թաղերէն անջառորէն կամ միա-
ժամանակ ճայթիւններ, որոտումներ կը բարձրանային
գուարթ ու սոսկումնաւոր ընդմիջումներով:

Մահմետականները այսահար կ'ունկնդրէին բոլոր
այս անօդում՝ բայց յատկանշական ճայներուն՝ ժամելով,
ու կը մտածէին թէ բան մը փոխուած էր աղատութիւնով,
թէ այդ ճայթերը սպառնալիք մըն էին իրենց կեանքին և
կրօնին, ու կը լեցուէին արդար՝ դարերէ ի վեր սպանդ-
ներով նուիրագործուած բուռն վրէժով, հանդէպ քրիս-
տոնեայ թշնամիներուն:

Երիտասարդներ ա'լ հատցուցած վերջին կապարնին,
հեւասպառ կ'իյնային փողոց, հանդիպողին հաշիւ տալու
պարապուած զնդակներուն մասին, ու կը ստեղծէին տարօ-
րինակ պատմութիւններ. իրը թէ խումբով անցնող թըռ-
չուներէն մէկ քանին ճգեր են, ու նոյն իսկ, ասիկա
ըսած միջոցին սիրտերնին ուժգնորէն կը տրոփէր, իրենց
արձակած զնդակներէն շատեր գացեր են տաճիկ տուներու
ծխնելոյդին հպանցելու:

Ազդարարութիւններու չէին անսար, աղատութիւն
կար, ուզածնին կրնային ընել, մանաւանդ այդպէսով հին
վրէժներ կը լուծէին, դառն տառապանքներու փոխարէն
կը հատուցանէին, ճշմարիտ ազդակէրներու դործ մը և
հայրենիքը երախտապարտ մնալու էր ատանկ հերոսական
ձեռնարկներու, կը կարծէին:

Յետոյ Մահմետականներու քթին տակ իսկ գէնքերու
մասին վիճաբանութիւններ տաճկերէն լեզուով: Իւրա-
քանչիւրը իր դէնքին յատկութիւնները, դեղեցկութիւնը,

տոկունութիւնը, հեռաձգութիւնը, փողին երկայնութիւ-
նը, կապարին ուժը կը գովէր ու այդ խօսակցութեանց
մէջ տարիքուները նուազ խանդավառ չէին երեւար: Զէնք
ունէին ու հարկ էր որ ցոյց տային ամէնուն: չողեսներու
հոգեբանութիւնը:

Մէկը կ'ըսէր.

— Գէորգ, մաւդէրիս գնդակները հատցուցի:

— Ե'ս ալ, Երուանդ, ահագին ճայն կը հանէ կոր:
Երրորդ մը կ'ընդմիջէր.

— Պատունինկ մը ամէնէն ապահով դէնքն է, գըր-
պանն ալ կարելի է պահել:

Զորբորդ մը կը ձայնէր.

— Քոլտ մարգան միակն է:

— Պաշտպանողականի համար Կրա հրացանը լաւա-
գոյնն է, պատ իսկ կը փլցունէ, ահաւոր բան է, կ'ըսէր
տարբեր ճայն մը:

Ուրիշներ անդոյ սկօմպաններու վրայ կը խօսակցէին:

Հերոսը անցնելով թաղերէն՝ կը պոռար դէնք արձա-
կող տղոց.

— Տղե՛րք, ամաչեցէք, խնայեցէք ճեր փամփուշտ-
ներին, կուգայ մի օր որ դուք նրանց պէտք կ'ունենաք,
ուղղակի յիմարութիւն է դա:

Ու ատոր վրայ ահա քսան երեսուն հարուածներ,
միշտ օդին մէջ, կը գոռային՝ և կիներն իսկ որոնք առա-
ջին աղմուկներէն սոսկացած էին, հրձուիլ կը սկսէին
տեսնելով որ արձակուածներէն արդիւնք մը առաջ չի
դար՝ և յետոյ Զատիկ ալ էր:

Մէկը պատշգամէն կ'ոռնար.

— Առ հատ մը Հերոս:

Ուրիշներ կը հետեւէին,
 — Համ մըն ալ ինէ, Հերոս:
 — Հենդ հատ ինէ, Հերոս:
 — Վեց հատ ինէ, Հերոս:
 — Եօթը հատ ալ ինէ, Խորոզ:
 — Առ Հերոս, առ քեղի յիմարութիւն, Խորո՞զ,
 Խորո՞զ: Ու կը սեղմէին: Թաղը խնդուքով ճաթելու աս-
 տիճան կը խեղդուէր, այս ծաղրանցներուն վրայ:
 Հերոսին սիրաը կը ճմլուէր: Կը կակծար անօդուտ
 վատնուած կապարներուն վրայ, և կը ժողովէր փողոցնե-
 րէն թէ կապարը և թէ անոնց կաղապարները: Ինք գիտէր
 կապար թափելուն արհեստը:
 Թաղին բոլոր մարդիկ առ հասարակ սպառած էին
 կապարնին, Զատիկին երրորդ օրը:
 Սիրական էֆէնտին հաճոյք չէր դդար ահաբեկող
 ճայներէ. բայց խրախուսական բաներ մը կ'ըսէր տղոց,
 ու գիտողի ձեւեր կ'առնէր դէնքերու վրայ խօսած ատեն: Յակայն մտովի կ'անիծէր այդ յիմարները, որովհետեւ
 լաւ կը ճանչնար թուրք հասարակ խուժանին հոգեբանու-
 թիւնը, որ պղտիկ շարժումներու կը սպասէր սպառնալիք
 մը դառնալու համար:
 Անոր համար քաղաքի մը փճացումը մէծ արժէք
 չունէր, միայն թէ իր ինչքերուն խնայէին:
 Դրամ ունեցողը, կը խորհէր բնական կերպով, աղդ
 ունի ուր որ ալ ըլլայ:
 Տեսակ մը հոտ իր ոռոնքերուն կը հաէր. քերծէի
 սոսոր հոտառութիւն մըն էր իրենը, որոը դդալու ու սլա-
 տահարներ գուշակելու:
 Զատիկին երկուշաբթին այցելութիւն տալով Զգօն
 էֆէնտիին ըստ անոր.

— Զգօն էֆէնտի, օդին մէջ բան մը կը դառնայ կոր,
 ասոնց քաղաքականութեանը չեմ հաւնիր կոր, սանկ
 վախուռներ մը կան, խոռվութիւն պիտի ըլլայ եղեր:
 — Հարկա՛ւ, էֆէնտիմ, ասանկ երթայ նէ անանկ
 կ'ըլլայ. ու մտովի արուած դրամի մը վաշխը կը հաշուէր:
 — Մերիններն ալ չափը կ'անցունեն:
 — Իրաւունք ունիք, աս քանի՞ դիշեր է որ քուն
 չենք ըլլար կոր: Այո՛, Սիրական էֆէնտիս, ա՛լ համը
 փախցուցին, ամէն բան չափ մը ունի: Մինչ միտքը հա-
 րիւրին երեսունը իննէն հաշիւ մը կարգի կը դնէր:

 Դ .
 Եկած էին մարտ 31ը և իրեն յաջորդող օրերը:
 Փաթթոցաւորներու և զինուորներու օրեր էին ասոնք:
 Բան մը կը պահանջուէր: Նախ ճշմարիտ ազատութիւն
 մը, ու ազատականներու յաղթանակը կարծուած էր այդ
 շարժումը: Յետոյ երեւան եկաւ շարժումին գոյնը:
 Առաջին օրուան յոյսերը ու վախկոտ զրւարթութիւ-
 նը իրական վախի մը փոխուիլ սկսան:
 — Տղա՛ք, Ռէաքսիոն է կ'ըսեն կոր:
 — Ռէաքսիոնը ի՞նչ է:
 — Համիտ, կ'ընդմիջէր մէկը ծիծաղելով, և իր
 ծիծաղին մէջ մինակ կը մնար:
 — Այսինքն հին վիճակ:
 — Սոսկալի՛ բան է ատ, սոսկալի՛, նորէն հին
 օրերը:
 Աւելի անկեղծները ասանկ կ'ըսէին:
 Վատերը կը կրկնէին.

— Աւելի աղէկ է հին ոէժիմը, նորէն ի՞նչ հաս-
կըցանք, ի՞նչ բարենորդում եղաւ, պարա՛ով բան:

Բայց բոլորն ալ կը սոսկային ատանկ հեռանկարէ մը:
Խոր դինովութեան մը երկարատեւ թմբիրէն սթափող
մարդերու կը նմանէին:

Դէպքերը արագ, արագ իրարու կը յաջորդէին: Կա-
ռավարութիւնը անյայտացած էր, նախարարներէն ոմանք
խոյս տուած, ու երկրորդական պաշտօնեաներ անդործու-
թեան մատնուած: Զավուշներ պետութիւնը կը կառավա-
րէին, կայսրը անոնց ձեռքով ատեն մը երկերը կառավա-
րէլը, օդուակար կը տեսնէր օամանեան շահերուն:

Երիտասարդ սպաներու սպանման վրայ կը խօսուէր,
հիները ցնծումի մէջ էին, կը թքնէին նորերուն վրայ:

Շողենաւերու մէջ հարուստ ու պատուաւոր անձեր
սարսափով կը տեսնէին որ զինուորները առաջին կարգի
խցիկներու մէջ անպատկառօրէն կ'երկարին, ընդմիջուած
դասական, մադաղաթի դէմքով, հին փտած սմբուկի
երանդի մօտեցող փաղուճաւոր խօճաներով: Ռւսուցիչներ
և աշակերտներ էին ատոնք:

Սկիւտարէն շուկայ իջնողները ցանցաւ կը դառնա-
յին, ու իջնողները առասպելական քաջութեան տէր կը
համարուէին: Անոնք իրիկունը անանկ բաներ կը պատմէ-
ին որ կարծես հեռաւոր վայրենի, ամիրիկեան մարզերէ
իուդային, մարդակերներու վրաններէն:

— Փողոցին մէջ աչքիս առջեւ սպաննեցին հարպիէլի
մը, արիւնը խմեցին հօճաները:

— Ա՛խ իրա՛ւ, սոսկալի՛, սոսկալի՛:

— Թամինի տպարանը թալլեցին:

— Վա՛խ, վա՛խ:

— Զարդի ալ վախ կայ, մանաւանդ Քիւրտերը Հա-
յերու մասին դադանի կը խօսին:

Լսողները կը սառէին:

95ի օրերը վերադարձ մը կ'ընէին նորէն ու Հայերը
կը պատրաստուէին իբր վարժ մարդիկ սպաննուելու:

Շատեր փախուստի միջոցներ կ'որոնէին: Ուրիշներ
իրենց փայտաշէն տուներուն մառաններն ու առիքներուն
անկիւնները կը զննէին: Ոմանք դիմադրելու վրայ կը
խորհէին ատանկ պարագայի մը մէջ, որովհետեւ յեղա-
փոխական գիրքեր կարգացեր էին:

Նախկին բարձրաձայն խօսակցութիւնները մեղմ ու
դողահար կ'ըլլային, մարդիկ իրարու աւելի կասկածան-
քով կը սկսէին նայիլ, կարծես զիրենք լրտեսողներ
դանուէին:

Սա տեսակ խօսակցութիւններ կ'արթննային պատու-
հանէ պատուհան:

— Ի՞նչ կ'ընէք, Աերոր աղա:

— Ի՞նչ ընենք, վիճակնիս յայտնի է, Պ. Յարութիւն:

— Ի՞նչ պիտի ըլլայ, ասոր վերջը ո՞ւր պիտի երթայ:

— Զեմ զիտեր, Աստուած ողորմի:

— Եթէ գործը Աստուծոյ մնայ բաներնիս բուրդ է,
կը ջարդուինք, վերի կողմէն Զինկեանէնները պիտի յար-
ձակին եղեր, իմացա՞ք:

— Ախ իրա՛ւ, ի՞նչ պիտի ընենք:

— Զեմ զիտեր, ի՞նչ էշութիւն, բոլոր կապարները
հատցուցին Զատկին. զէնքը առանց կապարի ի՞նչ արժէք
ունի:

— Աստուած ողորմի, Աստուած, Պ. Յարութիւն: Աս
է Հայուն ճակատագիրը, ի՞նչ ընենք:

Ներշնչեալ պատուելի մըն ալ ճառի մը մէջ հաստատած էր թէ՝ աղդերը աշխարհի վրայ որոշ դեր մը կատարելու սահմանուած ըլլալով, Աստուած Հայերը ջարդուելու սահմանած է: Փա՛ռք աստուածային գթառատնախամբութեան:

Հերոսի յարդը նորէն կը բարձրանար: Ան հասակը ցցած կ'անցնէր փողոցներէն յաղթական, ու հետաքրքիր մարդեր կը ճայնէին.

— Ի՞նչ կայ, Հերոս, ի՞նչ պիտի ըլլայ վիճակնիս:

— Ոչի՞նչ, կը պատասխանէր, անկարեկիր ու խոժոռ շեշտով:

Մէկէն անցեալ ատելութիւնը մոռցուած էր, ու այդ շպրտուած քուրջը, այդ փախուկը, կը վերակենդանանար իր անցեալ փառքի մոխիբներուն մէջէն: Իր Փիզիքական անհարթութիւնները գեղեցկութիւններու կը միտէին կըրդին, ու ամբողջ թաղ մը իր քաջութիւնը խոտացած կը տեսնէր միակ մարդու մը վրան: Հրաւէրները կը սկսէին:

— Հերո՛ս, քիչ մը կուդա՞ս, բան մը պիտի ըսեմ:

— Հերոս, քուզո՞ւմ Հերոս, գիշերը մէյ մը մեզի հանդիպէ:

— Հերոս, ճաշի եկուր մեղի:

— Հերոս, սա տափատը հայրիկս տուաւ:

Մարդերը ալ զինք շատ մտերիմ կերպով սկսան բարեւել, կը բռնէին ալ թեւէն, կը շողոմէին, կիները աւելի հետաքրքիր կը դառնային, աւելի շողոքորթ, այնքան մտերիմ որքան կրնան ըլլալ հայ կիներ մօտաւոր աղդականի մը հետ միայն:

Հերոսը կը հրճուէր: Փառք կուտար յեղափոխութեան, ու կը քալէր մուխի ամպ մը նետելով կլափին, իրէն հրամցուած պատրաստ սիկառներ քաշելով:

— Ես ասացի թէ կուգան օրեր՝ երբ դուք նորէն կը ստիպուէք փարիլ յեղափոխութեան և նրա գործիչին: Այս, հա՛րկաւ դուք աղջիկներ չէք, կը կազմակերպուենք հասարակաց թշնամիներուն դէմ:

— Բայց կապար չունինք, Հերո՛ս, ա՛խ հատցուցինք:

— Զէի՞ ասում ձեղ թէ, անիմաստ կերպով վատնում էք դուք ձեր կապարները, և թէ դուք նրանց կարօտ կը մնաք:

— Ի՞նչ ընենք հիմա, Հերոս, անուշե՞ր Հերոս:

— Հոգ չէ ես կը հայթայթեմ ձեղ:

— Կեցցե՞ս, պռակօ, ապրիս Հերոս:

Կը պոռային խանդավառ այդ վերջին խօսքին վրայ, իրը թէ յաղթութիւնը ամբողջովին տարուած ըլլար:

— Բայց, հարկ է կազմակերպուիլ, կ'աւելցնէր Հերոս:

— Կազմակերպո՞ւիլ, ի՞նչ ըսել է կազմակերպուիլ:

— Թաղերի պաշտպանութեան համար անհրաժեշտ է խմբերի կազմութիւնը, հերթապահներ հարկ է նշանակել:

Երեկոյին, քանի մը՝ ձեռքը դրապանը հասնող մարդիկ, արհեստաւորներ, գործաւորներ, ջրհանկիրներ լեցուած էին իճատիէի դպրոցին ընդարձակ սրահը: Հետզհետէ կը հասնէին հոն Դաշնակցականներ, խրոխտ կեցուածքով, սպառնական քայլընթացով, որոնք կը պտտէին ձեռքերնին դրապաննուն մէջ, կարծես ուազմական ծրագիրներու վրայ որոճալով, Ս. Դեմոկրատներ ատեցող հայեցուածով, քիչ մը երգիծական շրթներով, որոնք աւելի քիչ կը խօսէին, կային քանի մը թամկավարներ տակաւին անհամարձակ, գրեթէ վախկոտ երեւոյթով, որովհետեւ

այս միջոցին անոնց հռչակի օրերը չէին հասած, յետոյ անկուսակցականներ, տկլող ուսուցիչներ, հիւծած դէմքով ու կասկածու նայուածքով, գինով խմբագիր մը, ճաղատ դիւցագներդակ բանաստեղծ մը, զորոնք հայրենասիրութիւնը և վախը հոդ դրկած էր, և որոնք հաւնոցի մը շուրջ թիւնը և վախը հոդ դրկած էր, և որոնք հաւնոցի մը շուրջ պատող աղուէնները կը յիշեցնէին: Իսկ թաղերու միջակութար երիտասարդութիւնը սիրո չէր ըրած տուներէն դուրս ելելու:

— Գէշ օրեր են ասոնք, դոչեց յանկարծ միջակորեար էֆէնտի մը, է՛յ, աղաք, ի՞նչ պիտի ընենք, պէտք չէ՞ մտածենք մեր ընտանիքին վրայ, ակտք չէ՞ պաշտպանենք ինքինքնիս:

— Պուրժուա մը հոս խօսելու իրաւունք չունի բնաւ, անկցին պուրժուանները, դոչեցին խումբ մը տաք դլուխներ:

— Այո՛, այո՛, անկցին, կրկնեց Հերոս, բայց դործնենք երբ դեռ ուշ չէ, հիմա ժամը չէ դասակարգային պայքարի:

Դաշնակցական խմբագետ, Կովկասահայ Արդար ձայնեց.

— Ուղղակի յիմարութիւն կը վինի հիմա այդ հարցեցի զբաղութիւնը, կադմակերպուինք հայրենակիցներ:

Սօցիալ Դէմոկրատ մը արդէն իսկ սկսած էր հայրենաշունչ ճառի մը, երբ խումբ մը մարդիկ պոռացին.

— Վերջացուք ճառի, եթէ հարկ է որ խօսող մը ըլլայ, ատիկա պէտք է մեր ընկեր Արդարը ըլլայ: Ասոնք Դաշնակցականներ էին:

Ու ահա վէճը տարածուեցաւ սրահին մէջ:

Աէկը պոռաց.

— Հնչակեան կուսակցութիւնը նախապատուութիւնը պէտք է ստանայ, որովհետեւ ամէնէն հինն է ու արդիւնաւորը:

— Հնչակեանութիւնը գառամ ծերուկ մըն է, և արդէն իսկ գերեզմանի մօտը կը գտնուի, ընդմիջեց երիտասարդ մը:

— Ա. Դ. Հնչակեանները, լրացուց ուրիշ մը, ա՛ւ դոյութեան իրաւունք չունին:

Ու ահա պայթեցաւ փոթորիկ մը որ կէս ժամ տեւեց: Զէզոքները կ'ուզէին միջամտել: Ծամկավարները թէեւ սարապիահար, բայց անկիւնէ մը հրճուանքով կը դիտէին, ու իրենց ազգասիրութիւնը թոյլ չէր տար որ միջամտեն: Պէտք էր ձեւ որ ասոնք դիրար ասանկ փճացնեն՝ կը խորհէին:

— Այո՛, Դաշնակցութիւնը վատերի մի խումբ է, կը դոչէր մէկը:

— Հնչակեանութիւնը արատ մըն է Հայութեան, կը կանչէր ձայն մը:

— Ուրիշ մը կոկորդը պատուելու աստիճան կ'ոռնար.

— Ուղղակատ մարքսիզմի ներկայացուցիչն է Ա. Դ. Հնչակեանութիւնը. և ով ուղղակատ չէ վատասերած, հերետիկոս, սրիկայ է, այո՛ ուղղակատ մարքսիստներ ենք մէնք:

— Մարքսիզմը, կը կանչեն խումբ մը Դաշնակցականներ, չունի մարտական արժէք, նա իւթովի է, ու անոր ներկայացուցիչները սնախօսներ, պոռոտարաններ են:

— Ո՛չ:

— Այո՛:

— իրա՞ւ, դա ձեր տաքտիքայի թերութիւնն է:
 — Բնաւ:
 — Կ'ուզէք լաւագոյն հարուած մ՞ալ հո՞ս ստանալ:
 — Տեսնեմ . . .
 — Զգեցէք, հասկացնեմ սա որիկաներին:
 — Ապրի՛ Ս. Գեմոկրատիան:
 — Անկցի՛:
 — Կեցցե՞ն Դաշնակցական շարքերը:

Ու ահա խաղը, ահաւոր, կը սկսէր համագովի, համարիւն եղբայրներուն միջեւ: Այդ պահուն միեւնոյն շահով կապուած այս Հայերը կը կոռուէին իրարու դէմ հոմերական դիւցազուներու բորբ եռանդով: Զեռքերը ու ոտքերը իրար խառնուիլ կը սպառնային, միջամտող չէզոք մը կ'ընդունէր կոռուի մը, ուրիշի մը քիթը կը կարմրէր ու ժեղ հարուածին տակ: Այդ առթիւ պուռժուազին առնուած վրէժներ էին ատոնք:

— Կը բաւէ՛, ա՞յ յիմարներ, կը բաւէ՛, առնական ձայնով պոռաց Հերոս, կը բաւէ, հո՞ս ալ դուք նկրտում էք միմիանց միճացնել, ուրեմն դուք հոս չէ՞ք հաւաքուել նուիրական մի դաղափարի շուրջ, ես ձեղ կոչ եմ անում կազմակերպուել յանուն Հայութեան օդտին:

Իսկ ընկեր Աբգար խստօրէն լրացուց՝

— Բա՛ւ է, ամօթ է: Մեր գրութիւնը երբեք այսքան վատթար չէ եղել, հոս պէտք է այս նուիրական դաղափարի պաշտպանութեան շուրջ դաղար առնեն բոլոր կուսական հաշիւները: Հոս միայն Հայեր եմ տեսնում և ոչ ուրիշ բան:

Ու ահա մէկէն խանդալից ծափահարութիւն մը ողող կուիւ դաշտը, և սրահին որմերն ու անոնց վրայ

դտնուող վիոչոտ իրագիտական պատկերները երկար երեսացին վտած տախտակամածին տրուած ոտքի հարուածներէն:

Զայները գաղրեցան, խաղաղեցաւ սրահը, մինչ շատեր գաղտօրէն կը շփէին ցաւադին դէմքով, իրենց թեւը կամ ճիւը:

Նախ մշակուեցաւ ուղմական ծրագիր, կարեւոր գիրքերը որոշուեցան: Ամէն ներկայ իր տունը կարեւոր գիրք մը կը նկատէր: Վերջապէս որոշուեցան խումբեր և խմբապետներ, որոնք թաղերու ուղմի որոշուած մասերուն մէջ դիրք պիտի բռնէին: Նշանակուեցան ամբացուելու վայրերը, արձանագրեցին մարտիկները, և յաջորդ գիշերուան համար ժոմ որոշեցին ստուարացնելու համար շարքերը նորակոչերու:

Ու հաշտուած լաւագոյն տրամադրութիւններով իրարու հանգէպ՝ մեկնեցան Հերոսը և ընկեր Աբգարը շնորհաւորելով:

Հերոս կը ցնծար. իր հին հրոսակի օրերը վերադարձած կը կարծէր: Լաւագոյն կերպով կը գնահատէր հիմա իր արժանիքը. ու բոլոր այդ գիշերը ան ուղմագիտական ծրագիրներ յօրինելու աշխատեցաւ իր սենեակին մէջ: Մաքրեց հրացանը, վայլեցուց վողը ու երկաթեայ միւս մասերը, և յետոյ գանգան մէծութիւնով հարիւրաւոր կապարներ թափեց կաղապարներու մէջ:

Յաջորդ օրն իսկ սպառեց կապարները: Թաղին այրերէ շատեր իր վրայ կը վազէին կապարի համար, ոմանք ալ մինչեւ Պոլիս իջնելու վտանգը յանձն կ'առնէին, բայց իրապէս չէին գիտեր թէ ի՞նչ պիտի ընէին կապարներով:

Հացին չափ պիտանի կը դառնային նորէն հերոսները:

Ժառանգական վախը պլուխ կը բարձրացնէր Հայերու
սրտին մէջ, մութ ծակէ մը դուրս սողոսկող օձին պէս:
Ոմանք ճակատագրին կը հաւատային ու կը մխիթարուէին,
ուրիշներ արօթելու պէտք կը տեսնէին դէթ այդ օրերը,
իսկ կային կուսակցական երիտասարդներ, որոնք թէեւ
դիտէին սարսափին ինչ ըլլալը, բայց քանի մը կրակ տե-
սած խմբապետներով պիտի դիմագրէին: Խաղաղութեան
ժամանակ գէթ այդ էր իրենց որոշումը: Քիչ շատ ունե-
ւորի զաւակներ մառաններու մէջ պտոյտներ կ'ընէին, իրը
թէ բան մը վիճառելու համար, իսկ անոնք որ ոչինչ ունէին
աշխարհի վրայ, կը խնդային, կը ցատկէին, կը կատա-
կէին: Այդ դասակարգին կը պատկանէին պանդուխտ
ամուրի գործաւորներ, ջրհանկիրներ, փողոցաշրջիկ ստա-
հակներ, որոնք իրենց մէջ թաքուն առասպելական քա-
ջութիւններու վրայ կը խորհրդածէին, կային նաեւ քանի
մը Պոլսեցի անտարբերներ: Կիներուն սարսափիը իրենց
ամուսիններուն չափ մեծ էր, թէեւ գիտէին որ կիները
չեն ջարդեր, բայց տեսած էին մեծ ջարդէն մնացած այ-
րիները: Ատանկ վիճակ մը երեւակայելով կակտանքի յօ-
րանջ մը կ'ելլէր իրենց կոկորդէն: Կային քաջ կիներ որ
սեւ պղպեղը մոխիրի մէջ խառննելով ամաններով կը հա-
նէին առիքը, անկէ ցրուելու համար թշնամիններու ակա-
նողիքներուն մէջ: Անոնց ամուսինները այդ բազագրու-
թեան հաշալի յատկութիւններուն վրայ հիացում ունէին
միայն, ու մտովի իրենց կնոջ հնարագիտութեան վրայ
կը դժայլէին:

Կային ուրիշ մտայնութիւնով էգեր ալ որ կաթսա-
ներով ջուր դրած էին օճախներու վրայ ի հարկին եռացած
ջուրով ողջունելու համար այլազգիները և թէեւ այդ
գաղափարի նշուլանքի իսկ միջոցին իրենց մտքին մէջ՝

Ճեռքերնին կը դողար: Կիներ և աղջիկներ ալ կային, թէեւ
շատ քիչ, որոնք անուշիկ բաներու վրայ կը մտմտային:
Ազատութենէն վերջ կարդացած էին 95ի միջոցին խու-
ժաններու ըրած շահատակութիւնները, պղծումի հազա-
րաւոր ճեւեր վերծանած էին ու հաճոյքով լեցուած: Կը
մտածէին ատանկ յանկարծական ու բարբարոս հաճոյք-
ներու վրայ, ու խելացնորութեան վայրկեաններու մէջ
նոյն իսկ ջարդ մը կ'երազէին ոգեկոչելով վայրագ կիր-
քերու յաղեցումին յայրատ պատկերները:

Թաղին հարուստները քաշուած էին: Անոնցմէ շատեր
նախամեծար համարած էին Մեծ Կղզի պանդոկ երթալ
հարիւրաւոր ոսկիներ ծախսել, քան թաղին պաշտպանու-
թեան համար քանի մը կարմիր դրամ տալ զէնքի գնում
կատարելու: Անոնցմէ մին, աղդային բարերար մը, այդ
նպատակով իրեն դիմող յեղափոխականը վոնտած էր
ըսելով.

— Գացէ՛ք գուշ ինքզինքնիդ պաշտպանեցէք, մենք
ձեր պաշտպանութեան պէտք չունինք:

Ու փոխանակ քանի մը ոսկիով պաշտպանել տալու
իր հազարաւոր ոսկիներ արժող տունը, զայն բաղդին էր
ճղած:

Սիրական էֆէնտին հակառակ իր հարստութեան
կղզի չի գնաց: Նախ քիչ մը ճակատագրին կը հաւատար,
ինք ատանկ կ'ըսէր, Տաճիկներուն հետ շատ ապրած ըլ-
լալով, երկրորդ՝ կղզի երթալով մեծ ծախսի տակ իշնալը
զինքը ու մանաւանդ իր կինը խրաչեցուցած էր: Պոլս
չէր իջներ՝ օրերէ ի վեր վաճառատունը գոց կը մնար:
Կայծիկեան էֆէնտին համար հասարակ ատեն մը ատիկա
շատերու մեծաղոյնը պիտի ըլլար:

Ճակատագրին հաւտալով մէկտեղ՝ Սիրական էֆէն-
տին իմացած էր թէ զանազան տեղեր մարդեկ ինքնա-
պաշտպանութիւնով կրցած էին անկէ խուսափիլ. նոյն իսկ
այդ բանը պատահած էր միեւնոյն թաղին մէջ, այն տու-
ները որ կրցած էին դիմաղրել, զոհ չէին տուած, իսկ
ուրիշներ որոնք յարմար դատած էին աղաչանքով ընդունիլ
խուժանը, անկէ խողխողուած էին:

Պէտք էր միջոց մը խորհիլ, ու Կայծիկեան այդ
մտածումով թափանցուած, երկարօրէն միտքը կը չար-
չըրէր եւը մը գտնելու, մանաւանդ գործերը վատ կ'եր-
թային, չարդի սպառնալիքը գորշ օրուան մը մշուշին պէս
կը խիտնար, կը ծաւալուէր, կը սաւառնէր Հայերուն
վրայ:

Նոր օրերու հետ նոր շահատակութեանց լուրեր,
նոր սպառնութիւններ ամէն կողմ. աղատութեան ներկա-
յացուցիչները, արշաւող յետաշրջումէն ահաբեկ ցրուած,
լուծուած էին: Աղատականներուն զէնքը՝ բանակը, կոյր
և աղետալի գործիք, յետադէմներուն ափին մէջն էր:
Պղտոր դասակարգեր կը յայտնուէին սանձարձակ, սպառ-
նական. շոյուած հին բնազդներ այլազդ թաղերու մէջ
առատ սնունդ կը գտնէին. կը սրուէին խաղաղ աշխա-
տանքի շատ մը գործիներ, ու արշաւանքներու յատուկ
պատրաստութիւններ կ'ընէին խաներու մէջ քիւրտ լեռ-
նականներ:

Սիրական էֆէնտին կը դդար ու կ'իմանար ասոնք:
Իր ձեռքերուն կը նայէր, զանոնք անընդունակ կը գտնէր
զէնք կը ելու. հայ վաճառական մը որ գեղին բաներու հետ
խաղած է, չի կրնար զէնքի հետ խաղալ: Բայց և այնպէս
հարկ էր միջոցը գտնել: Յուսադրական բան մը կար,

թերթերը աղատութեան բանակի մը առաջսաղացութեան
լուրերը կը հաղորդէին, Պոլիսը աղատելու:

Իրիկուան մը դէմ, Կայծիկեան էֆէնտին խոքունկ
մը մտածումով կը չափէր իր հիւրասենեակը, սաթէ համ-
րիչը ձեռքին մէջ յուլօրէն դարձնելով, որուն չափուած
շնկոցով սենեակին լուռթիւնը աւելի զգալի կը դառնար:
Պտտելով այսպէս մտախոհ էֆէնտին կը նայէր կարօտով,
ճոխ բայց անձաշակ կարասիներուն, բրդոտ ու թանկագին
գորդերուն ստքին տակ փոռուած, որոնց գոյնզգոյն ծա-
ղիկները իրիկնադէմի ստուերին մէջ լոյսի աղօտութեան
մը բերած տարտամութիւնը կը հեղնէին, կը նայէր գլխուն
վերեւի բիւրեղեայ մոմակալներով մեծ լամբարին, ըն-
կոյզէ թիկնաթոռներուն, որոնց նստատեղիի կարմիր թա-
ւիշը ատ կիսալյոյսին տակ կը մրափէր անուշ կայծերով,
իր և կնոջ ոսկեծիր լայն շրջանակաւոր իւղանկարներուն,
հայելիներուն՝ որոնց մէջ հազար անգամ պարագաներու
յարմար առնուելիք դէմքէր ուսումնասիրած էր. յետոյ
կ'երեւակայէր տանը բոլոր իրերը, խոհանոցի էն յետին
առարկան, ու անոնց ենթադրական ջախջախումն իսկ
զինքը վախով կը համակէր: Անոնց պատուական տիրոջ
մահուանն ալ կը մտածէր, ու շլմորանքի, սարսուոփի կը
մտանուէր մարմնովը, երբ ապագայ թափուր թաղական
խորհուրդներու, պազային ուրիշ պաշտօններու ատենա-
պետութիւնները կ'ելլէին մտքին առջեւ: Այս ամէնը
պնդօրէն զինք կեանքին կը կապէին, կը սիրցնէին զայն
ամէն ատենէ աւելի:

— Դիւրին չէ՞ այսքան շահիւ, այդքան բարձրանալ
ու մէռնիլ, կը մտածէր Սիրական էֆէնտին:

Արդէն գիշերը իջած էր՝ ու վաճառականը մտածումի

անելներուն մէջ կորսուած՝ յուսահատելու վրայ էր երբ՝
տիկին Նեմզուը իր փարթամ մարմինը սենեակէն ներս
մտցուց. տիկինը իր մարդը խղճալի այդ վիճակին մէջ
դանելով հարցուց գործվանքով:

— Ի՞նչո՞ւ ատանկ կը խորհիս էֆէնտի, նորէն շատ
իորերը գացեր ես.

Ու աւելցուց դժողով՝

— Ի՞նչ պիտի ըլլայ վիճակիս էֆէնտի, ամէն մարդ
փախած է, պատագ կայ կ'ըսեն:

— Ատոր վրայ կը մտմտամ առոտուընէ ի վեր, Նեմ-
զուը:

— Ի՞նչ է միտքը էֆէնտիս:

— Տուներնիս պաշտպանելու միջոցներուն վրայ
խորհելու ենք. դիրքերնիս գէշ չէ:

— Եթէ ատանկ է... Հերոսը կանչենք. աս իրիկուն
դպրոցը ժողով կայ, գնա՛ առ հետդ բեր:

Ճառապայթ մը Կայծիկեան էֆէնտիին մթաղնած ու
խոշտանդուած դանկը ողողեց. ժպտեցաւ, խոշոր շունչ մը
քաշելով, բայց բան մը չի յայտնեց կնոջը, զայն ճամբու
դրաւ սենեակէն, ճգեց իր պարարտ մարմինը թիկնաթոռի
մը վրան, որ տքալից վայիւն մը ունեցաւ, ու աչքերը
գոցելով խօսեցաւ.

— Վա՛յ շան կնիկ, իրա՛ւ որ առ առ աւանակին վրայ
խորհած չէի: Ատանկները մեզի համար ծնած են, թող
դիշերները սպասէ հոս, գոնէ քիչ մը հանդիստ կ'ընենք:

Գիւտը ինք չըրած ըլլալուն համար դժողոհանք չու-
նեցաւ, ինչպէս սովորաբար, զգաց թէ կինը իր կէսը ըլ-
լալով՝ մաս մը իր ամենագիտութենէն անոր տուած էր:
Երեկոյին՝ ճաշէն վերջ առաւ հրանտը և Զոտն էֆէն-
տին. Երկնցան դէպի թաղին դպրոցը:

Նախորդ դիշերուընէ մնացած կազմակերպական և
մարտական խորհրդակցութիւնները պիտի շարունակուէ-
ին: Բազմութիւնը աճած էր հոն, սրահէն զատ կողմնակի
դասարաններուն մէջ ալ խօսակցող, վիճող, պոռչտող
խումբեր կային:

Տնտես մը Սիրական էֆէնտիին մուտքը վութով
տարադնեց հոն հոն. շատեր պատկառանքով ընդունեցին
զինքը: Սիրական էֆէնտիին ժպտալից, սիրալիր կերպով
կը բարեւէր կուսակցականները, անոնցմէ ոմանք կը կար-
ծէին թէ նոյն իսկ զինքի դրամ տալու եկեր էր:

Բազմութիւնը կամաց կամաց սկսաւ այս անձնաւո-
րութիւնով հետաքրքրութիւն, ու աղէկութեան նշան կը
համարէին ականաւոր մարդու մը ներկայութիւնը իրենց
մէջ: Աղմկալի սրահը քիչ քիչ նուազեցուց իր հնչակա-
նութիւնը, այս պատկառելի անձնաւորութեան լրջութիւ-
նով համակուած:

Հերոս անկիւն մը կանդնած էր, Կայծիկեանը դայն
բարեւեց դլիմի չեշտ շարժքով:

Կը սկսէին նոր խումբերու կազմութիւնը, նախորդ
դիշերուանները կը սոսուարացուէին: Կուսակցականները
իրենց տղոցմէն զատ համակիրներ կ'ընտրէին, ամէնն ալ
քիչ թէ շատ սպառագինուած անմանակ, այլազան զին-
քերով:

Յանկարծ չկատարուած քաջութիւններու համար կը
բարձրանար ժիսորը:

— Կը տեսնուինք, կը սկսէր, Ս. Դեմոկրատ Հնչակ-
եան մը, կը տեսնուինք թէ ո՞վ է իսկապէս մարտական
ոյժ ունեցողը:

— Նա՛հ, յիմար, առանց Դաշնակցական շարքերուն
Սկիւտար ստնակոխ կ'ըլլայ:

— Ընկեր Սարդիսը տարիներով դաս կրնայ տալ
ձեր ընկեր Արդարի:

— Ընկեր Արդարը կը թքնէ ատանկ իւլցոներու վրայ,
Հայ-թրքական ընդհարում զեկալարած է, դուք սմսե-
ղուկներ, վախկոտ հաւեր:

— Վա՛, կ'ահապառուէք դուք անաղարտ մի կուսակ-
ցութիւն:

— Դուք ալ մեր խմբապետը կ'ահապառուէք:

Ու ահա նորէն կոխեի սկիզբ մը, դմայլելի նախեր-
դանք հայկական բոլոր ձեռնարկներուն, տաք գլուխ երի-
տասարդներու միջեւ, որոնք զէնք ունէին: Ձեռքեր վեր
կ'ելլէին թափով, ու ոտքեր կը ծեծէին սրահին կոտրած
տախտակամածը. ընկեր Սարդիս և Հերոս իրենց բարերար
միջամտութիւնը բերին դործին. ու ընկեր Արդար խիստ
ակնարկով մը դասեց իր մոլենածները:

Կայծիկեան էֆէնտին առիթը յարմար գտաւ խօսե-
լու: Ճարտարօրէն ճառեց համերաշխութեան պէտքին
վրայ, ինչպէս ամէն մարդ երր չի կոռուիր, դովեց յեղա-
փոխականները, կազմակերպողներուն քաջութիւնը, Հայ-
րենիքի աղատութեան անվեհեր պաշտպաններ անուանեց
անոնց պետերը, բայց հոդ բաւական մը կեցաւ, ու կ'ե-
րեւայ թէ հառաջեց. յետոյ վրայ բերաւ.

— Ձեր պաշտպանողական հիանալի ծրադին մէջ
կայ թերի կէտ մը զոր չեմ ուզեր ցոյց տալ, սակայն
ստիպուած եմ, որովհետեւ հասարակաց օգտին համար է:

Բոլոր ականջները սրուեցան, աչքերը անձկացան:

— Ծօ՛ պակաս մը, ընդմիջեց անդիէն անծանօթ մը:

— Մեր պաշտպանողական ծրադիրը անթերի է, մէջ
բերաւ ուժեղ աշխատաւոր մը:

— Խելքը թող տո՛ւն կանչէ այդ յիմար պուրժուան,
ըսաւ բժշկական ուսանող մը, որուն կօշիկները պատռած
էին:

— Թերի կէտ մը, շարունակեց հարուստը նորէն,
որ կրնայ վտանգաբառը հետեւութիւններ ունենալ:

Խմբապետները մօտեցան:

— Ուզում ենք իմանալ այդ թերութիւնը, խնդրեմ
ասացէք, ըսաւ ընկեր Արդար:

Կայծիկեանը չի խօսեցաւ: Թախանձեցին:

— Գիտէք անշուշտ տունիս գիրքը, գիտէք նաև որ
քարուկիր է, Սարդիս պէյի ծրադիրով շինուած, ինչ որ
է, խնդիրը ատոնց վրայ չէ, կարեւորը ուրիշ պարագայ
մըն է: Երէկ խիստ անկեղծ թուրք բարեկամներէս մին
գաղտնապէս երկտող մը ձեռքս հասցուցած էր՝ ինձ իմա-
ցնելու որ հաւանականաբար յարձակում մը պիտի ըլլար
Սկիւտարի Հայոց վրայ, և թէ խորհուած է եղեր իմ տանս
կողմէն ալ յարձակիլ: Ինձի պարտք մը սեպեցի գալ հոս
և տեղեկացնել. կրնամ ես վաղը հեռանալ տունէս բայց
թաղը անդգուշութեան մը համար կրնայ ոտքի տակ
երթալ:

Այդ ըսելով անգոյ նամակը վիճուել ձեւացուց գըր-
պաններուն մէջ:

— Այդ լաւ ասացիք, միջամտեց ձերոս, դա ուզ-
մական կարեւոր կէտ է, և պէտք է ամբացնել: Ձեր տունը
մի կողմից նայում է դէպի Գուգկունձուկ, բայց միւս
երեսը գտնուում է դէպի լեռ տանող ճամբուն վրայ,
վտանգալիցը հէնց այդ կէտն է:

Շատերը վաճառականին յայտարարութեան վրայ
նեղուցան : Ուրեմն իրա՞ւ յարձակում մը կը պատ-
րաստուէք :

— Հա՛ւ պէտք է պաշտպանել ուրեմն այդ կէտը,
կըկնեց խմբապետ ընկեր Արդարը . գիրքը բաւական կա-
րեւոր է թուում ինձ :

Ներկայ մը առարկեց թէ՛ ատանկով կընան միւս
խումբերը ցանցառիլ, և թէ այդ դիրքերը նուազ վտան-
դալի չէին :

— Կարող ուժ մը եթէ դրկուի, ես զաւակիս հետ
կ'օժանդակեմ անոր, հանդարտօրէն վրայ տուաւ կայծիկ-
եան էֆէնտին :

— Այո՛, յարեց ընկեր Արդար, գիրքը ա՛յնքան գո-
րաւոր է երեւում, որ ելեք անձ կարող են զայն պաշտպա-
նել :

— Միայն այդ մէկը վարժ ըլլալու է, գիտէք որ
ատանկ դիրքի մը մէջ կարող անձ մը հազար կ'արժէ :

Շատեր իրարու երես նայեցան :
— Թող մեր չերոսը երթայ, դոչեց Ս. Դեմոկրատ
մը :

— Չերո՞սը... ժպտելով ծոեց գլուխը Սիրական
էֆէնտին . յետոյ հաստատապէս դոչեց :

— Լա՛ւ, թող մեր չերոսը ըլլայ :
Բաւական մարդիկ չորհակալութիւն յայտնեցին վա-
ճառականին, յետոյ խումբերը սկսան մեկնիլ, ոմանք
իրենց բացօղեայ դիրքերուն շրջանը ընելու կամ անոնց
վրայ հսկելու, ուրիշներ քարաշէն տուներու մէջ ամբա-
նալու : Իրենց ձայները նախ հնչելու պոռչառուն, հետզ-
հետէ նուազումի ենթարկուեցան, աւելի վերջ վերածուե-

լու համար խուլ բզբոցի մը, ու անորոշ ոտնաթափումի
մը անհամաչափ շնկոցին :

Դպրոցը պարպուեցաւ :

Զգօն էֆէնտին այդ կատակերգութեան բոլոր տեւո-
ղութեանը միջոցին խօսքի խառնուած չէր, ապշած ու
դողահար դիտելով ատրճանակներու սպառնագին փողերը :

Սիրական էֆէնտին չերոսին դարձաւ յաղթական
ժպիտով,

— Է՛ չերոս, ա՛ս ո՞քչափ կայ որ մեր տունը չես
հանդիպած :

Չերոս պատասխան չուզեց տալ, տաքտիքայի ան-
յարժար գտնելով ատանկ վարմունք մը : Ու չորսը մէկ
մեկնեցան :

Դուռնէն իսկ խանդաղատալից ընդունելութիւն մը
վերապահուած էր չերոսին : Տիկին և օրիորդ կայծիկեան
դիմաւորեցին դիրենք ժպտուն, ու չերոսին անուշ բաներ
ըսին : Չերոս չուզեց մտածել թէ այդ միեւնոյն դուռնէն
օր մը, շան լակոտի պէս ճամբուած էր :

Գիշերը, կայծիկեան ատ խըմպըներուն վրայ խնդաց
ու խնդաց, միւս կողմէ կիսկատար բան մը կ'ըլլար այդ
ծիծաղը, որովհետեւ ջարդի սպառնալիքն ալ փորը մտած
էր : Լաւ համոզուած էր որ ամենազօր սուրին առջեւ բա-
նականութիւնը և դրամը կանդ կ'առնեն :

Պառկելու միջոցին կնոջը գրեթէ մսաղեղ թուշը
խածաւ մրմուալով հեղնօրէն .

— Ինտո՞ք է նեմզուր...:

— Իրա՛ւ որ նմանդ չէ կայ էֆէնտիս :

Մէկ մէկու աչք նայեցան . մարեցին ճրադը, պլուե-
ցան իրարու վերմակին տակ, վաղը կընային մեռնիլ...

ՀՈՒՅՐ ՊՅՈՒԽԻՇ
Ապրիլ, Խոշոր դրամ 1933

ու լայնանիստ մահճակալը դժնղակօրէն խոռվուած,
վայրկեաններով՝ երկա՞ր, երկա՞ր, հեծեց:

Ցաջորդ առողու, Կայծիկեան էֆէնտին շատ կանուխ
ելաւ: Տակաւին փողոցները ոտնաձայն չի կար, ու հազիւ
արեւելեան հորիզոնին վրայ շառագոյն, պղնձաթոյր
ծուէններ կը դժադրուէին: Արշալոյսը կը ծագէր: Վաղեց
դտաւ Հերոսը՝ որ այդ միջոցին կը մրափէր, դէպի Հրեա-
ներու գերեզմաննոցը նայող վորքը սենեակին մէջ:

— Բարի լո՞յս, Հերոս:

Հերոս ընդուստ ցատկեց, շփեց աչքերը ու կը թուէր
թէ հրացանին կ'երկարէր ձեռքը. մէկէն ուշաբերեցաւ
բարեւելով Սիրական էֆէնտին:

— Ի՞նչպէս անցուցիր գիշերը:

— Հսկեցի, սա մի աննման դիրք է, սրանից կարելի
է պահպաննել ամբողջ թաղի մի մասը:

— Իրա՞ւ Հերոս:

— Անտարակո՞յս:

— Հերոս, քեզի բան մը ըսելու եկած եմ:

— Ի՞նչ բան, խնդրեմ, ասացէ՞ք:

— Դուն հոս օտարական չես, պէտք է ուղածիդ պէս
ապրիս, սրտիդ ուղածը կեր, տունը քուկդ է, դուն տու-
նինն ես. այս դէպերէն վերջ ինչ կ'ըլլայ ըլլար, քեզի
քովս, խանութս կ'առնեմ, դործակատարի մըն ալ պէտք
ունիմ, և վերջապէ՞ս . . . :

Հերոս կ'երջանկանար:

— Հիմա դուն պառկէ, քնացիր, հսկելու կարդը
մերն է: Ցերեկը մենք հսկենք, իսկ գիշերները կարծեմ
դուն մարդու պէտք չունիս:

— Այնքան էլ կարեւոր չէ՝ ինձ համար մարդը,

միայն թէ ի հարկին ես պէտք կ'ունենամ մի տղամարդու,
կապարներն ինձ տալու համար:

— Այդ ալ կրնայ ըլլալ, հիմա հանդիստ ըրէ դուն:

Միունց
Ե. Նարուտի

Պահակախումբերը կը պտտէին և կը հսկէին: Ապրիլի
գեղեցիկ, աստղագարդ, բայց անլուսին գիշերներ էին,
կէս խոնաւութիւնով թաթաւուն կիսադաղը մթնոլորտով,
որ դգեստները կը պարածածկէր կակուզ տամկութիւնով,
արտեւանումքները կազչուն կը դարձնէր, ոռւնդերէ ներս
անախօրժօրէն կը թափանցէր, կը կճէր կոկորդի գեղձերը:
Սովորական ատեն՝ ‘ատանկ’ մթնոլորտ մը դիւրատար է,
բայց բոլոր այս նորավարժ խումբերուն համար, որոնք
ծանր, ճնշող, ահաբեկող պաշտօն մը յանձն առած էին,
որոնց ուսերը հրացաններու, նոյն իսկ ատրճանակի մը,
քանի մը շարք կապարներու ծանրութեան անվարժ կը
կթէին, այս մարդոց համար օդը խորհրդաւոր, թասուն,
ցուրտ և մռայլամած էր:

Շարժուն խումբերը շրջանին կ'ընէին անազմուկ,
երէներ հալածող որսորդներու զգոյշ քայլընթացով, կա-
րելի եղածին չափ իրարու մօտ սեղմուած, կարծես մէկ-
մէկէ ուժ գտնելու համար: Կը դողային շատեր, ու հա-
կառակ որ ցրառութիւն չի կար, գրեթէ սարսուռը իրենց
դիստերէն մինչեւ գագաթի մազերը կը մագլցէր:

Արիւն տեսած քանի մը աներկիւդ առաջնորդներ,
կոիւի պատմութիւններով կը ջանալին տաքցնել նորա-
վարժները: Սերորի, Սուրատի, Անդրանիկի կոփներէն,
Հայ-Թաթարական լնդհարումներէն դրուաղներ կը բե-

րէին, երենց և ուրիշներու սխրագործութիւնները կը
 պատկերացնէին, ու հին յաղթութեանց կազդուրիչ այդ
 օրինակներով մէկէն բռնկած երեւակայոտ՝ խանդալառ
 ուղեղներ, վանելով հին մտավախութեան թմբիրը, կը
 տարուէին անլուր երազներու: Անոնք կը կալծէին ինք-
 զինքնին յաղթական պայքարէն վերջ՝ թշնամին նահանջի
 խուճապին մատնուած, Տաճիկ թաղեր կրակի տրուած,
 ու բուռ մը անվեհերներ հակայական մայրաքաղաքին մէջ
 մխրճուած, անոր տիրած: Բայց գորշ ու անողոք գիշերը
 երկարելով, հետզհետէ կը մարէր առկայծ բոլոր ցնորքնե-
 րը, ու տակաւ այս խորին, համատարած լոռութեան մէջ,
 անձայրածիր, անհուն ու աստղալի երկինքին տակ, այդ
 մոայլամած ու նիրհող փողոցներուն, ուր սոսկումը մա-
 րած էր խօսքը, հառաչը, նոյն խոկ չնչառութիւնը, որոնց
 մէջ բորոտ շուներ միայն կը սլքարկային աղբերու շուրջ
 սոսկորի մը ի խնդիր, կամ կատուներ խոյս կուտային
 գողերու երկչոտութիւնով, այդ բարձունքներուն, ցածու-
 թիւններուն մէջ, կոռէլներու թաւաստեւ ու մոայլ ստուե-
 րին տակ, Չամլըճա, Ֆրէնկին լեռը, Հայտար Բաշա,
 Գուղկունծուգի ծորը տանող ուղիներուն վրայ, նոր, ար-
 տակարգ, արհաւրալից երեւակայութիւններու մէջ կ'իշ-
 նային թաղերու այս քաջարի պաշտպանները: Երեւակա-
 յութիւնը, այդ զմայլելի ու թշուառական դործիքը, գի-
 շերուան և միջավայրի բոլոր երեւոյթներէն սնունդ կը
 ստանար, կ'ընդարձակէր, խոսլած, ուղեմոլոր, ծանրա-
 ծանր ուղեղներուն մէջ, կը ճիւղաւորուէր, պատկերներու,
 տեսիլներու անհամար ձեւեր կ'որոշագծէր: Դժոխային
 երազներու տիեզերքներ կը ստեղծագործուէին այդ ճղճիս,
 յիմարօրէն փոքր տուփերուն մէջ, գնդակով մը, քարով
 մը, կոռուփով մը ջախջախելի:

Անոնք որ դէպի Գուղկունծուք առաջնորդող ձորին
 բարձունքը, Պէլէյպէյի տանող ճամբուն վրայ կը հսկէին
 չըրեաներու գերեզմանատան մէջ, վարի խաւարչտին
 հովիտէն, որ անյատակ, մթին պարապութիւն մը կը
 թուէր այդ պահուն յացի վորքը հնհնուքները կը մեծնային, ող-
 առաջացումով այդ վորքը հնհնուքները կը մեծնային, ող-
 րերը կ'ըլլային սողոսկող վիրաւոր մարմիններու: Իսկ
 ինչ որ չէին լսեր, կը տեսնէին: Կէս գիշերէն վերջ՝ երբ
 Պոսֆորի լոյսերը մարիլ կը սկսէին, և ջրաշողին կը ծած-
 կէր բոլոր հանդիպակաց բլուրները, ու կը սքօղէր ծովուն
 մակերեսը, յանկարծ՝ այլանդակ ձեւեր կը ծնէին, մարմին
 կ'առնէին, արշաւասոյր թաւալումներով կը յարձակէին:
 Ելլարզէն ելլող Համիտիէներ էին ատոնք, ուրուականնե-
 րու ծիծաղով, զինավառ հորդաններու աշխուժութիւնով
 առաջացող հետեւակներ և հեծեալներ:

Զէին խօսեր պահնորդները, որովհետեւ բոլորին առ-
 ջեւն ալ տկար այլազանութիւնով միեւնոյն արհաւելքի
 պատկերը կար որ, զօրաւոր մէկ երկու ուղեղէ հզօր
 թելաղբութիւնով մը, անցած էր միւսներուն մէջ: Յան-
 կարծ խումբէն մէկը կը հառաչէր, ուրիշ մը անոր կը հե-
 տեւէր, ու հառաչը կը փոխուէր շարունակական, անհատ-
 նում, յուսահատեցնող յօրանջումի մը: Խոնաւութիւնով
 օծուած իրենց լրկնոցներուն մէջ կը կծկուէին: Պիտի
 ուղէին, գոնէ մեծագոյն մասը, փախիլ, փախիլ, տուն
 հանդէիլ փափուկ, սպիտակ սաւաններով, օրերէ
 ի վեր երազուած անկողիններուն մէջ. Երբեմն յառնող
 այդ պատկերը ուժգին կը խոռվէր դիրենք. արտասուելու
 վափ կը գորովէին. քրոջ մը, մօր մը չափ սիրելի, փայ-
 չափ կը գորովէին. պատկերը ուժգին կը խոռվէր դածկոցով

ու ճերմակ սաւաններով։ Թող իյնային անոնց մէջ, քնա-
նային ու ի՞նչ փոյթ, մորթուէին հոն։ Սակայն վաղուան
պարծանքի մտածումը թոյլատու չէր ըլլար։ Եւ յետոյ՝
խումբով մարդիկ որքան ալ վախնան, նորէն սփոփուելու
տեղ ունին, հաւաքականութեան մէջ դործող մահը այն-
քան տաժանելի չէ։

Կոռէլներու կամ հայ գերեզմանատան մէջ հսկողնե-
րը, աւելի տաղնապալի գերքի մը մէջ կը գտնուէին։
Գերեզմանի պատերուն ետին սեղմուած, ինկած, պաղ,
թրջուած շիրմաքարերուն վրան՝ անոնք թշնամիին կը
սպասէին։ Բուն թշնամին կ'ուշանար, բայց այլ թշնամի-
ներ կը գարբնուէին, աւելի սպասնական ու աւելի ան-
մարդկային։ Մէկ երկու ժամուան մեղմ խօսուլսուքէ ու
խոհանքէ վերջ, մտավախութիւն մը, այս սպասող, լուս
մարմիններուն կը աիրէր, կոռէլներուն բոլոր քարերը և
գերեզմաններու ցցուն տապանները նախ կը սարսուային,
կ'երերային, ու միասին, իբր գերադոյն հրամանէ մը
վարուած՝ կը քալէին ուղիղ, անշարժ քարերու ծանրու-
թեան լրջութիւնով, նախ փոքր, ուրուաղծային, հետզհե-
տէ երկայն, մեծդի, կշող ու տապալուելու ձեւեր կ'առ-
նէին սպահապաններու գլխուն մօտ։

Կը կծկուէին, բնագով իրարու ձեռք կը փնտոէին,
ու մին կը մրմնջէր։

— Ծօ՛ Երուանդ...

— Ի՞նչ է, Յակոբ։

— Հիշ...

Կ'անցնէին վայրկեաններ, ու տեսիլը այլապէս խոռո-
վիչ կ'ըլլար։ Շարժող գամբանները կ'անյայտէին։ հիմա
ալ կմախքներու ժողովուրդը կ'ամբառնար անոնց ստորոտի

փոսերէն, զինուած մանդաղներով, սրունքներու և թեւի
ոսկորներով, դադաղի տակաւին անփուտ ովնափայտով,
դաւագաններու, կամ շիրիմներ եղերող սուր վանդակա-
ձողերու անցուած դանկերով։ Այս գերագրդուած երե-
ւակայութիւնով մարդիկ, կ'իմանային կմախքներու ոս-
կերոտիին զօրեղ հունչը, կարծես չատ չոր, արեւակէզ,
խանձած թաւուտներու մէջ ճարակող, հողմահալած բո-
ցերուն նման ճարճատուն։ Ասով այդ աղմուկը կը դառնար
անդրշիրիմային եղական խօսուըտուք մը, որ իրենց գըլ-
խուն վրայ կանդնող դարաւոր սեւլիներուն, հնամենի
ծառերուն մէջ կը սաւանէր, կը դաշնաւորուէր, կ'ե-
րագուէր, կը զաղըէր յանկարծ, և ուժոնօրէն կը վերած-
նէր։

Մէկէն այս ամէնը իբր երազ կը խուսափէր այդ
արատասուաթոր ընդլայնուած աչքերէն, երբ տասնապետ
մը, կամ խմբապետ մը աւելի վարժ, աւելի կորովի, կը
դոչէր։

— Տղա՞ք...

— Ի՞նչ է, հա՛, ի՞նչ է...

— Լա՛ւ, հոդ էք... կը հսկէ՞ք... ձայներ կ'առնեմ։

Դէպի Հայտար Փաշա տանող պողոտային վրայ
սպասողները նուազ չէին տաղնապեր։ Ասոնք ամէնէն ան-
երկիւզներն էին, որ վտանգի ճամբուն վրայ պիտի սպա-
սէին, որովհետեւ Սէլլմիէի ըմբոստ զինուորներուն դէպի
Սկիւտար խուժումը նկատի կ'առնուէր։ Փոռւած աւելը
որմերու ոտքին տակ տարածուող մարդերուն վրայ,
անոնցմէ քանի մը հատը վերջապէս կը քնանային, իսկ
շատեր մրափներէ վերջ կ'ոստուին։ Ճակատամարտ մը
տեղի կ'ունենար։ Զօրքերու, քալող վաշտերու ծանր մոյ-

կերուն անորոշ աղմուկը տամուկ գետնին վրայ կը դդաց-
ուէք:

Հողին կպած անոնց ականջները կը լսէին ոտնաթա-
փումներու աստիճանական յաւելումը: Յետոյ հեռաւոր,
անորոշ, անձանաչ իրերը, սէվլիներու անտառակը կ'ամ-
փոփուէին, կը խիտնային: կը բացուէր ուազմադաշտը, ու
հնաւուրց գօրականի մը, զոր աշտանակած կը տեսնէին
փրփրերախ ձիուն վրայ, հրամանով կը սկսէր գուլպարածը
սպառնագին: Ծնդանօթներու երախին կը հոսէր բոցն ու
ծուխը, ու գիշերուան տամկութենէն անփայլացած սուին-
ներ մութին մէջ կ'առաջանային արագ: Պայքարը ահաւոր
կը դառնար, կրակներ կը բարձրանային շուրջանակի բո-
լոր կէտերէն, կը թալլուէին հեռաւոր տուները, ու օդը
անլուր կանչերով դղրդուած՝ այրող մարմիններու ճենճե-
րահոտով կը տոգորուէք:

Ուժգին կը տրոփէր սիրտերնին, հողէն արթնցող
պայթիւններու չափ գօրաւոր: Բաց աչքերով հիմա, որով-
հետեւ բնութիւնը կը քնանար, ալ անոնք լաւ կը տեսնէին
գօրականներու ծաւալումը թաղերուն մէջ, խումբերը
աւարառու խուժաններուն արիւնաներկ ձեռներով, երա-
խացած կլախներով, ընդլայնուած աչքերով, որոնք յի-
մարական վազքով կ'ընթանային. ու անոնց ետեւ ու անոնց
վրայ՝ անհամար տարմը աղուաններուն դիշատիչ: Հայկա-
կան ազատամարտը անունով նկար մը կը վերանորոգուէր
հսկողներուն մէջ:

Կ'ըղճային՝ խեւորէն կը փափաքէին հողին մէջ կոր-
սուիլ, թաղուիլ, հեռանալ աւերածի այս մարտավայրե-
րէն, պահուըտիլ հեռաւոր կայանները խաղաղութեան:
Ո՞ւր սակայն, այս սպանդներու գասական ու չուառ հողին

վրայ: Բարեբաղդաբար վարդայտն արշալոյսը, Գայը
Տաղըի, Այտոսի սարերուն ծոծրակէն կը զբացուէք: բոլոր
առարկաները կը զգենուէին տակաւ իրենց իրական, չափա-
ղանց հասարակ ձեւերը, և բոլոր ողորումները, արհնա-
վառ գուլպարները կը դադրէին, տեղի տալով ողորմելի,
անհողի, անդիտակից իրերու ձեւորոշումին: Լայնօրէն կը
չնչէին պահակները, կ'ողեւորուէին. ու դանդաղօրէն,
երկար պայքարով մարդոց նման պարտասած, ծանր ան-
դամներով կ'առաջանային դէպի թաղերը, հոն լուծելու
համար շարքերը, պատուհաններէն մեկնող բոլոր հրացիկ,
երախտագէտ ակնարկներուն տակ, ու յետոյ սկսելու
առասպելները, երազներու պատմութիւնները, վախին
բարեացակամ աղեցութեան տակ ծնած երեւյթներու
իրականացումները:

Զ.

Թաղերուն մէջ օրերը տխուր կ'անցնէին. շուկայ իջնող
չի կար դրեթէ: Տունէ տուն այցելութիւններ միայն, ու
կիսարերան, գաղտուկ, սրտարեկ խօսակցութիւններ:

Թերթերը անդադրում կուգային: Ամէն օր նոր
սպաննութիւններ, նոր արհաւիրքներ: Խմբագիրները պահ
մը փաթթոցաւորներու մեկնութեանց անձնատուր, ուրա-
խութիւն յայտնած էին երիտասարդ թուրքերու փախուս-
տին համար. յետոյ աղէտալի գուշակութիւններ ունեցած
էին, ու հիմա կը տեսնէին անոնց իրականացումը: Վախ-
կոտ կարելի չէր համարել դիրենք: Անոնցմէ մին՝ Համիտի-
բոնաւոր շրջանը փառաւորելէ վերջ, անձնապաշտպանու-
թեան կը հրաւիրէր ժողովուրդը, և ուրիշ մը՝ լմբոստ

բանակը փառաբանելով հանդերձ, «ինքովինքնիս պաշտպանենք» վսեմ խօսքը կը փախցնէր թերթին անծանօթ մէկ անկիւնը:

Էմբոսս չափուչները ամենազէտներ դարձած, ասսուածային զօրութիւնը բիրտ ուժին, իրենց քով քննող թղթակիցներու կը խօսէին Հայրենիքի ապագային վրայ:

Տեսակ մը անհամաձայն, ու գլխովին իրարու անհաղորդ տարրերու իրերախառնում, տեսակ մը անկարդ խառնակութիւն, գլխու պտոյտ տուող, սիրտ ճմլող, և անորակելի անստուդութիւն մը, թէեւ ստոյդ իր ներշնչած սարսափով, որ կը սաւառնէր օրերէ ի վեր սմբողջ մայրագաղաքին վրայ: Այդ վախը նախ ճղճիմ, փոքր, ժպտախառն, հետզհետէ կը լայնար, կը ստուարանար, իր անպարագիծ թեւերով կը դրէիր, կը ճնշէր, կը ճմռէր համայն քաղաքը: Կը թուէր թէ շիրմաստաններ էին շատ մը դղորդ թաղեր, որոնց մահաշշուկ լուսը կ'ընդմիջուէր յանկարծ չոր պայթիւնով մը: Յետոյ կրկին անձայնութիւնը համատարած: ու ժամերով անձկութեամբ սպասող, կոկորդներէն անողոքելիօրէն ճնշուած, հեղձամղձուկ ամբոխներուն, մանաւանդ Հայուն մէջ խիթ մը կը տարածուէր, զօրեղ ելեկտրական հոսանքի մը առթած տաժանքով, երբ նորանոր պայթիւններ կը ծնէին հոս հոն:

Քաղաքին ժողովուրդը չէր փորձեր սուրբ ըմբոստութիւն մը բանութեան դէմ: քանի մը քարերով պատուար մը իսկ չկանգնեց փողոցներուն մէջ. ո՛չ իսկ խումբ մը թուրք երիտասարդներ հրոսեցին, լուծելու համար մատաղ դինուորականներու թանկ արիւնին վրէժը:

Ճշմարիս, հրաշագործ Յեղափոխութիւնը երբեք չէ բորբոքած Ստամպօլի մեղլ բնակչին սիրով: Բիւղանդա-

կան վատթար օրերէն ի վեր վէճն է այս քաղաքի միակ աւանդութիւնը, ու դաւագրութիւնը՝ իր փառքը: Մեծ դէպեքերը կը սպասուէին օրերէ ի վեր: Բայց առաջարանը երկար կը տեւէր:

Առհաւական բոլոր վատ բնագդները իճատիէի Հայերուն մէջ ալ կ'երերային: դողով ու կակտանքով, կզակները իրարու կը փարէին պինդ, ու աժանագին, ձրի խօսքը՝ հազուագիւտ բան մը կ'ըլլար: Նոյն իսկ յետաշրջումի առաջին օրերու անվախները լրած էին: Կը մնային թաղին հին քանի մը Պոլսեցի վատասերած տարէցներն ու պարմանիները, որ անհոգ կը խնդային, բարձրածայն կը ծիծաղէին, ու ջարդ մը իրենց կատակ կուտար, որովհետեւ անձերնին թրքանալու տրամադիր կը գգային, կամ կը կարծէին խուժանները կատակելով զբաղեցնել:

Ասոնք հակառակ տիրող աններող մթնոլորտին, գէշ ընդունելութեան ալ չէին արժանանար, որովհետեւ բոլոր այդ վախցող մարդիկը, պէտք ունէին զբաղուելու, վանելու վատ մտածումներ, մեռնելու ահը իրենց ուղեղներէն: Այդ ծիծաղները զիրենք վայրկեանի մը համար կ'ոգեւորէին, կ'անջատէին քանդումի ու մահուան սպասնալիքներէն, սովորական կեանքին կը վերագրձնէին, ուրիշ, դժիմ ու տեւական ճակատագիրը ցեղին, ակամայ վտարուած էին: Այդ կարգի անձերէն մին կ'անցնէր մահահոտ փողոցներէն, անյոյդ, անփոյթ քայլերով, ու պատուհանէն գլուխը հանող խղունջի մը կ'ըսէր.

— Օրիորդ Սիրահնոյշ, կը պատրաստուի՞ք կոր:

— Ի՞նչ բանի:

— Բը՛իս, բը՛ի... կուգա՞ն կոր:

— Ա՛իս, Պ. Գառնիկ, մի՛ ըսէք ատանկ բաներ:

— Բը'ստ, հէ'բշի'ւ, բը'ստ . վա՛յ Պ. Դամիանոսը
կ'անցնի կոր, պոմպա կը տանի կոր, պո՛մ-սլա՛ . անկէ
անցնող դաշնակցականի մը կ'ակնարկէր :

Ուրիշ մըն ալ կ'անցնէր աղմկելով . աւելի երիտա-
սարդ մը :

— Մտե՛ր, մտե՛ր, մտե՛ր է :

— Ծօ ՞վ, Միհրդատ, պառաւ մը կը հետաքրր-
քըրուէր, իր կրեայի գլուխը երկնցուցած :

— Հուրիէթին օրտո՛ւն :

— Առ'ւտ կ'ըսես, լակո՛տ :

— Առ'ւտ, նա թոփի ծան կ'ելլայ կոր, քաղաքը թո-
փի պիտի բոնեն :

Ու կ'անհետանար, պատուհաններէն ներս խօսքեր
նետելով, որոնք հասարակ աղտեղութիւններ էին :

Հերոս պատուական կեանք կը վարէր : Կայծիկեան
էֆէնտին գէպքերու ստացած երեւոյթին համեմատ կ'ա-
ւելցնէր պատիւլ : Կայծիկեանի տղան չըանդ, Հերոսի
սիրական ընկերն էր : Փափուկ տիպար մը ատ չըանդը,
զդայական, և երազող, անպեխ, չէկ մագերով, կապտա-
ծիր, դէպի խորը ինկած գորչ աչքերով տժգոյն գէմքին
վրայ, բարակուկ և երկար հասակով : Հօրը նկարագրին
հակոտնեան՝ իր ոչ դրական յատկութիւններով, ատոր
ալ պատճառաւ անկէ բնաւ չի սիրուած : Հըանդ Հերոսի
քովն էր միշտ, անոր պատմութիւններով ու դաղափար-
ներով իր տկար ուղեղին սնունդ կուտար : Առասպելները
և հերոսները գեղեցիկ կիներէն նուազ չէր սիրեր . ու այդ
զրկանքի օրերուն երբ ալ Բերա չէր կրնար ելլել, ինք-
զինքը կը նուիրէր Հերոսը մտիկ ընելու : Անշուշտ չէր ալ
վախնար :

Հերոսին յաճախակի այցելութիւն կուտային նաեւ
Տիկին Նեմզուր և Օրիորդ Աստղիկ : Սիրալիր, չափէն
աւելի գլուխ խօսքերով կը նստէին Հերոսին մօտիկ, ու
երբ Տիկին Նեմզուր մեկնէր, Աստղիկ կը մնար սենեակին
մէջ . հիացումով և քչիկ մը ծաղրանքով մտիկ կ'ընէր
Հերոսի յեղափոխական կեանքին դրուագներն ու նորանոր
դաղափարները : Մարդամօտիկ աղջիկ մըն էր Օրիորդ
Աստղիկը, մօրը պէս ուժեղ, կորովի մարդերը կը նախ-
ընարէր, անոնց քսուիլը կը սիրէր : Գեղեցիկ էր . բնական
գէրութիւնով իր կանզնագեղ իրանը կը վերջանար գլու-
խով մը՝ որուն մեծագոյն հրապոյրը սեւ սաթի գոյն
խոչոր աչքերն էին, կաթնաթոյր գէմքին վրայ, դլառուն
ետին ժողովուած և մինչեւ ուսերը յորդող առատ, մթա-
սքող, փայլուն մազերու շրջանակին մէջտեղ : Կուրծքը
տակաւին ամուսնութեամբը չի կազմուած, սակայն առոյդ
ուժեղութիւնով յորդող ալիք մը արդէն : Թերուս, հայրը
հոդ տարած էր որ չի դարդանայ աղջիկը, զուարթ ու
չարամիս աղջիկ մըն էր, գործնական և խայթով, որ իր
մօրմէն միջակ, կամ աղքատ մարդիկ ատել սովրած էր .
Հերոս անոր տեսքէն կը զուարթանար սակայն : Աստղիկ
միշտ կը հարցուափորձէր՝

— Է՛, Հերոս, շխտա՛կը ըսէ, կարդո՞ւած ես :

— Ո՛չ, ես չէի կարող ամուսնանալ, մի յեղափոխա-
կան դործիչ չի կարող ամուսնանալ :

— Իրա՞ւ, Հերոս, ա՞յս Հերոս ըսէ՛, ինչո՞ւ . ու
Աստղիկ կը քրջար :

— Գործիչը հարկ է ինքն իրան նուիրէ հանրութեան,
յարդելի օրիորդ :

— Հայտէ՛, շխտակ ըսէ, Հերոս, կ'ըսէր քծնելու ձե-
ւերով, ըսէ՛, քողո՞ւմ Հերոս, իրա՞ւ չես ամուսնացած :

— Կ'երդնում ո՛չ, օրիորդ:

— ԶԵ՞ս ալ նշանառւծ:

— Ո՛չ, յարդելի օրիորդ:

Աստղիկի հետաքրքրութիւնը դիմքը կը մաշէր ու կը շարունակէր յամառութիւնովը իր տեսակին, որ ուրիշներու մութ, գարշահոտ անկիւնները թափառիլ կ'ուղէ:

— Ե՛, Հերոս, շիտակ լսէ կնի՞կ ալ չես սիրած:

Եղբայրը վրայ կը հասնէր.

— Երկան եկար, Աստղիկ:

— Քեզի՞ ինչ, դուն իմ գործերուս մի խառնուիր:

— Բսէ՛, աղուոր Հերոս, հիչ մարդ չե՞ս սիրած:

— Օրիորդ, չեմ սիրել, ու կարող ալ չեմ սիրելու, մեր սիրտը մենք նուիրել ենք Սոցիալական սուրբ գաղափարին:

— Անկարելի՞ է, Հերոս:

— Կ'երդնում, յարդելի օրիորդ:

Ճաշի զանգակը կը հնչէր, ու ամէնը մէկ կ'իջնէին սեղանատուն: Հերոսը Կայծիկեան էֆէնտիին սեղանակից կ'ըլլար. իւղոտ պատառները իրեն բաժին կ'իջնային:

Երկար ատեն զրկուած այս մարդը, առանց ծամելու կու կուտար սպատաները, կը ծխէր, կը սպառէր տըրուածները, առասպելի Հիւրային նման, ու դինին բոնկելու մօտ ոռումքի մը կը վերածէր իր խոշոր գլուխը:

Ուտելու այս առաքինութիւնը որ Հրանդի և Աստղիկի ծիծաղը կը շարժէր, պժղանքով ու վախով կը լեցնէր տէր և տիկին Կայծիկեաններու արդէն վշտակոծ սիրտերը:

— Էֆէնտի՞, գայլի պէս կ'ուտէ կոր, կո՞վ է ինչ է աս մարդը:

— Ժամանակ մըն ալ նեմզուր: Ազատութեան բա-

նակը ուր որ է կը հասնի, անդամ մը սա վախու օրերը անցընենք, տէֆ կ'ընենք նորէն:

Գիշերները Կայծիկեանի տունը դրկից ընտանիքներով կը լեցուէր: Հոն էին իրենց ամբողջ ընտանիքով՝ Զգօն էֆէնտին, դրացի տէր Գէորգը իր թոնթոշիկ, խնձորայտն երէցկինով՝ զոր Կայծիկեան էֆէնտին երբեմն կը համասէր կ'ըսէին չարամիտներ, իր երկու պղտիկ զաւկներուն հետ, բազարնի Արբահամ աղան իր հասուկ աղջիկով, կինը տունը անպաշտպան ձգել չուզելուն չէր եկած, մէկ երկու ուրիշ բարեկամներ, որոնք յարմար կը դատէին գիշերները այցելութիւն տալ Կայծիկեան յարկին:

Երբեմն սանկ խօսակցութիւններ կը տարածուէին սալօնին մէջ, ուր վառարանը կը ճարճատէր, որովհետեւ թէեւ օրերը այնքան ցուրտ չէին, զաղը ալ կրնային ըսուիլ, բայց կարծեմ վախցող մարդիկ ի մէջ այլոց կը մսին:

— Ի՞նչ լսեցիր, Զգօն էֆէնտի, խօսէ նայինք, կ'ըսէր վաճառականը:

— Ի՞նչ ըսեմ էֆէնտիս, ձեր գիտցածին պէս, հազիւ սիրտ կ'ընէր օրերէ ի վեր վաշնէ զրկուած յարգելի սեղանաւորը խօսիլ:

Տէր Գէորգ անխօս մնալ չէր ուզեր Սիրական էֆէնտիին քով. կրնար տհաճ երեւալ:

— Գործոց գէշ վլիճակ, Աստուած ողորմի, Սիրական էֆէնտի, Ատանայի համար լուրեր կը պտտին կոր:

— Այո՛, էֆէնտիմ, զիրար կը ջարդեն կոր եղեր, վրայ բերաւ Արբահամ աղան:

Ուրիշ մը գոչեց.

— Այս անդամ թուրքեցուն գործը գէշ է, շատ մարդ վրայ տուեր են:

— Ճի՛շդ է, հոս ալ դա՞ն նէ ըլլալիքը ի՞նչ է:
— Հայերը խելքերնին գլուխ կանչած են, մրմռաց
անկիւնը կծկուող ոչ տարէց անձ մը:

Խօսակցութիւնը կը բարձրանար: Ամէնն ալ յոյսով
կը լեցուէին, բացի Սիրական էֆէնտիէն որ լլջօրէն կը
մտմտար, քաշելով համբիչը ծանրօրէն:

Յետոյ սանկ խօսքեր կ'ըսուէին.

— Ատանացիները քաջ են:

— Զէյթունն ալ մօտ է:

— Է՛, ո՞վ գիտէ . . . :

— Մէկ Զէյթունցին հարիւր քիւրտ կ'արժէ. ու
անէկութ մը այդ լեռնականներուն քաջութեան մասին,
քահքահով կը լեցնէր սրահը:

Բայց ընդհուպ՝ պայթիւնի նմանող աղմուկ մը, որ
հովին հարուածն էր թերեւս փեղկի մը, կամ դրան մը
զնհնուքը, կամ ուժդին հաղ մը՝ լուութիւնը կը քարացնէր
սրահին մէջ, նստողները գողահար կ'ըլլային, և անոնց
ստամոքսէն մինչեւ աղիքները երկաթէ սուր լեզուակ մը
կը պտտէր:

Ու սարսափը աւելի կը ծանրանար երբ չուներն ալ
կը կաղկանձէին. չարագուշակ լալիւնները կը լեցնէին
փողոցները, կը տարածուէին Սիլւտարի ամայի բլրակնե-
րուն վրայ, մութ ձորերուն մէջ, կ'ընդլայնուէին, իրենց
արձագանգը կը գանձին հեռաւոր կածաններուն մէջ,
վտանգալից համաճարակի մը նման, որ կ'ոստոստէ տեղէ
տեղ: Այդ տարօրէն վայրի, սրսկացնող, քստմնեցուցիչ
աղաղակներէն կ'ահարեկին մարդիկ, ընկճուած, կոր-
սուած, մեռած հոգիով ունկնդրելով անոնց, որովհետեւ
չուներու ոռնալը գէշութեան նշան է, ջարդ կ'ըլլայ:

Աստղիկ չափագանց ձանձրացած այս մարդեւէն,
որովհետեւ եղածներէն բան մը չէր հասկնար, կ'երթար
Հերոսը իր սենեակին մէջ գտնել: Սեղանին վրայ Մաւ-
դէրեան հրացան մը և հարիւրաւոր փամփուշտներ կը
հանդէին, իսկ անոնց մօտ նուազկոտ ճրադ մը, դեղին
շառայլով կը վառէր փամփուշտներուն պատեանները, ու
հրացանին երկաթէ մասերը, թուիս կապտորակ՝ կապարի
փայլով, Աստղիկ այս կիսալոյսին մէջ առիթ կը գտնէր
աւելի մօտենալու Հերոսին, նոյն իսկ իր ծունկերը անո-
րիններուն հպեցնելու:

— Իրա՞ւ, Հերոս, մարդ չես սիրած. կը սկսէր
յանկերդը:

— Ո՛չ, Օրիորդ, ո՛չ:

— Բնա՞ւ:

— Երբե՞ք:

— Ամուսնանալո՞ւ ալ միտք չունիս Հերոս:

— Ո՛չ:

— Ինչո՞ւ:

— Ես արդէն մի անդամ ձեզ ասացի թէ մենք նուիր-
ուել ենք Գաղափարին: Մեր սիրականը յեղափոխական,
սօցիալական գաղափարն է մի խօսքով՝ Օրիորդ:

Ու Հերոսը, իր հասկցած եղանակով անշուշտ, կը
բացատրէր Մարգուղմը:

Աստղիկ որ միշտ կը ձանձրանար միեւնոյն այդ
խօսակցութիւններէն, կը կատակէր Հերոսին հետ, կը
ծաղրէր զայն, գիշեր մը կատած միօրինակ այդ վերջա-
րաններէն գոչեց՝

— Կեցիր անանկ է նէ . . . Հերոս, առնելիքդ ըլլայ:
Հերոս բան մը չի հասկցաւ:

Այդ օրէն, Աստղիկը ուազմագէտի մը պէս շարժեցաւ: Հրանդի բացակայ եղած ատենները, նոյն իսկ անոր ներկայութեանը, կուգար, կ'երթար, Հերոսին քով կը նստէր, անոր կոչտ ձեռքերուն կը դպցնէր իր փափուկ, նրբաւարա մատները, իբր թէ բան մը առնելու համար անոր վրայ կը հակէր, Հերոս անոր թարմ մարմինէն ծորող մանիշակի բոյրը կը ծծէր հեշտ արբշութիւնով: Աղջիկը կը նայէր Հերոսի աչուըներուն մէջ չեշաօրէն, կ'երթար անոր սենեակին անկիւնը գանուող անկողինին վրայ երկարելու գողտրիկ, անզգամ ձեւերով, վեր կ'առնէր իր շրջազգեստները մինչեւ կլոր բումբերը, մինչեւ ներքնազգեստին ծայրասահմաններէն ջրվիժուող ձիւնասպիտակ տանթէլները. յետոյ յանկարծ կ'անհետէր:

Իր մեկնումէն վերջ Հերոսը գինովի մը կը նմանէր. կուրծքը կ'ուուեցնէր, թռքերը կը լեցնէր սենեակին եղի, բուրումնաւէտ մթնոլորտով, ու ունգերը արագ կծկումներով կ'ընդլայնէր:

Ան չէր հասկնար եղածը, կը ջանար մեկնել: Երկ- վայրկեանէ մը Աստղիկ նորէն կը յայտնուէր, ներս կը սողուկէր մատներուն վրայ զդոյշ քալելով, ու մարդը՝ դլխուն վերեւ կը տեսնէր այդ աղջիկը՝ ժպտուն, անպատկառ: Աղջիկը կը բանար, խոշոր, անմահական ակնարկութիւններով խօսակցութիւն մը. կը դառնար թիթեռնիկի նման սենեակին մէջ, հոս հոն կ'ոստոստէր, պարելու համար իր շրջազգեստը վեր կ'առնէր, ոտքերը տախտակամածին կը քսէր չափով, ու բարձրաձայն քրքիջով կը մեկնէր:

Ու այս ամէնէն աւելին ալ ըրաւ:

Առաւօտեան մը դէմ երբ տունին բնակչութիւնը,

ինչպէս նաեւ Հրանդը կը խռկային սենեակներու մէջ հագուստով, գիշերուան անքնութենէն ընդարմացած, Աստղիկ դիշերազգեստով վաղեց Հերոսի սենեակը: ~

— Հերոս . . . :

Հերոս ապշահար դարձաւ, ու հիազարհուր դիտեց սպիտակ գիշերազգեստով, կուրծքը կիսովին բաց, հերարձակ այդ գեղեցկուհին:

— Հերոս, ի՞նչ կ'ընես, չե՞ս քնանար:

— Ո՛չ, յարգելի օրիորդ:

Աստղիկ նստաւ Հերոսին քով. կուրծքը կը խառնչուէր, կը պրկէր գիշերնոցին թեղանիքները, ուռուցիկ բաներ մէջանեղ հանելով: Հերոս տաք բան մը կը դար, անհանդստութիւն մը, կիրքով լեցուն: Առատ շունչ մը կուրծքը կ'ալեծփէր: Բերանը թթու լրճունքով կը լենար, մինչդեռ ըթները կ'այրէին: Մաքուր ու դաղափարային մարդ, կը զգար անծանօթ յոյզեր. խենդ փափաքը կ'ունենար զայն գրկելու, համբուրելու, տախտապարելու կոնակին վրայ, տարածուելու վրան, ու ո՛վ անձառ, անխառն վայելումը բոլոր զրկուածներուն, տեղն ի տեղը պղծել:

Բայց հասարակաց թշնամին կը մտաբերէր, վայրկեանին փափկութիւնը, ու օտարին տան մէջ, այդ տան աղջկան մատով իսկ հպիր . . . ի՞նչ անարգութիւն:

Հերոս օրէ օր սակայն Աստղիկի ներկայութեան պէտքը կը դգար: Նախ ատիկա անորու փափաք մըն էր, վերջը ուժեղ իղձ մը եղաւ ու արագօրէն կիրք մը: Կը ջանար վոնտել զինք պարուրող զգացողութիւնները, որոնք իրեն նման Հերոսի մը համար վատութեան համարէք էին: Բայց կար կամքէն աւելի վեր բնազդ մը, որ անոր

վրայ կ'իշխէր ու իրեն փնտռել կուտար Աստղիկը, անոր զմայլելի մարմինը: Ալ աչքը դէպի դուրսի ուղիները չէր թշնամին տեսնելու, այլ անընդհատ դէպի փոքրիկ սենեակին դուռը: Յաճախ թուլութիւնը մարմինին կը տիրէր. աչքերը կը դոցէր՝ կրկնապատկելու համար վայելքը, մըմնջելով.

— Ինձ տիրապետում է գանգազօրէն մի բան. չեմ գիտեր թէ սա ի՞նչ զգացում է դէպի Աստղիկը, որ իմ մէջ բոյն դրեց...: Ուղղակի ամօթ և նախատինք է սակայն սա, մի հերոսի համար...:

Հերսո անյուռորէն զարնուած էր այդ աղջկան:

Վերջապէս Աստղիկ դգաց Հերսոին տաղնապը, ու դու իր յաղթանակէն, ալ բնաւ չերեւցաւ անոր քով:

Է .

Ազատարար բանակը տիրած էր մայրաքաղաքին:

Երկու երեք օր շարունակ՝ Ֆրէնկին լեռը եղերող խճուղիներէն, քառիթափներէն, Գուլգունճուքի նեղ ու գարշահոտ ձորէն բարձրացող արահետներէն կ'անցնէին հապճեպով՝ դինուռներ, ու սկահ մը հանգստանալէ վերջ՝ Հերեաներու գերեզմանատան հպող պողոտան եղերով, մամուապատ ու հերձ դամբանաքարերուն վրայ, կը շարունակէին իրենց ուղին հետասպառ, աննողատակ քայլընթացքնին ուղղած չե՛ս դիտեր ուր:

Երլարգէն, Մաչքայէն, Թաշ Գըշլայէն մազապուր ազատած հետեւակներ էին ասոնք, որ առանց սպայի, առանց գլուխի՝ օր մը տեւող դիւցազնական դիմադրութենէ մը, յուսահատ սպայքարէ մը վերջ, իրենց իսկական

եղբայրներուն դէմ, միջոցով մը անցած էին ասխական եղերք, ու հոն միացած Պէյլէրպէյի զօրանոցներու դասալիքներուն, որոնց հետ պիտի բարձրանալին լեռները, թերեւս զառնալու համար իրենց հայրենի օճախը:

Զինուորի բեկորներ էին այդ մարդիկ, որոնք կարծես չարաչար պարտուած, կոտորուած, կոտորակուած, օրեր տեւող ամեհի ճակատամարտներուն մէջ՝ կը նահանջէին: Մղձաւանջներու կարմիր տեսիլներէն, անվերջանալի ու արլիւնարբու սպանդներէն, անքուն անցուած տքնաջան մահասարսուս գիշերներու արհաւիրքէն դուրս եկած մարդերու անիմասս, ապուշ գիմազծութիւնները ունէին, որոնցմէ ժպիտը աքսորուած էր, ու որոնց վրայ ներքին ծանր մտախոհանքի, տեւող՝ անընդհատօրէն երկարող անիմաստ մտածումի մը, Սարսափին անկարեկիր, ու երկարումով անզպած դարձած ահարեկումին լուրջ մույլութիւնը քանդակուած էր: Բանական կենդանիներ չէին ատոնք, այլ բնազով շարժող մարդակերպեր, արտաքին ազգակներուն տարերայնութիւնով յանկարծ բռնկող անասուններ, որոնց երկիւղալի ու խանձուած դէմքը յանկարծ պրկում մը կը ծնէր. աչքերը, այդ անփայլ, անքնութենէ ու յոզնատանջ տեսարաններէ անձկացած գործիները կը վառէին երկվայրկեան մը տեւող կատաղի փայլով, ու հողադորձի բարերար, կոչտ ձեռքերը կը փարէին հրացանի բունին կամ սուրին, յետոյ նորէն լքելու համար զանոնք:

Ատոնցմէ շատեր բոպիկ էին, մերկ, աղտոտ, արիւնախեղդ սրունքներով՝ որոնց վրայ սեւ երակներ տգրուկներու պէս կը պլուէին միսերուն: Ուրիշներ տրեխ մը կամ փոշոտած ծանր մոյկեր կը քաշէին իրենց հապճեպին մէջ կաղալով. կային անանկներ ալ որոնք վերնազդեստ

չունէին. կապոյտ կամ դեղնագոյն ծաղկենկար շապիկով
մըն էին միայն, որուն առաջքի ճեղքուածքներէն կ'երեւար
իրենց ալեկոծ ու հեւասպառ, ոսկրուտ, բայց լայնչի
կուրծքը: Իսկ անոնք որ ամբողջութիւն մը կը ներկայա-
ցնէին աղէտէ մը խուսափողի տպաւորութիւնը չէին ծած-
կեր: Համազեստնին պատառատուն էր և աղտոտ, հազ-
ուաղէպօրէն փայլուն կոճակով մը վրայ բերուած թե-
զանիքներով:

Տասնեակներով կամ աւելի մանր խումբերով օրն ի
բուն կ'անցնէին, իրենց յոդնած բայց հապճեպէն դետինը
աւլող ոտքերով, ու գէպի Զամլըճա վաղող ճամբուն փո-
շի գուշաներուն ետեւ կ'անհետէին:

Նախ այդ դինուորներուն անցքը եղերական բան մը
երեւցած էր հայ թաղերու բնակիչներուն. յետոյ տակաւ
ամէնէն աներկիւղները մօտենալ սկսած էին անոնց, նոյն
իսկ հարցափորձել ալ յանդկնելով: Երկրորդ օրը արդէն
իսկ մարդիկ, կիներ, տղաք, մոռցած բոլոր անցնող օրե-
րու տառապանքները, մրկող երկիւղը, դուարթ՝ բանտէ
արձակուածներու նման, և սակայն միշտ կասկածոտ
աչքերով ու երկիւղախառն ծալքերով իրենց շրթունքնե-
րուն ծայրը, կ'երթային խօսիլ փախչող այդ գիւղացինե-
րուն հետ, ցաւիլ փախստականներուն վրայ կարեկցօրէն,
անոնց խրատներ տալ և սխալ ուղիներ ցուցնել:

Զինուորներու ետեւէն վեր կը բարձրանային, թըն-
ճուկ աղտոտ մօրուսով, իմաստամէրի աներկիւղ, անայ-
լայլ ակնարկով, ու գերասանի ժպիտով ծեր Հրեաներ:
Ասոնք կարծես դասալիքներուն ստուերները ըլլային,
քանի մը քայլ հեռուէն կը հետապնդէին զանոնք յամառօ-
քանի մը քայլ հեռուէն կը հետապնդէին զանոնք յամառօ-
քէն, կը մօտենային մերթ ընդ մերթ, անոնց ականջներուն

չողոմանքի քանի մը խօսքեր նետելով, և դրապաննուն մէջ
դրամի հունչեր ստեղծելով: Կը խօսէին զինուորներու
բեռներուն ծանրութեան վրայ, ճամբաներու հելաւորու-
թիւնը մէջ բերելով, կը կարեկցէին ու կ'ուզէին թեթեւցնել
զանոնք վերաբկուէ մը, հրացանի մը անօղուտ կշողու-
թենէն, խոչոր մոյկերու ծանրաշարժութենէն, նիքելէ
ժամացոյցէ մը, կամ իւզոտած Փէսերէ, որոնք արեւէն
պիտի պաշտպանէին այդ մոլորած ու ցնորավառ գանկերը:
Քանի մը Հայեր ու Յոյներ անմասն մնալ չուզեցին ներ-
կայացուած առիթէն, նետուեցան ճամբաներուն մէջ, ու
ժպատաշուրթն՝ բաներ մըն ալ իրենք կը մըթթային ու-
ղեւորներուն: Ատենէ մը ի վեր շահ չէին ըրած, առիթն
էր թշնամին կողոպտելու:

Երբ դադրեցաւ զինուորներուն նահանջը, և հաս-
տատուեցաւ սովորական կեանքը, Հայերը չունչ առին:

Դէսլքերը զիրենք խոհեմ դարձուցած ըլլալով, չէին
խանդակառուեր ալ, բայց ատկէ աւելի բան մը կը դժա-
յին, թուզամահ չեղած ըլլալու երանութիւնը:

Դիշերաշընիկ պահակներէն շատեր, ալ հանդիսա-
կերպով իրենց յոդնատանջ գլուխը կը հանդէցնէին կա-
կուղ բարձերու վրայ:

Կայծիկեան էֆէնտի կացութիւնը լաւ մը քննելէ և
ապահովուելէ վերջ, նախորդ կայսեր դահընկեցութեան
երեկոյին տուն դարձաւ, կանչեց Հերոսը և ըսաւ.

— Է՛հ, Հերոս, գործերդ վերջացան անանկ չէ^թ,
չնորհակալ ենք, մեղի աղէկ պահպանութիւն ըրիր:

Եւ վեհանձնօրէն, դադտուկ՝ մէճիտ մալ սպրեցնել
ուղեց Հերոսի ամիին մէջ:

— Շնորհակամ՝ եմ, Պ. Կայծիկեան, հաղիւ վրայ
բերաւ Հերոս ու անհետացաւ:

Իրիկունը Կայծիկեան ընտանիքը, բացի Հրանդէն որ
լուռ, անախորժ դէմքով կը դիտէր Աստղիկի անպատկառ
դիմաղծութիւնը, սովորականին նման խնդացին այդ հե-
րոս ըսուած մարդերուն վրայ:

Այդ օրէն սկսեալ Հերոսի կեանքը տեսակ մը տաժա-
նադին բեռ դարձաւ, կը պտտէր անխօս ու գլուխը կքած:
Յաճախակի կ'անցնէր Կայծիկեան տան առջեւէն ուշա-
դրութեամբ զննելով պատուհանները, կը կենար հոն խօս-
քի բոնուելով բանջարավաճառի մը կամ ջրկիրի մը հետ
երկարօրէն: Տարերային ու անասնական բան մըն էր Հե-
րոսի սէրը հարուստի այդ աղջկան հանդէս, ուրկէ որ-
քա՞ն սլիտի ուղէր ճողովրիւ, անոր կաշկանդող կապանք-
ները լուծել. բայց ի գո՞ւր, բոլոր ճիգերը զայն կը
սաստկացնէին: Քարաժայունու վրայ բուսնող ծառի մը
կը նմանէր այս լեռնականին բնական սէրը, որուն արմատ-
ները հօրապէս գրկած են քարին բիւրերակ ընդերքները.
արմատներով զայն հանելու փորձ մը ի գո՞ւր պիտի ըլլար:

Շուտով Խճատիէի բնակիչները զդացին թէ՝ վերջին
օրերուն մէջ փոխուած էր Հերոսը, նիհարցած ու գունա-
թափ, կորսնցուցած էր զուարթամտութիւնը, մարքսիզմի
վրայ խօսելու տեհչը: Նախ ուզեցին իրմէ հասկնալ ամէն
բան. քննութիւնները արդիւնք չտուին: Հերոս կը խու-
սափէր ովատասխան տալէ: Աւելի յետոյ դիրար հարցու-
մուրձել սկսան:

Երիտասարդ մը կ'ըսէր ուրիշի մը.

— Ծօ', սա մեր Հերոսը ի՞նչ է եղեւ:

— Իրա՛ւ որ չեմ գիտեր:

Երրորդ մը, կ'ընդմիջէր.

— Հիւանդ ըլլալու է:

Զորբորդը կ'ըսէր.

— Իրա՛ւ է որ գոյնը նետած է, բայց այդքան երկար
տեւող հիւանդութիւն մը չի կրնար ունենալ:

Ուրիշներ ալ վրայ կուգային, ու խօսակցութիւնները
կ'երկարէին. բուռն վիճաբանութիւններէ, խորհրդակցու-
թիւններէ վերջ վճռեցին թէ, սիրոյ հիւանդութեան մը
կասկածելի ախտանիշերը կը տեսնէին Հերոսին վրայ: Կը
մնար միայն սիրոյ առարկան գտնել. ատ ալ նուազ գժնդակ
գործ մը չի թաղեցիներուն համար. ո՞վ կը սիրէր Հե-
րոսը, ո՞վ կրնար սիրել. առեղծուած: Հարկ եղաւ որ
կիներն ալ զործի մէջ մտնեն: Հերոսի շարժումները հե-
տախուզող ու զայն հետասնդող ջատուկներ նշանակուե-
ցան: Խրախճանութեան հարսնիքի օր մը եղաւ թաղին
համար, երբ ջատուկներէն մին, ամուսնութեանց և այլ
բաներու միջնորդ, հաղորդեց թէ Հերոսը զարնուած էր
Կայծիկեան էֆէնտիի աղջկան օրիսրդ Աստղիկին: Ալ
մոոցան բոլոր անցնող օրերու վախը, մղձաւանջը ու
հրճուեցան, փորովնին խնդացին, երջանկացան:

— Վա՛յ Հերոս, վա՛յ, զարնուեր է դէշ տեսակէն:

— Ծօ որո՞ւ:

— Օրիսրդ Աստղիկին:

— Մի՛ ըսեր, խենդենա՞մ սլիտի հիմա, ըլլալի՛ք
բան է ատ:

— Աստուած վկայ:

Ցետոյ Հերոսին հետ ալ կ'իյնային, մանաւանդ կի-
ները:

— Հերո՛ս, անցած ըլլայ:

— Հերոս, տառօռը մեր տղուն, կը նշանուի՞ս կոր
եղեր:

Երիտասարդ աղջիկները ակնարկութիւններ ընելով
կը բաւականանային։ Այրերը աւելի կարելցօրէն մօտենալ
կը ձեւացնէին, գաղտնիքներ կորպելու համար այս անհա-
ւատալի ու առասպելական երեցող սիրոյ խնդիրին մա-
սին, և ուղեղնին աւելի կը տաքցնէին խորհելով, թէ Հե-
րոս գործ մըն ալ եփած է Կայծիկեանի աղջկան հետը.
բայց անօգուտ, Հերոս բան մը չէր յայտներ ու փութով
կը հեռանար զինք շրջապատողներէն։ Նորէն առաջուան
պէս առոտին պղտիկ գործեր կը կատարէր, իսկ պարապ
ժամերուն կը սլքտար հոս հոն, մանաւանդ Վաճառակա-
նին տան մօտիկ՝ ուր՝ ալ վերջերը նպարավաճառի մը
խանութը կը նստէր ժամերով, մտախոհ և ակնապի։

Լուրը Սկիւտարի բոլոր թաղերուն մէջ շրջան ընելէ
վերջ, ու բոլոր բերաններուն մէջ արտայայտութեան
բիւրերանդ ձեւերով ծամուելէ յետոյ, թափանցեց Կայ-
ծիկեան էֆէնտիի յարկէն ալ ներս։

Օր մը, տիկին նեմզուր վագեց ամուսինին վրայ
պոռալով՝

— Տեսա՞ր, էֆէնտի, ա՛տ Հերոս ըսած չափիւընըդ
ինչե՞ր հնարեր է անարատ աղջկանս վրայ. աշխարհք
ասանկ է էֆէնտիս. կերցո՞ւր, խմցո՞ւր, հաղուեցո՞ւր,
վերջն ալ պատիւդ հետ թող խաղան։ Առ լերան արջը
Սկիւտարէն գուրս վոնտել տալու եմ։

— Հանդարտէ՛, կնիկ, ատոր ալ ճարը կայ, վրայ
բերաւ ամենիմաստ կերպով ծանրախոհ Կայծիկեան էֆէն-
տին։

Էֆէնտին ամէն բան գիտէր, ու իմացած էր կնոջմէն
իսկ առաջ։

Երկու շարաթ վերջ, Ամերիկայէն վերադառն հա-

րուստ կեսարացիի մը հետ կը նշանուէր Օր. Աստղիկ
Կայծիկեանը, որուն անունը երգերու մէջ արդէն իսկ
սկսած էր յիշուիլ, ու Հերոսին սիրոյ յայտնութիւնը
կատարեալ գայթակղութիւն մը դառնալ։

Այս նշանտուքը թաղեցիներուն գուարժութեան և
ծաղրանքի նոր էջեր հայթայթեց։ Հասնողը տոմսակ մը
առած Հերոսին վրայ կը վազէր, կը բանար, կը գնէր
անոր աչքին առջեւ, ու բարձրաձայն կը կարդար

ՕՐ. ԱՍՏՂԻԿ ԿԱՅՄԻԿԵԱՆ

ՊՐ. ՏՐԴԱՏ Գ. ՍԵԲՈՒԹԵԱՆ

Խօսեցեալք

1909, Մայիս

Սկիւտար

Հերոս, կործանուած իր բոլոր սիրոյն մէջ և անվերջ
հեղնանքներէ նեղուած, սկսաւ երեկոները ալ փողոց չել-
լել, թէեւ իր համեստ սենեակն ալ հանդիստ չէին ձգեր։

Օրիորդ Աստղիկին նշանուածական կեանքը երկար
չտեւեց. վրայ հասան հարսանիքին օրերը, ու հարսանե-
կան պատրաստութիւններուն հաղարումէկ մանրամասնու-
թեան մէջ քիչ մը մոոցուեցաւ Հերոսը։

Պսակի երկուշաբթին, մութը կոխելէ վերջ, Հերոս
անդամ մըն ալ գնաց պտտիլ Կայծիկեան էֆէնտիին տան
շուրջը. արդէն փոկ բոլոր սենեակները լուսաւորուած էին
ու կիսովին բաց վարագոյըներուն ետեւէն արագ ու
զուարթ շարժումներ կը զգացուէին։ Աչքերը տունին ուղ-
ղած, փողոցին անկիւնը անդգած, անշարժ, ժամ մը կե-
նալէ վերջ, Հերոս արագաքայլ իր սենեակը դարձաւ։

Օդը ամպամած էր ու սենեակը սովորականէն մռայլ։
Լոյսը չի վառեց։ Դրեթէ տապալեցաւ անկողինին վրայ։

Մտածելու և զգալու անկարող էր, երկար ու տա-
ժանելի հիւանդութենէ ելլող մարդու մը պէս։ Ուզեղը կը
զործէր աւրուած մեքենայի մը նման։ Նոյն խկ մոռցած-
էր վերջին օրերու իրադարձութիւնները, Յետաշրջութեան
յուզումները, իր կեանքը յօշոտող տարփանքը։ Մէկ քանի
ժամ այսպէս պրկուած, ու իր խորշերէն դուրս հոսող
աչքերը անքթիթ, ստուերակուռ սենեակին անծանօթ մէկ
կողմը յառած մնաց անմտած, ահռելի, մթամած պարա-
պով մը ուղեղին մէջ։ Յանկարծ խաժասպիտակ լոյս մը
ողողեց սենեակը, ու որոտումի մը երկարատեւ, ահեղա-
սաստ դղորդը պայթեցաւ միջոցին անսահմանութեանը
մէջ։ Բոպէտպէս Հերոսի միտքն ալ լուսաւորուեցաւ կար-
ծես։ Ան ոստում մը ըրաւ, և նստաւ։ Երբե՛ք իր կեանքին
մէջ, մտային ատանկ սրայծառութիւն մը չէր ունեցած.
ուղեղը պարածածկող բոլոր մշուշները պատուած, ծուիկ
ծուիկ եղած, ցրուած էին։ Մտածումի ամենազօր կարո-
ղութիւն մը ունենալ կարծեց։

Ու իրեւ յատակօրէն արտայայտ, նրբորոշօրէն գծա-
զրուած պատկերներ, իր չարչը կուած ուղեղը երկնեց
կրկին, Հերոսի առաջին օրերը թաղին մէջ, սահմանա-
դրութեան սկիզբը, փոխ առ փոխ համակրանքը և ատե-
լութիւնն ու ծաղրանքը կրթուած, պարկեշտ թաղեցինե-
րուն։ Աւելի վերջ՝ Յետաշրջութեան օրերուն՝ Կայծիկան
էֆէնտիին տունը, Աստղիկի լրբենի խաղերն երեւան
եկան, ու իր տոփիական, անխորտակելի սէրը։ Մասնաւո-
րապէս ուժգնօրէն գծագրուեցան ու երկարածդուեցան իր
առջեւ, Կայծիկան էֆէնտիի աղջկան շարժումները։ Տե-

սաւ Աստղիկը կիսամերկ, իր հասուն կլորութիւններով,
իր պարուհիի դվրքին մէջ, տեսաւ անոր բումբերը կաթ-
նաթոյր, համեղ։ յետոյ իր վրայ հակիլը։ Հերոս գոցեց
աչքերը հեշտանքով ու հառաչեց։

— Էլլ՛, որքա՞ն յիմար եղայ ես, ի՞նչպէս չի գըր-
կեցի, համբուրեցի, բոլոր մարմինով չի տարածուեցայ
նրա մերկ երկարութեանը, ու չարաչար չի պղծեցի……

Նորէն սենեակը լեցնող խաւարին հետ Հերոսի միտքը
թմբիրով ու մթութեամբ համակուեցաւ։

Դուրսը, տեղատարափը խարազանի ուժեղ շաշիւն-
ներով կ'ազմկէր սալարկներն ու տանիքները, և հոսուն
ջուրերու շտապը՝ զորշ, թասուն միջոցը կը լեցնէր ան-
դպաղրում, տարտամ, անորակելիօրէն համատարած հըծ-
ծիւնով մը։

Հերոս հեկեկանքի պոոթկում մը ունեցաւ։ Ու թե-
րեւ խելահասութեան օրերէն ի վեր առաջինը ըլլալով
լացա՞ւ, երբեմն երկարատեւ, ու յաճախ ընդհատուած,
հառաչալիր հեծկլտուքներով։

Անոր լայն ուսերը, մակոս ու սգալից սենեակին
սեւութեանը մէջ երկարօրէն ցնցուեցան, հեծեծանքներու
ուժգնութենէն վարուած։

Երբ դադրեցաւ լալէ, ու սրբեց աչքերը ողողող տաք
կայլակները ձեռներով, մէկէն սա զմայլելի բնանկարը
կարծեց տեսնել։

Անտառախիտ լեռներ էին ատոնք, տարափներէ
խրամատուած ու հերձ, տեղ տեղ արեւակէզ մերկ կողե-
րով, խորագով ծմակներով, որոնց վրայ ամպրոպը կ'եր-
գէր, ու անոնց սսուերահոծ թաւուտներուն ջահն էր
փայլակը։ Խումբ մը հրոսակներ, խնդուն, երգելով, տե-

ղատարափէն թրջուած՝ բայց անհոգ, երակաքայլ կ'եր-
թային մարդաշատ ու բարդաւած քաղաքներ գացող քար-
վաններու ճամբան կտրելու...

Հերոս ուռեցուց կուրծքը, կարծես ստնաւորի լայն
ոռւնդերովը չնչէր լայնարձակ ասպարէզներու աղատու-
թիւնը:

Ու յանկարծ՝ իբր լուսաւոր միտքէ մը ներշնչուած,
վերցուց վերջերը չինած զոյտ մը տրեխներն, հագաւ,
ամբացուց անոնց կապերը. թուաւ ոտքի. խլեց պատէն
առկախ հրացանը, դուրս խոյացաւ, ու անհետ եղաւ
իսւարին մէջ...:

1911



« ՆԱՀԱՏԱԿ ԳՐԱԳԻՏՈՒՅՈՒՆ ԲԱՐԵԿԱՄՆԵՐ »

Մատենաշարեն լոյս տեսած են

Թիւ 1	Ռուբէն Զարդարեան	(1930)	Փրամֆ	20
, , 2	Մելքոն Կիւրենեան	(1931)	, ,	20
, , 3	Գեղամ Տէր Կարապետեան	(1931)	, ,	30
, , 4	Գեղամ Բարսեղեան	(1931)	, ,	20
, , 5	Արփիար Արփիարեան	(1931)	, ,	20
, , 6	Գրիգոր Զօհրապ	(1932)	, ,	20
, , 7	Տիգրան Զէօկիւրեան	(1933)	, ,	20

Յաջորդաբար լոյս պլիտի տեսնեն

- Ե. Սրմաֆէշլանլեան
- Ե. Ջտեան
- Ա. Յարութիւնեան
- Տ. Զրաֆեան
- Ռ. Անտակ

Վերոյիշեալ 12 հասորներուն բաժանորդադրուողները
կը վճարեն 200 Քրանք (Ֆրանսա և գաղութներ, Պալքան-
ներ) կամ 10 տոլար (մնացեալ երկիրներ) :

Նահատակ Գրագէտներու Բարեկամներու կեդրոնական
Հասցէն է .—

Mr. M. BARSAMIAN
121, Rue Marcadet, PARIS (18^e)

Ամերիկայի հատուածին հասցէն է .—

Dr John K. ERGANIAN
175, Fifth ave. New-York city (U.S.A.)

ՀՀ Ազգային գրա



NL035328

49274